




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4655/A/1





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4655/A/1



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4655/A/1



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4655/A/1


4655/(1)
A


L.V. 78

ORTA [ab]ORTA (figura etc)

1002

1002





46993
860.

A R O M A T V M,
ET
SIMPLICIVM ALIQVOT
MEDICAMENTORVM APVD
INDOS NASCENTIVM
HISTORIA:

Ante biennium quidem Lusitanica lingua per
Dialogos conscripta, D. GARCIA AB
HORTO, Proregis Indiæ Medico, auctore:

*Nunc verò primum Latina facta, & in Epitomen
contracta à CAROLO CLVSIO Arrebat.*



ANTVERPIÆ,
Ex officina Christophori Plantini.
MDC. LXXVII.
CVM PRIVILEGIO.

SUMMA PRIVILEGII.

PHILIPPI Regis Hisp. &c. Ducis Brab. &c.
Privilegio cautum est, nequis ante quadriennium citra
Christophori Plantini voluntatem Historiam Aro-
marum & Simplicium aliquot Medicamen-
torum apud Indos nascentium &c. imprimat,
aut alibi impressam importet, venalemve habeat, in-
tra omnes ditionis eius fines. qui secus faxit; confi-
satione librorum, & pœna fisco Regio exsoluenda,
multabitur: ut latius patet in ipso diplomate; dato
Bruxella, Anno M. D. LXVI. III. Septemb.

Subfig.

I. de VVitte.



3

MAGNIFICO VIRO
DOMINO IACOBO A. F.
FUGGERO, COMITI IN KIRCH-
PERG ET VVEISSENHORN, CARO-
LVS CLVSIVS A.



COMMENDATVR apud Ho-
merum Vlyſſes, genereſe Ia-
cobe, ob variarum regionum
perluſtrationem, atque cōſue-
tudinum morumq; hominum
iſdem in regionibus obſerua-
tionem. Nec immeritò ſanè, cū Prudentia
(qua nihil in vita mortalium melius aut ma-
ius eſſe poteſt) aliud nihil ſit, quàm notitia
quædam omnes noſtras actiones ita inſti-
tuendi, vt communis ſocietas reiꝑue publicæ
tranquillitas in integro conſeruetur. Quam
quidem cognitionem ſiue prudentiam longo
diuerſorum rituum & conſuetudinum expe-
rimento atque obſervatione adquiri neceſſe
eſt. Hac in ſententia fuerunt etiam plerique
Philoſophi, qui vt prudentiores euaderent,
rerumꝑue cognitionem adipiſcerentur, lon-
ginquas peregrinationes adgreſſi ſunt.

QVOD cū non ignoraret Magnificus
idemꝑue prudentiſſimus parens tuus Anto-
nius Fuggerus, nullis pepercit ſumptibus, vt
A 2 te ad

te ad eorum exemplum conformaret . Si-
quidem eius voluntate , non modò Germa-
niam , & Bohemiam perlustrasti , sed etiam
Galias , Italiam , atque Hispanias , hoc est ,
vniuersam ferè Europam . Eas verò sic per-
lustrasti , vt omnium quos adijsi populo-
rum & mores , ritus , consuetudinesque ob-
seruaueris , & linguam exactè didiceris .
Cuius rei testimonium præbere possum , qui
tibi studiorum comes additus , biennium fe-
rè tecum vixi , magnamque Hispaniarum par-
tem peragraui .

IN hac Hispanica peregrinatione nactus
sum libellum , qui Goæ excusus , recens ex
Orientali India allatus erat . Et tametsi Lu-
sitania lingua conscriptus esset ; mirum ta-
men in modum placuit eius inscriptio , quòd
Indicarum plātarum atque aromatum histo-
riam polliceretur . Perlectum libellum haud
mendaci titulo insignitum esse deprehendi .
Etenim multarum plantarum meminit quæ
à veteribus haudquaquam descriptæ sunt ;
atque etiam de ijs aromatibus agit , quæ ve-
teribus quidem descripta , at non satis per-
specta fuere .

MAXIME verò me angebat , quòd e-
lingua conscriptus esset , quæ à paucis intelli-
gatur . Videtur enim Auctor , vir sanè doctis-
simus , Lusitanis duntaxat scribere voluisse ,
atque

5

atque suas rationes habuisse, cur minùs Latine eum librum scripserit. Expectabam certè aliquem qui nobis eum Latinum faceret, vt qui hactenus paucis vsui fuerat, omnibus utilis redderetur. At cùm viderem neminem id tentare, diutius id desiderium ferre nō potui; & malui hanc, tametsi meis humeris imparem, prouinciam suscipere, quàm committere, vt huius libelli vtilitate soli Lusitani fruerentur.

LATINVM itaque eum feci, atq; in Epitomen contraxi, paulò forsitan commodiore ordine singula componens, quàm antè fuerant; atque nonnulla etiam reijciens quæ non multum ad rem facere videbantur. Nam cùm singulis ferè simplicibus suum dialogum adscripserit, & ordinem alphabeticum sequutus sit noster auctor; multa illum suo loco haud aptè reponere, & pleraque repetere necesse fuit, vt ferè in Dialogis contingere solet. Hunc verò laborem eo libentiùs suscepi, quòd ab ineunte ferè ætate herbariæ rei studio summopere delectatus sim, tum quòd huius libri lectione excitata præclara ingenia, nostri Auctoris exemplum sequutura arbitrer.

PORRO cùm hanc Epitomen in publicum proferre statuerem, deligendusque esset patronus qui illam à calumniatorum iniurijs

A ;

viudi-

6

vindicaret, nemo magis idoneus occurrit
quàm tu, præsertim cùm ipsum librum in
communi nostra peregrinatione adeptus sim,
& huius mei laboris rationem tibi reddere
æquum sit: quem ut pro tua singulari huma-
nitate boni consulas, rogo. Deus opt. max.
omnium tuarum peregrinationum amplos
fructus percipere te faciat, & incolumem pa-
triæ restituere dignetur. Brugis Flandrorum,
Idibus Decemb. M. D. LXVI.

BENE-

SCRIPSIT D. Garcias ab Orta Proregis Indiae medicus librum de ijs plantis & aromatibus quae longa cura & diligenti studio apud Indos (ubi triginta amplius annis medicinam fecit) obseruauit : sed Lusitana lingua, amicorum efflagitationibus victus, tametsi, vt ipse refert, Latine eum scripsisset. Hunc nos Latinum facientes in Epitomen contraximus ob causas alio loco recitatas. Cum verò variorum auctorum testimonio vtatur, loca diligenter contulimus atque adscripsimus, in Auicenna postremam editionem, Venetam scilicet anni 1564. sequuti. Addidimus insuper ad singula ferè capita adnotatiunculas, & aliquot icones aromatum, quae quidem nobis nancisci licuit, ad viuum exprimi curauimus. Cogitabam sanè superioris aetatis initio eam in publicum dare; verum ob nostras has turbas editionem differre coacti sumus. Quod si qualemcunque hanc nostram opellam rei herbariae studiosis gratam esse animaduertero; animum mihi adiicient, ad alia non minus forsitan vtilia in eorum gratiam elaboranda.

8
SVMMA CAPITVM PARTIS
PRIMAE ET ORDO.

1. Ambarum
2. Aloë
3. Altiht.
4. Opium
5. Benjui
6. Thus
7. Myrrha
8. Lacca
9. Caphura
10. Lycium
11. Manna
12. Tabaxir
13. Tutia
14. Ebur
15. Canella
16. Agallochum
17. Sandalum
18. Betre
19. Folium
20. Macis
21. Garyophylli
22. Piper
23. Cubebe
24. Cardamomum
25. Kanfel
26. Nux Indica
27. Myrobalana
28. Tamarindi
29. Cassia solutina

30. Anacardium
31. Amomum
32. Calamus aromat.
33. Nardus
34. Iuncus odoratus
35. Costus
36. Turbit
37. Rhabarbarum
38. Radix Chinæ
39. Crocus Indicus
40. Galanga
41. Gingiber
42. Zedoaria
43. Zerumbet
44. Lignum colubrinum
45. Lapis Bezar.
46. Lapis malacensis
47. Adamas
48. Smaragdus
49. Rubinus
50. Sapphirus
51. Hyacinthus
51. Granatus
52. Iaspis
53. Alaqueca
54. Oculus Catti
55. Lapis Armenus
56. Magnes
57. Margarita

SVMMA ET ORDO CAPITVM
SECUNDÆ PARTIS.

1. Arbor tristis
2. Nimbo
3. Negundo
4. Iaca
5. Iamgomus
6. Carandas
7. Corn.
8. Auacari
9. Mangas
10. Musa
11. Doriones
12. Mangostans
13. Iambos
14. Cydonia de Bengala.

15. Carambolas
16. Ber
17. Ambare
18. Iambolones
19. Brindones
20. Indicus melo
21. Mungo
22. Curcas
23. Caceras
24. Datura
25. Bangue
26. Anil
27. Planta anonymos
28. Reges indici.


AROMA-

9

AROMATVM
ET SIMPLICIVM
MEDICAMENTORVM
HISTORIÆ LIBER I.

De Ambaro.

CAP. I.



MBARVM Latinis, *Ambar* Arabibus dicitur: quo nomine omnibus, quas sciam, nationibus notum est, aut variato duntaxat paululum vocabulo.

VARIA autē circa huius generationem Scriptorū est opinio. Siquidem alij *Sperma Balenæ* esse asserunt: alij beluæ cuiusdam marinæ excrementum, aut maris spumam (quæ sanè opinio-
nes ratione carent, quòd nullum Ambarum inueniatur vbi frequentissima sunt Balenæ, & vbi fluctuum reciprocatione spuma plurima excitatur,) alij Bituminis modo ex maris alueo emanare, quæ opinio melior, & veritati magis consona plerisque visa est.

Ambarū Balenarum sperma non est.

Ambarū Bitumē videri.

AVICENNA lib. 2. cap. 63. & Serapio lib. simp. cap. 196. scriptum reliquerunt, fungorum in rupibus & arboribus more Ambarum in mari generari, & tempestatibus vnā cum saxis interdum in litus eijci; quæ sentētia verisimilior est reliquis ab Avicenna productis. Nam multum flantibus Euris, magna eius copia Sofalam, & in insulas Comaro, Demgoxa, Mosambicam, totumq; eum tractum eijcitur è Maldiuis insulis, quæ ad Orientem spectant. Flanti-

Insulæ de Nalediua.

A S

bis

Angediua in-
sula.

bus verò Fauonijs, copiosè inuenitur in insulis qua
vulgo de Maldia nuncupantur corrupto vocabulo,
cùm de Naledia dicendum sit: etenim Nale lingua
Malabarica significat quatuor, & Dia insulā: Na-
ledia igitur pronunciandum erat; quasi dicas, Qua-
tuor insulas, simili plane ratione, qua Angediua vo-
camus eas insulas qua à Goa Orientalis India empo-
rio, 12. leucis distant, quòd quinque sint numero con-
termina; Ange enim eorum lingua quinque est. Sed
hac prater institutum: non potui tamen horum non
meminisse, cùm in Maldia mentionem incidissem.

Azel piscis.

SCRIBUNT idem locis sup. citatis Ambarum
deuorari à pisce quodam Azel nuncupato, sed qui eo
deuorato statim exinguatur. Hunc deinde vndis flu-
ctuantem regionis illius incole vncis in siccū trahunt,
eoq; exenterato Ambarum colligunt: verum omne
improbari, prater id quod spina adhaerit, id enim pro
tēporis diuturnitate purum & legitimū esse. Sed hac
eorum opinio erronea mihi videtur. Nam veluti cer-

Ambari esu
Azel non in-
terire.

tum est animalia querere alimentum naturæ suæ cō-
ueniens, & minimè noxium, nisi fortè cibus innoxys
mixtum sit, quemadmodum mures fallere solemus: sic
etiam haudquaquam verisimile videtur, hunc piscem
Ambarum venari, si eo deuorato sit periturus. Imò
cùm Ambarum sit ex eorū numero qua maximè cor-
dis vires reficiunt; dixerim hūc piscem præsenteum
esse venenum, quandoquidem tam eximio medica-
mento deuorato perit.

Ambarū cor
reficit.

SCRIBIT Auenrois 5. collig. cap. 56. Caphu-
ra genus inueniri natum in maris alueo, quod deinde
aquis

aqueis supernatet: laudatissimum verò id censerì quod Arabibus Ascap dicitur. Quàm verò eius opinio à veritate sit aliena, & tanto viro insigni³ Philosopho indigna; clarius est quàm vt multis demonstrari debeat: primùm quòd Caphuram in mari nasci dicat; deinde quòd eandem quæ frigida est & sicca tertio gradu, Ambari genus faciat quod calidum & siccum constituit secundo ordine.

Caphurā Ascap non esse Ambari genus.

SVBIIGIEMVS verò nonnulla vocabula quæ apud Serapionem & Auicennam occurrunt. Magnam eius copiã ex regione Zing Serapio lib. simp. cap. 196. adferri asserit. Hæc est Sofala. Nam Zingue, aut Zangue Persis & Arabibus idem significat quod niger Latinis; & quoniam totus ille maritimus Aethiopiæ tractus à nigris incolitur; Serapio eum Zingue vocat. Sic Auicenna lib. 2. cap. 63. epitheton illi addit Almendeli, quasi de Melinda: item Selachiticum*, à Zeilan fortè laudatissima totius Oriētis insula, quam falso urbem esse Lacuna commēt. in Diosc. lib. 1. cap. 20. existimauit, cū sit insula multis urbibus exculta.

HÆC sunt quæ ab Arabibus traduntur: nullus autem Græcorum, præter Aëtium, huius meminit.

CETERVM hæc mea est opinio. Veluti pro regionum natura terra interdum rubra est, vt bolus armenus; interdum candida, vt creta; nonnunquam nigricans: sic verisimile est, aut insulas, aut terras similis cum Ambaro formæ inueniri, quòd terra sit, aut fungosa, aut alterius generis. Quod verum esse testatur magna eius quæ reperitur quātitas. Siquidem inuenta sunt interdum fragmenta humanæ magnitudinis,

Auētoris de Ambaro opinio.

*Insula ex Am-
baro.* dinis, interdum nonaginta palmorum longitudinis,
duodeviginti verò latitudinis. Affirmarunt nonnulli
se insulam ex puro Ambaro vidisse, quam cum postea
requirerent, nusquam comparuerit.

*Promonto-
rium Como-
rim.* ANNO 1555. circa promotorium Comorim,
quod è regione insularum de Maldiuæ est, fragmentū
trium ferè milium pondo repertum est: sed cum is qui
inuenerat, picem aut bituminis genus esse existima-

*Ambari fra-
gmentum 15.
libras pen-
dens.* ret; vili admodum vèdedit. Maximum verò quod vn-
quam viderim fragmentum, quindecim libras pende-
bat. Sed qui in Aethiopiam commercij causa nau-
gant; multo maiora fragmenta se vidisse affirmant:
totus enim ille Aethiopiæ tractus à Sofala ad Braua
vsque Ambaro abundat.

INVENITVR etiam interdum, sed rarò, in
Timor, & in Brasil. Et anno 1530. inuentum esse
fragmentum audio in Setubal Lusitaniæ portu.

REFERTVR verò est plerunque auium ro-
stris, quas in eo nidulari credibile est; interdum con-
chylis, testisq; ostreorum permixtum inuenitur que
contactu Ambaro adherent.

*Ambari de-
lectus.* PORRO optimum Ambarum censetur, quod à
sordibus maximè repurgatum est, quodq; plurimum
ad candorem accedit, videlicet quod cinerei sit coloris,
aut quod ex venis, nunc cinereis, nunc candicantibus
constet, leue, quodq; acu perfossus multum oleacei li-
quoris resudet. Nigrum improbat, præterea cana-
disimum, teste Serapione, loco sup. citato: quod gypso
adulteratum esse existimo.

NOTA est Manardi contradictio, qui in Electa-
rio

rio de Gemmis dist. 1. in comp. Mes. Ambarum rem nouam esse affirmat, eamq; non magno aestimat, sed paulo post in Electario Diambra ibidem, quasi sui oblitus, hanc compositionem ob Ambarum multis laudibus effert, eoq; se in mulieribus & senibus sapenumero vti asserit.

MAGNA verò in aestimatione est apud opulentiores Indos, eo enim cibus permixto frequenter vtuntur medicamenti loco. Eius autem precium intenditur pro fragmentorum magnitudine: quanto enim maius est fragmentum; tanto eius intensius est precium, non secus atque in Gemmis. Sed nusquam maiori in precio est quam in Chinarum regione. Cum enim à nostris Lusitanis eius exigua copia eò delata esset; eius precium fuit mille quingenti aurei in singulo Cate, quod apud eos ponderis genus est pendens viginti vncias. Huius lucri cupiditate deinde alij mercatores allekti, tantam Ambari detulerunt eò copiam, vt nunc multo vilioris aestimetur.

Ambarū magna in aestimatione apud Chineses.

Cate pōderis genus.

ADVENTVR Hispalim totius non dicam Beticæ, sed etiam Hispaniæ celeberrimū emporium, olei quoddam genus ex America, subrufi coloris, cuius mirabiles prædicant effectus in omnibus vteri morbis. Id oleum de Ambra nuncupant, eius sanè odoris ferè, qui Ambræ odorem æmuletur. Id verò ex ea arbore exstillare existimo, quam Mexicana historia describit in hunc modum. Inter arbores Mexicanas memoratur & Ocosotl arbor prægrandis, & venusta, folijs Hederæ similibus. Huius liquor, quem Liquidambar nuncupant, vulnera curat, atq; cum corticis ipsius polline permixtus, elegans odoratumque suffimentum præbet.

De

De Aloë.

CAP. II.

Aloë.
 ἀλόν.
 Cebat.

QVÆ Aloe Latinis, ἀλόν Græcis, hanc Arabes Persæ & Turci Cebat vocant, (nam quod Laber à Serapione vocetur, Interpretis errore, aut Librariorū negligentia factum esse existimo, siquidem Arabicum exemplar Cebat habet) Guzarate verò (quos Gedrosios putant) & Decan incola Areaa; Canarini, qui maritimum hunc tractum habitant, Catecomer; Hispani, Açibar; Lusitani Azeure appellant.

Areaa.
 Catecomer.
 Açibar.
 Azeure.

Aloë nata-
 les.

Fit ex Aloes herbe siccata succo, quæ plurima nascitur in Cambaya, Bengala, aliisque multis locis. Ceterum laudatissima est in Socotora, quæ inde ad Arabes, Persas, Turcos, denique per vniuersam Europam defertur, eamque ob causam Aloen Socotorinā appellant. Distat autem hac insula à freto [maris Erythraei] 128. leucis, quæ de re non minus Arabica quam Aethiopica dici potest, quod altera parte freti Arabia terminetur, altera Aethiopia.

Aloë socoto-
 rina.
 Socotora in-
 sula.

Socotora nul-
 las vrbes ha-
 bet.

Nec verò succus hic extrahitur in quadam duntaxat vrbe, ut ait And. Lacuna Cōm. in Diosc. lib. 3. cap. 23. sed per totam insulam, quæ nullis vrribus exculta est, sed pagos duntaxat habet cum multis gregibus: neque laterculis ad excipiendum succum subternitur pauimentum, ut idem auctor est, quādoquidem in tota insula non est tanta polities.

Nec hi audiendi qui succum ex superiori planta parte profluentem, eo qui media aut infima parte profluat, præstantiorem faciunt: siquidem omnis succus bonus est, & arena caret, si adhibita diligentia extrahatur.

PRÆTE-

PRÆTEREA non adulteratur, nimia etenim eius est quantitas, sed quod incolæ negligentiores sint in auferendis sordibus quas hic succus secum trahit; alius alio peior videtur. Hanc ob causam minus adhibenda fides est Diosc. lib. 3. cap. 23. & Plinio lib. 27. cap. 4. qui eam gummi & acacia adulterari scribunt, cum exigua sit ijs in regionibus gummi & acacia copia: imò, ut verum dicam, nulla, quemadmodum à viris fide dignis accepi. Illud verò non negauerim, quin, translatum, alijs in regionibus adulterari possit.

Aloë non adulterari.

PORRO quòd laudatissima sit quæ in Socotora nascitur, non solum vulgari fama, sed à celebribus viris accepi, qui compertum se habere aiebant, Aloë quidem plerisque alijs Indiæ locis nasci, quæ cum Socotorina deferretur Adem, & Gida (quam nonnulli corrupto nomine Iudæa vocant) & inde terrestri itinere *Cairum, postea in Alexandriam ad ostia Nili: vel, Ormus, deinde Bacora, postea Cairum & Alexandriam: facile tamen dignosci eam quæ in Socotora nascitur, ab ea quæ à Cambaya, Bengala, alijsq; locis aduehitur: Socotorinaq; premium quadruplo maius esse, eius quæ aliunde adfertur precio. Inter reliquas autem notas hanc commendabant, quòd Socotorina solida sit & bene compacta; alterius verò partes non possunt perfectè coire, quòd succus ex diuersis plantis collectus sit.

Aloë Socotorina optima.

Aloë deletus.

NEC eius plura sunt genera*, ut volunt Arabes, sed vnicum duntaxat, tametsi varia illi indant nomina.

Vnicum esse Aloës genus.

QVOD verò Dioscorides & Plinius scribunt lauda-

laudatissimam ex India adferri : alij verò ex Alexandria aut Arabia, non simpliciter id intelligendum est, sed de ea quæ ex Socotora primum in Indiam delata est. Nam etiam ex Cambaya & Bengala deferretur Ormus, Adem, & Gida. Itaq; minus malè Mesue, qui vnum Aloës genus ex Socotora adferri scribit, aliud è Persia, tertium ex Armenia, quartum ex Arabia. Nam quæ in Lusitaniam deferretur (vbi his oculis vidi) ea ex Socotora allata est. Alexandrinam autem à quibusdam præferri hinc factum est, quòd superloribus annis pleraque aromata Ormus deferrentur, deinde Basora, Adem, Gida, inde Camelis Suez, quæ in extremo maris Erythrai sita est, & Alexandriam ad Nilii ostium, vnde Veneti petentes ea reliquæ Europæ communicabant : non autem quòd in Alexandria fiat Aloë.

Aloën plantã
non in mari-
timis dunta-
taxat nasci.

NASCITVR verò non modo in maritimis, sed etiam desertis India locis, cum eam ubique viderim ducentis leucis itinere terrestri per eas solitudines confecto. Nullum eius inueniri gummi certum est, sed interdum aqua quadam viscida è folijs stillat, at neglecta & nullius vsus.

Mesue Arabi-
cus, alius à
nostro.
Menxus.

Huius vsus est non modò apud Arabes Turcosq; medicos (qui Auicennam, Abolahi apud eos dictum, & eius libros quinque Canum edidicerunt, legeruntq; Razen quem Benzacaria vocant, iterum Hali Rodoam & Mesuen illis Menxus appellatum tametsi non is sit qui apud nos in vsu est, Hippocratis præterea, Galeni, Aristotelis & Platonis omnia opera, minus tamen integra, quam græco sermone scripta)

scripta) sed etiam apud Indos, in purgantibus medica-
 mentis et collyrijs, tum etiam in vulneribus carne ex-
 plendis: in quem usum plerumq; in suis officinis medi-
 camentum habent, cui nomē Mocebar ex aloë & Myr Mocebar
medicamen-
tum.
 rha paratum, quo etiam plurimum vtuntur in equis
 curandis, & vulnerum lumbricis enecandis.

MEDICVM vidi magni Sultani Badur Regis
 Cambaya, ipsa herba Aloë vtentem pro medicamento
 familiari, in hunc modum. Folia Aloës concisa cum sa-
 le coquebat, eius decocti octo vncias propinabat, quæ
 aluum sine molestia & nocumento subducebāt quater
 aut quinquies. In hac vrbe Goa Aloën probè tusam &
 cum lacte mixtam propinant ijs qui vlcere renum aut Aloës plantæ
medicus
vius.
 vesicæ laborant, vel qui purulentas excernunt vrinas,
 non sine magno successu & agrorum commodo: nam
 illico curantur. Eius vsus etiam Aucupibus notus est,
 qui confracta auium crura ea conglutinant. Hic simi-
 liter in India maturandis phlegmonibus idonea.

QVAMOBREM hallucinari mihi videtur
 Matthiolus, in Diosc. lib. 3. cap. 2. qui Aloën ad specta-
 culum potius foueri asserit quàm ad medicum usum.
 Quod verò Antonius Musa in Exam. simpl. neget A- Aloë planta
amara
 loën herbam amaram esse, magis mirum: nam sæpe
 degustatam admodum amaram inueni, quoq; vicinior
 pars erat radici, eo amarior mihi visa est, extrema au-
 tem folia amarore carere mihi visa sunt. Tota planta
 iroso odore prædita est.

CETERVM quoniam controuersia est inter
 nonnullos Auctores, debeántne ea medicamenta quæ
 Aloën accipiunt, ante cibum sumi, an verò secundum
 B cibum

cibum, & an illico à cibo, pauca visum est hîc adijcere, tametsi à doctioribus medicis potius hæc erant petenda. Galenus * eius quinque catapotia exhibet, & bene quidem, quoniam hac ratione capitis dolores sedat. Plinius autem lib. 27. cap. 5. efficaciorẽ esse, si pota ea sumatur cibus, modicus videlicet & boni succi: quæ ratio multum mihi probatur, eamq; sequuntur huius regionis medici. Cùm enim Aloë medicamentum sit debile, non euacuabit, nisi statim vires confirmentur modici cibi eiusq; boni succi sumptione, vt eo digesto melius euacuare possit. Paulus lib. 7. cap. 4. cõtra, manẽ sumendam præcipit, eosq; reprehendit qui eam à cibo exhibent: corrumpit enim, inquit, cibum. Singuli suis nituntur firmis rationibus & Auctõribus, sed conciliari facile possunt. Cùm verò controuersia sit admodum vulgaris, & à multis agitata, an cibus cum medicamento misceatur, superuacaneum esse iudico de his plura agere.

S E D præter institutum facere mihi non videbor, si hîc paucula quædam inseram de vulgari ratione quã Indi medici in exhibendis medicamentis obseruant.

Medicamen-
ta exhibendi
apud Indos
ratio.

Catapotia & liquidiora medicamenta summo diluculo exhibentur, nostratiũ more, abstinẽdo deinde quinque horarum spacio à cibo, potu, & somno. Quod si infra hoc tempus non purgentur, roborãdo stomacho student ex Auicenna præcepto, quod sit sumptis duabus mastiches drachmis in stillatiorosarum liquore cõsolutis, aluum bubulo felle inungentes, pannumq; lineum felle madentem vmbilico imponentes, ad medicamenti operationem iuuandam, expultricemq; facultatẽ.

cultatem excitandam, si opus sit. Sin post has quinq³ horas bene soluetur aluus, propinantur illis tres vñcie iusculi gallinae, aliud præterea nihil: deinde hausto rosaceæ aquæ pauxillo, parumper somno indulgent. Hæc medicandi ratio suis rationibus & scriptorum testimonijs niti videtur.

TAMETS I Ruellius lib. 3. cap. 19. magnopere commendat portionē illam Rūsī quæ Aloën, ammonia- Potio Rūsī. cum, myrrham, & vinum recipit, ibiq³ occasionē nactus, acrius in Arabes inuehatur, qui reiecto ammoniaco & vino, Catapotia ex Aloë, croco, & myrrha concinent, eamq³ compositionem acceptam Rūsō referant: facit pro suo recentiorumq³ scriptorum more, qui in Arabes plerunq³ inuehi solent, vt Græcos tanto magis extollant. Non negauerim certè Rūsī medicamentum singulari remedio pollere aduersus pestis contagia: Illud tamen certum est, Catapotia Rāsī quibus Catapotia Rāsī: vtimur, efficax esse medicamentum & à multis magno successu expertum. Additur verò Crocum, quoniam cor roborat & aperit, tū ob alias facultates quibus præditum est.

MANARDVS, lib. I. ep. I. aliq³ nonnulli recentiores acerrimè in Mesuen, Serapionem & Auicennam inuehuntur, quòd affirmauerint Aloën venarum oscula adeo referare, vt inde postea sanguis facillè fluat, Aloë hæmorrhoidibus
eamq³ ob causam hæmorrhoidibus non conuenire; de- rhoidibus
ide quòd scripserint melli admistam minus purgare, non conuenit.
minusq³ stomacho noxiam esse, quàm reliqua purgantia medicamenta. Dicunt enim Manardus & huic si Aloë hæmorrhoides ob-
miles, Aloën non modò non aperire hæmorrhoides, sed struit.

eas potius obstruere, neq³ rectè scribere Mesuen qui illam stomacho minus noxiam faciat, quandoquidem huic sit admodum utilis, nec nocumentum aliquod adferat, mellisq³ admista magis euacuet, reliquis purgantibus medicamentis. Priora confirmant Galeni auctoritate: postremum verò, quod mel, cum sit purgantis facultatis, alteri purganti adiunctum necessario magis debeat purgare. Rectius Antonius Musa, Exam. simpl. qui in nullius Magistri verba iurās, Mesue opinionem confirmat, sæpius expertum se esse affirmans, Aloë Hamorrhoidas aperire. Sic & sæpenumero expertus sum summos dolores cum hamorrhoidum fluxu excitasse, quod facile præstare potest Aloë ob amaritudinem, venarum oscula reserando & expultricem facultatem irritando. Hac ratione purgat fel animantium, umbilico illitum, teste Serapione, lib. simpl. cap.

Aloës diuersi
effectus.

201. Quod verò oscula venarum obturare asserat, cum Iacobo de partibus respondeo, foris quidem adhibitam adstringere, intro autem sumptam aperire. Quam facultatem obtinent pleraque medicamenta, quæ intro sumpta, diuersas & contrarias vires exerunt, quàm si foris adhibeantur, veluti Scilla quæ comesta enecat, foris illita exulcerat. Ad ea quæ obijciunt de melle, Mesuen videlicet asserere aloë cum melle mixtam minus purgare, sic responsum volo. Quandoquidē vtrumque medicamentum purgatoria facultate præditū est, validioris facultatem, debilioris, mellis scilicet, facultate infringi: Sic etiam stomachum roborat & firmat accidentaliter, euacuando videlicet sine nocumēto, aut eo certe perexiguo, humores qui vetriculū infestāt.

Aloë stomachum roborat per accidens.

PLI-

PLINIVM lib. 27. cap. 4. mirari subit, qui aloën metallicam supra Hierosolymam inueniri tradit. * Ego non modò medicos Iudæos, sed etiam Pharamacopolus qui Hierosolymorum incolas se asserebant, diligenter interrogavi de hoc Plinij loco. Sed illi constanter negabant vnquam fuisse repertam huiusmodi Aloën tota Palestina.

Nulla Aloë
fossilis.

* Caïrum, antiquitus Memphis Pyramidum celebrata miraculis, quæ & in hunc vsque diem perdurant. Ibi fuisse Iosèph captiuum ferunt, & adhuc horrea, quibus frumentum condidit, ostendi. Vocatur autem à Mauritanis Mesera: sed quoniam Regina quædam Alcaire nuncupata eius pomeria auxisse creditur, ab eius Regina appellatione nomen Caïro sortita est. Cœpit verò hæc vrbs populi frequentia paulatim minui, postquam Turcorum Imperator Constantinopoli occupata, illic regiam fixit sedem, confluentibus nimirum eò hominibus.

Caïrum.

Mesera.

* Nullam certe amaritudinem in nostrate reperies, quod ob nimiam illam humoris abundantiam accidere arbitror.

SED aliud quibusdam Hispaniæ locis Aloës genus inuenitur, in cuius sanè folijs manifesto amarorem cum acrimonia coniunctum inuenies. Eius cum icone historiã aliquando, Deo annuente, dabimus.

* Galeno adscriptus ad Paternian. cap. 5. tria grana cicoris magnitudine dat post cœnam.

* Aloën post cibum etiam exhibet idem Paulus lib. 3. cap. 43. quam controuersiam Nicolaus Rorarius in suis contradictionum veterum auctorum libris conciliat.

* Non affirmat eò loco Plin. talem inueniri, sed, Fuere, inquit, qui traderent in Iudæa super Hierosolymam metallicam eius naturam.

De Altiht.

CAP. III.

TANTA est in nominibus Altiht, Anjuden, Asa fortida, Asa dulcis siue odorata, & Laserpicium confusio, vt vix explicare me possim: quandoquidem hæte-

B 3 nus,

nus, neminem inuenire licuerit, qui planta, ex qua hoc gummi profluat, nomen indicare, aut formam describere mihi potuerit.

VOLVNT nonnulli ex Corasone ad Ormuz, & inde in Indiam deferri: alij ex Guzarate, tametsi istic ex regno Deli adferri vulgo asserant regione admodum frigida, quæ ad Corasone vsque & regionem Chiruan ex Auicenna lib. 2. cap. 53. testimonio extenditur.

Altiht.
Antit.
Imgu.
Imgara.

ILLVD autem certum est hoc gummi Altiht Arabibus dici, nonnullis Antit: nam cuicumq; Arabi gummi Imgu aut Imgara ab Indis vocatum ostenderit, statim id Altiht siue Antit esse pronuntiabit.

Anjuden.
Angeidan.

PLANTA ex qua hic liquor emanat, incolis Anjuden, quibusdam Angeidan dicitur. Sed quoniam hoc gummi è longinquis adfertur regionibus, veram Plantæ descriptionem habere difficile est.

Almharut.

MVLTI ab Auicenna lib. 2. cap. 53. nominibus insignitum est hoc medicamentum, veluti est Altiht, Almharut, propter linguarum in regionibus unde aduehitur varietatem.

Afa.

QVID autem Interpretem mouerit, cum Asam vertit, ignoro, nisi quod verisimile sit eum non Asam, sed Laser vertisse, idq; vocabulum deinde temporis iniuria in Afa deprauatum esse.

PORRO dicet aliquis Altiht non esse nomen plantæ Laserifera, sed ipsius potius succi concreti & coacti: cuius sententia esse videtur Gerard. Cremon. Commentarijs in Rasin. cap. de Diminutione Coitus, lib. Diuis. 1. cap. 79. Huic sic responsum volo, Gerardum veram linguam Arabicam ignorasse, cum ex Ba
rica

rica Hispania oriundus fuerit ; Lingua verò qua Auicenna scripsit, legitima est Arabica, qua videlicet Syri, Mesopotamij, Persæ, & Tartari vtiuntur, apud quos Auicenna natus creditur vrbe Basora (quæ nonnullis Babylon fuisse putatur, certò tamen rescui Babylonem eam non esse, sed proximam huic fuisse cuius nulla nunc extant vestigia) in prouincia VZbeque sita. (Est verò VZbeque pars Tartariæ strenuos producens viros, & peritissimos sagittarios, qui tum pedestres, tum equestres peregrinorum Regum stipendijs militant: sortè autem Parthi sunt Romanis olim adeo infesti & formidabiles) Eam igitur linguam vocant illi Araby, id est, Arabicam, qua videlicet scripta inueniuntur Galeni, reliquorumq; Philosophorum & falsi Prophetae opera. Nostorum verò Mauritanorū linguam Magaraby nuncupant, quasi dicas, eorum qui ad Occidentem habitant, siquidem garby Occidentē Arabicè sonat, & ina eorum.

CETERVM Altiht nihil aliud est quàm ipsa Aluht. planta Lasericera, veluti plerumque sumitur gummi pro ipsa planta.

VERVM obijciat aliquis. Si Altiht non est Afa Afa dulcis. dulcis, quid est Afa dulcis? Asam dulcem apud nullum probatum Auctorem, siue Arabem, siue Grecum, siue Latinum, legisse memini. Sed cum Arabes liquorem euz vocent, eum verò qui probè coctus sit & densatus Robalçuz (Rob enim Arabicè densatum sonat, & Robalçuz. Al est articulus genitiui apud Arabes) hinc de promptum esse nomen Afa dulcis verisimile est.

CETERVM Altiht Arabum esse Laserpitium

Afa foetida
eadem cum
Laserpitio.

Afa foetida
magno in v-
su Indis.

Afa in con-
dimentis.

Afae faculta-
tes.

Dioscoridis & Plinij, tamen si nemo legitimorum Ara-
bum (qualis est Rasis & Auenrois) vsquam eius memi-
nerit, satis ostendit Serapio lib. simpl. cap. 251. qui de
Altiht agens, ad verbum ea refert quae Galenus &
Diosc. de Laserpitio scripsere. Cadit ergo eorum opi-
nio qui multis argumentis probare conantur, Asam foe-
tidam a Laserpitio differre. Nam quod Laserpitium ve-
terum in cibos admissum esse aiunt, Asam verò foeti-
dam medicamentis solum utilem, idq; raro: in cibis
verò planè damnari ob tetrum odorem, plurimum à ve-
ritate aberrare mihi videntur. Siquidem nullum me-
dicamentum simplex per totam Indiam maiore est in
vsu, quàm Afa foetida, cum medico in vsu, tam con-
diendis cibis. Eam enim pro suarum facultatum modo
sibi emunt, cuiusmodi sunt Baneanes * & omnes gen-
tiles Prouinciae Cambaia, quos Pythagoras imitatus
videtur. Solent illi Asam suis iusculis & oleribus cōmi-
scere, confricato primum ex ea lebetes, nec alio condi-
mento vtuntur omnibus in cibis. Baiuli & huiusmodi
tenuis fortunae homines, quibus duntaxat panis est &
cape, non nisi summa in necessitate ea vtuntur.

COMMENDARVNT mihi multi condimen-
ta istorum Baneanum cum à saporis, tum ab odoris
suauitate. Horū oratione persuasus aliquando eiusmodi
condimēta degustavi, quae sanè sic satis palato arri-
debant, nō tamen adeo vt illi predicabant, quoniā for-
tè neq; iusculis neq; condimentis valde delector: odor
certè suo non erant molesta, tamen si nullus odor aequè
mihi infestus sit, atq; Afae foetidae.

SYM VNT verò nonnulli Asam, vt deiecti appe-
titus

titus fastidia tollant; initio enim aliquantulum amara est Aſa, vt ſunt oliuæ conditæ, deinde deuorata mirum in modum illis bene ſapit. Solent etiam plerique, ea ſola ad ſtomachi corroboracionē, ſtatuſq; diſcutiendos medicamenti loco vti. Quamobrem multum hallucinantur, qui Sepuluedā ſequuti nullo eſſe in vſu medico aſſerunt, niſi alijs medicamentis permixtam.

SED non poſſum non mirari Matthæi Syluatici cap. 47. de Anjuden oſcitantiam, qui Galen. citans, venenum eſſe aſſerit. Nam neq; Galenus, neq; Græcorum quiſpiam id vnquam ſcripſit, cū omnes vno ore Laſer magnopere commendent aduerſus venena, peſtis contagia, lumbricos, & ſcorpionum plagas.

SOLENT Indi cauernis dentium indere in dolore, quam facultatem etiam illi tribuit Dioſc. libr. 3. cap. 76. tametſi Plinius lib. 22. cap. 23. id non cēſeat, exemplo cuiuſdam, qui ea de cauſa ſeſe ex alto precipitauit. Sed iſ forſitan cachexia laborauit, & medicamentum eos humores qui turgebant, nimium commouit.

MAGNI apud Indos eſt precij, quod eius magnus ſit vſus. Sed neq; radicis, neq; foliorum apud eos aliquis eſt vſus (ſunt enim illis incognita) ſed ſolius duntaxat ſucci, quo plurimum in venere proritanda vtuntur.

Iſ verò quem ſupra dixi Aſa ſola ſapius vti, retulit ſibi narratum eſſe ſuccum hunc ex planta quadam folijs Coryli extrahi concifo caule, deinde in bubula coria coniūci, prius illita ſanguine cum tritici farina permixto conſeruacionis gratia: eamq; ob cauſam ſi quid

B 5 in

Aſa in dolore dentium.

Aſa venerem ſtimulat.

Laſeris deſcriptio.

in Lasere faba lomento simile conspiciatur, non adulterationis, sed puritatis potius esse indicium.

FREQVENS verò est in Mandou, Chitor, & Deli; præterea ex Ormuz aduehitur in Pegu, Malaca, Tanasarin & regiones his vicinas.

Lasereis duo genera.

PORRO Lasereis duo genera ad Indos adferuntur, alterum sincerum & translucens, alterum turbidum & impurum, quod à Baneanibus repurgatur antequàm in cibos admittatur. Sincerum colore est puro, Electro simili, id Guzarate conuehitur ex Chitor ut aiunt, & ex Patane & Dely. Impurum ex Ormuz adfertur. Maioris precij est sincerum, neq; facile Mercatores impurum emunt (solet autem id magna ex parte in tenuiorum cibos & medicamenta cedere) nisi in purioris defectu. Sincerum validioris est odoris, quàm sordidum; vtrumq; tamen mihi foetet, sed id magis quod sincerius esse putatur. Qui verò eius vsui assueuerunt, sincerius, odoratius esse asserunt; quod quadam consuetudine fit. Multis enim malè olent Styrax liquida & Algalia propter validum odorem, cum tamen maxima ex parte sint odorata. Sic neutrum Laser mihi Porrum redolet, sed ad nostram Myrrham nonnihil accedere videtur. Hinc factum puto, ut Auicenna Asam diuiserit in foetidam & odoratam, quod foetidam porraceo odore esse assererent, cum non ita sit. Siquidem veteribus odoriferum dicebatur, non quod suauiter oleret, sed quod validi esset odoris. Sic vocant calamum odoratum, qui multorum iudicio foetidus potius dicendus erat: eadem ratione Myrrha validi est odoris, Aloë validioris, & Spica nardi adhuc validioris. Multos enim

Styrax liquida.
Algalia.

enim egros purgaui qui à Rhabarbaro abhorrebant,
quòd illi Spicam admiscerem.

MIRARI subit Antonium Musam, Exam.
simpl. qui adeo credulus fuit, vt his fidē adhiberet, qui
Benjuy (quod veteribus fuit ignotum, vt postea osten-
demus) plantam consimilem Silphio esse affirmarunt.
Sed de his plura suo loco.

SIC Ruellius vir eruditus & omni laude dignus
lib. de nat. stirp. 3. cap. 52. scribit in Gallia nasci cras-
sam radicem, magnam, foris nigricantem, intus can-
didam, quæ cum suo liquore & semine mira fragret
incunditate. Huic ob insignes virtutes, illustria indi-
derunt nomina: namq; modò Imperatoriam, modò An-
gelicam, modò Sancti spiritus radicem appellant Ier-
barij, eiq; calfacientem siccatoriamq; vim in tertio si-
gnant abscessu. Vnicè venenis aduersari tradit, pestilen-
tia populatim seuentis arcere contagia: corpora ab
lue pestifera vindicare, si tantum in ore teneatur, per
hyemem ciceris magnitudine cū vino, per æstatem ex
stillatitio rosarum liquore sumpta: nec sensurum ea
die contagionem ait, qua quis deuorarit, nam vrina et
sudore venenum abigit: sic etiam aduersus fascinati-
ones valere, aliosq; præterea morbos, quos breuitatis
causa omitto, Hanc igitur esse Laserpitium Gallicum,
cuius Veterinarij medici meminerunt. Et si quis nares
consultat, inueniri Laser illud, idem quod Benjuinum
officinis appellatum redolere. Nam & doctos in ea esse
opinionem, vt quod ab officinis Benjuinum siue Ben Iu-
daum appellatur, Laseris sit Syriaci genus, dictū quòd
Iudæa parens huius mittat ad nos prolem suam.

Imperatoria.
Angelica.
cuiusque fa-
cultates.

Laserpitium
Gallicum.

Benjuinum.
Benjudæum.

SED

SED eius opinionem cap. de Benjuino, multis & solidis argumentis conuellemus. Eiusdē sententiæ fuisse aliquando (vt videlicet Benjuinum Laser esse putaret) ipse Matthiolus Commentarijs suis lib. 3. cap. 78. scribit ; veritate tamen coactus, sententiam mutauit.

Baneanes.

* Quoniam hoc capite totoq; adeo opere de Baneanibus differit noster Auctor, quod genus hominum sit, necesse est scire. Eorum igitur Philosophorum quos Baneanes vocant (tamen nunc potius Negociatores appellandi veniāt, quā Philosophi) multa sunt genera, in hoc conuenientium, vt neque occidant rem aliquam animatam, nedum ea vescantur. Hoc præceptum adeo strictè obseruant, vt plerunque aues redimant, deinde eas auolare sinant. Non vescuntur nāpis, non allijs, non cepis, non pulmentis rubro colore infectis. Vinum non gustant, non acetum, nō Nimpa, non Orraqua (ea sunt apud eos potiorum genera) non passum. Plurimum ieiunant, noctu paucissima edentes veluti saccharum, super quo aut aquam aut lac bibunt. Nonnulli inter hos supersticiosiores viginti interdum diebus omni cibo abstinent.

FORMICIS aquam saccharo dulcoratam bibendam præbent, affirmantes sese eleēmosynam in pauperes conferre: sed & auibz aquā propinant. Morituri, solent nonnulli certam facultatum portionem testamento legare, viris quibusdam qui per solitudines vagentur & aquam peregrinis & iter facientibus dent. Refert noster hic Auctor in Cambaiere se vidisse Nosocomium, in quo omnis generis aues curarētur, quæ sanitati restitutæ quolibet euagari dimitterētur. Eodem vestium genere quo Gymnosophistæ vti fuisset perhibentur, amiciuntur, & animarum transmigrationem in alia atque alia corpora credere rumor est.

Bramenes.

HANC similiter opinionem sequi traduntur Bramenes vocati in Balagate, Cambaya & Malauar, qui nisi loti vniuersum corpus, cibum non attingunt, maioriq; sunt in veneratione quā Baneanes. Ex his etenim deliguntur Regibus Scribæ, Procuratores negotiorum, Quæstores et Legati.

Legati. Hi tamen omnes, quemadmodum & qui in maritimis Cuncam appellatis habitant, vescuntur omni genere carniū, excepta vaccina & porcina domestica. Attamen omnes animarum transmigrationem credunt, aliasq; plurimas persuasiones ridiculas habent. Atq; hæc ex nostro Auctore desumpti qui varijs capitibus de his agebat.

De Opio CAP. IIII.

QVOD nos Lusitani corrupto nomine Amfiam Amfiam. appellamus, id Mauritanii (quos Indi sequuti sunt) Ofium vocant, deducto à Græcorum Opio nomine. ^{Ofium.} Pleraq; enim nomina à lingua Græca (quam Ihu- ^{Ihumani lin-} mani, quasi Ionicam dicas, appellant) mutuati sunt ^{gua.} Arabes, P in F, quod sint literæ multum affines, mutato. Sic Opium Ofium dixerunt, Pæonia Faunia, & multa similiter.

VARIA sunt Opij genera pro regionum differen- ^{Opij varia} tia. Quod è Cairo adfertur (Meçeri vocant) albicat, ^{genera.} & magni est precij: existimo id esse quod nos Thebai- ^{Meçeri.} cum dicimus. Quod ex Adem aduehitur, alijsq; locis ^{Opium The-} Erythræo mari vicinis, nigrum & durum est: eius pre- ^{baicum.} cium pro regionum varietate aut intenditur, aut minuitur. Quod in Cambaia, Mandou, & Chitor cogitur, mollius est & magis flauescit. Magno venditur multis locis, quoniam huius esui assuescunt: solet enim quod aliqua in regione frequenti est in usu, carius semper vendi. Quod dixi ex Cambaia adferri maxima ex arte in Malui colligitur. Et quoniam id Thymealeam ^{Opium Thy-} aliquantulum olet, putarunt nonnulli Thymelee succo ^{melea non a-} adulterari, sed fallantur. nam tota Cambaia, imo tota ^{dulterari.} India Thymealeam provenire non credo. Et certè in

Cam-

Cavcax præ-
grande pa-
pauer.

Cambaïere resciri nihil aliud esse quàm gummi, siue
lachrymam Papaueris. Nasitur istic Papauer (cax-
cax vocant nomine cum Arabibus communi) prægran-
di capite, quod interdum sextarium cum dimidio * ca-
pere possit (inueniuntur etiam nostris haud maiora)
hec incisa opium exstillant. Non est autem id papa-
uer nigrum; nam tota Cambaia haud inuenias, ta-
met si Auicenna lib. 2. cap. 526. Opium ex Papauere
nigro parari scribat. Sed num alijs in regionibus ex ni-
gro Papauere colligatur, ignoro.

Opij ma-
gnus vsus
Asia & A-
frica.

PLVRIMVS huius vsus est per vniuersam
Mauritaniam, & Asiam *: siquidem eius esui ita as-
sueuerunt, vt eo abstinentes periculum vitæ incurrât:
quod sanè admiratione non caret, quandoquidem adeo
narcoticum & stupefactiuum est. Sed etiam qui eo v-
tuntur, dormit abundi plerunq; videntur. Itaq; solent
qui eius facultates intelligunt, exigua quantitate su-
mere. alij verò pleriq; liberalius eo vtuntur, vt lassitu-
dinem ex laboribus, animiq; fastidia tollent, non autē
vt proniores in venerem efficiantur, vt stultie quidam
credunt. Quoniam Opium non modò venerem nō sti-
mulat, sed potius eius stimulos infringit sua frigidita-
te, & vasorum spermaticorum constrictione. Et non-
nullos Lusitanos noui qui huius esu steriles & impo-
tentes effecti sunt.

Opium ve-
nerem non
stimulat.

Emixt.

DOSIS communis apud istos est à viginti ad
quingenta hordei grana. Noui tamen quendam Ce-
ra sonem natione à Secretis NiZamoxa, qui singulis
diebus tres laminas Opij ederet, quæ penderent decem
drachmas & amplius: & licet stupidus & dormita-
bundus

bundus semper videretur, aptissimè tamē & doctè de omnibus disputabat; tantum potest consuetudo.

* Auctor habet Canada: est autem apud Lusitanos poculi genus continens quinque & triginta uncias. Cum verò Sextarius apud Veteres quatuor & viginti uncias vini aceti & aquæ continuisse inueniamus, Canada Sextariū cum dimidio verti, quodd non haberem aptius vocabulū.

* Bellonius libr. 3. cap. 15. observationum auctor est, Opium abundantissimè cogi ex Papauere candido tota Paphlagonia, Cappadocia, & Cilicia, apudque Turcos & Persas summo esse in usu: non tamen ab eis sumi supra drachmæ unius pondus.

De Benjui

CAP. V.

DIXIMVS in *Lascepitio Asam odoratam non esse Benjuinum, tamen si nonnulli docti viri in ea fuerint sententia. Nunc illud restat ut nostram sententiā firmis argumentis comprobemus.*

NVL LV M unquā in condimenta recepisse Benjui certum est; Ase verò fœtida frequens est usus in cōdiendis cibis apud Indos, ut antè diximus, ex quo patet Benjui Asam esse non posse.

Benjuinum
in condimenta
non recipitur.
Benjui non
est Laseer.
Laseer unde,
Ganga fl.

MAXIMA pars *Laseris* ex India ultra Gangem (incole Ganga vocant) aduehitur. Benjui verò quod in Indiam adfertur, quodq; amygdaloides vocant, nascitur in Samatra & Stan, non in Armenia aut Syria, Africæ, aut Cyrene) eiusq; maxima pars huc cōuehitur, deinde in Arabiam, Persiam, & Asiam minorem defertur, atq; etiam (ut ex virorum fide dignorū relatu intellexi) in Palestinam, Syriam, Armeniā & Africam. Antonio Musæ Exam. simpl. imposuerunt igitur ij Lusitani, qui incolas apud quos nascatur Benjui,

Anton. Musæ
lapsus.

jui, veritate coactos, id gummi etiamnum Laserpitium vocare significarunt: quandoquidem ab indigenis Cominham appellatur.

Ruellij lapsus.

AD Ruellij autē lib. de Nat. Stirp. 3. cap. 52. obiectionem, quem, capite de Lasere, Imperatoriam Laser Gallicum atq; officinarum Benjuinum esse, contendere scripsimus: Sic respondeo.

CVM is inter reliquas Imperatoriæ facultates hanc illi tribuat ut libidines extinguat: in Lasere verò dixerimus Indos eo uti ad venerem excitandam, Imperatoria Laseris genus esse non potest.

Benjui veteribus ignotū.

CETERVM nostrum Benjui veteribus ignotū fuisse omnino puto: siquidē neq; Græcorū quēpiam, neq; quenquam Arabum hunc describere memini: Nā quod Aucerois 5. Collig. cap. 56. dicit, Belenizan, aut Belenzan, siue Petrozan exsiccatē & excalfacientē in secūdo excessu habere facultatē stomachū humidū & languescentē exsiccare, & roborare, oris odorem cōmendare, partes corporis confirmare, & venerē excitare; ex eius adeo succincta & breui descriptione, persuadere mihi non possum esse Benjui quod describit: quod si quis contra sentiat, per me licet.

Benjui ludæis veteribus ignotū.

VETERIBVS etiam Iudæis ignotum fuisse ex eo conijcere licet, quod neq; David, neq; Solomon eius meminerunt, tametsi odores & suffimenta summo opere commendarint.

Benjaoy.

FIERI autē potest ut Ruellius (in eo quod Benjui Ben Iudæum vocat) lapsus fuerit nominum affinitate, debueritq; potius nuncupare Benjaoy, id est, filiū de Iaoa, ubi plurimum nascitur.

SCRIP-

SCRIBIT Mediolanensis quidam nasci Ben-
jui in monte Paropanisso, & præter Macedones quos-
dam, qui in monte Caucaſo odoratiſſimum, noſtroq;
multò præſtantius ſe viſſe aſſerebant, Ludouicum e-
tiam Romanum citat.

EGO verò neq; huic Mediolanenti, neq; illis Ma-
cedonibus facile crediderim, quandoquidem videre li-
cet huc commeantes tot Thraces (quos illi Rumes vo- Rumes
cant) & tot Turcos, qui Benjui mercium gratia hinc
tranſuehant: quos, ſi apud eos Benjui naſceretur, a-
lias potius merces, quæ maioris eſſent emolumenti &
quæſtus, tranſportaturos credibile eſt. Fieri autem po-
teſt vt illi Macedones Styracem pro Benjui intellexe-
rint: ſed tamen nullibi Styracem naſci ſcimus præter
quàm in Aethiopia, vbi etiam Myrrha reperitur.

Styrax in A-
ethiopia.

DE Ludouico Romano à Luſitanis quibuſdam au-
diui, quibus hîc in India cognitus fuit, nunquam eum
præterſiſſe Calecut neq; Cochim: necdum enim eo tẽ-
pore ea maria nauigabamus quæ nunc nobis aperta
ſunt. Ego ſanè hunc Ludouicum olim veracem eſſe cre-
didi, ſed lectis eius Commentarijs, multa eum pro ar-
bitrio finxiſſe deprehendi. Exempli gratia, vbi agit de
Ormuz, lib. 3. cap. 2. inſulam aut urbem eſſe potētiſ-
ſimam reſert, in qua ſint aquæ ſuauiſſimæ, cum tamen
nullam iſtic aquam præter ſalſam inuenias, omniſq;
annona & aqua aliunde eò conuehatur, nec iſta qui-
lem admodum bona *. Deinde neq; aquam, neq; ligna
in Malaca inueniri ſcribit, lib. 6. cap. 17. cum tamen
iſtic ſit & aquæ potabilis eiſq; ſuauiſ, copia, et egre-
gia lignorum materia. Ex quibus videre licet, non mul-

Ludouicus
Romanus.

C

tum

rum fidei tribuendum esse huius Auctoris scriptis de rebus Indicis.

Benjui amygdaloides.

PORRO Benjui plura sunt genera. Id autē maximē à Mercatoribus expetitur, quod Amygdaloides * vocant, quodq; vngues seu maculas candidas admixtas habet amygdalarum instar: quo enim pluribus huiusmodi maculis abundat, tantò præstantius habetur.

MUSE id provenit in Sian et eius cōtermina Martaban *. Eius meminisse puto Antonium Musam, idq; permixta eius radicum scobe adferri assertere: sed falso, quandoquidem vnum idemq; est gummi, aliud videlicet crassiori consistentia, aliud liquidiori, & aliud non plenè dura, quæ deinde à Sole exusta magis albet. Id Benjui sic exsiccatum nonnunquam in farinā resolvitur, quā Musa radicū scobem esse putavit.

Benjui secundum genus.

ALIUD genus nigrum inuenitur in Iaoa & Samatra, quod vilioris est precij. Est & genus nigrum in Samatra è nouellis arboribus profluens, quod ab odore grato Benjui de Boninas vocant: id superiori decuplo carius est. Eius fragmentum superioribus diebus mihi dono missum est, suauissimi odoris, quod manibus confricatum, eas mira odoris fragrantia commendabat.

Benjui de Boninas.

Styrax liquida.

Roçamalha.

EGO sæpius existimaui illud Benjui de Boninas nihil aliud esse, quàm Benjui cum Styrace liquida, quam Chineses Roçamalha vocant, permixtum, quoniam eius odor aliquantum ad Benjui de Boninas accederet: eamq; ob causam id aliquando experiri volui, mixto Benjui cum Styrace liquida. Sed licet id

Ben-

Benjui sic permixtum vulgari odoratius esset, odoris tamen fragrantia & suauitate à Benjui de Boninas superabatur.

CETERVM Benjui è nouellis plantis profluens Amygdaloide odoratius esse, causam esse puto, quòd gummi multum nativæ suæ fragrantiae vetustate de- Benjui de Bo-
ninas cū no-
uello permi-
scetur. perdat, vt fere in reliquis similibus cōtingere solet. Sed quoniam candidum elegantius est, nigrum verò & no- uellum odoratius, vtrunq; permiscere solent, vt odoris fragrantiae etiam elegantiam concilient.

BENIVI genera vocantur à Chinesibus Co- Cominham.
Louanjaoy. minham, ab Arabibus Louanjaoy, quasi dicas Thus de Iaoa, quòd hæc regio primum Arabibus innotuerit, siquidem Arabes Thus Louan dicunt, Guzarate & Decan incolæ, Vdo.

EST autem Benjuifera arbor procera, vasta, pul- Vdo.
Benjuifera
arbor. chra, magnam spargens vmbra, ob ramorum frequentiam quos pulcherrimo ordine digestos & in aërem elatos habet. Caudice est crasso, materiae prædura & firma. Eius folia partim aceto condita, partim ramis adhuc adherentia accepi: minora sunt ea aliquantum Citri siue Limonerae folijs, non tamen adeo virentia, sed parte auersa candicantia: quæ verò in ipsis maioribus ramis enascuntur ad Salicis folia magis accedere videntur, latiora tamē sunt, sed minus longa. Nascitur interdum in siluis Malaca, loco humidior.

VVLNERANTVR arbores vt Gummi (quod est Benjui) maiori quātitate effluat. Nouelle, vt dixi, arbores Benjui de Boninas emittūt, quod est ex prouincia Bayrros, idq; præstantius est eo quod in Sian nasci- Benjui præ-
stantius.

tur, natum verò in Sian reliquis generibus præstantius est.

Tigris.
Keimones-

HÆC omnia non sine rei nummaria dispendio dici: siquidem perbelle satisfactum est ei qui mihi & folia & ramos huius arboris attulit, ut æquum erat. Nam præter summam quæ his adeundis est silvis difficultatem, maximum subeundum est periculum, ob Tigris (quas illi Reimones vocant) in ijs silvis frequentiam.

SI quid verò eis quæ nunc disceptavi melius intellexero, palinodiam non modò in his, sed & alijs omnibus canere non pudebit.

* Credibile est nostro huic auctori ab aliquo impositum fuisse, qui Ludouico Romano parum æquus erat, aut sanè aliud habuisse exemplar, quàm ea quæ passim Ludouici Romani nomine circumferuntur. Nam lib. 3. cap. 2. de Ormuz agens, Aquarum inquit potu suauium, annonæque miræ caritas: inuehantur ferè omnia, quemadmodum & noster auctor hoc loco asserit. Et libr. 6. cap. 17. de Malaca agens, Mittit tamen triticum, carnes, perpaucæque ligna. nusquam verò aquæ meminit.

* Hoc Benjui amygdalinum Amatus Lusitanus enarratione 71. cap. de Myrrha, præstantissimum Myrrhæ genus esse censet, quam Dioscorides à loco natali Trogodyticam cognominat.

* Sunt illæ prouinciæ supra regnum Malacæ ad flumen Auzæ & Menan in Oceanum Indicum influxum, supra Gangeticum sinum.

De Thure CAP. VI.

CVM Veteres duo Thuris esse genera tradant, alterum Arabicum, alterum Indicum; de eo nobis disserendum existimaui.

Thus in India non nascitur.

PER vniuersam Indiam Thus non nasci certissimum est: cum quicquid Thuris hic consumitur, & binc

hinc in Lusitaniā cuebitur, ex Arabia deferatur. Nō possum ergo non mirari à quo Dioscorides lib. 1. cap. 70. (quem tamen & Auicenna lib. 2. cap. 533. sequutus est) Thus in India nasci acceperit. De Arabibus minus mirum qui nigricantem colorē, quo Thus Indicum praditum esse vult Dioscorides, Indum plerunq³ vocent, vt ex Myrobalano nigro, quem Indum appellant, patet.

CETERVM Thus Arabibus, apud quos solum Louan. prouenit, Louam vocatur, nomine ex Græco deducto: Auicenna lib. 2. cap. 533. Conder, id est Resina (çamac enim illis est gummi, veluti çamac Arabi, çamac. id est, gummi Arabicū) Serapioni lib. simpl. cap. 178. Ronder corrupto vocabulo. Nam multos Arabes con Ronder. ueni, sed omnes Thus à quoquam eo nomine appellari negant, paucos verò quosdam Conder vocare, & ple Conder. rosq³ omnes Louan. Idem à quibusdam Lusitanus qui in Arabia diu vixerunt, intellexi. Addebant & illi arborem quæ Thus producit, ab incolis Louan etiam appellari, eiusq³ duplex esse genus: alteram montanam, Thus mon- alteram in planis nascentem. Montana arbor monti- tanum. bus confragosis prouenit, optimumq³ & laudatissimū Thus profert. In planis verò nascens Thus profert ni- Thus in pla- grum, improbum, quo cum aliarum arborum resinis nicie natum. permixto naves picant & oblinunt, vii nos pice solemus. Eæ arbores illius Prouinciæ Regi cedunt, nec cuiquam Thus colligere licitum est, nisi Regis permissa. Confluere eò Negociatores ex Adem, Xael, & alijs Arabiæ locis, & cum Rege de Thuris quantitate quam auecturi sint, & de precio conuenire solent, modò lau-

Thus masculinum. Melato. Thuris vitas. datum sit & legitimum, quod nos masculum vocamus, ipsi Melato appellant.

LAVDATISSIMI, huc etiam delati, vile est precium: centena enim libra duobus duntaxat Lusitanicis aureis emuntur. Improbum interdum cum optimo miscetur, cui nonnunquam & corticum fragmenta inhaerent, atque huc defertur, sed vilissimi est precij.

Thus non adulteratur.

Thus ergo nullam aliam adulterationem nouit. Nam quis quæso id adulterare vellet, cum tam vili ematur?

Thuris vsus.

MVLTVS est Thuris vsus apud Indicos medicos in vnguentis & suffimentis. Nonnunquam & in corpus assumitur ad varios capitis affectus & alui profluvia. Sed maxima Thuris pars hinc in Chinarum regionem exportatur (quoniam istic plurimum eo vtuntur) & in regiones Malacæ vicinas.

Thuris plāta.

PORRO Thuris arbor humilis est, & folia habet Lentisco similia, peculiarisq; est Arabia. Scribunt tamen Hispani in nouo orbe etiam Thus inueniri, sed penes eos sit fides, ego certè de eo nihil pronunciare possum.

De Myrrha CAP. VII.

Myrrha.

Bola.

PLVRIMA adfertur etiam ex Arabia ad nos Myrrha, quæ Indis Bola dicitur. tum etiam ex regione Abexim, quæ Aethiopia est. Qualis verò sit arbor quæ eam profert, aut qua ratione resina eliciatur, nunquam scire potui. Intellexi duntaxat à quodam Mercatore qui in Melinde & Mosambique negociabatur, tum à quodam sacrisco Aethiopiæ, Episcopoq; Armenio, genus esse quoddam hominum montanum & syluestre

uestre quos Bodoins vocant, linguaq³ pura Arabica, Bodoins.
 qua nonnihil ad Chaldaicam aut Syriacam antiquam
 accedat, vti perhibent. Id inquam hominum genus
 Myrrham in Braua & Magadaxo terrestri itinere
 adfert, & è Chaldea regione sic illis vocata se adfer-
 re asserit.



* Qui veterum opiniones de Thure & Myrrha nosse
 volet, consulat Theophrastum libr. 9. cap. 4. de Historia
 plantarum, & Plinij naturalem historiam libr. 12. cap.
 14. & 15. Tum legat quæ aliquando commentati sumus
 in appendice ad Commentarios Gallicos doctissimi Do-
 donæi de Historia Stirpium addita.

De Lacca CAP. VIII.

QVAM officina Laccam vocant, eam Arabes, Lacca.
 Persæ, & Turci Loc Sumutri, quasi dicas Laccam Loc sumutri.
 è Samatra, nuncupant: non quòd Samatra sit Prouin-
 cia Pegu, vbi plurima Lacca nascitur, finitima, sed
 quòd Arabes, & alij iam memorati in Samatra gigni
 putarent. Idem nomen etiam inualuit apud Prouin-
 ciarum Balaguete, Bégala, & Malabar incolas, quo-
 niam à Mauritanis sic edocti fuerunt. Legitimum ta-
 men earum Prouinciarum nomē est Lac; in Pegu re- Lac.
 rò & Martaban, vbi præstantissima est, Trec, atque Trec.
 istuc è Iamay adferri tradunt. Non vocatur aec, aut
 ancusal, vt Pandectarius cap. 13. corrupto nomine ap-
 pellauit: neq³ Sac, vt apud Serapionem lib. simpl. cap. Sac.
 181. corruptè legitur.

CETERVM cum ab ipsis incolis, apud quos plu-
 rima nascitur, Trec vocetur, mirabitur aliquis, cur
 nomen Lac, Loc, aut Luc inuenerit. Sed hanc fuisse

C 4 causam



*causam conijcio : quòd hoc medicamentum in Loc si-
ue mellis crassitiem dissolueretur cum ad inficiēdum,*
tum

eum ut eius esset usus in medicina. Præstaret tamen semper natiuum provinciarum, in quibus medicamenta nascuntur, nomē seruare, quod hæc immutatio multorum errorum occasionem præbere soleat.

PORRO Pegu & Martaban incolæ eam Samatram exportabant, & inde Piper in suam regionem reuehebant.

QVIDNAM esset Lacca, quomodo pararetur, Variæ de Lacca sententiæ. & vbinam gigneretur, diu dubitavi. Nam adfirmabant nonnulli in Pegu flumina exundare atq; alucum suum superare solere; aqua deinde decidente, in lutum quod remaneret bacillos ab incolis iniici, in quibus prægrandes formicæ nascerentur, et ex quidem alutæ, quæ multam Laccam accumularent. Percontanti autem an eorum quæ narrassent oculati essent testes, tantum sibi fuisse ocij negabāt, ut hæc adeo diligenter animaduertenterent, sed samam vulgare eam esse. Conueni tandem virum apprimè honestum & curiosum diligentemq; qui istic fuerat. Dixit is vastam arborem istic Laccae historia. inueniri, folijs quodammodo Pruni, in cuius surculis & minutioribus ramis magna formicæ, in terra visceribus alijsq; locis enatæ, hanc Laccam elaborarent (ut apes mel conficiunt) materiam ex ipsa arbore exsurgentes. Hos deinde ramulos ab arbore reuelli atque in umbra siccari, donec deciderent ramuli, Lacca autem ipsa veluti in tubulos concreta maneret: interdum tamen ligni fragmenta inherere. Meliorem tamen censeri, quæ sincera esset, ligniq; fragmentorum expers: eam verò cui inhererent fragmenta, deteriore censeri. Inueniri etiam sordidam & minimè sinceram

C S quam

Berifera ar-
bor.

Formicæ
Laccam c.
laborant.

quam postea colliquarent & in pollinem reducerent, eamq; viliores censeri, quoniam multam terram admixtam haberet. Deinde negotium dedi quibusdam qui Pegu profecturi erant, ut, an ita se res haberet, diligenter perquirerent; sed ij retulerunt verissima eum dixisse. Idem postea verum esse didici in Balaguete profectus, ubi nonnulla nascitur, & reservatur, quam deinde in proximos portus exportent. Huc item mihi allatus est ramulus ab arbore Berifera (cuius in secundo Libro mentionem faciemus) reuulsus, cui multa inhaerebat Lacca. Sed quoniam exigua admodum quantitate prouenit, aduersante calis temperie, negligitur. Multi tamen se vidisse in ijs arboribus affirmarunt. Formicæ autem hanc Laccam elaborare inde manifestum est, quod plerumq; alæ formicarum Lacce permixta conspiciuntur.

PRÆMANSA autem hæc Lacca*, pulcherrimo rubro colore inficit (quæ est deligendi ratio) & ex ea bacilli illi, quibus in obsignandis epistolis utimur, conficiuntur, admixtis ijs coloribus quos maximè expetimus. Iisdem et fabri lignarij lineas ducunt. Hac vero Lacca implent etiam cum Aurifabri, tum Argentifabri vasa maiora aurea & argentea.

Laccæ planta
dissimilis
Myrto.

NON est autem ea arbor in qua Lacca elaboratur Myrto similis aut facie aut magnitudine, ut aliqui volunt, sed interdum in Nucis iuglandis magnitudinè excrescit, interdum minor est.

AVICENNA lib. 2. cap. 4; 2. Paulum sequutus, Laccam, quæ ipse Luc vocat, Myrrhæ persimilem facit, atq; odoratam esse scribit, debereq; cum delectu sumi,

sumi, eosq³ reprehendit qui eam Carabe similem faciunt: nonnullas tamen facultates Carabe similes habere. Existimo autem Auicennam Laccam non nouisse: siquidem neq³ Myrrha similis est, quoniam hac in extimis ramis elaboretur, Myrrha vero ex ipso arboris trunco extillet: neq³ item odorata, veluti Myrrha est, tamen si Auicenna ibid. odoratā esse contendat. Quod Bellunensis Luc verterit, fieri potest eum ita in veteri exemplari inuenisse. Attamen nunc omnibus Arabibus Loc-sumutri dicitur. Errat similiter, quod similes illi cum Carabe facultates tribuat. Carabe enim glutinatoria est & adstrictionis particeps. Lacca vero obstructiones aperit.

Lacca neque Myrrhae similis, neque odorata.

Laccae facultates Carabe dissimiles.

CETERVM erroris ansam Auicenna praeuisse puto, quod Laccam Cancamum Dioscoridis esse asseruit, cum tamen planè diuersum sit à Lacca, quæ nimè, ut diximus, odorata est: Cācamum verò ad suffimenta vsurpatur, quod grati odoris est indicium. Præterea eius error ex eo manifestus est, quod duo diuersa capita descripserit, in altero ibidem Cancami descriptionem enarrans, in altero de Cheicheim agens, Cheicheim quasi diuersa essent simplicia.

Lacca nō est Cancamum.

SERAPIO libr. simpl. cap. 181. de sententia Diosc. & Aathabari, (quem nonnulli Paulum putant) gummi esse ait arboris in Arabia nascentis, Myrrham quadamtenus referēs. Deinde ex sententia Rhasis, in ramos Sorbi quam ipse Guberam vocat è cælo delabi dicit. Postremò, Lacca, inquit Isaac, res quædā est rubea, quæ tenuibus lignorum surculis inheret. Conquitur hac, & ex ea pannirubeo colore inficiuntur, quam

Gubera.

quam infecturam Chermes appellant. Ceterum Lac-
ca ex Armenia defertur. Hac sunt Serapionis verba.

Lacca veteri-
bus fuit igno-
ra.

SED, quod pace tanti viri dictum volo, Serapio-
ni ignota fuit Lacca, quoniam Dioscoridis Cancamū
esse putauit. Laccam tamen a Cancamo diuersam ef-
se iam diximus, nulliq; Græcorum cognitam fuisse
asserimus.

LACCAM autem in Arabia non nasci palā est,
quoniam in Arabiam ex India deportatur: Similiter
nec in Sorbi ramos delabi, neq; etiam Mespili, vt non-
nulli perperam verterunt, cum nulla sint per vniuer-
sam Indiam Sorbi aut Mespili. Sed nec in Armenia na-
scitur, nec etiam est Chermes Arabum, cum id nihil
aliud sit quā Coccum infectorium Græcorum.

QVANTVM verò hallucinentur Monachi qui
in Mesuen scripserunt, dist. 1. cap. 48 Sanguinē Drā-
conis vulgo vocatum Cancami loco substituentes, do-
ctissimē Matthiolus multis argumentis ostendit suis
in Diosc. commentarijs lib. 1. cap. 23.

Benjui non
est Canca-
mum.

EORVM item opinio qui Dioscoridis Cancamū
Benjui esse volunt, magis erronea est, quā vt refelli
debeat: siquidem non nascitur in Arabia, vti de eo cō-
mentantes diximus.

Dialacca.

Cancamum
quid sit.

VERVM si mihi dicere licet quod sentio, in ea
sum opinione, vt nos legitimo Cancamo minimē ca-
rere putem, & Laccam etiam legitimam nos habere
quam ex India omnes Mauritanii petunt, eaq; etia-
in suis compositionibus vtuntur, veluti in Dialacca,
quam ipsi Dallacca vocant.

ERIT autem Græcorum Cancamum, mea sen-
tentia,

sentia, id quod nos *Anime* vocamus *, ad suffimenta *Anime*-
idoneum, quod in Lusitaniam ex Aethiopia Arabia
finitima aduehitur. Si quis verò aliud proferat quod
Cancami descriptioni conueniat, sententiam mutare
paratus sum.

HALLUCINANTVR verò qui *Anime* in
Bresliana regione inueniri contendunt, & genus illud
picis siue Bituminis Resinæ ue, in Siruan, vt aiunt, nō
procul à Maluccis repertum, *Anime* esse credunt. Nam
eius picis multa copia huc ex Samatra alijsq; regioni-
bus aduehitur qua picandis nauibus vtuntur. Sed nec
odore præditum est Cancamo simili, & duntaxat resi-
nam aut quoduis vulgare gummi olet.

* Etiamnum ea Lacca quæ ad nos aduehitur circa ra-
mulos elaborata est; & quamuis prædura & exsucca, præ-
mansa tamen sputum efficit sanguineum; quod probita-
tis est indicium: imò alutas & coria veruecina ea contusa
& vrina veteri macerata rubro colore infici ex altera par-
te quidam volunt. Itaque verisimile est, eam adhuc recen-
tem eas omnes notas obtinere quas noster Auctor Laccæ
tribuit.

* Eiusdē est sententiæ Amatus Lusitanus suis in Dios-
coridem Cōmentarijs lib. 1. cap. 23. Est verò *Anime* gum *Anime*.
mi quoddam Lusitanorum nauigationibus in Europam
allatum, cuius tria inueniuntur genera. Primum fulues-
cit, & pellucidum est, planeque nobilius illud succinū cru-
dum æmulatur. Amatus hoc genus Cancamum esse, à
Brisoto Gallo edoctus, loco iam dicto contendit. Alterū
genus nigricat, & ferè simile est taurino glutini, siue illi re-
sinæ quam officinæ Colophoniā vocant. Id Amatus Myr-
ram aminneam Dioscor. esse vult. Tertium genus palli-
dum est & resinaceum retorridumque. Omnia verò iucun-
dum in suffumigijs spirant odorem, idemq; videntur tem-
peramentū sortita. Posteriora tamen duo degustata, ma-
gis siccare & amarescere deprehenduntur.

D. *Anime* (quodd nescio cur Anijmum vocet) in hanc *Anime*.
sen-

sententiâ Amatus Enarrat. 23. cap. de Cancamo. Est igitur Cancamum gummi quoddam, quod ex Guineâ, Africâue & insulis illi circumiacentibus Lusitani nostri adferunt Anijmum appellâtes. Decidit enim gummi hoc, ut testantur illi, ex proceris arboribus, folia Myrti habentibus, quod album reperitur, & aliud subnigrum Myrrhæ quodammodo perlimile, odoratum, quod Dioscorides illis de causis tanquam improbum commemorat, & Mineam [Diosc. habet Aminneam, Galenus tamen Minæ meminit] à terra vnde præcipuè nascitur eam appellat, quanquam Serapio Amineam nominet: Vnde Lusitani nostri corrupta dictione, pro minea vel aminea Anijmū vocent, & eo mulieres maximè pro suffumigijs, & medicis contra dolores à frigidityte ortos præcipuè vtuntur. Hanc verò assertionē primò adstruxit Brisotus Gallus, vir magna eruditione præditus, qui quum apud Lusitanos ageret, ut inde ad Indos cupidus cognoscendi rerum nouarū, nauigaret, gummi hoc vidit, quod Cancamum esse dixit. Proinde, quum Cancamo opus fuerit, Lusitanorum anijmo deinceps vtentur.



Myrrha.

ITEM Enarratione 71. cap. de Myrrha. Myrrha verò minea vel aminea dicta, hodie quoque in Lusitania & vniuersa Hispania paucis mutatis literis habetur, ut cap. de Cancamo diximus, gummi scilicet anijmum appellâtes, cuius duo genera habentur, album & nigrum. Nam albū Cancamum esse ex Brisoto didicimus: nigrum verò minea hæc Dioscoridis Myrrha est, quæ ex proceris arboribus decidit, nullo cogente artifice, aut vulnere in arbore facto. Hæc Lusitanus. Verum non desunt etiam qui Anime legitimum Bdellium esse putent, ob multas quas habet notas cum Bdellij historia communes, quā apud Diosc. lib. 1. cap. 69. & Plin. lib. 12. cap. 9. atque alios videre licet quò lectorem remitto.

CETERVM cum hanc Epitomen conscriberem, dono accepit à Iacobo Antonio Cortuso Patricio Patauino, clarissimus vir Rembertus Dodoneus medicus Mechliniensis, exotics nonnullos fructus, inter quos nucē Farsfel duorum generum, Sycomori & Bdellij fructum, & Fagaram Serapionis, quos mihi pro nostra amicitia liberaliter communicauit. Hanc itaque fructus Bdellij iconem exhibendi nactus, nolui committere quin eam hoc loco adi-

adiicerem cum breui quadam descriptione. Cuius sanè,
Fagaræq;, de qua postea, & Sycomori cognitionem Cor-
tulo acceptamfero.

BDELLII FRUCTVS.



Est verò Bdellij fructus iuglandis nucis magnitu- Bdellium.
dine, aut etiam amplior, triangulari fere forma, oblon-
giore

gioretamen & ad ficum quodammodo accedente, odoratus colore subcinereo, durissimo putamine, quod prægnans ellè & nucleum continere videtur.

BDELLII historia apud Auicennam cap. 115. valde mutila & confusa est. Dioscorides alijsque Græci gummi Bdellij duntaxat meminerunt. Plinius tamen lib. 12. cap. 9. arboris etiam Bdellij meminit in hunc modum. Vicina est Bactriana, in qua Bdelliū nominatissimum. Arbor nigra est, magnitudine Oleæ folio roboris, fructu caprifici naturaque.

SERAPIONIS descriptionem prudens omitto. Si quis tamen eam cupit, aut ipsum Serapionem consulat, aut doctissimos Matthioli commentarios.

De Caphura CAP. IX.

NON dubium est quin multum Arabibus debeamus quibusdam in medicamentis: etenim aliquando eorum meminerunt, quæ veteribus Græcis neglecta, aut ignota fuere. Quod si interdum plenam descriptionem non reliquerunt, id eo accidit quod illis hæ regiones ignotæ essent. Nam & ego qui multo iam tempore in hac regione habitavi, summa cum difficultate veram & genuinam Aromatum notitiam consequi possum: partim quoniam nostri Lusitani, tametsi magnam partem orbis nauigant, solum solliciti sunt quas merces quibus ex regionibus maiori cum quæstu sint euecturi, quasue inuecturi; vt verò sciant quæ in singulis quas adeunt regionibus, quaq; forma arbores nascantur, & num fructiferae sint necne, possintne cū nostratium quibusdam comparari, minimè curiosi: tum etiam quod propter ingrauescentem ætatem singulas regiones mihi adire non licet, nec etiam si velim concedatur ab harum Prouinciarum præfectis & Gubernatori-

natoribus, qui mea, propter senectutem & rerum experientiam, vti malunt, quàm aliorum Medicorum opera, tametsi eruditi viri non desint. Quamobrè culpandus non sum, si interdum nonnulla cum dubitatione profero.

CETERVM vt ad institutum reuertamur, Capur, Cafur & Cafur omnibus Arabibus dicitur, quoniam apud eos literæ f & p, magnam inter se habent affinitatem. Quod si à quibusdam illi alia induntur nomina, aut exemplarium deprauatorum vitio id accidit, aut ipsos auctores deceptos esse credendum est.

EST verò Caphura (nobile medicamentum, cuius nec Galenus, nec quisquam veterum Græcorum ineminit præter Aëtium è recentioribus, tametsi Serapionis vulgata exēplaria Dioscoridis auctoritatem citent, falso tamen id illi accessit) duorum generum, Caphura videlicet de Burneo, & quæ ex China aduehitur. Caphura de Burneo nunquam vsq; ad nostras regiones penetrauit, saltem cùm istic essem videre nō contigit: nec id mirum, quandoquidem huius libra tantum emitur, quanti centenæ libræ eius quæ ex China adfertur, quæ secundum genus est, eaq; in Europā defertur, in panes orbiculares coacta quinq; digitorum diametri. Et quoniam ita coacta est, compositum medicamentum videtur, non simplex.

E A Caphura de Burneo quæ magnitudine est Mi li, aut paulo maior, maxima ex parte vilior est. Confi ciunt enim Gentiles, Baneanes, & Arabes qui eam emunt eius genera quatuor, Namq; diuidunt in caput, in pectus, in crura & in pedes. Eius quæ ex capite est

D libra,

Capur, Cafur

Caphuræ
duo genera.

Caphura de
China.

Caphura de
Burneo.

libra, pēdit pardans octoginta: (est verò Pardā* moneta aurea apud Indos genus quod conficit decem regales castellanos) quæ ex pectore, aureis viginti: quæ ex cruribus, duodecim: quæ ex pedibus, quatuor, aut ad summum quinque. Curiosiores nonnulli quatuor instrumenta cuprea sumant inæqualibus foraminibus pertusa (qualia qui vniones vendunt habere solēt) per quæ Caphuram transmittunt. Ea quæ per instrumentum maiuscula foramina continens transmissa est, certum habet precium: quæ per instrumentum mediocrem, aliud: quæ per instrumentum minoribus foraminibus pertusum transmissa est, aliud etiā pendit precium. In ea verò discernenda adeo sunt experti Baneanes isti, vt Caphuram Caphuræ permixtā dextrè distinguere norint, preciumq; iustum imponere, nemoq; sit, qui eos fallere possit.

Baneanum
industria.

Caphuræ
hæc.

MULTA nascitur hæc Caphura in Burneo, Bairros, Samatra, & Pacen. Nomina autem locorum in quibus Serapio & Auicenna nasci tradunt, magna ex parte sunt corrupta. Nam quā Serapio lib. simpl. cap. 344. de Pansor vocat, est de Pacen in Samatra insula: Quam Auicenna lib. 2. cap. 134. Alçuz * appellat, de Sunda esse potest, quæ insula est Malacæ vicina: Quam verò Serapio ex regione Calca aduehi tradit, corruptum est vocabulum, debebatq; è Malaca dicere, quandoquidem in Bairros loco Malacæ vicino nascitur.

EST autem Caphura gummi, (non medulla, aut cor, vt Auicenna, loco suprā citato, & alij quidam putarunt) quod in meditullium ligni cadens, deinde extrahitur,

trahitur, aut per rimas exudat. Id vidi in mensa ex Caphura arbore constructa apud Pharmacopolā quendam; deinde in ligno quodam femoris crassitie donato Gubernatori Domino Ioanni de Craſto; denique in tabella palmum lata apud quendam Mercatorem. Non tamen negauerim, quin interdum in arboris concauū decidat. Principio verò exudat admodum candida sine vllis rubentibus aut nigricantibus maculis: non autem organis elicitur, veluti quidam scripserunt, neque ad candorem conciliandum decoquitur, vt falso Aui-cenna lib. 2. cap. 134. et Serapioni lib. simpl. cap. 344. persuasum est.

PRO certo mihi relatum est, solere aliquem pro-
dire huius colligendæ gratia, qua vbi cucurbitam im-
pleuerit, si quis eo validior eum cum cucurbita vide-
rit, ilico eum impune occidit, quoniam id illis (vt aiunt)
fortuna sit elargita.

QVÆ ex Burneo adfertur plerunque admista
habet minutissima lapidum fragmenta, aut gummi
quoddam, Chamderros illis vocatum Succino crudo
per simile, aut ligni cuiusdam scobem. Sed facile ma-
lesciumprehenditur. Nullam præter hanc adulte-
randi rationem scio. Nam si interdum rubentibus aut
nigricantibus maculis respersa conspicitur, id vitium ex
sordidarum & impurarum manuum contrectatione aut
madefactione contrahi affirmant. Sed facile à Banea-
nibus id vitium emendatur: Siquidē in panno lineo col-
ligatam in calidam aquam clauderunt addito sa-
pone & Limonum succo, deinde probè elotam in um-
bra siccant, & multò candidior redditur non multum

Caphuræ col-
ligendæ ra-
tio.

Caphuræ adulterium.

Chamderros
gummi.

Caphuræ
expurgandæ
ratio.

de pondere decedente . Id ab amico quodam Baneans fieri vidi, qui hoc secretum mihi credidit.

UTRIVSQUE generis meminisse videtur Serapio, loco sup. citato; sed obscurè admodum, cum ait maiorem quantitatem esse de Hariz, minorem tamen esse quàm quæ à Sim adfertur . Quod sic intelligendū puto, maiorem quantitatem ex Chinceo adferri, maioriq³ forma esse, quàm quæ ex Burneo aduehitur: quandoquidem eius quantitas drachma maior nō inuenitur, panes verò siue orbiculi ex Chinceo allati, quatuor sunt vnciarum, aut eo ampliores.

Caphur arboris historia.

A VIRIS fide dignis mihi relatum est, Arbo-rem esse Nuci iuglandi similem, solijs tamen candican- tibus, salignis similibus, fructum aut florem haudqua- quam se vidisse, fieri tamen posse vt vtrumq³ ferat. Il- lud autem certo scio materiam esse cinerei coloris, fa- ginae ferè similem, interdum nigriorem, nec eam qui- dem leuem aut fungosam, vt retulit Auicenna libr. 2. cap. 134. (nisi forte etate iam caducam & emortuā viderit) sed mediocriter solidam . Addunt pleriq³ va- stam & præaltam esse arborem latissimè sese funden- tem & aspectu perpulchram.

FABULOSVM est quod ad eius vmbra- m om- ne animantium genus confugere aiunt, vt ferociora a- nimalia euitent.

Serapionis a- liorumque lapsus.

Samatra in- sulæ.

Taprobana.

N EC minus fabulosum est, quod quidam Sera- pionem lib. simp. cap. 344. sequuti scribunt, huius lar- gioris prouentus augurium esse, cum frequentibus ful- getris calum coruscat, aut crebro tonitru constrepit. Nam cum insula Samatra (quam nonnulli Taproba- nam

nam faciunt) & circumiacentia loca Lineæ equinoctiali vicina sint, multis tonitribus subiecta sint necesse est, eamq³ ob causam singulis diebus imbres aut leues pluuias habent. Singulis itaq³ annis Caphura abundare debebat. Ex quibus patet, tonitru largioris Caphuræ prouentus causam aut indicium non esse. Nonnullis Caphura de China cōposita videtur ex eius parte quæ ex Burneo aduehitur. Affirmarunt præterea Caphura de China. mihi, panes illos orbiculares qui ex China aduehuntur, compositos esse, quoniam Caphura de Burneo in Chinceo deferatur, ideo eius incolis expetita, ut eam alteri viliori permisceant. Cui opinioni suffragantur Baneanes de Cābaya, qui pro arcano dicunt, deficiente Caphura de Burneo, solere se eius exiguam quantitatem cum multa Chinesi commiscere, eamq³ falso de Burneo nuncupare. Addunt itē isti Baneanes, Chinesem Caphuram compositum esse medicamentum, quod temporis lapsu euaporet & corrūpatur: Caphura verò de Burneo minimè.

MIHI sanè compositum medicamentum non videtur, tametsi Manardus in Comp. Mes. dist. 8. contra sentire videatur. Sin verò sit, ex duobus Caphuræ generibus conflari necesse est. Nam tametsi euaporet, non est tamen admodum corruptioni obnoxia, quod indicium est minimè compositam aut factitiam esse, quandoquidem composita corruptioni magis obnoxia esse soleant. Itaq³ cum Rhabarbarum vix quadrimestre illud, quo in hac regione pluit, ferre possit, multū sanè est Chinesem Caphuram incorruptam hīc in India manere.

Auentois
lapsus.

AVENROIS 5. Colliget. cap. 56. aliud Caphura genus facit longè à superioribus diuersum, scribitq³ Ambarum eius Caphura genus esse. Cum autem eius opinionem Cap. de Ambaro satis abunde confutauerimus, plura de his agere superuacaneum esse iudico.

Bellunenſis
lapsus.

SCRIBIT Andreas Bellunensis in suo Dictionario secundum Arabes, aquam Caphuratam ex arbore Caphura stillare, eamq³ cum arbore calidam esse tertio ordine. De hac aqua à multis cum Medicis, tum Mercatoribus sciscitatus sum, neminem tamen inuenire licuit qui eam se vidisse assereret. Quare facile adducor ut credam Bellunenſem cum in hac aqua describenda, tum in eius temperamento lapsum esse.

Caphura
Riachina
nulla.

SCRIBUNT Ruellius, lib. 1. cap. 21. & hunc per omnia sequutus Matthiolus, in libr. 1. Diosc. cap. 75. uterq³ verò ex Serapione, hanc Caphuram ceteris bonitate prestare quæ à Rege quodam Ribah (qui primus dealbandæ Caphura rationem adinuenit) Riachina sit denominata. Ego verò ut id credam adduci non possum, quandoquidem Indiæ Reges potentiores sunt, quàm ut tali mangonio operam dare opus habeant.

RHASES de re med. lib. 3. cap. 22. eam frigidam & humidam, Auicenna lib. 2. cap. 134. verò, quem pleriq³ sequuntur, frigidam & siccam tertio ordine constituit.

Caphura fri-
gida est.

IN ea aliquando opinione cum multis recentioribus fui, Caphuram calidam esse, ob illum odorem & partium tenuitatē quibus prædita est *. Sed posteaquam experimento didici in Ophthalmijs & oculorū inflam-

inflammationibus, tum etiam adustis impositam, ni-
uis frigiditatem retulisse, ilico sententiā mutavi. Ad-
de, quod omnes apud quos nascitur, frigidam asserunt.
Neq; verò obest quod odorata sit, quandoquidem ob
partium tenuitatem facile euaporat & exhalat qui in
superficie est odor, contra quā in Santalo & Rosa,
qua ob suam adstrictionem odorem in se retinent.

REFERT Auicenna lib. 2. cap. 134. vigilias ex-
citare Caphuram. Qui fieri autem id potest, quando-
quidem ipsius testimonio frigida est, soleant q; frigida
somnum conciliare? Somnus quidem inducit foris aut
intus exigua quantitate vsurpata. Si quis verò sepius
odoretur & naribus adhibeat, cerebrum exsiccat &
vigilias creat. Magnus eius vsus est his in regionibus,
multis in rebus, tum etiam in cibis.

Caphura vi-
gilias excitat.

* Perdan monetæ aureæ Indicæ genus Ludouicus Ro-
man. lib. 4. nauig. cap. 4. describit forma angustiore con-
tractioreq; quā sint Saraphi Babylonici, sed longè cras-
sior: cui ab altera parte pro superscriptione bini sint in-
sculpti daemones, ab altera verò nescio quid literis exara-
tum cernitur. Mendosus tamen est codex, & Perday pro
Perdan legit.

* Postremæ æditionis exemplaria nō meminerunt Al-
fuz, sed Alkanfuri duntaxat, & ariagie, deinde alczeid, &
alefcek.

* Consulendus in hanc rem Matthiol. commentarijs in
Diosc. lib. 1. cap. 75.

De Cate, siue Lycio CAP. X.

QVONIAM ad gingiuarum mollificationem
& relaxationem Indi medicamento ex Betre, Areca,
& Cate composito plurimum vtuntur, de singulis com-
mentandum aliquid erit. Sed quoniam ordo sic postu-
lat,

D 4

lat,

lat, de posteriore videlicet Cate, medicamento cum amaritudine adstringente, hoc loco agemus, de duobus prioribus suo ordine acturi.

Lycij natalis.

PLVRIMVM nascitur in Cambaya, praesertim Baçaim, Manora, & Daman, urbibus Lusitania regi parentibus. Prouenit etiam in continenti Goæ, alijsq; plurimis locis, sed non tam abundanter vt supra enumeratis, è quibus mercimonij gratia exportatur magna quantitate in Chinarum regionem: in Arabiã verò, Persiam, & Coraçone, medicamenti causa, & pauca quantitate. Magna autem copia in Chinarum regionem & Malacam deportatur, quoniam in masticatorijs plurimus eius cum Betre est vsus.

Eius nomen apud omnes enumeratas nationes est Cate, in Malaca Cato.

Vplot.

Pucho.

Lycij historia.

QVOD verò hoc nomen Cate, aut paululū immutatum, apud Arabes, Persas, reliquasq; huius Asia nationes obtinuerit; in causa esse puto, quòd maxima pars eius in Malacæ regno absumitur, vbi idem nomen obtinet: quemadmodum in Costi vocabulo accidit, quod, licet Vplotæa prouincia, vbi plurimum gignitur, dicatur; ab omnibus tamen ferè Indis Pucho lingua Prouincia Malacæ vocatur, quòd istic multus eius sit vsus.

CETERVM arbor ex qua hic succus extrahitur, magnitudine est Fraxini, folio minuto Erica vel Tamarici * similimo, perpetuo virente: florere aiunt, sed fructum ferre negant: multis spinis horret: materies ligni robusta, dura, densa, ponderosa, nec, vt aiunt, putredini obnoxia, siue solibus exponatur, siue aquis immer-

immersatur: quam ob causam ab incolis Lignum sem ^{Lignum sem}
peruium nuncupatur. Ex eo propter duritiē & pon- ^{peruium}
dus pistilla fiunt deglumanda ori & idonea in morta-
rijs ligneis sex palmos in ambitu continentibus. Inco-
le eam arborem Hacchie vocant: cur autem ipsum ^{Hacchie.}
succum Cate vocent, nulla ratione consequi possum.

PORRO succi extrahendi hæc est ratio. Ramos ^{Lycij extra-}
huius arboris minutim concisos elixant, deinde con- ^{hendi ratio.}
tundunt, postmodum cum farina Nachani * (se- ^{Nachani}
mentis est nigra & minuta sapore Secales conficien- ^{quid sit.}
dis panibus apta) & cuiusdam nigri ligni, quod istic
nascitur, scobe (interdum etiam sine eo) pastilli aut ta-
belle formantur, quas in umbra siccant, ne solis ardo-
re earum facultas euaporet.

OPTIMUM est medicamentum non modò ad ^{Lycij vires.}
confirmandas gingivas, & desiccandum & constrin-
gendum; verum etiam ad alui profluvia curanda, ocu-
lorumq; dolores tollendos, in quibus plerunq; optimo
cum successu usus sum.

NUNC superest, fueritne Cate veteribus cogni-
tum examinemus.

EGO si mihi dicere licet quod sentio, omnino exi-
stimo nostrum hoc Cate nihil aliud esse, quàm Græ- ^{Cate, quid}
corum & Latinorum Lycium. Nam eius extrahendi ^{sit.}
ratio ab omnibus eadem describitur, iisdemq; faculta-
tibus pollere censetur quibus nostrum Cate. Huc ad-
de quod Indicum Lycium præfertur cum à Diosco-
ride libr. I. cap. 114. & Plinio, libr. 24. cap. 14.
tum à Galeno, libr. 7. simpl. Vocatum autem est
à Græcis Lycium, quoniam in Lycia primum inter

D 5

Græ-

Hadhadh.

Græcos eius vsus repertus sit, optimumq; istic nasci eo tempore censerent. Præfertur etiam Indicum Auicenna, lib. 2. cap. 399. & Serapioni, Ser. lib. simpl. cap. 7. qui id Hadhadh appellant, easdemq; illi facultates tribuunt, quas Græci & Latini. Auicenna vult in eius penuria Arecam & Santalum substitui.

Fausel.

RECENTIORES aliquot è Periclymeni succo succedaneum eius parant. Sed si Lusitani Pharmacopola in conquirendis legitimis medicamentis diligentiores essent, & in adibus Indicis * nuncupatis Olysi pone requirerent, posset eius tum etiam Fausel siue Areca magna copia classe regia in Lusitaniam deferri.

* Dioscoridi Lycium folia buxi habet, & pusilla est arbor. Itaque longè alia censenda est quàm ea quæ nostro Auctori describitur. Tamen si non satis sibi constare videtur Dioscorides in Lycij descriptione, si modò postrema capitis de Lycio pars, Dioscoridis sit.

* Huius sementis etiam meminit is qui naufragiū Nauis S. Benedicti nomine, quæ paulo supra promontoriū bonæ spei ad scopulos allisa est, descripsit, aitque Sinapi similem esse, sed nigriorem cuius farina in panes orbiculares subacta vescuntur tota illa Aethiopiæ ora maritima, præsertim inter fl. S. Christophori, & cum qui à S. Lucia nomen accepit.

* Sunt verò ædes Indicæ, vastæ concamerationes sub Regio Palatio in quibus asseruantur non modò Aromata, sed omnis generis merces quæ ex India Vlysi pone Liburnicis regijs aduehuntur.

De Manna CAP. XI.

AN Manna Græcis cognita fuerit, à Recentioribus satis disputatum arbitror*. Ego paucula duntaxat hîc subiiciam, quæ silentio prætereunda non duxi.

Manna tria genera.

EIVS igitur tria agnoscimus hîc genera ex provincia

nincia VZbeque deportata.

PRIMUM genus vtribus conseruatum, sapore I.
fauimellis, xirqueſt, aut xircaſt vocatur, id eſt Lac Xirqueſt.
ex arbore Queſt nuncupata: nam xir lingua Perſica Xircaſt.
Lac ſonat, nos corrupto nomine Siracoſt nuncupa- Siracoſt.
mus. Eſt autem ros quidam in eis arbores delabens,
aut gummi ex eis deſtillans.

ALTERVM genus dictum Tiriamia^{bim} aut I I.
Trungibim, vt vertit Bellunenſis, in Carduis naſci Tiriamia-
ferunt, granis quàm Coriandrū maioribus, colore in- bun.
ter ruſum & rubentem medio, quæ ex tribulis decu- Trungibim.
tuntur. Vulgus Plātæ fructum eſſe putauit, ſed Gum-
mi aut Reſinam eſſe reſcitum eſt. Huius uſus præfer-
tur à Perſis, ei qua vtimur; quoniam eam qua vtimur
pueris exhibere non audent, niſi decimū & quartum
annum exceſſerint. Ego tamen ab eo tempore quo huc
delatus ſum, ea vti non deſtiti, & ſine moleſtia pur-
gare ſemper deprehendi.

TERTIVM genus magnis glebis aduehitur, III.
admiſtis plerunq; ſolijs. Calabrinæ perſimilis eſt hæc
Manna, plurisq; æſtimatur: deſertur autem ex Baço-
ra vrbe Perſica admodum celebri.

ADVEHITVR interdum Goam in vtribus a- Mannæ ge-
liud genus ex Ormuz emporio, melli candido depur- nus aliud.
to perſimile: ſed facile corrūpitur in hac regione, pro-
pterea quòd vitreis lagenis non aſſeruetur.

* Conſule commentarios Matthioli in lib. i. caput ve-
rò 73. Dioſcoridis. Illic enim tum veterum Græcorum,
Latinorum, & Arabum opiniones recenset, tum etiā Re-
centiorum ſententias de Manna refellit. Eius verò, aucto-
riſque noſtri, atque adeo omnium qui de hac re hætenus
ſcripſe-

scripserunt opiniones refutat Donatus ab alto mari tractatu de Manna.

De Tabaxir

CAP. XII.

Spodium
vnicum.

CVM Spodium tam multas Arabum magni nominis & insignis doctrinae Auctorum compositiones ingrediatur, quas intro assumere licet: non mirum est si dubitatio orta sit, an illorum Spodium cum Graecorum Spodio quod metallicum est, & minimè intro assumi potest, idem sit. Sed, ut verum fateamur, vnicum est in orbe Spodiū, siue Pompholix, ab Arabibus Tutia vocatum, in cuius penuria Graeci ἀρτίως & parabant.

HVIC autem dubitationi & errori ansam praebuit Terentianus ille Dauus omnia turbans, videlicet Gerardus Cremonensis, in Rhaf. ad Alm. libr. 3. cap. 36. qui Tabaxir Arabum interpretatus est Spodiū, quū non minus inter se differant, quā albus & ater color. Eius errorem omnes Arabum interpretes Latini sequuti sunt, Tabaxir Spodium vertentes.

PERICVLOSÆ autem sunt vocabulorum versiones & immutationes, praesertim in re medica, debentq; medicamentorum nomina potius non interpretata relinqui, quā perperam Latina reddi.

Tabaxir.

CETERVM, ut ad rem redeamus, Tabaxir vocabulum est Persicum, ab Auicenna lib. 2. cap. 617. et alijs Arabibus è lingua Persica desumptum, nihilq; aliud sonat quā lactens humor, aut succus liquorue alicubi concretus: quo nomine etiam Arabibus & Tarcis hoc medicamentum cognitum est.

Vo-

VOCATUR autem ab indigenis Sacar Mambu ^{Sacar Mambu.} bu, quasi dicas Saccharum de Mambu, quoniam Indi arundines, siue ramos arboris illud proferentes Mambu vocant. Attamen nunc etiam Tabaxir vocare cœ Tabaxir. perunt, quoniam eo nomine petitur ab Arabibus, Persis et Turcis, qui id mercimoniij causa ex India in suas regiones exportant.

MAGNO emitur hoc medicamentum pro pro- Tabaxir mira-
uentus eius ratione. Eius tamen commune precium in caritas.
Arabia est, vt pari argenti pondere ematur.

ARBOR in qua gignitur interdum magna est et Tabaxir hi-
instar Populi procera: interdum minor, ramos vt plu- stonia.
rimum erectos (nisi quod pulcherrimos quosq; interdū incuruant ad pergulas & deambulacra, apud Indos frequentia, conficienda) frequentibus nodis distinctos, palmi tamen longitudine ab inuicem disitos, habens; folium Olea longius. Inter singula internodia liquor quidam dulcis generatur, crassus veluti amyllum congestum & simili candore, interdum multus, nonnunquam verò perpaucus. Sed non omnes arundines siue rami cum humorem cōtinent, at ū duntaxat quos Bismager, Batecala, et pars Prouinciæ Malauar profert.

HIC autem liquor concretus interdum nigricās & cinereus inuenitur, sed non ideo improbatur, quoniam aut ob nimiam humiditatem, aut quòd diutius ligno inclusus permanserit, hunc sibi colorem conciliat: non autem ob arborum incendium hanc nigredinem adquirit, veluti nonnulli putarunt. Nam etiam in multis ramis quos non contigit ignis, niger inuenitur.

MEMINIT huius Rhafes, libr. de re med. 3.
cap.

cap. 36. sed omiffa generatione, solas vires recenset. Serapionis autē libr. simpl. cap. 342. exemplar tēporis vitio corruptum esse verifimile est, quandoquidem Sa raifcir pro Tabaxir legat.

Auicenna
laptus.

AVICENNA lib. 2. cap. 67. vult ex arundinum radicibus crematis fieri: sed eius opinionem falsam esse ex supradiētis manifestum est.

σποδός.
Tutia.

Antispoda
ex ossibus
Elephantī
nulla.

CETERVM σποδός, quæ Arabum est Tutia, aliud, vti diximus, est medicamentum, cuius historiam ex Græcis petendam censeo. Huius penuria antispodiū fieri censent nōnulli ex ossibus Elephantī. sed quam id falsum sit, ego iudicare possum, quippe qui Elephantorū ossa nullius esse vsus, sed ea ab incolis abiēci sciā.

PORRO, quoniam peruersa Cremonensis interpretatio tot errores nobis peperit, in posterum vti censeo Spodo sine Tutia in medicamentis a Græcis descriptis, quæ nusquam nisi externis remedijs hoc medicamentum admovent: Tabaxir verò legitimo in Arabum compositionibus, quæ vi plurimum intus in corpus sumuntur.

Tabaxir fa-
cultates.

CETERVM ex Medicorum tum Indorum, tum Arabum, Persarum & Turcorum testimonio Tabaxir internis & externis conuenit ardoribus, tū etiam biliosis febribus & dysenterijs.

De Tutia CAP. XII I.

AVICENNA lib. 2. cap. 703. Tutiam in India inueniri scribit. Huic etiam suffragatus Serapio, lib. simpl. cap. 422. Tutia quoddam genus Indici esse asserit.

SED

SED vt verum fatear : Nulla per vniuersam Indiam, nobis saltem cognita, Tutia inuenitur, siue Grecorum ^{αὐτὸς} αὐτὸς : aut es, aliudue aliquod metallū ex quo conflare Tutia possit. Sed ea Tutia qua nos hīc vtimur, ^{Tutia Lusitanorum.} quamq; in Lusitaniā & Hispanias, reliquasq; occidentales regiones exportant, ē metallicis conflata non est, sed ex eorum est genere quæ Dioscoridi ^{αὐτὸς} αὐτὸς appellatur. Mihi enim retulit Mercator, harum, similibusq; rerum curiosus indagator, se certō accepisse à Persicis Negociatoribus, hanc Tutia in Quirmon Persia regione & Ormuz finitima (vbi etiam laudatissimum totius Persiæ cuminum nascitur) fieri, atq; conflare ē cineribus arboris cuiusdam istic nascentis nomine Goan, quæ fructum eiusdem nomine profert, ^{Goan arbor.} cortice & putamine constantem : corticem verò & nucleum, qui putamine clauditur, edules esse. Hanc Tutiam Alexandrinam vocari, non quòd in Alexandria ^{αὐτὸς} αὐτὸς fiat : sed quòd ex Quirmon Ormuz delata, deinde in ^{xandrina.} Alexandria exportetur, ex qua tandem & Italia* & Gallia communicatur.

* Imo vt Matthiolus suis in Diosc. commentarijs libr. 5. cap. 46. censet, caducia potius ex ærarijs Germaniæ fornacibus petita vtuntur, tum Italiæ, tum Germaniæ atque Galliæ officinæ. Attamen si paulò diligentiores magisq; curiosi essent Pharmacopoli, facile Pompholygem ex iisdem fornacibus accipere possent, & sua antispoda, quæ, vt idem auctor est, plerumque ex bouum ossibus concretis parant, omnino reiicerent.

De Ebore

CAP. XIIII.

Ossivm Elephanti non modò in Medicina nullus est vsus (tamen si nonnulli falso tradant ex his
cre-

Dentes Ele-
phantum dū-
taxat expe-
rit.

crematis spodium parari) sed nec instrumentis & ope-
ribus faciendis. Dentium duntaxat materies expecti-
tur. Nam quod Aegmeta lib. 7. cap. 3. Elephantum vn-
gulas medicum in vsum vsurpari tradit, falsum esse
puto.

Fil.
Cenalsil.
Au, Ane.
Açete, Ytebo
Baro.

APPELLATUR autem Arabibus Elephanti-
Fil: (ipse verò dens Cenalsil, quod dens Elephanti
est) in Guzarate & Decan, Ati: in Malauar, Ane:
in Canara, Açete: Aethiopicis, Ytembo: nullis ve-
rò nationibus quod sciam Baro, licet Simon Genuen-
sis * id affirmer.

Magnus Ebo-
ris apud In-
dos vltus.

Superstitio
Indicarum
mulierum.

NULLIVS in medicina vsus sunt ipsi dentes apud
Indos: sed duntaxat ab Arabibus & Turcis vsurpan-
tur ex Auicenna praescripto in ijsdem remedijs quibus
nos vtimur. Verum in operibus & instrumentis moni-
libusq; fabricandis tantus eorum est vsus, vt ex ea Ae-
thiopiae parte que est à Sofala, vsq; ad Melinde, singu-
lis annis in Indiam deuehantur millies sexcenta pon-
do, praeter eos dentes qui ex plerisque Indiae regionibus
conuehantur. Huius Eboris pars in Chinaram regio-
nem defertur: maxima verò & potissima pars Cam-
baya deuehitur. Est enim certum superstitionis genus
à Demone mulieribus eius regionis institutum, vt è vi-
ta sublato aliquo ex sanguine iunctis, ilico omnia mo-
nilia (quorum viginti ex ebore confecta singula mu-
lieres in brachijs gerunt, sunt tamen & ea interdum
è testudinum testis) confringant, & posito luctu noua
inducant. Ingēs verò est apud eos Eboris precium, pro
dentiū magnitudine: siquidē minores dentes non adeo
magno aestimantur; magni verò, ingentis sunt precij.

HA-

HABENT autem singuli Elephanti binos dentes in maxilla superiore, sed non deciduos & denuo renascentes, ut putarunt nonnulli. Feminae verò ijs magna ex parte carent, tamen si nonnullae dentibus vnius palmi longitudine praeditae sint. Mactantur ab Aethiopia pibus Elephanti, ut eorum cruda carne vescantur: dentes verò ad nos mercimonij gratia transmittunt viminibus, siue laqueis colligatos, quod facit ut putem maiora apud eos Elephantorum armenta inueniri, quam Boum in Europa.

Elephantini
dentes non
sunt decidui.

Elephanti crudi
carnib.
Aethiopes
vescuntur.

PORRO Elephanti natura melancholici sunt admodum, noctu pauent & insomnijs metum incutientibus diuexantur. Sed praesens remedium est, si eorum rectores (Naires lingua vernacula vocantur) illorum tergis insideant, semperq; eos alloquantur, ne dormiant. Alui profluuium plerumq; laborant; interdum verò adeo in Zelotypiam rapiuntur, ut efferentur, & quodammodo furibundi reddantur, disrumpantq; catenas & vincula. Eius autem mali curatio est, si rectores educant eos in agros, & grauiter obiurgent.

Naires

CETERVM praeter id ministerium quod vehemens oncribus praestant, & tormentis bellicis è loco in locum commutandis, solent bello utiles esse Elephanti; interdum enim capite & pectore armati equorum more in bellum educuntur. Sed qui his in praelijs vtuntur, id solum emolumentum referunt, quod aduersariorum acies proturbent: & tamè interdum etiam, veluti intellexi, non sine suorum pernicie retro cedunt. Nonnulli sunt Reges, qui interdum mille huiusmodi Elephantos in praelium educunt, alij plures, pleriq; pauciores.

Elephantorum
utilitas.

E C R V -

Elephantorū
pugna.

CRUDELE est id spectaculū, quando Elephan-
ti veluti monomachia preliantur: siquidem non modō
dentibus singuli suum aduersarium impetere student,
sed magno interdum impetu capitibus concurrunt, vt
alteruter eorum, capite confracto, in planiciem cadat.

FALSVM est quod quidam de maris & feminae
congressu tradiderunt, quandoquidem haud aliter cō-
grediantur quā reliquae quadrupedes.

Taprobana
Zeilan fortē.

MVLTA Plinius libr. 8. cap. 1. 2. 3. & seq. de
Elephantis scribit, sed pleraq; parum probanda, & ha-
ctenus non experta. Quod verō in Taprobana insula
maiores, dociliores, bellicosioresq; Elephātos gigni tra-
dit: verum id est si Taprobanam intellexerit eam in-
sulam quae nunc Zeilan vocatur. Nam, vt postea dice-
mus, huius insula Elephanti reliquis omnibus prael-
lunt, eorumq; imperia reliquos agnoscere scribunt.
Eius etiam cum Rhinocerote inimicitiae meminit idē
Plinius, lib. 8. cap. 20. eorumq; pugnas describit.

Rhinocero-
tis hystoria.

Gandæ.

EST autem Rhinoceros vastum animal cornu in
nare gerens, quod difficulter domari potest. Multos in
Cambaya Bengala finitima, & Patane inueniri tra-
dūt, & ab incolis Gandas vocari. Mihi haecenus Rhi-
nocerotem videre non contigit: illud tamen scio Ben-
gala incolas eius cornu aduersus venena vsurpare, vni-
cornu esse existimantes, tametsi non sit, vt ij referunt
qui se probè scire autumant.

Monoceros.

CETERVM de Monocerote tam incerta om-
nia ab Auctoribus referuntur, vt illos eum haudqua-
quam vidisse manifesto appareat. Ego hoc loco referā
quae à viris fide dignis accepi. Inier promontorium Bo-
ne

ne spei, & aliud Promontorium vulgo de Currentes nuncupatum vidisse se affirmabant terrestre quoddam animalis genus, licet mari etiam delectaretur, quod caput & iubam equi haberet (minimè tamè marinum equum esse) cornu præditum duos palmos oblongo, mobili, quodq; nunc in dextram, nunc in sinistram obuerteret; modò illud attolleret, modò demitteret. Id animal cum Elephante ferociter præliari, eiusq; cornu aduersus venena laudari. Eius experimentum factum, propinato duobus canibus veneno: alterum enim canem cui dupla quantitate propinatum esset venenum, sumpto huius cornu puluere ex aqua, conualuisse: aliū verò cui exigua quantitate venenū esset datum, nec exhibitum hoc cornu, statim mortuum corruisse.

CETERVM non modò vernaculam linguam ^{Elephant} intelligunt, sed etiam peregrinas si eas edoceantur. ^{docilitas.} Glo-
rie sunt cupidi, beneficiorum memores, iniuriarum verò haudquaquam obliuiscuntur, & vindictæ cupidissimi sunt. In summa huic animali nihil deesse videtur ut ratione præditum appareat, præter loquelam: tamen si non desint qui in Cochīn publicum instrumentū (attestationem vocant) se vidisse asserant, quod referret Elephantum aliquando istic loquutum, petiisseq; à suo rectore (quem in Malauar Naire, in Decam verò Piluane vocant) cibum. At rectorem respondiisse, Lebetem in quo illi Oriſam coqueret, pertusum esse, eū tamen ad Cacabarium deferret obturandum, deinde illi Oriſam se cocturum. Lebetem promuscide sumptum Elephantis ad Cacabarium defert. Is Lebetem reparat, sed rimam quam non animaduertat, inob-

turatum relinquit. Lebetem cum retulisset Elephātus, Rector in eum OriZam cum aqua coquendam inijcit, sed cum per rimam effluere conspiceret aquam, rursus Elephantum tradit consarcinandum ut ferat. Eū de-
nuo sumptum desert Elephas. Cacabarius de industria lebetem se reparare simulans, rimā auget. Desert Elephantus lebetem ad mare, & aquam haurit, quam dum effluere videt, lebetem intelligit non reparatum: ad Cacabarium redit magno barritu intonans, quasi de eius perfidia conquereretur. Cacabarius tandē lebetem probe ferruminat, & reparat. Sed ei Elephātus non fidens, denuo ad mare profectus, aquam haurit, quam cum continere lebetem animaduertit, domum redit, & oriZam in eo coctam edit. Viuunt etiamnum qui hoc spectaculum se vidisse affirmant, loquutum tamen asserere non ausint.

Rex Sian.

Elephantus
candidus.

RVMOR est Regem Sian, in cuius regno praestantissimi post Zeilanos inueniuntur Elephantum, candidū Elephantum habere, eumq; propterea Regem candidi Elephantum per excellentiam appellari.

Rex Regu.

Elephantorum
venatio.

RETVLIT mihi amicus fide dignus, se duas Elephantorum venationes vidisse, ad quas profectus esset Rex Pegu cum infinita hominum multitudine, siquidem in prima ducenta hominum milia fuerunt. Amplectuntur illi in orbem totum eum locum in quo Elephantos sua pascua habere norūt, deinde paulatim orbē siue hominum coronam contrahentes, tandem in medium concluderunt non modò ingentem Elephantorum multitudinem (siquidem ea venatione quatuor milia capta sunt) sed & alia animantia, veluti apros, tigrides,

tigrides, partim viua, partim iaculis confixa. Omnes autem Elefantos dimisit, præter ducentos tum adultos, tum iuniores, ne suam regionem Elephantis depopularetur. Eos verò domarunt in hunc modum. Magnis trabibus eos sepientes, paulatim circum, quo concluduntur, in angustius contrahebant, donec singulos Elefantos vix locus caperet: deinde funibus è vimine contextis eorum pedes & dentes aptabant, vt Elephanti se mouere loco non possent. Hos binis funibus cinctos subibant rectores, & calcibus impetentes, tum baculo ferientes, perpetuo se verberaturos & tandem fame enecturos minitabantur, nisi essent morigeri. Sin verò essent morigeri, oleo se peruncturos, & cibos subministraturos pollicebantur. Deinde singulos educebant & lauabant, lotis singulis binos Elefantos domesticos & iam domatos admouebant, inter quos vtrinq; coërcerentur. Hac ratione domitos fuisse referebat.

ALIAM præterea Elefantos capiendi rationē idem mihi narrauit. Intellexerat idem Rex Pegu ingentem Elefantum in syluis oberrare, vt eum caperet, aliquot Elefantos feminas domesticas eo mittit, prius commonitas ne cum Elephantis congregarentur, sed signis indicarent se primum cōgressuras vbi ad sua stabula peruenissent. Posteaquam eo venissent feminae, statim eas subsequuti sunt Elephanti cum illis pascentes, donec in urbem Pegu, quæ admodum vasta est, deducti essent. feminae ad sua stabula remearunt subsequentibus eas Elephantis. Eductis inde feminis, solos Elefantos conclusos, eadem, quam suprà retu-

E 3 linus,

linus, ratione domarunt.

Elephantos
domandi
ratio.

IVNIORES etiam verberibus, obiurgationibus & fame, interdum verò beneficijs domantur. Maiores verò magnis adibus concludunt quæ multas habent ianuas angustas, è quibus qui Elephantos domare volunt, iacula & spicula in eos conijciunt, donec iam fessi, vulneribusq; & fame propè sint enecli. His deinde rectores significant eos se ita exercitasse ut feritatem deponerent: quod si humi se prestrauerint, beneficia in eos collaturos pollicentur, procumbunt Elephantis, lauantur, vnguntur oleo, & cibus datur: deinde singulis ferè momentis interrogantur qui valeant, quid petant. His rationibus paulatim edomantur.

Plinij lapsus.

MANIFESTVS autem Plinij error in eoprehenditur, quod Elephantos minimo suis stridore terri & retro cedere scribit lib. 8. cap. 9. Nam plerunq; sues Elephantorum stabula ingrediuntur, nec eis terrentur, aut eorum presentia quidquam commouentur. Sed & in syluis Malauar multos sues cum Elephantis versari certum est. Illud verum est, quod mures oderit, quemadmodum idem tradit. Nam si mures in suis stabulis versari senserint, nunquam nisi contorta in se & conuoluta promiscide Elephantis dormient, ne eam mures ingradientur & mordeant: eadem planè ratione formicas abhorrent.

Elephantus
murem odit,
& formicas.

And. Lacuna
lapsus.

MIRARI subit, à quo Andreas Lacuna lib. 2. cap. 50. com. in Diosc. edoctus, fossile & minerale ebur inueniri scripserit, quandoquidem nihil à veritate magis alienum sit.

Fuchij error.

Nec minus Fuchsum lib. de Compos. med. minor,

ror, qui nullibi verum ebur reperiri summo errore scripsit: cum tot sint Elephanti per vniuersam Indiam & Aethiopiam.

*Vulgaria Simonis Genuensis exemplaria huius meminisse non reperio.

D¹ Elephantorum docilitate & industria multa apud Auctores leguntur. Sed & recētib⁹ exemplis eorum industria & docilitas est cognita. Nōne Elephantus quem ante triennium hic in Belgico vidimus, quemque ad Maximilianum Cæsarem Rex Catholicus mittebat, summū docilitatis & intellectus propemodū humani specimen nobis præbuit? Attamē adhuc erat iunior, nec nonum annum excelsisse ferebatur.

De Canella

CAP. XV.

TAM longa difficiliq³ via petebantur olim hac aromata, vt perfectam eorum notitiam consequi Veteribus haud facile fuerit. Hinc factum vt mille fingerentur fabulæ, quas Herodotus pro veris refert. Et ^{Herodoti fabulæ.} quoniam ingens eorum erat precium, maiorq³ in hominibus lucri cupiditas, adulterabantur aromata, & hac ratione fiebat, vt diuersa illis inderentur nomina, tametsi plerunq³ eiusdem essent generis.

PROPTER locorum igitur distantiam, & minus frequentatas has regiones à Negociatoribus, probè cognita Cassia historia veteribus non fuit. Nā qui eam Ormuz & Arabiam deuehebant, Chmenses (vt infra dicemus) erant; Ex Ormuz deinde in Alep Em- ^{Alep Syriæ emporium.}porium totius Syriæ nobilissimum ab alijs negotiatoribus transferebatur. Qui verò inde eam ad Græcos deportabāt, aut apud se nasci, aut in Aethiopia dicebāt, multisq³ cum superstitionibus cedi, diuidiq³ à sacerdo

CANELLAE FOLIUM ET BACILLVS.



te in ternas partes, quarum vnā Deo poneret, alteram Regi, tertiam sacerdotibus *.

CETERVM neq³ Cassiam, neq³ Cinnamomum apud Aethiopes, aut Arabes nasci, nostrorum Lusitanorum nauigatione palam factum est, qui totā illam oram circumlegerunt, magnāq³ ex parte terrestri itinere peragrarunt, nullam autem Cassiam aut Cinnamomum vidiſſe affirmāt. Huc adde quod ipsimet Arabes Canellam dictam hinc petunt, cuiusq³ precium apud eos intenditur, quoties hinc eò non deferitur.

DICET aliquis Canellam quidem apud eos non nasci, & propterea ab Indis petere; sed legitima Cassia & vero Cinnamomo eos non carere, forte autē a Barbaris & inconditis populis ignorari. Familiares habeo eruditos viros Medicos Arabes, Turcos & Coraones, qui omnes Canellam crassioſiorem, Cassiam ligneam appellant. Præterea nonnulli ex nostris totam Aethiopiā sub Aegypto (quam nunc Guineam vocant) nō solum secundum mare, sed & in mediterraneis peragrarunt, alij ab insula D. Thome nuncupata vsq³ ad Sofala & Mozambique & inde Goam penetrantes, alij pleriq³ à Promontorio Bonæ spei (cū naufragium passi essent) vsq³ ad Mozambique & Melindā, ita vt vtrāq³ Aethiopiam supra & infra Aegyptum perlustrarint; nulla tamen his conspecta est Canella vel Cassia.

CVM igitur orbis nunquam ita fuerit cognitus vt nunc est, præsertim Lusitanis, verisimile est non futura huiusmodi Aromata & celebria medicamenta qualia sunt Cinnamomum & Cassia: sed abundantia ipsam, hanc nobis dubitationem parere.

E S N E-

* Paulo aliter
Plin. lib. 12.
cap. 19.
Cassia neque
Cinnamomū
apud Aethio-
pes nascitur.

Promonto-
rium Bonæ
spei.

NEQVE enim (tametsi nostri minimè curiosi fuissent) credendum est ipsos incolas tam nobilia Aromata tacituros. Nam quemadmodum Barbarissima gens qua insulam D. Laurentij incolit, mercatoribus, qui eò interdum deuehuntur, fructum quendam Auelana magnitudine ostendit, quod Garyophyllos redolet: eadem ratione credendum est Aethiopes Cinnamonum & Cassiam adèd odorata medicamenta nostris demonstraturos fuisse.

Insula D. Laurentij.

Fructus Garyophyllos olens.

Salihacha.

Canella est Cassia.

PORRO Cassia lignea Arabibus, Persis & Indis Salihacha vocatur: à vulgo autem Indorum, eodem nomine dicitur quo Canella: nullam enim inter Cannellam & Cassiam differentiam faciunt. Neque, ut verum dicam, quisspiam Cassiam à Canella differentem vidit.

CETERVM quòd Canella diuersa Cinnamomi & Cassiae nomina indita fuerint, occasionem praeuise puto Mercatores Chineses (nam Annales urbis Ormuz produnt olim quadringentas naues è China vno eodemq; tempore eò appulisse) qui cum è sua regione aurum, sericum, vasa murrhina (porcellanas vocant) moschum, cuprũ, margaritas, aliasq; huiusmodi merces eueherent, nonnullas ex eis in Malaca vendebant; sandalum, nucem myristicam, macerẽ, Garyophyllos, lignum aloës, contra in suas naues inferentes: qua rursum in Zeilan & Malauar diuendebant, indeq; sumebant Cannellam laudatissimam, ex Zeilan videlicet, et ex Malauar minus selectam, similiter & ex Iaoa, unde etiam piper, cardamomũq; euehebant, eaq; omnia deinde Ormuz aut in Arabiae oram maritimam perferebant.

ferebant. Interrogati autem isti Chineses quanam essent hæc Aromata, & unde ea adueherent, fabulas illas narrabant quas recenset Herodotus, ut his commentis earum mercium precia augerent.

CUM autem quæ in Zeilan nata esset Canellam, Canella Zei-
lanitica reli-
quas longè
superat. ab ea quam in Iaoa & Malauar sumpserant differre conspicerent, diuersa illis indidère nomina, cum tamē eiusdem generis essent cortices, pro soli celiq; varietate solum differentes, ut plerunq; idem fructus pro regionum & soli varietate suauior fieri, aut à naturali bonitate degenerare solet.

E MENTES ergo Ormuz incolæ eam Canellam à Chinesibus, idcirco eam Darchini, quod Persis li- Darchini. gnum Chinense sonat, appellarunt; deinde Alexandria vehentes ut eam Græcis eò confluentibus carius venderent, Cinnamomum vocarunt, quod significat lignū Cinnamo-
mum. odoratum, quasi Amomum ex China delatum. Detriori autem Canella, quæ scilicet ex Malauar & Iaoa delata esset, idem nomen quo in Iaoa appellatur, indiderūt, scilicet Cais manis, quod lingua Malaya dulce lignū sonat (hanc corrupto vocabulo Cassiam Græ Cais-manis.
Cassia. ci dixerunt) duo diuersa nomina eidem rei imponētes.

V S V S est autem Auicenna lib. 2. cap. 128. cum Rhase & reliquis Arabibus, vocabulo Persico Darchini, ut plerisq; alijs Persicis solet. Nam Canella cuiuscunq; generis Arabicè Querfaa & Querfe dici- Querfaa,
Querfe. tur. Reliqua verò nomina Arabibus prodita corrupta sunt, ut Darfihahan & similia. Vocatur in Zeilan Cuurdo: in Malayo, uti dixi, Cais manis: in Malauar, Cameaa. Nam quod Serapio Darchini Cuurdo.
Cameaa. Arbo-

Arborem de China interpretatur, corruptum est exemplar, & hac interpretatio ab Interprete addita.

CETERVM rogatos volo omnes cum Medicos tum Pharmacopœos, vt posthac Cassia loco Canellam deteriore præscribere desinant, & selectissima vtantur, quandoquidem tanta nunc est eius copia. Tum etiam ne Cassiam duplici pondere pro Cinnamomo in Compositionibus iniçiant, tametsi freti Dioscoridis et Galeni auctoritate.

SCRIBUNT nonnulli Canellam nostram veterum Cassiam non esse, quòd (vt aiunt) nigricans sit, & inodora: aut, si sit, Pseudocassiam Dioscoridis esse potius quàm legitimam. Fit interdum vt etiam hîc in India Cassiam admodum deprauatam cum alia inueniamus non exigua quantitate (quoniam aut non bene parata fuit, aut non suo tempore casq) quandoquidem vix Aroma reperias corruptioni magis obnoxium quàm Canella est, præsertim si diu in naui persisterit. Est enim hæc regio putredini admodum obnoxia maritimis præsertim locis, imò quotidiana experientia videmus Canellam singulis annis multum de sua illa odoris & saporis suauitate deperdere.

SI quis plura de Cassia requiret, legat Manardū lib. Epist. 8. Epist. 1: & Commentarios Matthioli, lib. 1. cap. 12. & 13. qui multis argumentis demonstrant nostram Canellam, legitimam Cassiam esse. Sed quod Cinnamomum inueniri negent, in eo falluntur, cum Cassia, Cinnamomum, & nostra Canella vnum idēq; sint medicamentum.

Cinnamomum, Cassia, & Canella idem sunt.

ANNOTAVIT Lacuna lib. 1. cap. 13. in edibus

bas Indicis Vlyssipone se omnia Cinnamomi genera à Cinnamomi
veteribus descripta obseruasse. Sed ego hic in India plu-
ra duobus non obseruaui, videlicet quod in Zeilan na-
scitur, & quod in Iaoa & Malabar. Nam quod in Lu-
sitaniā deuehi solet, Zeilaniticum omnino est. Pote-
rit autem fieri ut quinq; genera bonitate discreta in-
uenerit, non autem genere diuersa. Quod verò deinde
addit de Cinnamomo cum Maria Stiliconis vxore re-
perto sub Paulo III. P. M. fabulosum prorsus vi-
detur.

FATENTVR nonnulli, Cinnamomum quidem
nos habere, sed non illud Mosyliticum quod à Diosco-
ride lib. I. cap. 13. ceteris generibus præfertur; quodq;
Theophrastus lib. 9. cap. 5. multis nodis constare scri-
bit. Sed his abundè satisfactū puto ijs argumentis quæ
antè protulimus.

PORRO Cinnamomum siue Canelle arbor ma-
gnitudine est Oleæ, interdum minor, multis ramis præ-
dita, non ijs quidem contortis sed rectis fermè: folijs
lauri quidem colore, sed forma ad Citri folia accedente
(non verò folijs Iridis ut fabulosè quidam scripsere)
floribus candidis, fructu nigro & rotundo, auellane
ferè magnitudine aut exiguis oliuis simili. Est autē Ca-
nella nihil aliud nisi secundus & interior arboris cor-
tex *, nam hæc arbor duplici cortice munita est velu-
ti Suberis arbor, non eo tamen adeo crasso et distincto.
Exemptus ergo cortex crasso illo & exteriori libro re-
purgatur: deinde per laminulas quadrangulas sectus
humī abijcitur, atq; ita per se conuoluitur, ut trunci
vnius rami integer cortex videatur, cum tamen dun-
taxat

Cinnamomi
siue Canellæ
duo dunta-
taxat esse ge-
nera.

Canellæ hi-
storia.

taxat partes sint corticis in tubulos digiti crassitie conuoluta, truncus verò interdum femoris crassitudine reperiatur. Roseum autem illum, siue ex cinereo vinosum colorem Solis calore contrahit: qui, non probè paratus, candicans siue cinerei coloris fit; nimis verò ardoribus Solis adustus, niger. Exempto cortice, tribus postea annis ab ea arbore abstinetur.

FREQUENTES sunt hæ arbores in Zeilan, solebatq; vili emi Canelia: sed triginta abhinc annis, nemo eam emere potuit, præter Procuratorem regionum negociorum, factorem vocant. Zeilanicis minores sunt ea quæ ignobiliorem Canellam præbent in Prouincia Malauar & in Iaoa siue Iaua; non tamen adeo pusillæ, vt eas Plinius lib. 12. cap. 19. & Galenus lib. 1. de Antidotis esse censent. Sūt verò omnes syluestres & sponte nascentes.

Canella arbor syluestris.

NVSQVAM alibi, quod sciam, nascitur Canel-
la, tamen si Franciscus de Tamara scribat in freto ma-
ris Erythraei Cinnamomi arbores, & Laureos maris æ-
stu interdum opertos inueniri: quoniam nostri singu-
lis annis per mare Erythraeum nauigant, nullam tamē
huiusmodi arborem viderunt. Nam quòd ad Occiden-
talis quam vocant India historiam attinet, non verifi-
mile videtur Canellam istic nasci, quādoquidem eam
dicit calices glandesq; Suberis modo ferre, cum legiti-
ma Canella veluti oliuas ferat: sed alia erit sui generis
arbor. Nec, vt eadem refert, in China nascitur, nam è
Malaca Chinam cum alijs mercibus desertur. Intelli-
go verò plurimam etiā Canellam in insula Mindanao
nasci & vicinis insulis; sed procul ea à China absunt.

Nulla Canel-
la in Ame-
rica.

Nulla item
in China.

P v-

PVTARVNT etiam nonnulli in Alep nasci Canellam, quod apud aliquot Scriptores prescriptum inuenerint Cinnamomū Alipitinum: sed sciant non magis istic quā in Hispanijs nasci. Verū cū ex his regionibus Ormuz & inde Alep deuehatur, factum est ut incorruptam Canellam inde in Europam aduectā, ab ipsa vrbe Alep denominarint. Tamei si autem Zeilanitica reliquis praeferatur, inuenitur etiam interdū ignobilis, qualis est quae crassiori cortice cōstat, minúsque in tubulos conuoluitur, quod non sit eiusdem anni: quo enim vetustior cortex, eò deterior. Quae verò in Malauar nascitur, tota ferè est ignobilis, tantumq; à Zeilanitica differt, ut centena Zeilanitica librae, decem aureos pendant, Malauarica verò libra quadringenta vnum duntaxat aureum.

Cinnamomū
Alipitinum.

Canella Zei-
lanitica.

Canella Ma-
lauarica.

EXSTILLAT ipsa radix liquorem Caphuram redolentem. Sed rex vetuit radices vulnerari ne arbores pereant. Elicitur aqua plūbeis aut vitreis instrumentis ex ipsis floribus, sed quae fragrantia et odoris suauitate ei cedat, quae ex corticibus nondum exsiccatis elicitur, tamen si ex solis floribus elici auctor sit Lacuna lib. I. cap. 12.

Liquor è ra-
dice Canellæ.

Aqua è cor-
ticibus, & è
floribus Ca-
nellæ.

VTILIS est stillatitius hic liquor ad plurima: nam stomachi imbecillitatem roborat, coli dolores ex causa frigida proueniētes illico lenit, ut plerunq; sum expertus, faciei colorem commendat & oris halitum, praterea ad condiendos suauioresq; efficiendos cibos perquam idoneus.

Aquæ Canel-
lae facultates.

EX Canella baccis oleum extrahitur, quemadmodum ex oliuis, seu acern quodammodo & saponi Gallico

Oleum Ca-
nellæ.

lico simile, inodorum nisi calefactū sit, tunc enim Cinnamonomum aliquantulum olet. Eo vtuntur aduersus ventriculi & neruorum frigidam intemperiem.

CETERVM vt de nominibus generum Canellæ a veteribus traditis aliquid hīc dicam: fieri posse existimo, vt Zigir vocatus fuerit totus ille Chingalarum tractus, qui est Zeilan. Nam Persæ & Arabes nigros vocant Zangues, omnes verò Zeilan & Malauar incolæ nigro colore præditi sunt. Mosyliticū ab insula Zeilan, quæ montosa est, dici puto.

PLINIVS lib. 12. cap. 19. in Gebanitarū portum Ocila vocatum deferri tradit, qui nihil aliud est quàm Chingalarum siue Zeilan portus.

Zeilan insulæ
descriptio &
vbertas.

Taprobana.

Chingalæ,
Zeilan in-
colæ.

CONTINET autem Zeilan, siue Ceilan octoginta leucas in circuitu, triginta verò in longitudinem patet: polum eleuatum habet à sexto ad nonum gradum, vberissima & laudatissima totius orbis insula (hanc nonnulli veterum Taprobanam esse volunt, alij verò Samatram eam putant) habēs è regione & in conspectu Promontorium de Comorin vulgo nuncupatū. Populosa est admodum, tametsi magna ex parte montosa, cuius incolæ Chingalæ appellantur. Multa istic nuces myristicæ, Garyophylli, Piper, omnis generis præter adamantem gemmæ; margaritarum, auri, argenti magna copia. Siluæ omnis generis aubus scatent, pavonibus, gallinis, palumbis varij generis, multoq; venatu, ceruis et apris. Delicatiissimi istic fructus, tametsi sponte nascentes, ficus, vuae, aurea mala suauitate reliqua totius orbis superantia: ligno et ferro abūdat: multa Palmarum genera, optimiq; Elephantēs summiq; ingenij,

ingenij, quibus reliquos obedientes esse ferunt. Fabu-
lantur Indi istuc esse Elysios Campos, & in excelso qui
istuc est monte (quem rostrum siue acumen Adami vo-
cant) pedum Adami * vestigia apparere.

Elephantis
Zeilanicis re-
liqui parent.

* In nostra sanè Canella interdum inuenies fragmenta
quæ non videtur interior ille cortex, sed omnino superior
cinerea quodammodo pellicula obductus. Plerique verò
tubuli, delibrati & crassiori inæqualique cortice denu-
dati videntur.

CINNAMOMI verò duos ramulos in Belgico vidi:
alterum apud Generosum Dominum Carolum à D. Au-
domaro: alterum apud C. V. D. Nicolaū Valdaura Bru-
gensem medicum. Sunt verò ij recti, crassitudine pollica-
ri, non enodes, sed nodis quibusdam siue ramulorum ve-
stigijs palmum ab inuicem dissitis insigniti. Cortex te-
nuis est, subcinerei quodammodo coloris, iucundi odo-
ris, suavis gustus, sed qui sua acrimonia aliquantulum lin-
guā vellicet. Lignum certè inodorum est, & insipidum,
non minus quàm Salicis ramus, cui perquam similis est.
Retinet autem cortex, suauem illam cum odoris tum sa-
poris iucunditatem (tamen si totis quadraginta aut am-
plius annis à sua matre reuulsi sint ramuli) atque eam etiā
maiolem quàm nostra Canella, cuius foliū Clariss. vir,
D. Ioannes Plaça medicus ac Professòr Valentinus in Hi-
spanijs mihi dedit.

LVDOVICVS Roman. lib. 6. cap. 4. similem fere no-
stro Auctori Cinnamomi siue Canellæ descriptionem
tradit. At Maximil. Trans. epistola de Moluc. insul. Cin-
nami arborem Punicæ mali similem facit, quàm rectè,
nescio.

* Huius fabulæ meminit etiam Lud. Roman. lib. 6. na-
uig. cap. 4. vbi de insula Zeilan agit. Memorât, inquit, in-
colæ diuum Adam, post lapsum illic fletu ac continentia
pœnitudine ductum culpam redemisse. Id assequuntur ea
coniectura, quòd parentis adhuc visuntur impressa pedū
vestigia, longitudine geminum palmum excedentia.

De Agallocho CAP. XVI.

DIOSCORIDES lib. I. cap. 21. Lignū Aloës,
F quod

quod ipse Agallochum vocat, ex India atq; Arabia deportari, cute verius quàm cortice vestitū, & pro Thure ad suffimenta substitui scribit.

Lignū aloës
ex India duntaxat.

Agallochum
pro thure nō
substitui.

SED legitimū Lignum Aloës non nisi ex India deportatur. Ex Arabia quidem adferri potuit, prius tamen ex India eò deportatum, vt pleraque aliæ merces. Nam in Arabia nasci non puto. Cute sanè non vestitur, sed cortice vt reliqua ligna. Neq; verisimile est pro Thure ad suffimenta substitui: sed potius è contra pro Agallocho Thus substitui debuit, vt pote cuius semper maior copia fuit. Non solemus enim rariora & inuentu difficilia vulgaribus substituere: sed contra. Nā Thuris selecti centum pondo aureo duntaxat hīc emuntur, tametsi ex Arabia huc deportetur. Lignum verò Aloës, licet hīc natum, tres aureos pendit in singulas libras.

PVTANT nonnulli Plinio descriptum esse sub Tari nomine, quod Tarū, libr. 12. naturalis Historiæ cap: 20. ex confinio Casiæ cinnamig; per Nabateos Troglodytas inuehi scribit.

MEMINIT Agallochi Auicēna duobus diuersis capitibus, altero, lib. 2. cap. 742. videlicet, de Xylaloë, & altero, lib. 2. cap. 14. de Agalugen. Solet enim de medicamento aliquo dubitans, duo, vt antè diximus, capita describere, posteriori plerunque plenius & accuratius omnia describēs. Priori, lib. 2. 742. scilicet, nomina recenset & prouincias enumerat è quibus deportabatur. Sed in omnibus verum & legitimū Lignū Aloës non nascitur. Nam quod in Promontorio Comorin, Veteribus Cori dicto, & Zeilan inuenitur, lignum quidem

Promontorium
Cori.

quidem odoratum est quod Lignum aloës sylvestre vo Xylaloes
carunt: attamen non est. Legitimum verò in Malaca
& Samatra nascitur, vnde à Chinenfibus ferebatur.

HALLVCINATUR autem Auicenna *, cū
ab incolis elixari, vt omnem odorem eliciant, scribit.

EIVS plura genera enumerat Serapio lib. simpl.
cap. 197. Indum, id in quadam India insula inueni-
tur quæ Fiuma nominatur. Selectissimū est nigrum,
quod varium ostendat colorem, ponderosum. Mondu-
num à Mondel India vrbe denominatum. Seificum: po-
stremo Alcumericum, Seifico bonitate cedens; tamen si
Alcumeri non longius à Seifi, quàm triduo itinere
distet. Ceterum præstare quod sua grauedine in aquā
coniectum non innatet, sed statim subsidat, quodq;
ignium flammis diu resistat.

Ego sanè quid per hæc vocabula sibi velit Serapio
planè ignoro, & nomina admodum deprauata esse ex-
istimo. Nam quid per Fiuma intelligat, nescio: per
Mondel, fortè Melindā intelligit: per Seifi & Alcume-
ri Zeilan insulam, & Promontorium Comorin, à quo
triduo itinere marino Zeilan insula distat. Conie-
cturis duntaxat vtor. In Comorin certè & Zeilan li-
gni quoddam genus odoratum prouenit, quod Aguila
braua, id est, Lignum aloës sylvestre appellant, vt pau-
lò antè diximus. Eo cremantur Baneanum corpora, Baneanos
quos huius historiae initio ab omni re animata abstine-
re dixi.

IDEM Serapio lib. simp. cap. 197. ramos ab ar-
bore resectos integro anno sepeliri scribit, vt ita obru-
ti Agallochi marcescat cortex, lignumq; purum dun-

F 2

taxat

Agallochi
fructus.

taxat remaneat, adeo ut è ligno nihil exodatur. Addit collabentes ex Agallochi arboribus ramos, à fluminū inundationibus raptos per circumstantes regiones deferri. In nonnullis sanè veritati consona refert, sed in quibusdam veritatem assequutus non est. Quod verò fructum proferre rotundum piperis modo, & rubentē refert, an verum sit ignoro, cum hætenus videre mihi non contigerit, nec quenquam inuenerim qui aliquando viderit: nec reliqui Arabes, Rhases, Auenrois, & Isaac eius usquam meminerunt, tametsi Agallochi facultates descripserint.

MAGIS autem fabulosa sunt eorum somnia qui Agallochi arborem terrestri tantum paradyso provenire, eiusq; fragmenta fluminibus ferri fabulantur, quàm ut refelli debeant.

Chamelea in
regno Mala-
ca non na-
scitur.

NEC minus absorta sunt quæ Pandectarius cap. 30. de Agallocho scripsit. Nam quod Chamelea adulterari Agallochum scribit, à veritate alienum est omnino, cum tota ea regione Chamelea non nascatur.

Agallochi
legitimi vni-
cum genus
inueniri.

RVELLIVS lib. I. cap. 36. verò tametsi per omnia veritatem non sit assequutus, in plerisque tamen hallucinatus non est. Quatuor quæ recenset Agallochi genera hætenus videre mihi non licuit; sed vnicum genus Indicum novi. Fieri potest ut reliqua genera legitimū Agallochum non sint, sed lignum aliquod odoratum.

BENE etiā scribit Musa exam. simpl. de Agallocho: in eo tamen fallitur, quod eius plures filias inueniri scribat. Nam raræ sunt arbores.

Agalugen,
Haud, Vd.

CETERVM Agallochū dicitur Arabibus Agalugen & Haud; Guzarate & Decan incolis, Vd. quod

quod vocabulum ex Arabico desumptum videtur: in
Malaca Garro, selectissimum autem Calambac.

Garro, Ca-
lambac.
Agallochi
historia.

ARBOR est Olea instar, interdum maior, fru-
ctum aut florem videre non contigit, ob difficilem &
periculosam huius arboris diuturnam observationem,
frequenter istic grassantibus Tigribus. Allati verò mi-
hi sunt è Malaca rami cum folijs. Ferunt autem recēs
dissectum Agallochum nulla odoris fragrantia gratū
esse, nec nisi siccatum odoratum esse: imò eum odorem
per vniuersam ligni materiem non diffundi, sed in ip-
so arboris corde siue matrice coaceruari. Crassus est e-
nim cortex, & ligni materies odoris expers. Haud ne-
gauerim tamen, quin putrescente cortice & ligno, o-
leosus ille & pinguis humor fugiat, & ad matricē re-
cedat, illamq; odoratiorem faciat, sed vt odor Agallo-
cho cōcilietur, minimè putredine opus est. Multi enim
sunt adeo experti & dextri in Agallocho dignoscēdo,
vt etiam recens sectum iudicare possint, sit ne odoratū
futurū, an nulla odoris iucunditate spiraturū. Etenim
in omni lignorum genere, aliud alio præstātius est. So-
lent autem Malacæ incolæ Agallochum repurgare an-
te, quàm Negotiatoribus vendant.

PRÆFERTVR verò multum nigricans, cine-
reis discurrentibus venis, ponderosum, plurimo humo-
re pingui prægnans *. Probatio erit, si igne accensum
multum humoris exudet; non si in aquam coniectum,
non innatet, sed subsidat. Nam selectissimum quando-
que innatat, nec subsidit. Guzarate & Decan incolæ
præter supradictas notas, vt magna sint fragmina re-
quirunt, quemadmodum maiores gemmas & Marga-
ritas

Agallochi
delectua.

ritas ceteris praeferunt: persuadent enim sibi quo maiora sunt fragmina, eò plus facultatis in se continere.

* Ego totam Agallochi historiam apud Auicennam legi, sed nusquam eius mentionem fecisse inuenio, saltem in nostris exemplaribus. Quare omnino dicendum est Auctorem à nostris diuersa habuisse exemplaria.

* Eiusmodi ex India Vlysiponem adfertur, sed magno aestimant. Fiunt interdum ex eo spherulae precariae odoris iucunditate & precij magnitudine commendabiles. Frequentiores tamè sunt ex quæ ex Xylaloë ut vocant syluestri, nostro Auctori descripto, fiunt, tum ex alio ligni genere quod mirum in modum Agallochum æmulatur, inodorum tamen est.

De Sandalo CAP. XVII.

Sandalum.

QVONIAM Sandalum visibus humanis valde necessarium est, utpote quod Cordis affectibus non parum conueniat, de eo differere non alienum duxi.

Chandama-
Sandal.

APPELLATUR autem in Timor insula omnibusq; prouincijs Malacca vicinis Chandatna: Arabes corrupto nomine Sandal vocarunt, quos imitati sunt omnes in genere Mauritanii cuiuscunq; tandem illi sint prouincia: in Canara, Decan, & Guzarate Ser-canda dicitur.

Sandali tria
genera.

PORRO tria sunt Sandali genera, Rubrum, Album, Pallidum quod Cirinum officinae vocant. Hec autem omnia genera non nascuntur vna in prouincia: sed magna locorum est distantia. Siquidem Rubrum in Timor, vbi plurimum Album & Pallidum prouenit, non nascitur: sed in India intra Gangem fl. quem incolae Ganga vocant, videlicet in Tanasarin & maritimis quibusdam Charamadel. Huius descriptionem non propono, quod hactenus eam consequi non licuerit.

Ganges fl.

Illud

Illud autem certum est omne Santalum rubrum ex iis
 quæ iam recitavi locis adferri. Rarus in hac prouincia
 eius vsus est, quod Indi duntaxat eo aduersus febres
 vtantur, reliquum in Lusitaniam & occidentales re-
 giones deferitur. Ex eo etiam interdum huius Prouin-
 ciæ incolæ sua idola eorumq; delubra fabricant: qua
 de re crassiora ligna magis expetuntur, maioriq; pre-
 cio redimuntur.

Idola ex Sam-
 dalo rubro.

DIFFERVNT autē inter se Santalum rubrū
 & Brasiliū lignum, vtrumq; inodorum. Nam San-
 talum rubrum neq; dulce est, neq; inscicit, quæ notæ in
 Brasilio manifestè deprehenduntur.

Sandali rubri
 & Brasilij dif-
 ferentia.

CETERVM Santalum Albū et Pallidum in In-
 dia vltra Gangem nascitur, plurimum verò in Timor
 insula, quæ vndique portuosa est. Præfertur autem
 quod ad portum Mena inuenitur: est enim id haud-
 quaquam lignosum, sed totum ferè cor. Ad portū Ma-
 tomea est Santalum etiam pallidum: sed illud multum
 ligni, parum cordis habet: Lignum autem à corde se-
 grego, quoniam in corde tota odoris gratia cōsistit. Ad
 alium portum Camanase appellatum improbum San-
 talum nascitur, vtpote quod plurimi ligni sit, & nihil
 ferè cordis possideat. Huiusmodi est & illud quod ad
 portum Seruiago nuncupatum inuenitur. Sunt autē
 Mercatores in his discernendis adeo exercitati, vt con-
 specto ligno, statim indicare possint vnde sit allatum.

Timor insula
 portuosa.

INVENITVR etiam Santalum album & pal-
 lidum in Verballi, portu Iauæ, vehementer quidem odo-
 ratum, sed quod breui senescat, debeâtque post an-
 num multo ligno adempto eius odor renocari, qui in

meditullio consistit.

Santalū pal-
lidum odo-
ratum.

PRIMVM verò locum obtinet pallidum, quod odoratius est, sed minori copia inuehitur. Etenim inter innumeros Santali truncos vix quinquagesimus quisque pallidus est. Nuper tamen à mercatoribus intellexi qui diu in ea insula versati sunt, plurimum Santalum pallidum locis apricis nasci, tātāq; inter vtriusque Santali arbores esse affinitatem, vt pallidū à candido discerni non possit, nisi fortè ab ipsis incolis, qui eas resas Mercatoribus vendunt.

Santali hi-
storia.

CETERVM Santalum in nucis Iuglandis magnitudinem attollitur: folijs admodum virentibus, Lentisci æmulis: flos ex cœruleo nigricans: fructus Cerasi magnitudine, primū viridis, deinde niger, insipidus & facile decidens. Inodoram ferunt esse arborem, nisi detractō iam cortice exsiccatam.

Magnus San-
tali vsus a-
pud Indos.

MAGNA Santali albi & Citrini quantitas per vniuersam Indiam absumitur, quoniam omnes ferè eius incolæ, siue Mauritani, siue Gentiles, eo in mortarijs lapideis contuso & aqua macerato sibi vniuersum corpus inungunt, deinde siccari sinunt, ad æstus corporis tollendos & odoris conciliandi causa. Est enim hæc regio admodum calida, & incolæ plurimum odoribus delectantur.

Couchin &
Goa Indiar
emporiam.

ADVEHITVR autem vtrumq; Santalum, Lusitanorum liburnicis ex Malaca, & in Couchin & Goa maxima totius Indiar emporia inuehitur: perijt enim nunc Calecut amplissimum olim emporium. Inde scilicet ex Couchin & Goa potissimam partem exportant in Malauar, Canara, Bengala, Decan, & Guzarate:

rare: minima verò defertur Ormuz, Arabiam, & Lusitaniam. Imo vix in Lusitaniam legitimum Citrinū deferri puto, cum multò pluris hīc ematur, quàm, in Lusitaniam delatum, vendi possit. Santalū pallidum rariss. in Lusitaniā exportatur.

ANTIQUIORES Græci Santalorum nō meminere, sed Arabes duntaxat. Quid verò sibi velint Machazari & Mahazari vocabula, quibus pallidū Santalum nuncupari quidam volunt, prorsus ignoro (tametsi Monachi distinc. 8. cap. 261. Commentatores in Mesuen Machazari explicent odoriferi) nisi fortè Machazari significet è Malaca petatum, aut Mazafrani legendum sit, quòd pallidum aut croceo colore infectum sonat. Machazari. Mazafrani.

CETERVM in pallidi penuria albi & rubri pariter aequales præscribendas non censeo, ut vult Sepulveda, sed potius solum candidum: magis enim cū pallido affine est album quàm rubrum. Santali pallidi penuriam candidum explet.

IN exteras regiones delata Santali arbor etiā crescit. Vidi enim in Andanager totius regni Decā vrbe Andanager primaria, vbi regiam suam habet NiZamoxa, attamē non erat odorata. Habet autem NiZamoxa istic hortos amplissimos omni peregrinarum arborum, etiam nostratium genere excultissimos, quæ fructiferae sunt. vrbs. Nizamoxæ horti.

SIGNIFICATVM mihi erat in insula D. Laurentij Santalum etiam inueniri, & ipsos Aethiopes incolas sic asserere. Verum postea Santalum non esse intellexi, sed ligni duntaxat genus odoratum, cuiusmodi hīc plurima inueniuntur. Lignum Santalo simile.

INVENITVR & in Malauar odorati ligni genus Santalo albo persimile, quo se in febribus indigenae

F S

inun-

Sambrano
lignum.

inungūt, lingua Malauarica Sambrano appellatum.

Quantum ex hac Sandali descriptione colligere licet, valde erit dubitandum an legitimum Santalum pallidū habeamus, quandoquidem scribit vix in Lusitaniam deferri, quoniam eius precium maius sit apud ipsos Indos, quam apud Lusitanos. Fieri igitur poterit ut aliquod aliud odoratum lignum nobis pro legitimo Sandalo obtudatur. Certè candidum nostrum planè inodorum est: & rubrum tamen si dulce inficit tamen, quam notam noster Auctor in Santalo rubro non requirit.

De Betre CAP. XVIII.

FREQVENTISSIMO in usu est apud Indos Betre: ab instituto igitur alienum non erit si hoc loco eius mentionem fecero.

Betre.

BETRE masticatum, amarum inuenitur: eam ob causam ei Arecam admiscunt, & calcis momētum, sicq; preparatum suauissimi esse saporis affirmāt. Mihi sanè cum primum degustanti, propter amarorem ita displicuit, ut ab eo tempore semper abhorruerim, nec vnquam degustare potuerim.

Betre cū alijs
mixtura.

SUNT qui addant Lycium: potentiores verò & opulentiores Caphuram de Burneo, nonnulli lignum aloës & moschum aut Ambarum. Sic autem paratū adeo suavis est saporis, orisq; halitum adeo commendat sua fragrantia, ut perpetuo ferè illud masticet opulentiores, tum etiam alij pro facultatum ratione, tametsi non desint qui Arecā cum Cardamomo aut Garyophyllis masticent. In solitudinibus autem & remotioribus à mari locis caro venditur. Ideo fertur Nizamoxa singulis annis in id impendere trigies mille aureos Lusitanicos. Hæc sunt eorum tragemata, hoc abeuntem

euntem donant: atq; Rex ipse interdum propria manu potentioribus donat, alijs verò per manus famuli sui quem Xarabdar aut Tambuldar vocant. Sed ^{Xarabdar.} quia Betre venas habet aut costas secundum folij lon- ^{Tambuldar.} gitudinem excurrentes, vngue pollicis (quæ ea de causa in acutum præsecant, non, veluti nos, in rotundum) eas eximunt, deinde admisto calcis momento (quæ ob exiguam quantitatem & materiam vnde cõflata est, fit enim ex ostreorum testis concrematis, nullum nocumentum adferre potest) & Areca contusa aut confracta, folium Betre complicant atq; in os coniectum masticant, priorem illum succum expuentes (quod tamen nonnulli non faciunt) qui cruentus videtur, deinde alia atq; alia folia simili modo præparata subsequenter sumunt. Solent aliquem dimissuri, aut ipsi ab adstantibus discedentes his folijs præparatis plena bursa sericea abeuntem honorare. Nemo autem discedere sustinet, donec Betre sit donatus; id enim dimissionis est indicium.

CETERVM opulentiores aliquos adituri, hoc ^{Betre vsus.} Betre masticare pro more habent, vt odore os commendent. Siquidem apud eos summa inciuilitatis est odoratum non habere anhelitum: ita vt si tenuioris fortune aliquem cum potentiore fabulari necesse sit, manu ori opposita id faciet, ne teter aliquis odor alterius nares feriat. Sic etiam mulieres viris congressura, Betre masticant ante quàm colloquantur, existimantq; ad lasciuiam summum esse illectamentum.

OMNES huius regionis incolæ id, sumpto cibo, mandere solent, alioqui cibos nauseam quodammodo moue-

mouere aiunt: & masticare assuetis, oris halitum re-
trahi olere, si quando abstineant.

Quando Be-
tre esu ab-
stinent.

Moalis rudi-
cula persua-
sio.

SOLENT ab eius vsu per aliquot dies abstinere,
quibus obierunt sanguine iuncti, & in quibusdam ie-
iunijs. Ab huius etiam esu abstinent, & humi se abij-
ciunt Arabes & Moalis, hoc est Ali sectatores dicti,
decem diebus quibus ieiunant. Fabulantur autem isti
Ali sectatores siti se morituros conclusos in quadā ar-
ce, multasq; præterea fabulas addunt.

Betre natalis.

NASCITVR Betre in omnibus India regioni-
bus maritimis Lusitanis cognitum: nā in continenti non
reperitur, nisi è maritimis allatum. Verum quidem est
in Dultabado, vrbe opulenta in Decan, & Bisnagua
inueniri, sed minori certè quātitate, quā ut ad Per-
sas & Arabes deferatur. Supra Calaiate, quod octo-
ginta leucis ab Ormuz distat, inuenire haud erit faci-
le. Nam neq; regionem frigidam amat ut est China,
neq; solibus nimium adustā, ut Mosambique & Sofala.

Betre, Pam,
Siri.
Betre nō esse
folium indū.

IN Malauar vocatur Betre, in Decan, Guzarate,
& Canam Pam, in Malaio Siri. Hallucinantur qui
Betre folium Indum esse putant: in quo errore etiam
versatus sum, cū primum in Indiam appuli. Sed sen-
tentiam mutare coactus sum postea, à NiZamoxa, quē
NiZamaluquo vocant, euocatus: cui medicamentum
roborādo stomacho iussus componere, ea simplicia quæ
medicamentum ingrederentur enumeravi, addens, id
folium quod masticaret Folium indum esse. Ad quam
vocem risit ille (siquidem hoc vocabulum intelligebat)
& Auicennam mihi ostendit Arabica lingua conscri-
ptum qui diuersis capitibus de folio & Betre agebat.

Du-

Ducentesimo enim quinquagesimo nono capite, lib. 2. de Folio indo, Cadegi indi illi nuncupato scribit, & Cadegi indi septingentesimo septimo capite lib. 2. de Betre, quod ille Tembul vocat corrupto, ut mihi videtur, aliquantulum vocabulo, quod ab omnibus Tambul, non Tē-Tambul bul dicatur. Huc adde quod si quem Arabem aut Aethiopem perconteris, qui vocetur Betre, statim Tambul dicer.

AVICENNA lib. 2. cap. 709. gingivas confirmare est auctor, in quem etiam usum semper ab Indis masticatur. & paulo post subiicit, stomachum roborare, ob quam facultatem etiam ab Indis expetitur. Quod autem frigidam illi facultatem tribuat in primo gradu & exsiccantem in secundo: putauerim exemplar vitiosum esse, aut (quod eruditi Arabes arbitrantur) Avicennae, in temperamenti descriptione, impositum esse, sit enim plerumque, ut vulgus erret in temperamenti dig- Betre tempera-
 gnitione, utpote cui Piper, Cardamomum, Ceba sint frigida. Calidum autem et siccum esse Betre ad finem secundi excessus ipse expertus sum, et sic ex sapore et odore conicio.

EST autem Betre folium simile ferè Mali medi- Betre historia.
 ca folio, oblongius tamen & per extremum arctius, venas, siue costas, ut diximus, per longitudinem excurrentes habens. Optimum censetur bene maturum, colore fulvescente, tamen si nonnullae mulieres praeferant quod immaturum est, quippe quod maiorem sonum edat in ore dum masticatur. Corruptitur, si recens à planta collectum diutius manibus tractetur.

FERT Betre in Maluccis fructum quendam con- Betre fructus.
 roriam, Lacerti caudae similem, quem istic edunt, quod
 bene

bene illis sapiat. Fuit id semen delatum Malacam, atque degustatum optimi saporis inuentum est.

SERITVR autem Vitis modo, addunturq; stipites & pedamenta per quæ repēs se sustineat nostratis Hederae modo. Quidam maioris quæstus gratia Piperis aut Arece arboribus id maritant, atque ita pulcherrima ymbracula conficiunt. Multam verò curam, & assiduam rigationem desiderat.

* Betrefine Betle meminit etiam Alois. Cadamust. cap. 75. Viri, inquit, & feminae incedunt per urbem Calecut elitantes folium quoddam, cui nomen est Betle. Hoc igitur inficit ora & detes colore subruſſo: hoc more abstinēt tantum obscuro loco nati. Vbi verò ob funera pullam induunt vestem in speciem mœstitiæ, temperant a folio huiusmodi, ut & dentes præ se ferant mœrorem, & subruſſo colori succedit nigricans.

LVDOVICVS item Roman. lib. nauig. 5. cap. 7. Rex Calecut quandoq; adductus superstitione, ad annum ab re venerea abstinet, & item animo destinat vesci nolle Betolis. Hæc sunt folia quæ Assyrii mali frondis similitudinem exprimunt: has enim frondes in cibatu habent gratissimas, &c.

De Folio

CAP. XIX.

FOLIUM indum à Betre differre, diuersisq; capitibus ab Anicenna describi, superiori capite satis declarauimus: qua de re superuacaneum duco eadem hic repetere.

Tamalapa-
ta.

Malabatrū.
Cadegi. indi.

APPELLANT autem Indi folium Tamalapatra, quam vocem Græci & Latini imitantes corruptè Malabatrū nuncuparunt. Arabes Cadegi indi, id est, Folium indum dicunt: siquidem interpres Anicennam verbum verbo reddidit. Itaq; non dicitur

TAMALAPATRA CVM SVO RAMVSCVLO.



citur Folium per excellentiam, sed quoniam Auicenna lib. 2. cap. 259. ita vocauit. Nam quod Actuarius Mauritanos id Tembul appellare scribit, in eo fallitur vt alij plerique.

Folij historia.

EST verò Folium indum * Mali medica folio simile, angustius tamen per extremum, colore viridi, tribus per longitudinem excurrentibus costis (qua nota facile dignoscitur) odoratum, Garyophyllos quodammodo redolens, non tam vehementis odoris vt Nardus aut Macis: neque tam subtilis aut acuti vt est Cannella.

Dioscoridis & Plinij lapsus.

Gandis.

AT non aquis innatat hoc folium lentis palustris modo, vt scripsit Dioscorides lib. 1. cap. 11. & hunc sequutus Plinius lib. 12. cap. 26. quibus impositum est in huius descriptione. Sed nascitur in procera arbore procul ab aquis, cum multis alijs locis, tum in Cambaya. Et si ab aliquo Pharmacopola (quem ipsi Gandis vocant) Tamalapatra petieris, statim te intelliget, quoniam vernacula est eorum lingua.

NON sunt verò hæc folia tam validi odoris atque Spica Nardi, sed suauioris, neque eo modo colliguntur vt Dioscorides lib. 1. cap. 11. perhibet. Sed collecta in fasciculos colligantur, atq; ita veneunt. Dilutiori viridi colore nitent, non ex candido nigricant, & præferuntur integra quod facultas istis melius conseruari credatur. Odore nequaquam caput feriunt vt reliqua odorata.

AUTOR est Plinius lib. 12. cap. 26. arborescens esse in Syria folio connoluto, ex quo exprimitur oleum ad vnguenta, fertilior tamen eius esse Aegyptum.

Lam.

Laudatius tamen ex India venire: in paludibus ibi gigni lentis modo odoratius croco, salis gustu, minus probari candidum, saporem eius Nardo similem esse debere, & cuius odor in vino sufferuesacti antecedit alios, &c.

AN in Syria & Aegypto nascatur ignoro. Perquisiui tamen à Medicis Memphiticis, Damascenis et Alepitanis: sed omnes vno ore negarunt aut in Syria aut in Aegypto gigni. At illud scio, neq; tam validi odoris esse ut Crocus est, neque Nardi esse sapore. Quod verò huius in vino sufferuesacti odorem alios antecedere scribit, ea tempestate verum id esse potuit, cū ignota adhuc essent Benjui de Boninas, Ambarum, Moschus, Calambuco (quod Agallochum præstantissimum est) aromata odoratissima.

Malabattrum
neque in Syria,
neque in Aegypto nascitur.

SCRIBIT Auicenna lib. 2. cap. 259. iisdem facultatibus præditum esse cum Nardo, foliaq; esse Saiffram, * in paludibus generari, lentis palustris modo aquis innatare sine radice, nonnullosq; putasse folijs Nymphaeae * esse simile, eiusq; oleum Laserpitij facultatem habere & olei crocini, valentiusq; esse.

* Saifsefram.

SED cū certum sit Arabes in hoc medicamento Græcos per omnia sequutos esse, & abundè satis Græcorum opinionem falsam esse demonstrauerimus, plura in medium esse proferenda non duximus. In hoc autem omnes conueniunt, vrinam ciere, oris halitū commendare, vestes ab erosione tueri, easdemq; cum Nardo vires sortiri.

Græci Malabatri historiam ignorarunt.

SUNT ex recentioribus nonnulli, qui Malabattrum sibi ignotum esse scribant. Illi mea sententia cor-

G

date

Folium indū
Garyophyl-
lorum foliū
non est.

Folium in
Æthiopia nō
nascitur.

Canellæ fo-
lium.

Folij succe-
daneum.

Thalisafar.

datè loquuntur. At ij falli videntur qui solium Garyo-
phyllorum esse asserunt, quandoquidem regio vbi Ga-
ryophylli nascuntur, biennij ferè itinere abest ab ea in
qua Malabattrum prouenit.

SCRIBIT Franciscanus quidā in Aethiopia gi-
gni, sibiq³ datum esse cum inscriptione foliorum Canel-
le. Sed valde hallucinatur. Nam in Aethiopia nulla est
Canella arbor, neq³ Folium similiter. Fieri autem po-
test, vt ad eum missa sint Canella folia cum ipsa Ca-
nelli: ea enim non multum à Folio differunt indo, nisi
quod Canella folium angustius & minus acutum est,
tribusq³ illis costis siue neruis caret, quos Folium indū
habere diximus.

NON opus erat ἀντιβαλλόμενῳ si diligentiores
essent Pharmacopola & Medici Lusitani: siquidē tan-
ta eius copia hinc exportari poterat, quæ vniuersæ Eu-
ropæ sufficeret. Eius autē penuria, Canellæ folijs vtan-
tur, si ea nansciscētur: sin minus, Spica Nardi, non au-
tem Maci, vt voluerunt nonnulli. Iubet etiam Auicen-
na, lib. 2. cap. 259. interprete Bellunensi, Thalisa-
far * substitui, sed quid sibi velit Thalissafar, planè
ignoro.

* Folium indum quale hīc Auctor describit ad nos e-
tiamnum adfertur, ipsis tenuioribus ramis interdum ad-
huc inherens, & integrum, quale nos hic expressimus: gu-
stu laurini ferè folij. Longè verò illud differt à Garyophyl-
lorum folio, quod postea describetur: ipsorum etiam te-
nuiorum ramusculorum cortex aromaticum quiddam fa-
pit. Huius historiam cum Betre confundit Amatus enar-
ratione XL. & LXVIII. Cap. de Malabathro, & Mala-
bathrino.

CETERVM cūm nunc sub prælo esset nostra hec Epi-
tome, accepi ab Amplissimo viro Domino Iacobo Anto-
nio

nio Cortuso fructum quendam exiguum glandis forma cum hac inscriptione. *Fructus Canella ex quorundam sententia: ex aliorum vero sententia Tembul conuoluoli in India.* Eum, quoniam intellexeram interdum vna cum folio Indo vulgari ad nos adferri, atque id legitimum esse folium ex Garciae nostri descriptione conijciam, (quandoquidem Tembul fructus longè sit diuersus vt ex Betre descriptione colligere licet) adpingendum hinc curauim ea magnitudine qua ad me missus est.

* Legit hinc noster Auctor folijs Golfam simile, quod *Golfam.* ego Nymphaeae reddidi, siquidem aliam interpretationem habere non potui. At nostra exemplaria nusquam Golfam meminerunt, sed *Nereidem indae*, id est Nardi indicæ: quod satis euidens est argumentum Auicennæ interpretationem in plurimis lapsam esse, aut alium inueniri Auicennæ Arabicum.

* Ego per Thalifasfar Auicennam intelligere puto, id quod lib. 2. cap. 694. Talisifasfar describit, quodq; noster hic Auctor Macerem Græcorum significare sequenti capite dicet.

De Maci

CAP. XX.

NON dubium est, quin Macis de quo nunc acturi sumus, plurimum à Macere Græcorum discrepet, si vtriusque descriptionem & facultates consideremus. Cum igitur recentiorum quidam*, satis manifestè id demonstrarint, non opus esse existimavi eorum argumenta hinc recensere. Sed satis facturum me esse putavi si Macis & Myristicæ nucis historiam hic breuiter contexerem, quandoquidem Græcorum Macerem hoc tempore ignorari puto.

EST igitur arbor quæ Myristicam nucem & Macim profert, Pyri magnitudine, folijs eiusdem, sed breuioribus et subrotundis, sine, vt verius dicam, arbor *Nucis myristicæ. histo-* est Persicæ malo haud absimilis, breuioribus tamen folijs. Fructum fert duro cortice munitum, qui per maturitatem debiscit, atque tenuiorem

G 2

corti-

corticem siue membranam quæ nucem cum suo putamine ambit, ostēdit. Tenuis illa membrana Macis est. De externo cortice nullam mentionem facimus, tamen si hic saccharo conditur, & plurimum commendetur (cū sit odoratus & grati saporis) in morbis Cerebri, vteri & neruorum. Maturo fructu, & dehiscente, vt dixi, cortice illo externo, calicum echinatorum, qui castaneas amplectuntur, modo: Macis Cocci modo rubescens conspicitur, pulcherrimo aspectu, bene onustis præsertim arboribus. Exsiccata nuce, dehiscit etiā Macis, & flaccescente rubore, aureum quodammodo colorem acquirit. Eius precium triplo maius quàm Nucis myristicæ.

Nucis myristicæ natales.

NASCITVR autem hæc arbor in insula Banda. Inueniri etiam tradunt in Maluccis, sed non est fructifera, quemadmodum nec ea quæ in Zeilan prouenit.

Nux myristica veteribus ignota.

FVIT autem hæc Nux cum suo Maci veteribus Græcis incognita, quemadmodum Auenrois * etiam testatur, qui hoc medicamentum ex eorum numero recenset quæ Græcis incognita fuerunt: quamuis Serapio lib. simpl. cap. 2. in huius medicamenti descriptione, Græcorum auctoritate nitatur.

Talisifar.

HVIVS meminit Auicenna lib. 2. cap. 456. Nā quam sub nomine Talisifar lib. 2. cap. 694. describit, Græcorum macer est.

Chrysobalanus Galeni.

EOS qui nostram Myristicam nucem Chrysobalanum Galeni esse volunt, satis conuincūt cum forma, tum color & temperamentum.

CETERVM hæc nux ab incolis eius regionis vbi nasci-

nascitur, Palla, Macis verò Bunapalla vocatur : in Palla, Buna-
 Decan nux ipsa japatri, Macis verò jaifol. palla, Japatri,
Auicenna jaifol.
 lib. 2. cap. 503. lingua Arabica nucem vocari scribit
 jaufiband, id est, Nux Bandensis, Macis verò Bef- jaufiband.
 base, cuius nominis deriuationem nunquam scire Befbase.
 potui.

HÆC sunt vera & legitima nomina Arabica,
 tametsi plerique Mauritanii & Arabes & Turci alijs
 nominibus vtantur, quæ temporum iniuria deprauata
 sunt, vt etiam in Serapione pleraque inueniuntur.

MACIS autem appellatur ea membrana quæ Macis à Ma-
 nucem amplectitur, à Maceris similitudine, quæ cere nomen
 rubentem depingunt. sumpsit.

* Consule Matthioli Commentarios in lib. 1. Diosco-
 ridis de materia medica cap. de Macere. Ludouic. Ro-
 man. lib. 6. cap. 24. & Maximilian. Transil. de Moluccis
 insulis Nucis Myristicæ historiam tradunt.

* Aut alia habet noster hic Auctor Auenrois exempla-
 ria, aut nostra mendosa sunt. Nam secundum nostra ex-
 emplaria Auenrois 5. Collig. cap. 42. suam sententiã Ga-
 leni auctoritate stabilit.

De Garyophyllis CAP. XXI.

NVSQVAM Dioscoridem, aut Galenum Ga- Garyophyl-
 ryophyllorum mentionem fecisse inuenio: tametsi Se- lon Diosc. &
 rapio ex Galeni auctoritate de Garyophyllis tradide- Gal. ignotū.
 rit. Quamobrē crediderim aut Galeni librum in quo
 de Garyophyllis disseruit, perijisse (nam liber de Dina-
 midijs falso Galeno adscribitur) aut Pauli potius
 quàm Galeni testimonio de his Serapionem scripsisse.

GARYOPHYLLI meminit Plinius lib. 12.
 cap. 7. in banc sententiam. Est, inquit, etiamnum in



India Piperis grani simile, quod vocant Garyophyllon, grandius fragiliusq₃.

CETERVM Caryophyllum, siue Garyophyllon vocatur Arabibus, Persis, Turcis, et plerisque omnibus ferè Indis Calafur: in Maluccis verò, vbi solū gigni- Calafur. tur, tum etiam in his regionibus dicitur Chanque. Chanque. Nomina autem quæ in Pandectario sunt Armufel Armufel. & Carrumfel, aut imperitia librarij Arabici corru- Carrumfel. pta sunt, aut ætatis vitio. Sed de nominibus minimè est altercandum, quandoquidem res ipsa omnibus perspicua est.

NASCITVR, vt dixi, duntaxat Garyophyl- Garyophylli natales. lō in Maluccis insulis, quæ sunt quinq₃ numero (qua- Maluccæ insulæ. rum primaria est Giloulo) nec procul nimium à mari, nec etiam locis mari nimis vicinis. Nasitur etiam in Zeilan, nonnullisq₃ alijs locis, sed nullibi fructifera est Garyophyl- lon in Ma- luccis dunta- xat fructife- rum.

PORRO arbor est Lauri forma & magnitudi- Garyophylli hiltoria. ne, folijs etiam laurinis sed angustioribus, multis prædita ramis, copioso flore, primum cādido, deinde vire- scente, postremum rufescente, qui induratus, est Garyophyllum ipsum*, clauum vocant, quod capitatus sit in modum clauī, exertis in aduersum quatuor denticulis sese stellatim decussantibus. Prouenit in extremis ramulis Myrti modo. Est autem flos hic viridis (vt à fide dignis viris accepi) adeo odoratus, vt reliquos flores odoris suauitate superet. Cultores flagellant altiores ramos arboris, emundato prius circa arborem solo, siquidem nullum genus graminis sub hac arbore nascitur, omnem succum siue humorem ad se attrahente ar- bore.

bore. Decussi Garyophylli biduum aut triduum siccan-
tur, deinde asseruantur, & Malacā aliasq; provincias
mittuntur. Ii Garyophylli qui in arbore heret crassiores
fiunt, neque ab alijs nisi vetustate differunt, tamen si
falso existimarit Auicenna lib. 2. cap. 318. crassiorem
hunc mare esse. Magni prouentus augurium est, si
arbor plures flores produxerit quā folia: idcirco non
debent nimium flagellari arbores, quia vehemens &
nimia flagellatio steriliores efficit. Pediculi oblongi ē
quibus dependent flores vulgo Fusti vacantur. Folia
tanta odoris suauitate non fragrant vt ipsum Garyo-
phyllum: sed neque ipsi rami odori sunt, nisi aliquātū-
lum siccati.

Fusti.

Garyophylli
arbor non
colitur.

NASCITVR autem ipsa arbor sponte ex Ga-
ryophyllis decidentibus. Nam cum nunquam huic de-
sit pluuia quæ fructui alimentum præbeat qui in ter-
ram decidit, enascuntur arbusculæ quæ intra octen-
nium quidem adoleseunt, in annum verò centesimum
perdurant, quemadmodum ipsi incole testantur.

Garyophyl-
legium.

COLLECTIO Garyophylli fit à decimo quinto
Septēbris vsq; in Ianuariū & Februariū, non manu vt
nonnulli volunt, sed violenta flagellatione vt iam dixi.

FALSA est eorum opinio qui Garyophylli arbo-
rem cum Moschata nucis arbore eandem esse putant.
Nam Nux folia ferè rotunda habet, Pyri folijs simi-
lia. Garyophyllū verò folio est Lauri *. Præterea Ga-
ryophyllum defertur in Bandam insulam procul inde
disitam, quæ Nucem profert.

Garyophyl-
lorū gummi.

SCRIBIT Auicenna lib. 2. cap. 318. gummi
Garyophyllorum simili facultate præditum esse cum

Te-

Terebinthina resina. Hæc ob causam percontatus sum ab ijs qui ex Maluccis Garyophyllum aduehūt, sed negant se huiusmodi gummi vidisse *. Non negauerim tamen omnes ferè arbores gummiferas esse, præsertim si vulnerentur. Sed hæctenus nemo, quod sciam, expertus est.

NULLIVS autem præcij fuisse Garyophyllos intelligo apud Maluccanos, donec eò delati nauibus Chinenses, inde magnam eorum copiam in suam regionem exportarunt, & inde in Indiam, Persiam, & Arabiam. Conseruari autem in sua bonitate audio Garyophyllos, si marina aqua inspergatur, alioqui teredinem sentire.

MULTIPLICIS vsus sunt Garyophylli tum ad obsonia, tum ad medicamenta: magis tamen expuntur in Iaua crassiores illi & annotini Garyophylli: à nobis verò tenuiores, qui adhuc virides aceto & sale apud Maluccanos condiuntur, sed his teneriores saccharo asseruantur, hi mirum in modum palato grati sunt. Lusitanicæ mulieres quæ istic habitant è Garyophyllis viridibus aquam stillatitiã organis eliciunt mira odoris suauitate fragrantem, & cordis affectibus vtilem. Nonnulli sudores mouët ijs qui luc venerea diuexantur, Garyophyllis, nuce moschata, maci, pipere longo & nigro. Alij Garyophyllorum puluerem capiti admouent aduersus capitis dolores à frigida causa provenientes. Mulieres Indicæ tum etiam Lusitanicæ eos mandunt commendandi halitus gratia.

NASCUNTUR flores, qui à Garyophyllorum odore Garyophyllati nuncupantur, etiam in China-

Garyophylli
olim apud
Maluccanos
neglecti.

Garyophyl-
lorum vsus.

Garyophylli
conditi.

Aqua stilla-
titia è Garyo-
phyl.

Garyophyl-
lati flores.

G S

rum

rum regione, sed nequaquam odoris suauitate ita commendati, ut qui apud nos asseruantur.

Fruſtus Ga-
ryophyllos
olens.

EST etiam in insula cui D. Laurentio nomen, fructus quidam Auellanae magnitudine cum suo putamine, aut eo amplior, qui Garyophyllos redolet, sed incōperti adhuc vsus.

* Imo Garyophyllum ipsum nihil aliud est quàm rudimentum fructus, quemadmodum in malis, pyris, punicis atque plerisque alijs videre est. Nam flos ipse, qui quaternis foliolis constat, huic fructus rudimēto insidet, multis fibris plenus, veluti Myrti flos fere. Garyophyllū etiam describunt Lud. Roman. lib. 6. cap. 25. & Maximilian. Transil. de Maluccis insulis. At quem M. Paulus Venetus lib. 2. cap. 38. exhibet, planè alia est planta.

* Huius folium Laurino est angustius, Salicis aut Persicæ mali folio similitimum, oblongiori tamen pediculo. Huiusmodi aliquando vidimus vnā cum Garyophyllorum ramulis muria conditis. Eos cum folio & fructu exprimi curauimus.

* Inter Garyophyllos qui Antuerpiā adferuntur inuenitur interdum gummi ex atro rufescens odorem sanè & quod prunis iniectum Garyophyllorū odorem refert. Id fortè erit gummi illud ab Auicenna cōmemoratum, quod tamen affirmare non ausim, cū eius vires nondum sint exploratæ.


De Pipere *

CAP. XXII.

Piperis na-
uales.

MAXIMA Piperis quantitas prouenit in Malauar, tota ea maritima regione quæ à Promontorio Comorim ad Cananor vsq; pertingit. Nascitur etiam in Malacca maritimis, sed bonitate superiori cedens, & magna ex parte inane. Prouenit similiter & in Insulis Iauæ vicinis, & Sunda, & Cuda, alijsq; locis. Sed id totum in Chinarum regionem deportatur, & loco natali consumitur, præter id quod in Pegu & Martaban exportatur. Potissima etiā eius pars quod in Malauar

PIPERIS VVA AD VIVVM
exprella.



Lauar gignitur, in vsum incolarum cedit, tametsi regio admodum ampla non sit, nonnihil etiam à maritimis eius regionis populis absumitur. Pars eius defertur in Balagate bubulis corijs. Et magna copia (tametsi regio mandato sit veritum) à Mauritanis per mare Erythraum exportatur, id suffurantibus ipsis incolis.

E Æ sunt regiones quæ Piper gignunt, quanquam & inuenitur supra Cananor qua Septentrionem spectat: sed adeo exigua quantitate, vt ipsis incolis non sufficiat, & externo importato opus habeant. Etenim non gaudet hæc planta locis desertis & mediterraneis. Quam verò procul à Caucaso monte disita sint hæc regiones, ex topographicis chartis satis patet.

Piper iuxta
Caucasum
non nasci.
Molanga.

Lada.
Filfil.
Fulful.
Darfulful.

Meriche, Mo
rois.
Pimpilim.

NOMEN est Malauarica lingua Molanga, Malacitana verò Lada, Arabibus medicis tum vulgo Filfil, tametsi Auicenna lib. 2. cap. 557. & 558. secundum Bellunenſis translationē Fulful, & Piper longum Darfulful appellet & Fulfel, quem sequutus est Serapio, lib. simp. cap. 367. vterq; Arabs. In Guza rate & Decan Meriche, & in Bengala Morois: longum verò, quod solummodo istic prouenit, Pimpilim.

MIRVM non est, si Theophrastus, lib. 9. cap. 22. Dioscorides lib. 2. cap. 153. & hos sequutus in plerisque Plinius, lib. 12. cap. 7. Piperis plantæ formam ac notas ignorauerint, & indigenam in ea describenda fidem sequuti sint, ob regionum distantiam. Quod verò Arabes in eodem errore versati sint, & nonnulli etiam ex recentioribus, illud mirum.

Piperis historia.

SERITVR autem Piperis planta ad radices al-
terius

terius arboris (magna certè ex parte iuxta Fauſel arborem aut Palmam plantatam vidi) ad cuius vſque ſaſtigium ſeſe conuoluendo ſcandere ſolet. folijs raris, mali aſſyriꝝ effigie, ſed minoribus, & per extremum acutis, virentibus, guſtu calidis aliquantulum, & foliũ Betre ſiue Betle, cuius antè memini, ſapientibus. Fructus vuarum modo racematim coheret, minores tamen ſunt Piperis racemi, & ipſe fructus minor, ſemperq; virens, donec ſiccetur, & plenam maturitatem conſequatur, quæ incidit circiter medium Ianuarium. Radix puſilla, non Coſto ſimilis, vt voluit Dioſcorides, Dioſcoridis
lapſus. lib. 2. cap. 150. quandoquidem Coſtus radix non eſt, ſed lignum, vt peculiari capite dicemus.

INTER verò eam plantam quæ Piper nigrũ fert, Exigua inter
plantam Pipe-
ris nigri &
albi differen-
tia. & eam quæ candidum, tam exigua eſt differentia, vt à nemine quàm ab incolis dignoſci poſſint: quemadmodũ vitẽ quæ vuam fert nigram ab ea quæ candidã fert non dignoſcimus, niſi cum vuas habent, & eas quidem maturas.

QUÆ autem longum Piper profert, longè alia Piper longũ. eſt planta: etenim non plus habet ſimilitudinis cum ſuperioribus, quàm faba cum ouo. Præterea Piper longũ in Bengala naſcitur, quæ regio quingentarum leucarum ſpacio à Malauar diſtat, vbi Candidum & Nigrum gignuntur.

PRECIVM longi Piperis in Bengala eſt vnus Luſitanici aurei cum ſemiſſe in ſingulas centenas libras. In Couchin verò vbi plurimum Nigrum naſcitur, quinq; Luſitanicis aureis emi ſolebant centena libra: ſed abhinc quadriennũ aut quinquennium, quod

in

in alias etiam regiones importari cœperit, quindecim aut viginti Lusitanicis aureis emendæ sunt. Piperis autem nigri precium in centenas libras est duorum Lusitanicorum cū semisse natali loco: at in Bengala duodecim Lusitanicis emuntur totidem libra Nigri.

Piper album
rarum.

CANDIDI plantæ rariores sunt, nec nisi certis Malauar & Malacæ locis raræ nascuntur. Solet Magnatum mensis inferri: eo enim vtuntur quemadmodum nos sale*. Venenis resistere & ocularibus medicamentis vtile esse asserunt, quod & Dioscorides lib. 2. cap. 150. annotauit, atque vtinam totâ huius plantæ historiam tam verè descripsisset.

Brasma.

Brechmasin.

SED nec Brasma vocabulum, quod apud eundem Dioscoridem ibidem legitur, nec Brechmasin quod apud Plinium, lib. 12. cap. 7. vnquam his in regionibus audiui, aut auditum puto.

CONDIUNTUR aceto aut sale virentes adhuc & immaturi Piperis nigri racemi, * & vsui asseruantur.

Piperis tem-
peramentum.

ARABES & Persæ medici Piper calidum tertio ordine constituunt. Sed Empirici, cuiusmodi sunt maxima pars Indicorum medicorum, frigidum Piper faciunt, vt & pleraq; alia aromata quæ excalfaciunt.

ORATO autem omnes Medicos volo vt Piperis candidi loco (quod calidius est & odoratius) Nigrum non præscribant, nisi candidi sit penuria. Similiter ne longum Piper candidi aut nigri loco substituant, cū prorsus diuersæ sint plantæ, & nigrum cum candido magis conueniat.

CETERVM ne quod Piperis genus desit, mentionem

tionem hîc subÿcere libuit eius Piperis quod lingua Malauarica à Canara nomen sumpsit. Est autem id <sup>Piper Cana-
rinum.</sup> inane, eoq³ vtuntur in pituita à capite euacuanda der-
tiumq³ doloribus: nonnulli & in Colerico quem vocât
affectu. Eius autem formam describere superuacaneû
existimo, quoniam in Lusitaniam non deportatur.

* Piperis historiam etiam describit Ludo. Roman. lib.
5. cap. 14. & lib. 6. cap. 19. sed paululum à nostro Aucto-
re variat.

* Vidimus Vlyssipone candidum Piper, & inde nobi-
scum attulimus, grano non rugoso, sed pleno, acriore &
odoratiore quàm nigrum, Vlyssipone tamen neglectum.
Ex Indijs verò copiosum, saltem quod medicamentis suf-
ficeret, habere possemus, si Lusitani Pharmacopolæ pau-
lo diligentiores essent. Inuenitur tamen interdû Antuer-
piæ apud myropolas nigro permistum.

* Eiusmodi racemos interdum cum Gingiberis radici-
bus muria conditis Antuerpiæ reperire licet, oblongos
quidem illos & graciles, neque ita farctos vt sunt vuarû
racemi. Eius iconem ad viuum expressam, hîc adiecimus.

OLIM Antuerpiam inuehi solebat aliud Piperis ge-
nus, quod Lusitani Pimenta del rabo, id est caudatum Pi-
per, appellabant: sed metuens Rex Lusitanus ne legitimû
Piper alterius inuectione vilesceret, id amplius inuehie-
dicto vetuit. Erat id Cubebis ferè simile, pediculo prædi-
tum exiguo, rotundum, plenum, aliquantulum rugosum,
nigricans, eadem acredine qua Piper præditum, aromati-
cum, racematim (vt ab ijs qui racemos habuerunt didici-
mus) coherens. Amomum, nonnulli periti perperam ex-
istimarunt.

De Cubebis CAP. XXI I I.

TAMETSI Cubebis rarè in Europa vtamur,
nisi in Compositionibus: attamen apud Indos magnus
earum in vino maceratarum est vsus ad excitandam
venerem; tum etiam in Iaoa ad excalfaciendum ven-
triculum.

AP-

Cubebe,
Quabeb,
Quabebe-
chini, Cu-
muc, Cubab-
chini.

APPELLATUR hic fructus ab Arabibus medi-
cis Cubebe & Quabeb; a vulgo Quabebechini:
in Iaoa, vbi frequens nascitur, Cumuc; a reliquis In-
dis, praterquam in Malayo, Cubabchini. Non est
autem fortius hanc appellationem, quod in China na-
scatur, quandoquidem ex Cunda & Iaoa, vbi pluri-
mus est, in Chinam perferatur: sed quoniam Chinen-
ses, qui Oceanum Indicum nauigabant, hūc fructum,
quem in iam enumeratis insulis emerant, cum alijs
mercibus in alios maris Indici portus & emporia de-
ferebant.

Cubebe hi-
storia.

CETERVM similis est hac planta Malo vulga-
ri, minor tamen, folijs Piperis sed angustioribus, per
arbores Hedera modo repit, aut, vt verius dicam Pi-
peris modo: non est Myrti effigie, aut folijs similibus
Myrto. Fructus racematim cohaeret, non quidem vt in
vua coniunctim, sed singulis granis ex suis pediculis
dependentibus. Flos est odoratus.

Monachorfi
lappus.

SILVESTRIS est hac planta & sponte na-
scens, non domestica, neq; multorum generum, vti fal-
so Monachi Cōmentatores in Mesuen sub finē primæ
partis dist. i. cap. 36. putarunt:

Cubebe de-
coctæ ad nos
perferuntur.

TANTA autem in existimatione est fructus hic
etiam vbi nascitur, vt eum incola decoquant, ante quā
efferrī sinant, metuentes ne alibi satus enascatur. Hinc
fieri pato vt corruptioni magis sit obnoxius cum hīc,
tum in Europa.

HÆC à Lusitanis fide dignis accepi, qui longo
tempore in insula Iaoa habitauerunt.

Cubebe non
sunt Piper.

NON est Piperis genus (vt putant nonnulli) quo-
niam

niam plurimum Piper ex Cunda aduehitur quod nihil differt à Malauarico. Hæc verò planta cum fructu diuersi generis est, minimâque quantitate istic nascitur.

P V T A T Matthæus Syluat. cap. 381. ex Serapio-
 nis & Arabum auctoritate Cubebas nihil aliud esse,
 quàm Dioscoridis Myrtum syluestrem, quem Ruscum
 vocât, aut Carpesium Galeni. Sed fallitur. Nam cum
 Serapio, alijsq; Arabes qui in lingua Græca multû ver-
 sati non erant, à Dioscoride & Galeno nihil esse præ-
 termiſsum existiarent, si quas facultates in simpli-
 cibus à Græcis descriptis inuenirent conuenientes cum
 ijs quibus prædita erant Indica medicamenta auditu
 tantum illis cognita, idem medicamentum esse ilico
 crediderunt. Non esse autem Myrtum syluestrem, cla-
 rius est quàm vt demonstrari debeat. Carpesium ve-
 rò aliud esse à Cubebis, argumentis euincere possem si
 opus esset.

Matth. Sylua-
 tici error.

L A V D A T V R Carpesiû Ponticum, plurimûq;
 in Syria nasci tradunt. Sed si Cubebæ sunt Carpesiû,
 cur Cubebas ex India petunt Turci & Syri, magnoq;
 redimunt, cum non inuecto vti possent, & sine magno
 sumptu? Carpesium item Galenus libr. 1. de Antidot.
 describit festucarum tenuium modo: quàm verò festu-
 cis dissimiles sint Cubebæ, quis non videt?

Carpesium
 non esse Cu-
 bebas.

N O N desuerunt qui Cubebas asserere sint ausi
 Viticis esse semen: cum verò vtriusque historia & sa-
 cultates planè dissimiles, talium sententiam omnino
 conuellant, plura de his agere superuacaneum esse
 duco.

Cubebæ Vi-
 ticis fructus
 non est.

H

* Cu-



* Cubearum facultates in memoriam mihi reuocarūt Fagaræ historiam apud Auicennam, quæ ferè ijsdem cum Cubebis viribus prædita est. Cùm igitur commodiorem in hac Epitome locum non haberem, cui eius iconem & historiam insererem, operæ precium me facturum existimaui, si eam hîc darem.

EST itaque Fagara fructus Ciceris arietini magnitudine, cortice tenui constans ex cinereo, nigricante, cui subest tenue putamen nucleum continens satis solidum, & tenui nigraque membrana obductum. Integer fructus cū magnitudine tum forma & colore adeo similis est ei quæ nostræ officinæ Cuculum indum, Itali Coccole di leuante appellant, ut primo aspectu fallere, & pro eo sumi possit.

MEMINIT huius Auicenna cap. 266. in hunc modū. Fagara quid est? Granum simile Ciceri habens granū Mahaleb, & in concauitate eius est granum nigrum sicut Scedenegi, & asportatur de Sofale. Collocat verd eam in tertio calefacientium & siccantium ordine, atque stomachi & hepatis frigiditati vtilem esse, concoctionemq; iuuare, & aluum constringere scribit.

De

De Cardamomo CAP. XXIIII.

QVOD Cardamomum vocant, Aroma est ijs in ^{Cardamomum.} regionibus probe cognitū, in quibus magnus eius vsus est. Eius etiam magna pars in Europam Africam & Asiam euehitur. Quam verò rectè sit illi inditum Cardamomi nomen, alijs disceptandum relinquo. Auicenna libr. 2. cap. 159. sanè peculiare caput instituit de Saccolaa, quod duūm esse generum tradit, alterū Sac- ^{Saccolaa} colaa quebir, id est, magnum, alterum verò Sacco- ^{quebir.} laa ceguer, id est, minus. His nominibus cognitum est ^{Saccolaa ceguer.} utrumq; Cardamomum cum Medicis Arabibus, tum Mercatoribus.

IN Malauar vocatur Etremelli, in Zeilan En- ^{Etremelli.} cal, in Bengala verò, Guzarate, & Decan, interdum ^{Ençal, Hil.} Hil, interdum Elachi, idq; inter Mauritanos; nā ab ^{Elachi.} Gentilibus indigenis omnium prouinciarum enarratarum Dore nuncupatur. Quae diuersitas summam ^{Dore.} illam nominum confusionem inter Arabes scriptores peperit (etenim nonnulli Indicis vocabulis vsi sunt, alijs verò Arabicis) & multis errandi occasionem praeiuit. Nam quod alterum Scrapio. Saccolaa, alterum Hilbane vocat, mendosum est exemplar, & Hil ^{Hilbane.} duntaxat scribendum erat. Etenim si Bane omnino adijciendum volumus, potius Bara dicendū erat, quod lingua Canarina magnum sonat.

N I H I L igitur aliud est Saccolaa omnibus Ara ^{Cardamomū} bibus nuncupatū, aut Saccule Auicennae, aut Elachi, ^{hoc veteribus} quam quod Cardamomum vulgo appellant, Veteribus ^{ignotū fuit.} cum Graecis, tum Latinis planè ignotum, vt ex eorum monumentis colligere licet. Siquidem Galenus libr. 7.

simp. med. Cardamomum scribit non esse tam calide facultatis quam Nasturtiū, sed suauius & magis fragrans, cum quadam amaritudine: quæ omnes nota nostro Cardamomo non conueniunt, vt experientia docet. Dioscorides lib. 1. cap. 5. verò commendat quod ex Comagene, Armenia, Bosphoroq; deuehitur (tamen si in India quoque & Arabia prouenire dicat) eligendumq; scribit plenum, frangenti contumax, gustu acre, subamarum, odore caput tentans. Nostrium cōtra Cardamomū in illas regiones defertur, è quibus Dioscorides suū deuehi scribit. Sed neq; id frangenti contumax est, neque caput tentat, neque amarum, neq; gustu adeo acri, vt Garyophylli.

Cardamomi
genera 4. Plinio.

PLINIVS lib. 12. cap. 13. quadruplex esse Cardamomi genus scribit, sic inquit. Simile his & nomine, & frutice Cardamomum, semine oblongo. Metitur & eodem modo in Arabia. Quatuor eius genera. Viridissimum ac pingue, acutis angulis, contumax fricanti, quod maxime laudatur. Proximum è rufo candicans. Tertium breuius atq; nigrius. Peius tamen varium & facile tritu odorisq; parui: qui verus, Costo vicinus esse debet. Hoc & apud Medos nascitur. Hæc Plinius, tametsi tam Dioscoridi, quàm ceteris Græcis vnicum tantum extet Cardamomi genus.

SED nullum ex prædictis cum nostro quidquam commune habet, quod fragile esse debet, siliqua candicante, granis intus nigris.

Surcolaa
historia.

SERITVR verò id leguminū modo, altitudine, quando summa, cubiti, in quo dependent siliquule granula interdum vsque ad viginti continētes, non, vt
Cordus

Cordus in lib. 1. *Diosc.* scripsit, *Glandis aut Auellanae* magnitudine *.

H V I C autem errori occasionem praeiuit *Dauus* Dauus Terentianus. ille *Terentianus*, omnia perturbans, *Gerardum Cremonensem* * interpretem intelligo, qui cum hoc medicamentum ignoraret, nomen illi ex *Graecis* pro arbitrio indidit, tametsi legitimum *Arabicum* nomen in integro & non mutatum reliquisse praestitisset.

Q V A M *Ruellij* lib. 2. ca. 5. opinio sit erronea qui Ruellij error. nobis *Capsicon*, aut *Siliquastrum* pro *Cardamomo Mauritanorum* proponit, omnibus notissimum est.

A D ea verò quae *Lacuna* lib. 1. cap. 5. commentarijs suis in *Dioscoridem* scribit, satis proteruè in *Arabes* inuectus, sic responsum volo. Neq; eius *Meleghe-* Lacuna error. Meleggheta. tam *Cardamomum* esse *Dioscoridis*, siquidem ignota fuit *Dioscoridi*: neque *Cardamomum* maius coloris est cinerei: neque *Nigella* tertium id genus quod in *of-* Nigella. *ficinis* haberi asserit, quandoquidem *Nigella* totis his *prouincijs* non nascatur.

C E T E R V M non multum fortè refragabor ijs qui *Cordumeni Arabum*, *Cardamomum Graecorum* Cordumeni. esse putant: quandoquidem *Serapionis* & *Auicennae* *Saccolae* *Graecis* est ignota, uti supra diximus. Quod verò *Saccolae* utendum negent, quoniam *Graeci* de eo nihil scripsere, non concedo; multis enim experimentis comprobatum est plerisque morbis perutile esse: eoq; utendum censeo in omnibus compositionibus *Arabum* & *Recentiorum* qui *Arabes* sequuti sunt.

Q V O D verò *Melegueta*, *Cardamomum minus* Melegueta Cardamomum non est. non sit, satis ex utroque genere quod in his regionibus nascitur,

H 3

nascitur,

Saccolaa duo nascitur, manifestum est: quorum alterum Cardamomum, ut vocant, maius est: aliud minus, eiusdem

tamen forma, & duntaxat magnitudine differentia.

Saccolaa delectus.

OPTIMUM autem censetur minus, quod odoratus est altero, & secundum facultatem maius dici potest.

PROVENIT utrumque in India, praesertim vero ab Emporio Calecut usque ad Cananor, tametsi alijs etiam locis Malauar, et in Iaoa nascatur, non tamen adeo copiosum, neque cortice adeo candido.

Saccolaa usus.

MULTVS eius usus est in his provincijs, siquidem una cum Betre (veluti supra diximus) manditur, pituitaque caput & stomachum expurgat, & Serapijs admiscetur.

Matth. Syluatici error.

FALSVM autem est quod Matthaeus Syluaticus cap. 117. scripsit, Indos eius radice aduersus febris circuitus uti *, nascique in tuberibus quarundam arborum. Nam exili est admodum radice, nec nisi satum pronenit, solo ante ignibus perusto, ut facilius enascatur.

* Cordus in libr. 1. Diosc. Cardamomum maius ficus propemodum magnitudine facit, minus vero Auellana minus. Sed lib. 4. de plantis Cardamomum medium Auellanae gradus aequale facit. Matthiolus similiter Cardamomi iconem ficus forma & magnitudine exhibet: cum tamen nihil aliud sit quam Melegueta suo inuolucro tecta, quae sane inter Cardamomi vulgaris siue Saccolaa Arabum genera ex nostri Auctoris sententia recipienda non est.

* Pandeſtarius eius meminisse inuenietur cap. 117. in nostris autem exemplaribus apud Rhafin haud facile inuenies.


* Nullam huic similem facultatem nostra Pandeſtarij, qui Matthaeus Syluaticus est, exemplaria tribuunt.

De

FAYFEL CVM SVO INVOLUCRO, ET
inuolucro exemptum.



AVELLANAE INDI-
ca genus oblongum.



De Faufel CAP. XXV.

Faufel vulga
re est.

Faufel.
Filfel, Fufel,

Pac.
Areca.

çupari, Poaz,
Pinan, Cha-
cani.
Faufel na-
tales.

Mombaim
insula.

IMPROBE faciunt qui pro Faufel, Santalum rubrum substituunt, quod plerumq³ alio ligno rubro persimili adulteratur: est enim vtrumque inodorum, vt in Sātalo diximus. Faufel verò & minoris emitur, nec adulteratum est, poteratq³ facile in Lusitaniā deferri cum alijs Aromatibus, si aut Pharmacopole, aut Medici curiosi magis essent, idq³ adferendum curarēt.

DICITVR autem Arabibus Faufel (tamen si corruptè Auicenna lib. 2. cap. 262. Filfel & Fufel) tum etiam in Dofar et Xaël portubus Arabicis: in Malauar Pac à vulgo, à Nobilioribus verò Areca, quo nomine vtuntur Lusitani qui in Indijs habitant, quoniā primū ea regio fuit illis cognita: in Guçarate & Decan, çupari: in Zeilan, Poaz: in Malaca, Pinan: in Couchin, Chacani.

NASCITVR plurimum in Malauar; in Guçarate & Decan pauca quantitate, idq³ duntaxat in maritimis, sed laudatum, præsertim in Chaul, quod defertur Ormuz. Optimum item prouenit in Mombaim insula, quam mihi Rex Lusitaniæ dono dedit excepta emphyteusi. Laudatur etiam quod in regione Baçaim prouenit, atque id defertur in Decan cum eo quod in Gauchin nascitur nigrum & pusillum, durū admodum postquam siccatum fuerit. Nascitur etiam in Malaca, sed tam parua quantitate, vt vix incolis sufficiat. Item in Zeilan magna copia, sed candidum, quod in eam partem regionis Decan defertur quæ Cotamalucoparet, tum etiam in Bisnaga. Defertur etiā ex Zeilan in Ormuz, Cambaya, & in insulas Maldina,

uas, siue Nalediuas. Et tamen si scribat Serapio libr. simp. cap. 345. Arabiam non alere Arecam (de mediterraneis locis, & magna ex parte intelligendum id est) nascitur tamen laudata, sed exigua in Dofar & Xaël locis maritimis. Amat enim hac arbor maritima loca, & mediterranea respuit, alioqui magna cum diligentia sereretur, quoniam singulis diebus eam edunt cum Mauritanii, tum Moalis (genus hominum id est, qui Moalis. Alii ut dixi, generum Machometi sectantur) etiam in suis ieiunijs cum à Betre abstinent. Mastificant enim Arecam cum Cardamomo, purgandi ventriculi & cerebri gratia.

ADMISCENTVR Faufel siue Areca, eadem Faufel mixtura. que supra Betre admisceri diximus: tamen si, Betre calidum sit, Areca verò frigida & sicca. Sed & admiscetur Lycium, quoniam utrumque gingiuas confirmat & dentes stabilis, stomachum roborat, & utile est aduersus sanguinis reiectiones, vomitus, & alui profluvia.

EST autem ipsa arbor recta, fungosa materie, folijs Palmæ, fructu nucis Moschata, minore tamen, aut iuglandibus exiguis simili, intus duro, & candidis rubentibusque, vena resperso, non planè rotundo, sed altera parte sessili: que tamen nota non omnibus Arece generibus conueniunt. Integitur hic fructus involucri admodum lanuginoso & foris subflauo, perquam simili Dactylis, cum maturuit, & ante quàm siccatus sit. Immaturus verò stupefacit & inebriat; editur autem immaturus à nonnullis, ut, veluti inebriati, dolorum cruciatus non sentiant.

SICCATVM verò fructum sic parant. Contu-

H S sans

Faufel prapa-
ratio & v-
sus.

Sam nucem Faufel in tenuissimas partes cum Lycio, & folio Betre cui exemptus sit nervus mastificant, veluti in Betre diximus, & priorem saluam quæ cruenta est expuunt, eaq; ratione cerebrum & ventriculū expurgant, gingiuas et dentes stabiliunt. Potentiores ex Faufel, Lycio, Caphura, Ligno aloës, & Ambari momento formas orbiculares siue pastillos cōponunt quos mastificant.

SCRIBIT Serapio lib. simp. cap. 345. excalscere, & amaritudinis particeps esse. Sed cum degustauissem, nullum calorem deprehendi; verum cum insipiditate adstrictoria facultate præditum esse comperi. Itaq; puto aut Serapionem hanc Arecam non nouisse, aut, si nouerit, eam nunquam degustasse.

Aqua ex
Faufel.

Ex ea viridi aquam stillatitiam vitreis organis elicuiubeo, qua maximo cum successu in biliosis alui profluuijs vtor. Sed arcanum id mihi hæctenus fuit.

* Nucem Faufel cum suo integumento nobis aliquando communicauit Petrus Coldemburgus Pharmacopola, vir eruditus & rei herbariæ peritissimus.

INVENIUNTUR interdum alia: nuces oblongæ quæ Faufel cum suo inuolucro magnitudine æquant, præduræ, & foris nigricantes, quæ per medium sectæ Nucē mysticam mirum in modum æmulantur. Forte Faufel genus erit, aut aliquid simile. Sed cum duntaxat vetustate exsucca videre licuerit, de eius gustu & temperamēto nihil pronunciare possum. Vtriusque iconem expressimus.

MEMINIT etiam Arecæ Lud. Roman. lib. nauig. 5. cap. 7. in hunc modum. Edere sueuerunt (de rege & magnatibus vrbis Calecut loquitur) fructum quendam cui Chofolo (Faufel intelligit) nomen est. Hunc mittit arbor Arecha nomine, Palmæ non absimilis, quæ cariotas gignit, & confimiles producit fructus. Miscent insuper contritas ostrearum conchas calcis instar. Hæc ille. At ridiculū est

est quod idem lib. 4. cap. 2. scribit, quoniam quæ sanitatis
tuendæ causa eduntur, præsentissimum esse venenum as-
ferat. At Sultanus, inquit, letho traditurus è Satrapis
quempiam, ad se accersitum cui mors imminet, nudû libi
assistere compellit, moxq; edit nonnullos fructus, *chofolos*
vocitant, instar nucis myristicæ; mandit etiam quædâ her-
barum folia, modo mali Allyrij, *tumbolos* nominant, addit
etiam attritarum concharum oistreæ calcem, simulq; cun-
cta mandendo ruminat. Tandem in eum quem cupit oc-
cidi, expuit, aspersoq; eo, continuo mors subsequitur, præ-
sentaneo veneno vitam perimente: nam ubi in hominem,
ut præmisimus, expuerit contrita venena, intra mediæ ho-
ræ spatium perfusus veneno in terram corruens efflat
animam.

De Nuce Indica. *

CAP. XXVI.

NULLAM arborem vsibus humanis aptiorem *Palma in-*
inueniri puto, quàm sit *Palma Indica*, veteribus Græ- *dica.*
cis, quantum cōiçio, incognita, & Arabibus serè ne-
glecta, qui pauca admodum de ea scripserunt.

AVICENNA lib. 2. cap. 506. eam vocat *Iau-* *Iau*
fialindi, quod Nucem indicam sonat: Serapio libr. *fialindi.*
simp. cap. 228. & Rhases libr. 3. de re med. cap. 20.
arborem ipsam *Iaralnare* *, id est, Arborem nucife- *Iaralnare.*
ram. Vocatur autem vulgo ipsa arbor *Maro*, & fru- *Maro, Narel.*
ctus *Narel*, quod vocabulum *Narel* cōmune est Per-
sis & Arabibus: in *Malauar*, arbor ipsa *Tengama-* *Tengamarā,*
ran, fructus verò maturus *Tenga*, sed viridis adhuc et *Tenga, Eleni,*
immaturus *Eleni*, & *Goæ Lanha*: in *Malaio*, arbor *Lanha, Tri-*
Trican, ipsa nux *Nihor*; cui nos *Lusitani* nomen *Co-* *can, Nihor,*
quo indidimus ob tria illa foraminum vestigia quibus *Coquo.*
Cercopicteci, aut alterius similis animalis caput re-
presentat.

ARBOR est vastæ magnitudinis, folijs *Palme* *Nucis indicæ*
aut *historia.*

aut Arundini similibus, aliquantulum tamen latioribus: flore Castanea, materie fungosa et ferulacea. Gaudet arenoso solo & mari vicino, ut in mediterraneis haud facile sit reperire. Seruntur ipsae nuces, ex quibus enatae plantae transplantantur, & paucis annis adolefcunt & fructiferae fiunt, praesertim si diligenter colantur. Nam hyeme, cinere aut stercore rigari volunt, aestate aqua: latiores tamen euadunt, si secus adificia plantentur, quia videntur sordibus & luto gaudere.

MATERIES ligni, cum sit procera, ad plurima perquam utilis est, ita ut interdum in Nalediua insula, Maldiuam vulgo, ut diximus, vocant, ex hac arbore naues fabricentur, atque clauis, malis, velis & rudentibus armentur. Ex ramis qui in Malauar Olla appellantur, fiunt adium tecta & nauium tabulata & opercula.

Olla.
Cocci duo
genera.
çura.

Orraqua.

PORRO has arbores in duo genera distinguunt. Alterum enim fructus ferendi causa asserunt. Alterum curae cogenda gratia, quae est vinum mustum: hac autem decocta, ab incolis Orraqua vocatur. çura verò in hunc modum cogitur. Praecisis ramis, vascula alligantur ad liquorem, çuram vocant, excipiendum, quem ut ex altioribus ramis colligant, arborem conscendunt aptatis ad pedes compedibus & laqueis, aut foramina quaedam in arbore facientes, ut commodius ascendere possint. Hæc Sura destillatur aquae ardentis modo, vinumque extrahitur aquae ardenti per omnia simile, ut etiam pannus lineus eo madefactus non secus ardeat, quam si aquae ardenti intinctus foret. Vocatur autem stillatitius hic liquor Fula, id est, flos: quod reliquum est

Fula.

est Orraqua appellatur admisto stillatitij liquoris momento. E cura vel Sura (ita enim pronunciandū est) antequam exstilletur, insolata, sit acetam satis interdum acre. Exempto priore vasculo, si vulnus in arbore factum adhuc Suram exstillet, seruatur ea, & solis aestu vel igni densata, sacchari modo coit, id jagra vocant. Optima censetur quæ in Naledina insula nascitur: ea non nigricat veluti ea quæ in alijs regionibus gignitur.

jagra.

TEGITUR nux adhuc recens tenero admodū cortice, Cinaræ, dum gustatur, saporem referente. Constat tenera valde & dulci medulla, quæ in se cōclusam aquam suauem & dulcem habet & fastidium non parientem, multoq; tempore durantem. Quāto autem recentior est nux, tantò eius liquor suauior est, tū etiā medius cortex qui amygdalis suauitate non cedit, editurq; à nonnullis cum jagra, cuius paulò antè meminimus, aut cum saccharo: aut ex eo trito lac exprimitur cū quo coquitur Oriſa non minus suavis quàm si cum lacte caprino decocta esset: aut ex eo & anium quadrupedūmue carnibus edulia parantur Caril illis nuncupata. Maturior verò facta nux, cōtinet quidem etiam liquorem, sed non adeò suauem vt prior, quiq; interdum acescat.

Caril.

NV CES istæ recentes siccant atq; superiori cortice delibratæ & confractæ, ab indigenis Copra vocantur, deuehunturq; in Ormuz, Balaguatæ, alijsq; regiones quibus rariores sunt quàm vt exsiccari possint: aut in eas prouincias quæ his omnino carent. Suaves sunt, usq; vtimur tanquam castaneis siccis.

Copta.

Gra-

Gratiore multo sunt palato, quàm quæ integræ in *Libanum* perferuntur.

Oleum ex
Cupra.

Ex *hisdem* fragmentis, siue *Cupra*, limpidissimum oleum magna copia torculari exprimitur, nō modò ad lucernas vtile, sed etiā *Orixa* coquende aptum. Duo verò exprimuntur ex his nucibus olei genera.

Oleum ex
Cocco re-
centi.

VNUM ex nucibus recentibus contusis calida affusa aqua, quibus expressus oleum aqua supernatat. Hoc vtimur ad purgandum excrementis ventriculum & intestina: purgat enim leniter & sine aliquo nocu-mento, multi *Tamarindorum* expressionem addunt, et vtile medicamentum esse sapius sum expertus. Si hoc oleum intelligunt *Auicenna* lib. 2. cap. 506. & *Serapio*, lib. simp. cap. 228. cū id butyro præferunt, rectè sentiunt mea sententia. in eo verò falluntur, quod ventrem minus lenire dicant, quàm butyrum.

Olei ex Co-
pra faculta-
tes.

ALTERVM genus olei id est, quod superius ex *Cupra* exprimi diximus. Id præter iam dictas facultates, nervis admodum est vtile. Siquidem magnam huius utilitatem quotidie experimur in nervorum contractionibus & articulorum doloribus antiquis: hoc enim inunctum agrum capæ grandi quæ hominem capere possit imponimus, ibiq; dormire & quiescere concalefactum sinimus magno cum adminiculo. An verò lumbricos enecet, vt scribunt *Auicenna* locis iam citatis & *Serapio*, nondum expertus sum. Quod verò ipsam nucem eadem facultate præditam scribant, non modò rationi consonum non est, sed ipsa quotidiana experientia manifestissimum est eius esu lumbricos generari. In *Serapionis* autem lib. simp. cap. 228. senten-
tiam

tiam facile concessero, qui Manfarunge (quem an- ^{Manfarunge.}
 tiquum Mesuen esse ait) auctoritate fretus, nucis hu-
 ius siue Cocci esu alui profluvia sisti auctor est. Alienū
 enim à ratione non est, ut ipsa nux, quæ terrestriū est
 partium, ventrem sistat: ipsum verò oleum, quod te-
 nuium & aërearum est partium, ventrem subducatur.

NVLVM autem oleum exstillat ipsa arbor, sed <sup>Lacuna ex-
 tor.</sup>
 duntaxat ex ipso Cocco exprimitur: tametsi Lacuna
 Com. in Diosc. libr. 1. cap. 29. scribat in ea opinione
 quosdam esse, ut credant dulce id oleum, quod ex hac
 Palma stillat, Dioscoridis esse Elæomeli.

CETERVM duplici cortice integitur hac nux. ^{Elæomeli.}
 Extimus villosa materie cōpactus est, ex qua fit Cai- ^{Cairo.}
 ro Malauaribus dictum, hac in prouincia magni vsus.
 Nam & ex eo rudentes * & funes nauibus necessa-
 rijs (manent enim incorrupti in aqua marina) fiunt, et
 ex eo stupæ loco naues obturatur & stipantur, ipsiq;
 adeo stupis præstat, quod putredini minus sit obnoxium,
 & aqua marina inspersum, infletur denseturq;. Nul-
 la certè ex hac villosa materie fiunt aulea, ut persua-
 dere nobis nititur Lacuna Com. in Diosc. libr. 1. cap. <sup>Vasa ex
 Cocco.</sup>
 141. Ex putamine illo interno & præduro, vasa in te-
 nuiorū vsum tornantur, & etiā carbonēs fiunt aurifa-
 bris perquam vtilēs. Sed ea vasa paralyticos, si inde bi- <sup>Vascula ex
 Cocco para-
 lyticos non
 iuuant.</sup>
 bāt, minimè iuuāt, ut putauit Sepulveda, et vulgo Lu-
 sitanorū creditū est. Nā nihil huius fructus neruis salu-
 tare est, præter oleum de quo paulò antè: sed nec ipsi
 incole huiusmodi facultates talibus vasculis tribuunt,
 nec quisquam probatus auctor meminit.

SED minimè prætermittendum putauit quod ha- <sup>Palmarum indi-
 ca germen.</sup>
 rum regionum incolæ istarum Palmarum germinibus

Palmitos.

vescantur, gratiora enim sunt palato, quàm aut Castanea molles aut humiles Palma quas vulgo Palmiros, Itali Cefaglioni vocant. Quo autem verustior est Palma, eo tenerius & delicatius germen producit. At eo exēpto perit Palma: hinc fit vt qui huiusmodi germen edit, non immerito Palmam edere dicatur.

Coccus de Maldiua.

N V N C supereſt vt de Cocco, quem de Maldiua * appellant, aliquid subiiciamus.

L A V D A T V R hic Coccus, aut hæc nux (sed præsertim eius medulla) aduersus venena ab ipsis earum insularum incolis. Et à viris fide dignis accepi ad colidolores paralyſim, epilepsiam, aliosq; neruorum affectus se vtilem sensisse: à coli quidem doloribus, quod vomitum excitaret, ab alijs verò agritudinibus immunes reddi agros, si aquam in ijs nucibus (adiecto medulla momento) aliquandiu conseruatam ebiberent.

S E D cùm non ſim id expertus, minus fidei his tribuo. Nullam autem, periculum faciendi, occasione habui, quodd vii malim medicamentis quorum facultates iam mihi perspectæ, & multa experientia comprobata sunt, veluti sunt Lapis Bezar, theriaca, Smaragdi, terra sigillata, aliæq; pleraq; medicamenta (de quibus suo loco) quàm recentibus minusq; certis. Nam quod nonnulli dicant se huius vsu commodum sensisse, an id persuasione et imaginatione factum sit ignoro; hinc fit vt nihil affirmare possim. Sed si quid certius cum tempore nactus fuero, sententiam reuocare non pudebit.

Cocci de Maldiua historia.

N I G E R est autem huius Cocci cortex, & nitidior vulgari Cocco, figura ouali magna ex parte, nec ita rotunda vt vulgaris: medulla siue pulpa interior, qua

quæ ficcata dura est admodum & candida, nonnihil tamen ad pallorem inclinans, in superficie rimosa est & valde porosa, nullo sapore excellens. Dosis verò est huius medulle ad grana decem, cum vino aut aqua, pro morbi ratione & natura.

INVENIUNTUR interdum isti Cocci prægrandes admodum, interdum etiam exigui: omnes autem in littus eiekti.

VULGARI autē fama accepimus insulas Maldiuas aliquando continentem fuisse, sed inundatione maris submersum, has insulas effecisse, in quibus obruta Palmæ fuerint quæ hos Cocco protulissent, qui terra indurati in hunc modum conspiciuntur. Sinne verò eiusdem generis cum nostris, facile iudicari non potest, cum hætenus nemo folia aut arboris truncum videre potuerit: Sed soli Cocci in littus eijciuntur nunc bini coniunctim, nonnunquam verò singuli separatim. Sed hos nemini colligere licet, nisi cum capitis periculo; quoniam Regis esse asserunt quidquid è mari in littus eijcitur: quæ res maiorem auctoritatem huic nuci conciliauit. Eximitur autem ex his Coccis pulpa siue medulla, deinde exsiccatur eadem ratione qua Copra, atque indurescit eo quo venditur modo, diceres esse cascum ouillum.

* Huius arboris descriptionem cum alij, tū Ludo. Roman. lib. 5. cap. 16. & Iosephus Indus cap. 137. & 138. tradiderunt. Sed & Strabo Geographiæ 16. huius Palmæ meminit, quare satis mirari non possum nostrum Auctorem qui veterib. Græcis incognitam dicat hanc arborem. Sic enim habet Strabo. Cetera verò ex Palma præbet; ex ea enim panis, mel, acerum, & oleum fit, & testilia varia: nucleis pro carbonibus fabri ferrarij vtuntur, qui in aqua
I macerati

macerati bobus & ouibus in pabulum dantur.

* Nusquam in nostris exemplaribus huc adducti Auctores *Latalnate* meminisse comperio : at Neregil meminērunt, quemadmodum & Pandectarius cap. 565.

* Omnes rudentes & funes nautici liburnicarū regiarum Vlyssipone confecti sunt ex villis Coccorum siue nucum, præsertim verò earum quæ in Indiam nauigant. Sed etiam ex ijs villis fiunt nodosa cingula magno in vsu omnibus ferè tenuioris fortunæ mulierculis Vlyssipone.

* Vidimus vascula ex hoc Cocco de Maldiuā confecta Vlyssipone tum alijs locis oblongiora plerunque quàm quæ ex vulgari Cocco parantur, & nigriora nitidioraque. Sed & ipsam medullam siccata Vlyssipone venalem reperias, cuius facultates mirificè extollunt, atque omnibus ferè alexipharmacis præferunt : eamq; ob causam magnū eius precium. Quàm verò parum fidei sit adhibendum huiusmodi fabulosis & commenticijs facultatibus, Auctor noster satis declarat.

De Myrobalanis CAP. XXVII.

Myrobalana
Græcis & La-
tinis inco-
gnita.

Myrobalana
Græcorū.

MANIFESTVM est, neq; Dioscoridem, neq; Galenum, neq; Plinium, nostra Myrobalana cognuisse, sed eorum Myrobalanum planè aliud esse: ex quo videlicet oleum ad preciosa vnguenta exprimerent.

Μυροβάλανος enim idem sonat Græcis, quod Nux vel glans vnguentaria Latinis.

ET quoniam Auicēna & Serapionis interpres vidit hæc nostra quodammodo ad glandis formam accedere, nullo iudicio Myrobalana vertit, cum mea sententia Pruna (quibus similia sunt) melius vertisset.

VOCAT ea Auicenna lib. 2. cap. 458. Delegi: Sic etiam Serapio, libr. simp. cap. 107. tametsi librorum vitio Halilic corruptè legatur. Omnes enim Medici Arabes mihi affirmarunt omnia Myrobalana
Delegi

Delegi vocari. Peculiariter verò flaua azfar, indica si-
ue nigra asuat, quebula quebulgi, bellerica belere-
gi, & emblica embelgi, sub quo nomine haudqua-
quam nota fuere hæc posteriora Auicenna libr. 2. cap.
228. & Mesue, de simp. med. purg. cap. 3. sed sub no-
mine Seni, vt patet ex Serapione qui Seni tenuissi-
mo cortice prædita esse scribit; quæ nota Emblicis con-
uenit.

Delegi, Half-
lig, Azfar,
Asuat, Que-
bulgi, Bele-
regi, Emb-
belgi.

SUNT igitur in vniuersum quinque eorum gene-
ra, quorum nomina magna ex parte mutuati sumus.
Nam quod genus quoddam Serapio Damascenum ap-
pellat, melancholicis morbis perutile: id facit, nõ quod
in Damasco proueniat hic fructus, sed quod hinc ex
India Myrobalana inda eò deferrentur.

Myrobal.
quinque ge-
nera.

ET quamuis idem Serapio lib. simp. cap. 107. scri-
bat Seni cognominata genus esse Oliuarum, tamen er-
rat (quod pace eius dictum volo) atque ei erroris occa-
sionem præbuisse credo, quod emblica sale aut aceto
condita edantur.

Serapionis
error.

FALLUNTUR autem tam ij qui omnia My-
robalanorum genera in eadem arbore nasci putant,
quam qui flaua et quebula tantum. Nam quinq; sunt
diuersa arborum genera: &, quod magis mireris, in
regionibus sexaginta aut centum leucis inter se distan-
tibus nascuntur. Proueniunt enim nonnulla in Goa &
Batecala, alia in Malauar & Dabul. In toto regno
Cambayæ quatuor eorum genera inueniuntur: quebu-
la verò in Bisnager, Decam, Guzarate, & Bengala.

Myrobalano-
rum arbores
diuersæ.

CETERVM quæ in Lusitaniam sicca deportan-
tur, magna ex parte sumpta sunt in regione quæ est

Arare, Ari-
tiqui.

Rezanuale.
Gotim.

Aretca.

Anuale.

Myrobala-
norum hi-
storia.

inter Dabul & Cambaya. Nam experientia comper-
tum habemus eos fructus quos regio Septentrioni vi-
cinior producit, minus putredini obnoxios esse. Inue-
nio autem apud eos tria Myrobalanorum genera, quo-
rum vsus est in purgationibus leuibus et sine molestia:
hec vocant tria genera: horum primum genus quod
rotundum est, & bilem purgat, indigena arare, me-
dici aritiqui vocant, nobis sunt flaua: alterum genus
incolis rezanuale dictum, nostra sunt indica siue ni-
gra: tertium genus Gotim incolis nuncupatum, ro-
tundum, nobis bellerica sunt. Chepula vero nostra qua
pituitam purgant illis aretca appellantur. Hec sunt
quatuor Myrobalanorum genera, quae illis sunt in vsu
medico. Nam quinto genere, anuale ijs nuncupato,
nobis vero emblica dicto (tamen si apud eos reperiatur)
non vtuntur, nisi densandis corijs, Rhois coriariorum
loco, & atramento conficiendo. Sunt tamen etiam non-
nulli qui ijs viridibus vescuntur excitanda appetentia
causa.

PORRO Arare rotundū est & Sorbi folia pro-
fert. Anuale folijs est minutim incisis Palma magni-
tudine. Rezanuale octogonum est, & folia Salici si-
milis habet. Guli folijs est Lauri, sed pallidioribus &
subcinericijs. Aretca magna sunt & rotunda, oblon-
giora tamen dum ad perfectam maturitatem perue-
nerunt, & angulosa: folia eius Persicis similia. Sunt
autem singule arbores Pruni magnitudine, omnesq;
syluestres & sponte nascentes, non domesticae.

CUM autē gustu sint adstringente & acido, Sor-
borum immaturorum modo, ex frigidorum & sic-
cantium

cantium classe esse dixerim.

PRÆPARATIONIS modus apud Indos nō inualuit, utpote qui ijs non utantur purgationis, sed adstrictionis duntaxat gratia. Nam si purgare velint eorum decocto utuntur, & maiore dosi quā nos in Europa. Solent autem ijs saccharo conditis vti magno cum successu, nec quisquam medicorum usu istorum famam vnquam est periclitatus. Chepulorum * autē maior est gloria: condiuntur hæc in Bisnager, Bengala & Cambaya: flaua & indica, in Batecala & Bengala.

IVBEO ego ex his immaturis stillatitium liquorem organis elici, quem post sumptam aliquam conseruam adstringentem propino, & syrupis admisceo, si quando opus est. Flaua & Bellerica præscribere soleo initio mense, ijs qui aut alui profluuiō, aut stomachi relaxatione laborant: talibus enim cōuenit huiusmodi cibus propter adstrictionē cum pauca aciditate coniunctam. Præterea immaturorum Myrobalanorum succum, in alui profluuijs apprimē efficacem esse expertus sum.

Aqua stillatitia Myrobal.

* Chepula rarius ad nos adferuntur, & non nisi dura & male condita. Emblica verò (quorum nullam mentionem facere Auctorem mirum) copiosè, recētissima & optimè condita inuehantur Antuerpiam.

De Tamarindis CAP. XXVIII.

MEDICAMENTVM omnibus cognitum sunt Tamarindi, quamobrem nullum adulterium norunt.

NASCUNTVR multis India locis, sed qui locis mōtosis & ad Septentrionē obuersis proueniūt, præferuntur

runtur & diutius incorrupti manēt: quales sunt quos
Cambaiete & Guzarate gignit.

Puli, Ambili.

VOCANTVR in Malauar Puli, in Guzarate
Ambili, quo nomine reliquis Indie prouincijs noti
sunt. Arabes Tamarindi appellant, quasi dicas Pal-
mulas indicas. Nam Tamar (quod omnibus notū est)
eorum lingua Dactylum significat. Palmulas autem
vocarunt Arabes hunc fructum, non quod eius arbor
Palma similis sit: sed quoniam aliud nomen magis ap-
tū non inuenerint, ossicula etiam in se continere con-
spicientes.

Tamarindo-
rum histo-
ria.

ARBOR est Fraxini aut Iuglandis Castanea ue
amplitudine, materie firma, non fungosa siue spongio-
sa, ramis folijs ornatīs multis minutimq; incisis, palmi
magnitudine: fructus in arcus aut digiti incurui figu-
ram efformatur. Huius immaturi cortex virēs est, sic-
catus verò cinereus est & facile auellitur: nucleos in-
tus continet satiuorum Lupinorū magnitudine, quo-
dammodo rotundos, sed planos, colore furuos sed laues,
quibus abiectis, pulpæ vsus est quæ lenta & viscida est.
Sed illud obseruatione dignum, quod hic fructus in ar-
bore adhuc pendens noctu folijs sese inuoluat vitandi
frigoris causa, interdū verò sese expediat & è medio
foliorum emergat. Acidus est hic fructus dū viret, sed
tamen ea aciditas suauitate non caret. Plurimum illis
expurgatis vtor cum saccharo, atq; id maiori cum suc-
cessu, quàm si Syrupō acetoso vterer. Soleo etiam ple-
runque agros Tamarindorum infusione purgare. Ta-
marindorum quatuor vnciæ aqua frigida aut stillati-
tio in trybi liquore maccrentur per tres horas, deinde fa-
cia

Tamarind.
facultates.

Et a expressione, eximantur Tamarindi, quos modico saccharo inpersos vtiliter exhibeo; euacuant enim ex parte biliosum humorem atq; pituitosum incidunt & attenuant. Huius regionis incola sine molestia sese purgant Tamarindis cum oleo nucis Indicae sumptis. Medici verò Indici, folia Tamarindorū trita partibus corporis erysipellate infectis imponunt. Nos hic Tamarindis aceti loco vtimur, gratior enim palato est eorum aciditas, praesertim maturorum. Deferuntur in Arabiam, Persiam, Asiam minorem & Lusitaniam sale conditi, vt temporis iniuriam melius ferre possint. Ego verò sine sale domi asseruare cum suo cortice soleo. Fit Tamarind. ex ijs recentibus cum saccharo conserua, praclarum conserua. proculdubio medicamentum ad digerendos & expurgandos humores, nec minus palato gratum. Tamarind. Aqua stillati- dorum stillatio liquore pro digestiua aliquando vsus tia Tamarind. sum: Verum cum nimis dulcem & insipidum ferè inuenirem, eo vti desij.

N V N C superest, vt ex Auctorum Arabum scriptis hoc medicamentum examinemus, cum veteribus Graecis fuerit incognitum.

A V I C E N N A lib. 2. cap. 699. hoc medicamentum non describit, sed eius delectum dūtaxat profert, aitq; recentiores Tamarindos praeferrī.

M E S V E lib. de simpl. med. cap. 8. facit eos Palmae syluestris Indicae fructum: sed eius error ex eo manifestus est, quod tota India Palmas non reperias: sed palmulae adferuntur ex Arabia in Indiam, vbi magna quantitate eduntur siccae, similiter & in massam compactae abiectis nucleis. Memini tamē vidisse quoddam

Palma sylue-
stria.

genus sylvestre Palmarum in Cambaya & Guzarate, sed sterile & longè diuersum à Tamarindifera arbore.

SERAPIO libr. simpl. cap. 348. ex auctoritate Bonifacii, in Casarea Aman prouenire asserit. Sed pace eius dictum sit: nullos Tamarindos in Casarea Aman, quæ est Syria, prouenire certum est, cum à Negociatoribus mercimonij gratia eò ex India deportentur.

Oxyphœnix.
Lacuna er-
gor.

NONNULLI Tamarindos à saporis aciditate Oxyphœnicem faciunt, quorum sententiam ut nec improbare, ita nec approbare possum. Sed quod Lacuna Com. in Diosc. libr. 1. cap. 126. à Thebaicis palmulis non differre scribit, non proba: quemadmodum nec quod eius arborem Palmæ sylvestris genus facit folijs oblongis, & per extremum acutis, quoniam huiusmodi profert folia ut antè dixi.

Tamarind.
temperamēt.

CETERVM Tamarindi ex Arabum testimonio refrigerant & exsiccant tertio ordine, tamen si aliquot exemplaria Mesue, sed mendosa, secundo ordine refrigerantium & siccantium collocent.

EIS semper utor in febribus admodum biliosis, non cassia solutiua aut manna, quoniam ob suam dulcedinem, bilem generant. Hinc fit ut huius regionis medici sacchari usu in febribus ardentibus abstineant.

De Cassia solutiua CAP. XXIX.

SUPERVACANEVM videbatur de ea arbore hic differere, quam vulgo Cassiam fistulam appellant, quandoquidem medicamentum est omnibus notissimum, nisi cōtrouersia esset de nomine malè indito

dito à Gerardo Cremonensi *, quem (vt supra dixi-
 mus) Arabica nomina intacta relinquere prastitisset, ^{* Rhases ad Alm. lib 3. de re med. cap. 51.}
 quam peruersè ita Arabes interpretari, & ansam pra-
 bere eos calumniandi, cum omni potius laude quam
 vituperio sint digni, qui nobis huius tam nobilis, tam
 prastantis, tanq; humana saluti necessarij medica-
 menti cognitionem protulerunt.

PORRO vulgariter Arabibus dicitur Hiar- Hiarxamber:
 xamber, vocabulo tetrasyllabo, tametsi Auicenna lib.
 2. cap. 197. Chiarfamdar corrupto nomine vocet: in
 Maluan Comdaca: in Canara, cuius provincie est ^{Comdaca.}
 Goz, Bauasimga: in Decan & à Bramenis Baua- ^{Bauasimga,}
 singua: in Guzarate & à Mauritanis regnum De- ^{Bauasimga.}
 can incolentibus Gramalla: arbor ipsa in Canara ^{Gramalla.}
 Bahoo.

EST autem hæc arbor Pyri magnitudine, folijs ^{Bahoo.}
 mali Persica, angustioribus tamen aliquantum & vi- ^{Cassia sol. hi- storia.}
 rentibus: floribus Geniste perquam similibus, luteis,
 Garyophyllum odore æmulantibus, quibus decidenti-
 bus, exiliunt oblongæ siliquæ virentes admodum ante
 maturitatem (non autem rubentes, vt scripsit Lacu-
 na) quæ per maturitatem nigrescunt, longitudine in-
 terdum quinque palmorum, nunquam verò infra bi-
 nos palmos.

NASCITVR per vniversas has provincias,
 prastantissima tamen & durabilior locis ad Septen-
 trionem magis vergentibus, vt in Cambaya. Inueni-
 tur & in Cayro, & in Malaca & in Sian totóque co-
 tractu.

HANC non nisi syluestribus per se satam vidi, in ^{Cassia spon- te nascitur.}
 I S Ameri-

Candil quid
sit.

Pardaon.

Manardi
lapis.

Sepulveda
error.

*America tamen (quam falso Indiam occidentalem ap-
pellant , quandoquidem vnica sit India ab Indo flu-
mine denominata , veteribus cognita) intelligo e syl-
uestribus locis tralatam esse in hortos & agros , ita vt
nunc istic frequentissima sit. Fortunatiores tamen no-
stros Lusitanos puto, apud quos sine satione tanta co-
pia nascitur , vt vnius Candil, hoc est quingentarum
& viginti duarum librarum precium non excedat de-
cem regales castellanos, qui constituunt aureum Indi-
cum Pardaon nuncupatum.*

*AVICENNA lib. 2. cap. 197. scribit eam me-
dio esse inter calidum & frigidum temperamento, nō-
nihil verò humectare. Serapio lib. simp. cap. 12. tem-
peratam eam constituit. Mesue de simpl. med. cap. 6.
nonnihil ad calorem accedere scribit. Antonius Musa
exam. simpl. excalsacere & humectare ordine primo
aut secundi initio.*

*SÆPIVS sum miratus Manardum in lib. simp.
Mesue scripsisse grana siue semina huius Cassiæ pur-
gatoria facultate prædita esse , cū tamen potius ad-
stringentem facultatem obtinere videantur, quàm so-
lutiua.*

*ILLVD verò omni reprehensione dignum est quod
ait Sepulveda, nimirum ad mœnendos menses , diffici-
lesq; partus, remorantesq; secundas, decoctum corticū
harum siliquarum cum Artemisia propinari , aut ex
ouo sorbili cum vncijs quatuor mellis exhiberi. Nam
etsi demus magno, vt ipse ait, successu propinatum es-
se huiusmodi medicamentū, Artemisiæ potius faculta-
tem hos effectus præbuisse censebimus , quàm harū si-
liqua-*

liquarum cortices tale quid prestitisse, qui frigidi & sicci sunt temperamenti. Huc adde secundas sæpius etiam sine medicamento reijci, naturæ propria vi. Nam quod Auicenna lib. 2. cap. 197. præscribit ad partus difficultatem, multi non abs re suspectum habent hunc locum: censetq; Bellunensis in contextu cucumerem siccum reponi debere. Hanc ob causam statuerunt docti res, Cassiam solutiuam intelligendam esse quotiescunque Cassie meminisset in purgante medicamento, reliquis locis Cassiam ligneam intelligi.

RIDICULUM verò est, quod de Lusitanis ^{Stulta de Cas} quibusdam nunc proferam, qui crediderunt plerosque ^{sia sol. per-} huius regionis homines continua alui solutione laborare, quod boues, quarum carnibus vescerentur, Cassiam solutiuam depascere. Nā arbores altiores sunt quàm ut à bobus depasci possint, neque tanta copia est arborum, ut numerum infinitum vaccarum (siquidem multas isti alunt, nullius verò carnibus indigena vescuntur) alere possint. Deinde cum duro cortice prædita sit siliqua, verisimile est (etiam si pertingere possent) vaccas graminis pabulum, quod semper ferè hic viret, istarum siliquarum auiditate non relicturas. Quod cum ab incolis percontarer, non mediocrem illis risum moui.

De Anacardio

CAP. XXX.

ANACARDIO nomen indiderunt recentiores Anacardium ^{vetetibus} Græci (nam veteribus ignotum fuit) à cordis tum si- ^{ignotum.} militudine tum colore, Arabum vestigia sequuti, qui- ^{Balador.} bus Balador, Indis Bybo dicitur, Lusitanis Fava de ^{Bybo, Fava} Mala- ^{de malaqua.}



Malaqua, quod viridis & in arbore pendens similis sit nostrati maiori Faba, maior tamen.

MAGNA eius est in Cananor copia, tum in Calicut & reliquis Indiae prouincijs mihi cognitis, veluti in Cambaya & Decan.

Serapionis
lapius.

SERAPIO libr. sinp. cap. 356. Galenum citat tanquã huius fructus meminerit (cũ tamen illi planè sit incognitus) & deleteriam facultatẽ habere ait, cui tamen experientia refragatur. Siquidem his in regionibus è lactis sero maceratum asthmaticis datur, et aduersus lumbricos: præterea ijs viridibus & sale conditus vtimur in cibarijs, oliuarum conditarum modo. Fructu verò siccato, caustici vice vtuntur in strumis: totaq; India huius cum calce misti vsus est ad pannos obfignandos.

AVICENNA lib. 2. cap. 41. id facit fructus Tamarindi ossi simile, eiusq; nucleum Amygdale effigie,
sine


sine nocumento esse affirmans : Et paulò post subijcit,
id inter venena referri quæ deleteria sint facultatis.

NULLA autem præditum esse venenosa facultate, exemplis suprâ demonstrauius : Causlicam verò vim obtinere, in iam exsiccatò fieri diximus.

NONNULLI Anacardium calidum & siccum Anacardij
constituunt in quarto gradu: alij in tertio. Nemo tamē ^{temperamentum.}
mihi satisfacit, quandoquidem in virente clarum est
deesse hunc excalfacientem & exsiccatem excessum:
neque rationi consentaneum videtur in eo caliditatis
& siccitatis gradu constituere quo est Piper. Nisi forte, quod in Sicilia nascitur, sit ea facultate præditum.

CAJONS,
per medium sectus
nucleo integro.

integer.



* Adfertur interdū nucis genus Vlysioponē è Brasiliario-
rū regione, quod Cajons vocat. Arbor est magna, folijs pyri: Cajons.
fructu oui anserini forma & magnitudine qui succo ple-
nus est veluti id Citriorum genus quod Limam vocant,
quo quidem vtuntur Brasiliani, (Licer Thenetus cap. 61.
Def-

Descriptionis Americae contra asserat, vt ab iisdem intellexi. In extremo fructu prominet nux quaedam renis leporini forma, colore cinereo, interdum ex cinereo rubicante. Duplici verò hac nux constat cortice, inter quos spongiosa quaedam est materia olei asperissimi & calidissimi plena: intus verò nucleum candidum continet esui aptum & pistacijs gustus suauitate non cedentem, pellicula cinericia obductum quam eximere oportet. Eo leuiter rostro vescuntur incolae, gratior enim est, & venerem stimulare fertur. Acri illo oleo nihil praestantius esse ferunt ad lichenes & impetigines tollendas. Incolae etiam aduersus scabiem vtuntur. Sed illud mirum primum fructum nulla semina continere: & extrema illa nuce earum arborum genus conseruari debere. Nonnulli Anacardiorum genus esse autumant, ob similitudinem acris illius humoris quem corticibus conclusum habent. Nos & officinarum Anacardium, & hanc nucem integram, & per mediū sectam exprimi curauimus.

De Amomo

CAP. XXXI.

Amomum. *MAGNA inter recentiores dubitatio est, quid sit Amomum. Hinc fit vt nonnulli eius loco Acorū ex Galeni lib. simp. med. 6. praecepto substituāt, de quo haud secus atque de ipso Amomo dubitatur.*

Rosa hiericuntina. *Ex recentioribus nonnulli in ea opinione fuerunt, vt Rosam Hiericuntinam, legitimam Amomum esse contenderint, quorum opinionē doctē Matthiolus comment. in Diosc. lib. 1. cap. 14. multis argumentis refellit. Alij Pedem columbinum esse aiunt, quos idē Matthiolus erroris conuincere nititur.*

EGO, tametsi hic non viderim eas stirpes quas Europa gignit, subiiciam tamen liberè quae in India de Amomo didici. Percontatus sum aliquando à quodam Pharmacopœo natione quidem Hispano, sed religione Iudæo, qui Hierosolymis se habitare aiebat, quid esset
Amo-

Amomum. Respondit ille, lingua Arabica Hamama Hamama.
 nuncupari, quod interpretatum Pedem columbinum Pes colum-
 significat. Hanc stirpem sibi cognitam esse affirmabat, binus.
 quā tamē apud Indos nō vidisset. Euocatus postea à Ni Nizamoxa
 Zamoxa (quē vulgo NiZamalucco nūcupant) Rege in Rex,
 Decā potentissimo, qui prater mediocrē doctrinā sem-
 per apud se eruditos medicos alit cum Persas, tū Tur-
 cos, magnis stipendijs. Eius medicos interrogavi, num
Amomum haberent, dixerunt illi istic quidem non na-
 sci, sed inter alia aromata quæ ad Regem ex Asia, Per-
 sia, & Arabia conficiendis Alexipharmacis perferren-
 tur, *Amomum* etiam adferri, cuius ramulo me dona-
 runt. Hunc cum Dioscoridis descriptione contuli, ad
 quam venustissimē quadrabat, & licet iam siccus, pe-
 dem tamen columbinum referebat.

NAM omnia plantarum & morborum ferē no-
 mina apud Auicennam, aut ad verbum reddūtur, aut
 ab ipsa re nomen sortiuntur, exempli gratia, Lingua
 bouis, Lingua canis, Capillus veneris, Lingua avis: sic
 & in morbus Elephantia dicitur illis Daulalfil, quod Daulalfil.
 est, Pes Elephantis, Hydrophonia marazalquelbe, Marazal-
 quod est Dolor canis. Hinc sciendum est *Amomum* a- quelbe.
 pud Auicennam nihil aliud esse quā Pedem Colum-
 binum*.

CVM apud NiZamoxa essem, aliquot plātas ob-
 servavi, quibus Goæ caremus, veluti Eupatoriū, Mex-
 quetera, Mexir, * melyssophylon, buglossum, sumum Mexquetera,
 terræ, tamaricem, asparagos, & violis purpureas in Mexic.
 Regio horto satas. Hæ forsitan omnes etiam in medi-
 terraneis nascuntur: sed tanta est nostrorum Pharma-
 copola-

Arboris flo-
res, violarum
loco.

copolarum auaritia, vt potius mercibus conuehendis
studeant, quàm officinae suae excolenda. Hinc fit vt vio-
larum loco vtantur floribus cuiusdam arboris diuerse
planè faculatis à nostris violis: quorum tamen vsum
non admitto nisi in ijs medicamentis quae foris appli-
cantur: atque Syrupum violaceum confici iubeo è vio-
lis conditis ex Ormuz aut Lusitania delatis.

* Vtinam noster hic Auctor Amomi descriptionē ple-
norem dedisset quandoquidem plantam legitimam se vi-
disse affirmat. Nam multis alterationibus ansam præci-
disset. Certè Pes eius columbinus, noster esse non potest,
quem nonnulli, Amomi legitimi loco vsurpare non veren-
tur, cum sit potius Geranij genus. Sed horum turpem er-
rorem, eruditè detegit in commentarijs suis Matthiolus.

* Quenam nobis sint plantae Mexquetera & Mexquir
planè ignoro: nec quid hæc vocabula significarent, quis-
quam indicare potuit.

De Calamo aromatico CAP. XXXI I.

Disputatio
de Acoro &
Calamo.

NON minor est cōtrouersia inter recentiores me-
dicos de Calamo & Acoro. Volunt enim nonnulli Cala-
mum officinarum esse Acorum veterum: Alij malunt
Galangam esse Acorum. Eam ob causam difficile est in
tanta opinionum varietate aliquid certi statuere. Ego
tamen nullius opinioni addictus liberè dicam quod
sentio.

Calamus
aroma.

CALAMVS aromaticus quo officinae in Lusita-
nia vtuntur (aromaticum voco non odoratum, vt ple-
rique alij, quandoquidem aroma odorem non signifi-
cat, sed quod vulgo drogum vocant, neque etiam Ca-
lamum odoratum scio, sed Iuncum duntaxat) idem est
cum eo qui hic in India magno est in vsu cum viris, tū
mulie-

mulieribus & iuuenis. Vocatur is in Guzarate, Vaz: Vaz, Bache,
 in Decan, Bache: in Malabar, Vazabu: in Malayo, Vazabu, Di-
 Dirimguo: in Persia, Heger: in Cuncam, quæ est rimguo, He-
 regio maritima, Vatican: Arabibus Cassab & Al- ger, Vatican.
 dirira. Serapio lib. simp. cap. 205. eum vocat Assa- Cassab, Al-
 bel-diriri, sed corrupto vocabulo: omnes enim Arabes dirira, Assa-
 medici cum Auicenna lib. 2. cap. 161. & 212. Cas- bel-diriri.
 sab & Aldirira appellant. Idem autem sonat Cassab
 quod Calamus & Aldirira ex aromatibus: Nam Di- Dirire
 rire idem quod nobis aroma est. Quoniam verò Ma-
 layo incolæ eius vsum ab Arabibus, qui ex Coraçone
 erant, didicerunt, idcirco corrupto nomine Dirim-
 guo vocarunt.

SERITVR per vniuersam Indiam: plurimus
 verò in Guzarate & Balaguare. Hic etiam Goæ (vbi
 multus eius est vsus) in hortis satius prouenit sed per-
 paucus.

CETERVM non est odoratus nisi è terra auul-
 sus: quantoq; virentior est, tantò mihi validioris te-
 rriorisq; odoris videtur, tametsi aliud sentiat Ruellius
 lib. 1. cap. 18. Conuehitur ad maritima, quoniam qui
 istuc nascitur, nò sufficit. Qui ex Balaguare adfertur,
 ad Occidentem mittitur.

FAMILIARIS eius vsus est mulieribus in Calami vites,
 vteri affectibus, & neruorum doloribus. Sed maximè
 expetitur hyeme à mulomedicis: contusum enim, ad-
 ditis allijs, ammi (quod est Cuminum rusticum) salis Cuminum
 momento, butyro, & saccharo, iumentis aduersus fri- rusticum.
 gora mane exhibent, vocantque id medicamentum
 Arata.

K

CETE

Calamus vn-
guentarius.
Calamus
Arabicus.
Calamus
Alexandri-
nus.

CETERVM quoniam Hippocrates & Galenus libr. 1. simp. med. Indicum hunc Calamum vnguentarium appellant, Plutarchus verò Calamum Arabicum, & Cornelius Celsus Calamum Alexandrinum; videtur etiam extra Indiam nasci.

EGO, vt veritatē elicerem, sciscitatus sum à multis Coraone incolis et Arabibus qui huc venales equos adducunt, si apud eos nasceretur Calamus; item an esset eis cognitus, eoq; vterentur: Negarunt omnes apud se inueniri nisi ab Indis aduectum mercimonij gratia, probeq; sibi cognitum, vtpote cuius plurimus apud eos esset vsus. Non falluntur tamen qui Arabicum vocant, nam ex India in Arabiam defertur, & inde in alias regiones: neq; qui Alexandrinum appellant, quoniam hinc Alexandriam, deinde Barut & Tripolim Syria defertur.

QVOD autem Menardus libr. 8. ep. 1. dicit in Pannonia se vidisse adeò recentem, vt non longè petitus videretur, fieri potest vt fallatur: aut, si viderit, satum forte in sporta aut olla vidit, vt plerunq; satum Gingiber nascitur. Sed illud certissimum est, hinc auehi Calamum in eas regiones.

Calamus nō
nisi in India.

IS verò quo utimur, radix non est (pusilla etenim est radix) sed ipsius Calami cum aliquantula interdū radicis parte fragmentum. Hallucinantur ergo qui nihil nisi radicem * esse scribunt confirmandæ suæ sententia causa, qua contendunt hunc Calamum Acorū esse. Neq; quod in Calamo est spongiosum & flauescente colore, aliqua in re simile est Aranearum telis, vt falso putarunt Auicenna lib. 2. cap. 161. & Serapio, lib.

lib. simp. cap. 205. quos Græcis & Latinis hac melius nosse oportebat.

CETERVM quod Calamus Acorum non sit, nec etiam Galanga, satis ex Auicēna & Serapione probari potest, qui tria distincta capita de Calamo, Acoro, & Galanga scribunt. Præterea qui Calamum describunt, aiunt eum in India nasci, quod verum est: nec enim in alia regione nascitur. Acorum verò nō nisi in ^{Acorū dumtaxat in Europā.} Europa nasci tradunt. Itaq; nobis ignotum est Acorū, aut imaginari non potuimus quod Manardus, Lebnt-cenus & alij animaduerterunt. Omnibus sanè Arabibus, Turcis, Corasōnibus, & Indis medicis ignotum est. Nam à NiZamoxa vocatus ut eum tremoris affectu liberarem, magna mihi cum illis contentio fuit de Acoro: quid tamen esset Acorum (etiam illis indicato nomine Arabico) indicare non potuerunt, nisi quod apud Turcos nasceretur.

PRÆTEREA Calamus calidus & siccus est in secundo ordine: Acorum verò in tertio: Galanga autē utroq; calidior, ut suo loco dicemus. Deinde Calamus & Acorum cerebri & neruorum morbis conueniunt: Galanga verò ventriculum roborat, flatum discutit, & oris halitum commendat. Galanga item & Calamus medicamenta sunt in hac regione ab initio cognita, & in Occidentem vehi solita.

SOLEO tamen perpetuo Acori loco Calamum ^{Acori succedaneum.} substituere, sed maiori quantitate, quod non adeo ex-calfaciat & exsiccet veluti Acorum.

* Nostrarum officinarum Calamus longè alius est ab eo quem hoc capite describit noster Auctor, quippe cuius Calamus legitimus sit à veteribus descriptus. Noster verò

nihil nisi radix est, cum aliquantula interdum foliorum particula. Cui cum omnes notæ Acoro à veteribus adscriptæ pulcherrimè conueniant, Manardi & aliorum sententiam improbare non possum, qui Acorum legitimum esse volunt. Adfertur ad nos ex Tartaria & Lituania, necnon & in Polonia nascitur, quibus Pruskuuorzeecz nuncupatur. Eo & Germani, & Itali & Galli vtuntur, aliumque Calamum non norunt. Solebat enim Antuerpiam Vlysi- pone aduehi Calami genus vsuali nostro similitimum, sed tetri odoris & saporis horridi, quæ nota illi communis erat cum Calamò nostro Auctori descripto: Solam tamè hanc ob causam in vsu apud nos esse desijt, licet omnes a- romatarij multò efficacius, eo quo nunc vtimur, fuisse af- firmant.

De Nardo CAP. XXXIII.

ILLUD affirmare possum, multò plura aromata, maioriq³ quantitate, & minus adulterata ad nos ad- ferri, vilioriq³ emi, quàm antiquitus fiebat: quod nūc Lusitanorum nauigationibus Indiæ nobis aperta sint, ipsaq³ regiones quæ aromata gignunt, longè cultiores nunc sint, quàm Veterum tempore fuerunt.

Nardus.

IN eorum numero Nardum repono, quæ legitima & sine māgonio ad nos importatur, licet interdū aut maris humore sibi ascito situm contrahat, aut senio suaueolentiam illam amittat, qua initio prædita erat.

Cahzçara.

çembul.

VOCATUR autem Nardus incolis (nam Græ- cum & Latinum nomen notum est) Cahzçara: Aui- cennæ, lib. 2. cap. 646. & omnibus huius tempestatis Arabibus çembul, quod est Spica, & çembul indi, id est, Spica Indica: eadem ratione, quam nos Spicam Celticam vocamus, illi çembul rumim appellant. Quod autē corruptè Matthæus Syluaticus cap. 640. Sumi-

Simibel & Sumbel protulerit, mirum non est, cum ^{Sumbel} is linguam Arabicam ignorarit: nisi malimus tempore paulatim corrupta fuisse vocabula.

CETERVM nascitur Nardus in Mandou & Chitor prouincijs, Regnis Delli, Bengala, & Decan ^{Ganges fl.} vicinis, iuxta flu. Gangem, quem incolae Ganga appellant, & sacrosanctum existimant, ita vt morituri regni Bengala incolae hoc flumine mergi se iubeant, sed pedibus duntaxat. Sunt in eo flumine certa idolorum delubra, ad quorum cultū cateruatim confluunt Mercatores è Guzarate & regno Decan, magnaq; donaria in hac idola conferunt, inde redeuntes sanctificati, vt aiunt, sed potius à cacodemone obfessi.

PORRO non sunt diuersa Nardi genera: sed v- ^{Nardi vnicū genus.} nicum dūtaxat mihi notum est genus, id scilicet quod ex iam memoratis locis adferri diximus. Prouenit quidem in monte quodam qui altera parte Orientem spectat, altera Occidentem, ad quem scilicet occidentē sita est Syria multis regionibus ab India discreta. Sed tamen multis alijs eius regionis locis sata prouenit, nō facile enim sponte nascitur. Neq; vna praestantior est ^{Nardus sponte non prouenit.} altera, Spicāmue habet alia altera multò longiorem.

CERTE radix est spargens supra solum breuem ^{Nardi descriptio.} virgulam seu caulem circiter tres palmos longum cū longissimus, atq; alias insuper virgulas multò breuiiores: in summa radice spicae producuntur, item aliae per virgulas. Tali enim modo venditur in Cambiète, Asurate & Gogua, alijsq; portubus marinis; vnde mercatores Arabes & Persae petunt: potissimam tamen partem ab indigenis absumi ferunt.

Nardus sordida.

INVENTVR interdum sordida & puluerulenta, villis ipsius plantæ in pollinem redactis. Emitur tamen ab ijs quos dixi mercatoribus, & eo pulvere manus eluere intelligo.

HAC vnica Nardo quæ iuxta Gangem oritur, quamq; in Occidentem exportant, vtuntur medici cū Indici, tum Turci, Persæ & Arabes. Nā quod ex ingenti precio quo antiquitus teste Plinio libr. 12. cap. 12. emebatur, inferre volunt, nostram Nardum non esse legitimam, obiectioni me satis respōdisse arbitror, cū dixi Indias nunc magis apertas & cognitās esse, quā tempore Plinij fuerint, & ipsa aromata maiori copia ad nos adferri.

Lacuna officiantia.

CETERVM fabulosum omnino iudico quod Andreas Lacuna suis in Dioscoridē lib. 1. cap. 6. cōmentarijs scribit, Nardi vsum apud Indos esse periculosum, quoniam ex ea fiat veneni quoddā genus mortiferū, quod non modò haustum, sed etiam cuti in sudoribus inspersum, hominem illico iugulet; idq; toxicum Pisum vocari. Nam cū multis in India annis Medicinam exercuerim, & non modò versatus sim cum omnis generis medicis Asiaticis, sed etiā Regibus & Principibus familiaris fuerim: nūquam tamen hoc Pisum videre mihi contigit, aut eius nomen audire.

Satiech.
Satiach.

ID genus quod Sepulueda Satiech & Satiach appellat, id esse puto quod ex Satiguam adfertur, celeberrimo regni Bengala portu & Emporio ad fl. Gangis ostia.

* Cum



* Cum superiore Aprili Antuerpię essem, inter aliquot
Nardi Celticę fasciculos plantulas quasdam inueni quę
ad amussim quadrabant cum Dioscoridis Hirculo, quem Hirculus.
libr. primo de re medica cap. 7. describit, eo quę Nardum
K 4 Cel-

Celticam adulterari refert. Nam plantula est Nardo Celticae similis, candidior tamen & veluti ex viridi cinerea, sine cauliculo, minoribus breuioribusq; folijs, villosa admodum secundum radicem & nigricans, nulla odoris iucunditate. Folia premanfa nullum aromaticum saporem reddunt, sed lenta & viscida sunt; cum Nardi Celticae folia & calida sint cum aliqua tamen adstrictione, & odore saporeque iucunda. Cū igitur hoc capite noster Auctor de Nardo ex professo agat, facere non potui quin Hirculi meminissim, eiusque hic iconem subijcerem, quam nemo hactenus exhibuit.

De Iunco odorato CAP. XXXIIII.

IUNCUS odoratus in Maſcate & Calaiate Arabiae prouincijs maxima frequentia & abundantia nascitur, veluti in Hispania gramen vulgare quo pascuntur animalia.

HVIS graminis nomina Graeca & Latina nota sunt. Ab incolis autem Sachbar vocatur: à nonnullis verò haxis cachule, id est, herba lotoria, aut lotionibus idonea: tametsi non negem alijs etiam nominibus apud Arabes insigniri. Nam Auicenna lib. 2. cap. 598. eum adhar, Serapio cap. 19. adher appellant: quos sequuntur omnes Arabici & Persici medici hic agentes: florem verò vocant Foca. Nam quod Syluaticus, cap. 12. adcher & adhecarum vocari scribit, corrupta sunt vocabula, Persis, qui ad iam dictas vsq; prouincias pertingunt, Alaf, quod herbam significat, vocatur, quo nomine per excellentiam appellari potest. Apud Indos peculiare nomen non est sortitus, sed herba Maſcatensis appellatur. Sunt qui Paleam de Mecha nuncupent. Nec desunt qui pastū Camelorum vocent, nec immerito: sed tamen Cameli nō sunt

Sachbar.

Haxis cachule.

Adhar.

Foca.

Alaf.

Herba Mezcacensis.
Palea de Mecha.
Pastus Camelorum.

sunt istic adeo frequentes, vt hoc gramen cum floribus omnino depascere possint. Sed sunt ibidem multi asini, muli, equi, quos Arabicos vocamus, boues, caprae & oves quae nihil aliud pascuntur quam hanc herbam siue gramen.

DEFERTVR quidem in Indiam, in vsum medicum vsurpandus. Maxima tamen cum copia per fasciculos colligati in nauibus adsumunt equarij mercatores, vt equis substernant, ne stercoris & vrinae pedore offendantur. Nam simulatq; maduerit recentē substernūt & madidum in mare abijciunt. Sed & nautae fasciculos aliquot secum aduehere solent, quos deinde in India vendunt. Memini in insula Diu *, vili emisse Insula Diu. se multos Iunci fasciculos quos in Lusitaniam cum alijs aromatibus mitterem: nullum tamen florem videre cōtigat. Sed nec aliquo in precio ab incolis habetur, cum gens sit rudis & sylvestris.

NVLVS est huius vsus apud istius regionis incolas: sed nos duntaxat & Medici Arabes & Persae, eo vtimur. Ipsi indigenae eo se & sua iumenta lauant.

NUNC ad Auctorum qui eius meminerunt descriptiones veniamus.

DIOSCORIDES libr. i. cap. 16. laudatissimum ex Nabathaea, proximum Arabicum, quem aliqui Babylonium vocant, pessimum ex Africa adferri scribit. Floris, culmorum, radicisq; esse vsum. Eligendū eum qui manibus confricando rosae odorem emittit.

SCIO in ijs quas supra enumeravi prouincijs quae Arabia nomine comprehenduntur prouenire. An verò

K 5 in

Nabathæa

in Nabathæa gignatur (qua à Nabatoch Ismaëlis nepote denominata, prouincia est Arabia Iudæa contermina) diligenter percontatus sum à medicis qui in Hierusalem, Galilæa, alijsq; vicinis prouincijs versati erant: Sed illi responderunt, eum quo istic vterentur, ex Cairo aduehi. Interrogati verò an in Cairo nasceretur, an autem ex Maſcate adferretur: ignorare se dixerunt, quoniam medicamenta interdum ignota manerent ob indigenarum negligentiam. Qua cum audirem, inquirere non volui num Babylone nasceretur, tamen si fieri posse putem, vt gignatur.

Iunci flos.

CUM verò Dioscorides Africanum improbet, non oportet nos admodum sollicitos esse in eo inuestigando, præsertim cum non adscripserit qua Africa regione proueniat. De floribus autem, cum meam, tum reliquorum medicorum negligentiam agnosco, qui non iubeamus eum aduehi. Nostra etenim culpa factum est vt eius vsus desierit.

IN medicamentis odoratis, Dioscoridem incertis comparationibus plerunque vti video, quemadmodum & in hoc Iunco. Nam tritus, iucundum quidem spirat odorem, sed Rosa haudquaquam.

Iuncus rotundus.

IUNCUS odoratus, & Cornelio Celso Iuncus rotundus vocatur, ad differentiam Iunci vulgaris, & Cyperi siue Iunci triangularis: sed minimè in eam altitudinem excrefcit qua Iuncus est.

AVICENNA libr. 2. cap. 598. duo eius genera constituit. Alterum enim Arabicum vocat, qui est odoratus. Alterum in Agiami natum, per quod vocabulum Damascum intelligit. Sed quod Dioscoridis

vidis testimonio, Iuncum fructum proferre nigrū pro- ^{Auicenna 12.}
bet, manifestus error est, cum Dioscorides nusquam ^{psus.}
fructus meminerit.

SERAPIO libr. simpl. cap. 19. ex auctoritate Iunci histo-
Bonifaa scribit Iuncum habere radicem Chulem si- ^{ria.}
milem, latiore tamen, & minoribus nodis cinctam,
multos calamos praeduros proferentem, qui fructum
proferat similem floribus Arundinis, graciliorem ta-
men & minorem: simulq; & in vno cespite multas
plantas nasci. Huius radix adeo similis est Chulem *,
vt sub eo nomine a nonnullis appelletur, quemadmo-
dum initio dixi.

MATTHÆVS Syluaticus cap. 12. decem
annis conseruari asserit. Credo in siccis & mediterraneis
regionibus multo tempore conseruari posse, cum
humiditate non abundet. Sed in huius prouinciæ ma-
ritimis, paucis annis in sua odoris fragrantia conser-
uari potest.

QVOD ad Brasauolum & Monachos in Me-
suen commentatores attinet, doctè illorum argumen-
ta refellit Matthiolus, Com. in Diosc. libr. 1. cap. 16.
quare superuacaneum esse iudico quidquam ijs adde-
re. Satis tamen Monachorum in Mes. dist. 1. cap. 47. ^{Monachorū}
oscitantiam mirari non possum, qui Galangam Iunci ^{oscitantia.}
odorati radicem esse contendunt, cum Galanga in Chi-
na nascatur, quæ bis mille ferè leucis ab Arabia ab-
est, & plurimum ab Iunco odorato differat tum fo-
lijs, tum radice: nec nisi sata proueniat Galanga, quæ-
admodum & Calamus: Iuncus verò sponte nascatur,
nec seratur.

* Diu

* Diu vel Dio insula Oceani Indici aduersus ostia fluminis Indi (quem incolæ Diul appellant) sita est, eamque Patalen Plinio dici puto. Continet verò ea urbem mercuriale potentemque admodum, & celeberrimum quendam portum, quo confluunt negotiatores Veneti, Græci, Thraces (quos Rumes vulgo vocant) Persæ, Turci, & Arabes.

Chulem.

* Quid per Chulem intelligat noster Auctor, hætenus scire non potui, tamen si diligentissimè perquisiuerim: nisi fortè intelligat gramen siue herbam vulgarem quam Græci *πρόαν* vocant. Nam à quibusdam Haxis cachule nuncupari ait, id est, lotoriam herbam. Et Pædestatio cap. 158. Chulem herba capillaris est.

De Costo

CAP. XXXV.

MAGNOPERE commendatus à veteribus fuit Costus; at nec nunc sua laude caret. Sed cum Græci omnes tum Latini, tum Arabes, plura eius genera constituerint, factum est ut magna sit orta disputatio, an legitimum Costum habeamus. Plerique negant, & radices vel in Hispania, vel in Italia natas pro legitimo Costo in Myropolys ostendi aiunt. Ego verò sum in ea opinione, ut vnum duntaxat Costi genus esse credam, cuius nomina primum proferam, deinde delineationē, postremo vsum medicum indicabo.

EST ergo Costus dictus Arabibus Cost: in Gujarate, Vplot: in Malaca, vbi eius plurimus est vsus, Pucho, & inde vehitur in Chinarum regionem. Græci & Latini ab Arabibus nomen mutuati sunt. Nam quod Serapio lib. simp. cap. 318. Chost appellat, corruptum est exemplar, legendumque Cast: & quotquot conueni Arabes, eum nunc Cast, nunc Cost, nunc Costi vocant.

Costus, Cost,
Vplot, Pucho

Cast.

Costi.

N A S-

NASCITVR circa GuZarate, inter Bengala, Delli & Cambaya, in Mandou & Chitor: Inde multi currus Vplot, Spica, Chrysocolle (quæ vulgo Borrax, Arabibus Tincar dicitur) alijsq; mercibus onusti aduehuntur, in urbem primariam Regni dictam Amadabar, quæ in desertis sita est, & in Cambayete non procul à mari sitam urbem: vnde postea per maiorem Asiæ, nonnullam Africæ partem, & vniuersam Europam deuehitur.

DESCRIBITVR autem Costus*, ab ijs qui Costi hi.
viderunt, Sambuci effigie, & Arbuti aut AZimbri* floria.
magnitudine, florem odoratum proferens. Præcellit is qui intus candidus est, cortice cinereo inuenitur tamē etiam colore buxi, cortice pallescente. Tanta est odoris fragrantia præditus, vt plerisq; nares feriat & capitis dolorem excitet: gustu minimè amaro, nec etiam dulci, tamen si iam senescens interdum amarescat. Nam recens acri gustu est, vt reliqua aromata.

HOC vtuntur in multis medicamentis Indici medici. Hunc in Ormuz mercatores exportant, quo Corasones & Persæ confluunt: inde in Adem, quo huius emendi cum alijs mercibus gratia Arabes & Turci cōueniunt. Nec mirum est si eius loco, alio medicamento officinæ vtantur in regionibus procul à Lusitania disitis, quandoquidem exigua admodum quantitas in Lusitaniam defertur.

QVONIAM verò Veteres tria Costi genera Costi tria ge-
constituunt*: videlicet Arabicum, qui sit candidus, nera apud
leuis, eximia odoris suauitate: Indicum leuem, ama- Veteres.
rum, & nigrum: & Syriacum, grauem, colore buxio.


Per-

Perquisiui à negociatoribus Arabibus, Persicis & Turcis, vbinam tanta Costi copia consumeretur quæ ad eos hinc exportaretur. Responderunt illi maximam partem in Asia minori & Syria consumi, sed & etiam apud Arabes & Persas. Interrogati verò an alius quispiam Costus apud eos nasceretur, negarunt nasci. Idem percontatus sum à NiZamaluci medicis; sed negarunt illi alium se Costum vidisse vnquam, quam qui ex India ad eos perferretur. Vnus tamen illorum olim Xatamas medicus fuerat, disturnoq; tempore in Cairo & Constantinopoli medicinam fecerat. Vt autem tam diuersa nomina sortiretur, occasionem prabuisse negociatores puto, qui ex varijs regionibus oriundi erant.

Costus amarus & dulcis Arabibus.

QVOD Arabes eius duo genera faciant, amarum & dulce: factum esse puto, quod hoc medicamentum cum recens est & incorruptum, nullius amaritudinis sit particeps, candidiusq; persistat: vbi autem vetustate corrumpi incipit, amaritudinem contrahit, sitq; nigricans.

* Non videtur huius Costi descriptio cum Veterum Costo conuenire. Nam ex Dioscoridis descriptione satis manifestum est illorum Costum radicem fuisse, cum ait: Sunt qui, admittis Helenij Comageni præduris radicibus, adulterent. Verisimile enim non est truncum aut ramum fruticis tantam habere similitudinem cum radice, vt radice adulterari possit. At nostri Auctoris Costus minimum radices habet, & ferè nihil nisi lignum est suo cortice contectum. Quare aut veteres Costum ignorasse dicendum est, aut Arabum Costum (si quidem hic descriptus Costus illorum Costus est) à Græcorum veterum Costo diuersam esse plantam.



Co-

C O S T I genus Antuerpianè Lusitania inuehitur solidum cortice cinereo, intus indicans, interdum verò cinerei coloris; odorata est admodum radix, violaceum siue irinum spirans odorem, præsertim dum manditur, ea parte qua extra terram eminet, plerunque inherere adhuc cōspicitur caulis fragmentum ferulaceum quiddam referens & fungosam medullam continens, vt facile appareat Costo nostri Auctoris plurimum conuenire. Eius iconem, qualis videlicet ex ficca radice exprimi potuit, hîc adiiciendam curauî.

* Nisi per Azimbro iuniperum noster Auctor intelligat (Zimbro enim Lusitanis Iuniperus est) quid sit, ignorare me fateor.

* Venetijs interdum adfertur Costi quoddam genus Giberis radicibus adeo simile, vt nihil supra, intus etiam fibrosum, sed pallescens & eximie amaritudinis.

NON defunt qui Zedoariam vsualem inter Costigenera referant, & primum apud Dioscoridem descriptum Costum esse autument, quod multas notas habeat quæ Arabico illius Costo pulchrè quadrent.

De Turbit CAP. XXXVI.

D E Turbit Arabum magna est inter recentiores Medicos controuersia. Nam nonnulli Tripolium Grecorum esse volunt: alij Pityusa radicem esse contendunt: alij Alypi. Sed errant omnes mea sententia. Siquidem Turbit plantam & virentem vidi, & floribus exornatam, quæ planè diuersa est ab ijs quas in medium proferunt.

Turbit.

Barcaman.
Tiguar.
Turbit historia

Q V O D igitur nos Turbit vocamus, eodem nomine & Arabibus, & Persis, & Turcis appellatur: tametsi Andreas Bellunensis in suis emendationibus Terbet vocet. In Guzarate, vbi plurimum nascitur, Barcaman: in Canara, cuius prouinciæ est Goa, Tiguar.

E S T autem Turbit planta, radice neque magna, neque

neq; longa, caule hederæ modo per solum extenso, digiti crassitie, interdum crassiore, duos palmos longo, interdum verò multò longiore. Folia Altheæ profert; flores etiam similes, è candido rubentes, nonnunquam omnino candidos, non (vt quidam volunt) colorem ter die mutant. Est verò duntaxat utilis & gummosa caulis pars inferior iuxta radicem: reliqua pars gracilior est, & comosior, quàm vt utilis esse possit. Nonnunquam radix cauli adheret, sed inutilis cum caule duntaxat in medicum vsum recipiatur. Tota autem planta insipida est cum colligitur.

PROVENIT in maritimis, verum non adeo Turbittales. mari vicina, vt vnda allui possit: sed duabus, interdum tribus à mari leucis seu miliaribus. Plurimum nascitur in Cambayete, Surrate, Dio insula, & Baçaim, & locisq; vicinis. Inuenitur & in Goa: sed à medicis improbat, nec eo vtuntur. Intellexeram etiam in Bisnager provenire, quod centum quinquaginta & amplius leucis à Guzarate distat: sed postea rescitum est, eò ex Guzarate deportari (vnde etiam magna copia in Persiam, Arabiam, Asiam minorem, et Lusitaniam exportatur) quoniam si quod in Bisnager nasceretur, viribus adeo infirmis esset, vt à medicis recipiendum non censeant.

FIERI potest, vt alijs etiam per Indiam locis gignatur (non enim seritur, sed sponte provenit) sed id incertum est ob indigenarum negligentiam.

CETERVM non omne Turbit gummosum est natura. Sed quoniam viderunt Indi à gummositate, op Turbir quæ ratione gummata fiat. timi Turbit notas nos petere, solent eius plantam, an-

E

te

te quàm eā colligant, aut contorquere, aut leuiter vulnerare, quo liquor exiliat & densetur. Deinde post aliquot dies redeunt, & gummi sine concreto liquore plenos caules reperientes eos colligunt. Id mihi retulit affinis meus medicus in Baçaim, qui aliquoties cum ipsis Indis colligendi gratia profectus est, & hanc elicendi succi rationem obseruauit. Nam cùm iussisset aliquot plantas intactas relinqui, eas minimè gummosas inuenit, aut nonnullas tantum pauco cum gummi. Ex eo igitur deprehendere licet, gummi nihil ad præstantiam agere; sed id plerunque præstantius censendū esse cuius gummi non appareat, quippe quod in ipsa planta reconditum sit. Non negauerim, quin etiam Turbit gummosum sine contorsione reperiatur: sed ut facilius liquorem suum aut gummi exerat, contorqueri & vulnerari plantam certum est.

Turbit dele.
Aus.

ALTERA probationis nota est, ut sit candidum. Siccatum ad solem, candidum est: in umbra verò siccatum, tametsi nigrescat, non minus fortè bonum est, quàm album in sole siccatum.

Turbit facul
tates.

EST verò Turbit Indicis medicis medicamentum pituitam deiciens, cui interdum si absit febris, Gingiber adijcere (ut etiam alijs purgantibus medicamentis) solent: alioqui plerumq; sine Gingibere ex decocto pulli gallinacei, aut ex aqua exhibent. Præfertur autem quod in Cambaya natum est. Memini me in insula Dio emisse singulas quas vocant manus, vna tanga *, Pendunt autem singule manus viginti septem libras. Sed postea intellexi cum, à quo emissem, duplo minoris emisse.

Tanga.
Manus.

CE-

CETERVM longè nobis aliud Turbit * descri- ^{Turbit Ara-}
 bunt Arabes, quàm id quod modò exhibui. Siquidem ^{bum.}
 Mesue lib. 2. de simp. med. cap. 2. ait radicem esse her-
 bæ folia Ferula minora ferentis & ex earum planta-
 rum genere quæ lacteo succo turgent: varia eius inue-
 niri genera, videlicet domesticum, sylvestre: magnū,
 paruum: album, nigrum, & flauum: & in locis siccio-
 ribus gigni, quod ex succi densitate deprehenditur. Se- ^{Turbit Ara-}
 ptem verò in eius delectu obseruanda: ut sit cādidum, ^{bum dele-}
 intus cauum siue vacuum & arundinosum, & gum- ^{ctus.}
 mosum, cortice cinereo, planum, fragile, & re-
 cēs: crassum autem siue densum improbari. Sed, quod
 eius pace dixerim, ex aliorum relatu suum Turbit de-
 scripsisse potius videtur, quàm legitimum vidisse. Nā ^{Turbit è La-}
 neq; forma conuenit, nec è lacte madentium plantarū ^{ctanarum nus-}
 est numero, nec eius domesticum genus inuenitur: cum ^{mero nō est.}
 vniuersum sponte in incultis proueniat. Alterum genus
 interdum altero esse maius verum est. Color autē aut
 albus, aut flauus, aut niger naturalis eius plantæ non
 est: sed pro præparationis ratione contrahitur. Nam
 quod probè præparatum, suòue tempore collectum non
 est, albū esse non potest. Nascitur verò potius locis hu-
 mentibus quàm siccis. Neq; albedo & gūmositas pro-
 bitatis sunt indicia, veluti iam dixi. Neq; arundina-
 ceum aut ferulaceum est, aut planum, aut fragile, nisi
 nimia siccitate exsuccum. Densum autem potius mihi
 videtur probandum, quàm improbandū, quippe quod
 plus substantiæ contineat, modò cariosum non sit.

SERAPIO lib. simp. cap. 330. Tripoliū Diosco- ^{Tripolium}
 ridis historiā ad suum Turbit transtulit. Sed si cum ^{non esse}
^{Turbit.}
 L 2 legiti-

legitimi quam exhibemus Turbit descriptione confecturatur: manifestè eius error deprehendetur. Nam neq; folia Isatidis habet, neque eius caules in summo diuiduntur, sed in mucronem desinunt largo foliorum prouentu ornatum. Flos non mutat ter die colorem, neq; eius radix odorata est, aut venena arcere adhuc deprehensa est.

Alypum non
est Turbit.

DENIQUE non est Alypum Dioscoridis, vt recentiorum quidam existimant, cum eius historia Alypi descriptioni planè repugnet, & facultates sint diuersæ: Turbit enim pituitam duntaxat purgat, Alypū atram bilem deijcit. Neq; vt iam diximus, cuiquam è lactarijs comparari potest, quæ non sine noxa in corpus admittuntur. cum Turbit legitimum nullam acrimoniam habeat, & sine molestia pituitam deijciat.

Arabes erro-
ris auctores.

PORRO huic errori ansam præbuisse puto Arabes, qui conspicientes apud suos in vsu esse Turbit ab India petitum, id ad Græcorum aliquam descriptionem ilico referre voluerunt, Græcis omne plantarum genus fuisse cognitum existimantes. Sed satius multo fuerat, ea ratione omnia non confundere, & simplicem aliquam eorum medicamentorum, quæ illis non erant probè nota, descriptionem contexere.

* Baçaim vrbs est vasta, multas alias vrbes & pagos sub suo dominio habens: quinquaginta leucis ab insula Diu abest, & Regi Lusitaniæ paret.

Tanga.

* Monetæ genus Indicum Tanga est, quod sexaginta Lusitanicis regalibus æstimatur, hoc est duobus fere Castellanis regalibus aut septem assibus Gallicis. Regale enim Castellani triginta & sex Lusitanica conficit.

* Turbit à nostro Auctore descriptum longè aliud est ab eo quo vulgo in officinis vrantur. De quo qui plura vo-

let,

let, consulat doctissimos Matthioli commentarios in capita 30. 51. & 78. libri quarti Dioscoridis. Per vniuersam Hispaniam Thapsia abundè nascitur, eius radice pleræq; Hispaniæ officinæ pro Turpeto legitimo vtuntur. Non defunt etiam multis per Europam locis, qui Scammonij radicem concisam pro legitimo Turpeto ostendant, atq; in sua medicamenta recipiant, vt his manifestum esse potest qui scammonæ radices siccas cum illorum Turpeto diligentius contulerunt.

De Rhabarbaro CAP. XXXVII.

NON est operæ precium multa de Rhabarbaro recensere, cum omnibus notissimum sit medicamentum. Silentio tamen prætermittendum non duxi, quod hic in India didici: videlicet, omne id Rhabarbarum quod in Indiam, Persiam & Europam importatur, esse in Chinarum regione natum. Nam ex Chinarum regione per Tartariam Ormuz & Alepum defertur, inde in Alexandriam, & tandè Venetias, vnde reliqua Europe regna petūt. Nos præter id quod nauigijs ex China infertur, eo etiam vtimur quod Persæ ex Ormuz aduehant, quod minus teredinem & cariem sentit, quàm quod ex China nauigijs infertur. Siquidem plus corrumpuntur aromata quæ per mare inuehuntur vnius mensis spacio, quàm quæ terrestri itinere importantur vnius anni tempore. Præterea India, præsertim in maritimis, maximè humida est, & huiusmodi aromata diu integra seruare non potest. Nam Rhabarbarum sub mensem Maium in Indiam locis videlicet maritimis importatum, nisi ante Septembrem absumatur planè inutile est, & abijciendum: corrumpitur enim, vt pleraque alia aromata quatuor illis mensibus hybernis, qui sunt Iunius, Iulius, Augustus, Septēber.

Rhabarbarū
omne in Chi
narum pro-
uincia nasci.

Interea aliud recentius ex Ormuz importatur quo v-
runtur, idq₃ quod in maritimis hybernavit, in mare
abijciunt.

Rhabarbarū
Samarcanda-
ricum.

REFERVNT genus quoddā nasci in certa Tar-
taria vrbe nomine Samarcandar: sed quod improbum
sit, nec nisi iumentorum purgationibus vtile.

Ranā Chini.
Rauam.

NVLVM autem est Rha barbaricum, aut In-
dicum; sed solummodo Chinense, quod Rauam Chi-
ni Persæ appellant, Mauritanii tamen plerique solum-
modo Rauam.

ALIQUANDO in Couchin intellexi Rhabar-
barum ab indigenis interdum decoqui aut distillari, et
eius decocto aut stillatitia aqua sese purgare, eamq₃
esse causam, cur interdū tam facile teredinem sentiat
& corrumpatur. Sed cū neminē audiuērim qui hæc
ita sese habere, se vidisse diceret, affirmare non ausim.

De Radice Chinæ CAP. XXXVIII.

Radix Ching.

NASCITVR hæc radix in Chinarum vastissi-
ma regione, quæ Moscouiam vsque extendi creditur.

Bade frangi.

Quoniam verò per totam hanc prouinciā, & etiam
in Iapan scuit lues Venerea, quam alij Neapolitanum
morbum, alij Gallicum vocant, nostri scabiem Hispa-
nicam, Persæ Badæ Frangi, quod morbum Gallicum
sonat; aperuit Deus huius regionis incolis vsum radicis
cuiusdā, quæ apud eos nascitur, vt huic malo succurre-
retur. Quemadmodū in nouo orbe Guaiaci vsum osten-
dit, quoniam ea pars orbis etiam hoc morbo ab omni
hominum memoria infestata fuit. Ibi contractū mor-
bum in Europam adferētes Hispani anno Redemptia-

nis

nis humane 1493. reliquis nationibus cōmunicarunt. Lues venerea
primum in
Europa 1493.
anno.
Nobis verò primum innotescere cœpit huius radicis v-
sus post annum quingentesimum trigesimum quintū
supra millesimum, adferentibus eam huc Chinensibus
quibusdam ea lue infectis, qua se, interea dum hic ne-
gociarentur, curarent.

CETERVM anno ante quàm huius radicis vsus
in India innotesceret, huc è Lusitania delatus sum nō-
nullas facultates mecū adferens, atq; inter eas, Ligni
Guaiaci libras quingentas. Ex eo, tametsi multū sub-
latum esset dum in Liburnicam inferretur, et esferre-
tur, mille tamen aureos contraxi Lusitanicos, quoniā
magna aviditate è Lusitania expectabatur hoc lignū,
quod multi malè perirent inunctionibus: & forte tum
temporis nemo præter me aduexerat. Curati ergo fue-
runt plurimi meo ligno. Sed eo absumpto, cū nouum
è Lusitania non importaretur, eius, quod iam decoctū
fuerat, libra quinq; Lusitanicis aureis venit.

FACTVM est vt eo tempore mercator quidam Qua ratione
primum Ra-
dix Chinæ
Lusitanis in-
notuerit.
in Diu insula narraret inclyto viro Domino Martino
Alonso de Sousa meo mœcenati, qua ratione à Galli-
ca scabie curatus fuisset quadam radice è Chinarum
regione allata, cuius vires magnis laudibus euehebat,
quoniam qui ea vterentur extrema illa victus ratione
non egerent, qualis in Guaiaci vsu obseruabatur, sed
tantum abstinerent à bubulis & suillis carnibus, pisce
& crudis fructibus: tametsi ne in China quidem pi-
scibus abstinerent, quoniam magni sunt belluones. Cū
inualuisset is de radice rumor apud vulgus, mirum in
modum hanc radicem videre auebant, atque ea uti.

L 4 quo-

quoniam molestè ferebant extremam illam victus rationem, quam in Guaiaci vsu obseruare cogeantur. Adde quòd huius regionis incolæ ob otiosam vitam natura sint magni epulones. Sub id tēpus appellant Malacam Chineses liburnicæ, paululum huius radicis in suum vsum adferentes. Sed id paululum tanta auiditate requisitū fuit, vt in singulas huius radicis gantas (pondus est apud eos viginti quatuor uncias pēdens) decem Lusitanicos pendere oportuerit. Postea verò aduehentibus eam magna copia Chinesibus Liburnicis, minui cœpit precium, ita vt nunc ganta ematur duntaxat regali castellano.

Ganta.

AB eo tempore vilescere cœpit Guaiaci vsus, atq; ex India relegari, tanquam Hispanus quidam qui indigenas fame enecare vellet.

CETERVM, vt ad institutum reuertamur, non sine causa, tantis laudibus effertur China radix. Nam obseruatis, quæ in hoc morbo obseruanda veniunt, natura morbi, anni tempore, regione, sexu, atate, & temperamento agri, mirabiles eius sunt effectus: tamen si non desint ex recentioribus qui eam acriter sed immerito damnent.

Radice Chi-
næ mirabiles
effectus.Præparatio-
nis modus.

IN magnis doloribus & inueteratis, huius radicis uncia in sex aquæ sextarijs * coquitur, ad dimidiij vsque humoris consumptionem. Seruatur id decoctum vsui, vase aliquo vitreo aut figulino vitrato. Spuma verò inter bulliendum colligitur, & vtiliter vlceribus tumoribusq; imponitur. Salutaris est etiam densus ille vapor inter coquendum exhalans, ipsis doloribus. Interdum calido decocto tumores fouemus: nōnunquam lineos

lineos pannos decocto madidos vlceribus imponimus, eaq₃ mundamus.

SOLENT Chinenſes maiori quantitate in ſua ^{Chinarum} regione aſſumere, cum frigida admodum ſit. Quos cu^{regio frigi-}da. imitari vellent huius regionis nonnulli, radicis ducis vncias, addita interdum ſemiſſe, in præcedenti aquæ quantitate decoquentes, ob nimium medicamenti calorem in graua inciderunt ſymptomata. Sed & quod mihi accidit, prætereundum non duco. Sciatica laborans, huius radicis decocto uſus ſum prouocandi ſudoris cauſa. Sed cum calidum haurirem, vt initio ferebat conſuetudo: in tantos hepatis ardores incidi, vt vniuerſum corpus eryſipelate & phlegmone laborare cœperit, neceſſeq₃ fuerit ſtatim venam ſecare, decoctum hordei cum ſaccharo roſato ſumere, & aëri me exponere vt ſanitatē priſtinam recuperarem. Itaq₃ meo periculo facti ſapientiores reliqui, calido decocti potu, & tanta radicis copia in poſterum vti deſierunt.

ANTE omnia deligenda eſt radix ponderoſa, re- ^{Radix Chi-} ^{nae delectus-} cens, firma, quæ neq₃ teredinem, neq₃ cariem ſenſerit, & quæ candida ſit: melior enim talis eſt, quàm rubeſcens Huius vnciam in ſex aquæ ſextarijs decoquimus ^{Eius vtendæ} ad medias aut ad tertiam partem, pro morbi & agri ^{ratio.} natura, ſubinde ea medicamenta inijcientes, quæ huius radicis facultates corrigāt. Exempli gratia. Si dolor capitis aut neruorum adſit, rorem marinū, aut roſas inijcio: Si obſtructionibus hepar laboreat, apium: ſi ardor adſit cum obſtructione, intybam: ſi vlcus veſicæ aut renū infeſtet, additur glycyrrhiſæ ſuccus: interdū radici admiſceo æquale pondus hordei.

SOLENT autem huius radice decoctum sumpturi, prius Syrupis conuenientibus purgari, quibus (quoniam plerumq³ materia quæ peccat pituitosa est) Turbit aut agaricum maiuscula quantitate induramus, aut nonnunquam Syrupos China decocto diluimus. Bene purgato corpore radice decoctum propinare incipimus, post decimum quintum diem, minoratiuo, si opus sit, exhibito: item alio interdum post trigesimum diem, quod ex manna constet, aut cassia solutiua, aut Rhabbarbaro decocto radice macerato, aut hordei, prunorumue, vel glycyrrhizæ, aut intybi decocto. Toto hoc tempore, si alius singulis diebus libera non erit, clystres ex radice decocto, melle rosato, oleo violaceo, & cassia solutiua paratos inijcimus, habita necessitatis ratione.

QVOD si nimium incalescat ager, radicem minus decoquimus, aut eius decocto aquam intybi, vel sumi terre, si adsit, aut buglossi, inijcimus. Quod si nec hoc sufficit, decoctum subtrahimus, curationemq³ in aliud tempus magis opportunum differimus.

HOC decoctum interdum intra vigesimum diem curat, interdum serius, interdum verò citius. Vulgariter tamen ad decimum quintum vsque diem dolores augentur, & intenduntur, deinde paulatim mitigantur. Nonnullos vidi, qui licet aliquoties hoc decoctum sumpsissent, postrema tantum diæ curati sunt. Alios item, qui nullo modo curati sunt, quod forsitan frigidiores essent humores. Itaque consulo, vt qui in Europa hac radice vtentur, eius quantitatem augeant, cum frigidior sit regio.

IN

IN singulas verò curas, radicis vsus esse solet ad vn^{Medicamen-}
 cias triginta, vncijs toridem dierum numero, quibus^{ti dosis.}
 cura perficitur, respondentibus. Raro calidum decoctū
 exhibeo, nisi in vehementibus & inueteratis dolori-
 bus, quando sudoribus materiam euacuari oportet: tūc
 enim bis singulis diebus exhibetur, mane scilicet & ve-
 sper. Hæc autem vulgaris est victus ratio. Datur caro^{Victus ratio.}
 gallinarum, pullorum gallinaceorum, & veruicina e-
 lixa cum salis momento (id enim modicè sumptū no-
 xium esse non puto) & croco, & coriandro sicco. In-
 terdum eadem assa exhibetur, habita morbi ratione.
 Vinum omnino adimo, nisi ad stomachi ex multa pi-
 tuita contractam debilitatem, appetentiæq; deiectione-
 nem tollendam, decoctum sumatur: tum enim radicis
 decocto dilutum aegris propinatur, appetentiam enim
 ciet, & concoctionem plurimum inuat. Pane mellito
 vtuntur Chineses.

EFFICACIOR est hæc radix in inueteratis^{Radix Ching}
 morbis, vbi videlicet magni tumores, & vlcera mali-^{præstantior}
 gna adsunt, quàm in recentibus morbis.^{in inuetera-}
^{to quam re-}
^{centi morbo.}

SUNT & aliæ hac radice vtendi rationes. Nam
 quosdam in Balagate vidi, qui calido radicis decocto
 eiusdem radicis trite drachmam cum semisse inijceret,
 quotiescunque mane & vesperi sumerent.

SUNT qui mane laminam conseruæ ex huius ra-^{Conserua 2}
 dicis puluere & melle paratæ (aut saccharo, si magnus^{radice Chi-}
 adsit calor) edant, deinde radicis decoctum bibant. Au^{na.}
 getur autem, aut minuitur pulueris quantitas in hac
 conseruæ, & quandoque corrigitur, pro Medici ar-
 bitrio.

VA-

VARIANDA sunt interdum remedia. Memini solo decocto binos curasse, quibus testiculi intumuerant.

HAC radice adhuc tenera, Chineses cum carne elixa vescuntur, veluti apud nos naps aut rapis cum carnibus elixis vesci solemus.

Aqua stillatitia ē radice Chinæ.

HUIUS radice aquam stillatitiam vtilem fore credo, si quis eam nancisci posset. Ego sanè destillatoria organa in Chinarum regionem misi, ut ex ea radice liquorem mihi eliciant. Nescio an impetrabo.

Radice Chinæ facultates.

VILE est etiam huius radice decoctum, præter eos morbos qui cum contagio luis venereæ commune aliquid habent, ad paralyses, tremores, articulorum dolores, sciaticam, podagram, tumores scirrholes & œdematodes, tum etiam strumas extirpat. Succurrit ventriculi debilitatiōi, inueterato capitis dolori, calculo & vesicæ vlceribus. Huius enim decocti usu plerique liberati sunt, cum nullis antè medicamentis iuuamen sensissent.

Lampetum. Radice Chinæ descriptio.

CETERVM indigenæ hanc plantam Lampetum vocant: trium aut quatuor palmorum altitudine assurgit, cauliculis tenuibus, quos rara folia cingunt, mali assyrj iunioris similitudine, radix palmi longitudine, interdum crassa, nonnunquam tenui, quæ recens eruta, admodum tenella est, & cruda aut elixa mandipote est. Ego vnicam duntaxat plantam hîc in Goa vidi, eamq; perpusillam, quæ siccitate perijt, ante quam excreuisset. Si feretur ea radix, iuxta arbores serendam esse perhibent, quoniam suo complexu hedera modo eas scandit.

IN-

INTELLIGO eos qui hoc decocto vtuntur, mulierum conspectu vehementer ad libidinem accendi. Mulieres ad agros non admittenda.
 Quare consultum videtur, ut per cura tempus nulla ad agros mulieres admittantur *.

SED quoniam in Chinesium mentione his commentarijs plerumque incidimus, praesertim vero hoc capite, non alienum ab instituto erit, si ex his quae de illis à fide dignis viris accepi, paucula hic proferam.

SUNT ergo Chineses Asiatici Schitæ, qui licet Chineses Schitæ sunt. gens Barbara esse aestimentur, in negotiatione tamen & manuarijs operibus censentur admodum industrij. Sed neque in literarum cognitione cuiquam regioni cedere aestimantur. Habent enim leges scriptas Iuri Imperatorio similimas, ut ex libro quem eorum legibus inscriptum apud Indos asservari audio, videri potest. Vnam ex his legibus exempli gratia proferam, quae est, Non esse integrum viro, mulierem, cum qua viuente marito adulterium commiserit, post mariti mortem, matrimonio sibi iungere.

INTELLIGO etiam apud eos Doctrinae gradus Doctrinae gradus apud Chineses. et premia esse: Eruditus etiam viris, Regis totiusque regni moderationem committi. Sed & in eorum picturis, viros è suggestu legentes, & auditores circum adstantes conspiciere licet. Huc adde artem typographicam tam vetustam apud illos esse, ut omnem hominum memoriam superet, & semper usurpatam apud eos censeant. Typographica apud Chineses vetustissima.

* Hoc loco etiam noster Auctor vocabulo Canada vitur, cuius interpretationem cap. de Opio dedi. Cum itaque radicis Chinae vnciam in quatuor aquae Canadis decoqui dicat; ob rationes eo capite adductas, quatuor Canadas

nadas in sex Sextarios verti.

çarça parilla.

Nunc pervniuersam Europam radicis cuiusdam vsus inualuit, quam Hispanico nomine (illi enim eius vsum primi ex Peru in Europam inuexerunt) çarça parilla vocant, quasi dicas Rubum viticulâ. Cuius sanè magni sunt effectus, & Radici Chinæ suam laudem adimit, quæ non nisi cariosa & longa vectura emarcida ad nos peruenire solet. Qui de çarça parilla plura requirer, Doctissimi Matthioli Epistolas, & eius in Diosc. commentarios legat. Et nos breui, Deo annuente, eius historiam cum icone exhibebimus, atque à Smilace aspera (quam çarçam siue Zarsam parillam nonnulli arbitrati sunt) plurimum differre ostendemus.

De Croco Indico CAP. XXXIX.

Alad.

Manjale, Cû-
het, Darzad,
Habet.

APPELLATUR hæc radix in Canara Alad: sic etiam in Malauar, sed propriè manjale: in Malayo, cunhet: à Persis, darzad, quod lignum luteum sonat: ab Arabibus habet.

NASCITVR plurima in regionis Malauar parte, videlicet in Cananor, & Calcut. Prouenit etiam hic Goa, sed exigua quantitate.

MAGNA eius copia ad Arabes & Persas deferretur, qui omnes apud se non nasci, sed ex India adferri fatentur.

Chaledfium,
Chaliduniû.

HVIVS mentionem facere videtur Auicenna libr. 2. ducentesimo capite * & Chaledfium siue Chalidunium appellare. Sed cum dubitanter hæc scribat, aliorumq; auctoritates citet tanquam de re nõ multû sibi perspecta, nihil affirmare possum. Fieri autem potest vt corruptum sit vocabulum, vocataq; sit hæc radix initio Arabibus aled, quemadmodû & Indis, postea verò corruptè Chaledfium. Vt autem hoc faci-

Aled.

facilius credam, me impulit, quod eum, caput de cur- Curcuma.
 cuma siue curcumanum lib. 2. cap. 166. (quod etiam
 huic radici simile est) scripsisse videā. Solet enim Au-
 cenna de simplici aliquo medicamento dubitans, diuer-
 sa (vti diximus) scribere capita. Neque eorum aucto-
 ritas me mouet, qui per Curcuma Chelidonium intel- Chelidoniū.
 ligi dicunt, quoniam crocea sit radice, scribatq; oculis
 perutile esse, quæ notæ etiam Chelidonio conueniunt.
 Nam tamen si vulgo hac radice vtantur ad tingendos Crocī indicī
 condiendosq; cibos, cum hic, tum apud Arabes et Per- vſus.
 ſas, ob eam nimirum causam, quod viliori ematur,
 quàm noster crocus, qui apud eos etiam prouenit: hu-
 ius tamen etiam in medicina vſus eſt, præſertim autē
 in ocularibus medicamentis: tum etiam ad pſoram, ſi
 cum mali auræ ſucco, & Cocci, ſiue nucis Indicæ oleo
 miſceatur. Quibus affectibus Auicenna utroq; illo ca-
 pite chaledſium & curcuma vtilia eſſe ſcribit.

Eſt autem hac radix recens, intus crocea, foris Crocī indicī
 verò Gingiberi perſimilis, ſolijs compactis, cauleq; fo- hiſtoria.
 liaceo. Vehementi amaritudine & acrimonia, dum re-
 cens eſt, caret, ob multam humiditatem: ſiccata verò
 acris eſt, ſed non adeo vt Gingiber: putoq; ſine noxa
 poſſe ſumi.

* In noſtris exemplaribus Auicenna libr. 2. cap. 100.
 Chelidonium deſcribit. Capite autem 166. de Chorchu-
 mani, ſiue Chorchumma ma agit cum hac interpretatio-
 ne. Et eſt ſex olei de Croco. Ceterū de Officinarum Cur-
 cuma quod Dioſcoridis Cyperum Indicum volunt recē-
 tiores, lege Maſthioli cum aliorum commentarios.

De

De Galanga CAP. XL.

EST Galanga medicamentū vsibus humanis valde necessarium, sed veteribus Græcis ignotum, & Arabibus non satis perspectum.

Caluegiam. DICTVR autem Caluegiam Arabibus. Et licet omnes Mauritani, vt Serapio lib. simp. cap. 332. corruptè legit Culungem, aut Galungem scribāt, fides eis adhibenda non est, quoniam omnes Arabes Caluegiam nuncupant.

Galanga duplex.
Minor galanga.
Lauandon.
Maior galanga.
Lancuaz.

EST verò Galanga duplex. Altera minor, odorata, quæ ex Chinaram regione huc, inde in Lusitaniam defertur: eam incolæ Lauandon appellāt. Altera maior, quæ crassior est priore, ignauior tamen & viribus infirmior. Nascitur hæc in Iaua, & incolis Lancuaz dicitur. Nos tamen hic in India vtramq; Lancuaz appellamus.

Galangæ historia.

Galanga recens in acetarijs.

PORRO minor duorum palmorum altitudine fruticat, folijs Myrti, radice nodosa, sponte nascens. Maior in Iaua nata binū ferè cubitorum altitudine attollitur, folijs in modum cuspidis lanceæ, radice crassa, nodosa, arundinis modo: flore candido, seminifera est. Seritur tamen hæc maior radice duntaxat vt Gingiber, non semine, licet apud Auctores aliud reperias. Sed tamen & ex semine sata, hic prouenit in hortis, sed exigua quantitate, quanta videlicet acetarijs & huius gentis vsui medico sufficit.

AVICENNA & Serapio exactam huius plantæ notitiam non habuerunt. Nam cum eius, vt diximus, duo sint genera. & prior Chimensis scilicet, præferatur: dubitanter tamen de ea scripserunt: hincq; factum

Etum puto vt Auicenna duo diuersa capita de ea scripserit, alterum lib. 2. cap. 321. sub nomine Calungiam, alterum verò lib. 2. cap. 196. sub Caserhendar nomine. Sed sub quo nomine Chinensis, cuius primarius est vsus, aut sub quo Iauanensis, quæ ignobilior est, describatur, ignoro: quoniam vtriusque non nisi summa cum dubitatione meminerunt.

INTER recentiores Medicos controuersia est de Galanga, Calamo, et Acoro. Volunt enim nonnulli, inter quos est Antonius Musa, exam. simpl. ex Leonice-
ni testimonio, Galangam Acorum esse veterum. Alij, inter quos est Manardus libr. 6. ep. 3. & Matthiolus, Com. in Dios. lib. 1. cap. 2. Calamum officinarum, legitimum esse Acorum malunt. Sed capite de Calamo, neutrum ex his esse Acorum satis ostēdi *. Calamum tamen odoratum, vt eodem loco dixi, in Acori locum semper substituere soleo.

CETERVM omnino explodenda est Monacho-
rum dist. 1. cap. 47. qui in Mesuen commentati sunt, opinio (vt rectè Matthiolus) qui Galāgam Schœnan-
thi radicem esse volunt. Nam inutilis est Schœnanthi radix: præterea Schœnanthus in Arabia & Caliate nascitur: Galanga verò in China & Iaua siue Iaoa prouincijs ab Arabia procul distitis prouenit.

Monachorū
in scitū.

* Vide caput de Calamo, vbi nostrum vsualem Calamum haudquaquam, cum nostri Auctoris Calamo conuenire diximus.

De Gingibere CAP. XLI.

GINGIBER appellatur Arabibus, Persis, & Gengib.
Turcis Gengibil, non Lengibel: (vt corruptè legūt
M Sera-

Adrac, Sucte,
Imgi, Aliaa.

Serapionis libr. simp. cap. 336. exemplaria) in GuZa-
rate, Decam, Bengala cum adhuc recens & viride
est adrac, siccatur verò, Sucte: in Malauar, tam vi-
ride quàm siccum imgi: in Malayo, aliaa.

Gingiberis
historia.

EST autem Gingiber similibus Iridi aquatica,
aut Gladiolo (non Arundini) folijs, magis tamen ni-
gricantibus: caule cum folijs duorum aut trium pal-
morum altitudine, radice etiam Iridis, non serpente.
vult Ant. Musa exam. simpl. At nec admodum a-
cris est praesertim eius quod in Baçaim natum est, ob
nimiam quæ dominatur humiditatem.

Gingiberis ra-
dix recens in
acetarijs.

HÆC radix minutim concisa & alijs herbis ad-
mixta in acetarijs editur cum aceto, oleo & sale: at e-
tiam cum piscibus & carnibus cocta.

Gingiberis
delectus.

NASCITVR Gingiber in omnibus India pro-
uincijs nobis cognitis, semine aut radice satum. Nam
quod sponte nascitur, exigui est momenti. Optimum
& frequentissimū est Malauaricum, Arabibus et Per-
sis maximè expetitur. Secundum locum obtinet quod
in Bengala inuenitur. Tertium quod in Dabul, & Ba-
çaim, totaq; ea ora maritima nascitur. In solitudini-
bus & mediterraneis vix inuenitur, neq; inde ad nos
adfertur. Inuenitur etiam in insulis D. Laurentij &
Comaro, quæ Aethiopie sunt conterminæ. Inde sum-
pserunt occasionem nonnulli vt scriberent apud Tro-
glodyta. glodytas nasci.

Gingiberis
mactis.

COLLIGITVR & eruitur Decembri & Ia-
nuario, deinde aliquantulum siccatur limo obducitur,
non quo maioris sit ponderis, sed vt foraminibus
obturatis, diutius sine corruptione in sua humiditate
natu-

*naturali conseruetur. Nam non probè obductum tere-
dini obnoxium est.*

*GALENVS lib. 6. simpl. è Barbaria conuehi scri-
bit. Si per Barbariam Indiam intelligit, bene quidem;
at si eam Africa partem quæ nunc Barbaria dicitur,
malè.*

*DIOSCORIDES libr. 2. cap. 151. autem in
Troglydytica Arabia nasci tradit. Nascitur quidem
apud Troglydytas & Aethiopes, sed adeo exigua quan-
titate, ut ipsis incolis vix sufficiat. In Arabia verò non* Nullum Gira-
giber in Ara-
bia.
*nascitur, quandoquidem ad Arabes exportatur. Illud
autem verum est, quod primis edulijis admisceri scri-
bit: idem enim adhuc hodie apud Indos observatur.
Quod verò dicit huius radices Cyperi modo paruas es-
se, fallitur: nam multò maiores sunt Cypero. Aluum* Gingiberis
vires.
*leniter emolliunt concoctionem iuuantes. Aluum con-
tra, ut alij volunt, etiam adstringit, quoniã facta pro-
ba concoctione sistuntur alui profluvia à crudis humo-
ribus nata.*

*SCRIBIT Musa Exam. simpl. saccharo condi-
tum dum manditur, in fine veluti filamentum in ore
relinquere. Sed, quemadmodum ipse ait, id duntaxat
in eo contingit, quod adulteratum aut teredinosum a-
cri lixiuio prius maceratum, deinde saccharo cōditur,
ut maleficium non deprehendatur. Nam benè matu-
rum, & plenum, non cariosum, multis aquis elotum,
& per multos dies maceratum, deinde saccharo con-
ditum, gratissimum est, nec vlla vehementi acrimo-
nia molestum, neque filamenta in ore relinquit. Tale
fit in Bengala, quod laudatissimū est, deinde in Chaul,*

Gingiber im-
probum.

*Baqaim & Dabul. Improbatur quod ex Batecala ad-
uehitur.*

* Meminit Zingiberis Lud. Roman. lib. 5. cap. 14. Pro-
ducit, inquit, Calecut ager Zingiber, quæ radix est, erui-
turque nonnunquam pondo vnciarum duodecim: sed nō
omnibus est eadem amplitudo. Plus non agitur in pro-
fundum radix, quàm ad ternos vel quaternos palmos, ha-
rundinum modo. Cùm eruitur Zingiber, relinquunt in-
ternodium radices in scrobe, terramque radici aggerunt,
ceu semen eius radices, proximo anno eruturi fructum, id
est, Zingiber. Maximilianus item Transil. de Moluccis
insulis Zingiber hoc modo descripsit. Zingiber verò pas-
sim in singulis insulis huius Archipelagi nascitur: aliud
seminatum, aliud sponte provenit. Sed quod seminatur no-
bilius est. Herba similis illi quæ Crocum [indicum intel-
lige siue Curcuma] fert, & eo modo eius radix fere nasci-
tur, quæ Zingiber est.

De Zedoaria CAP. XLII.

MAGNA est dubitatio de Medicamentis Zedo-
ria & Zerumbet, quoniam Auicenna lib. 2. cap. 743.
& 745. diuersa duo capita de eis scripsit. Rhases libr.
3. de re med. cap. 34. vtrumq; sub vno capite compre-
hendit. Serapio verò lib. simp. cap. 172. vnicum caput
de Zerumbet scripsit.

E GO diu in eadem dubitatione versatus sum, &
existimaui Zedoariam, quæ celebrior est, eam esse quæ
nobis hîc Zerumba dicitur, & medicamentum est Per-
sis expetitur, quod hinc Ormuz defertur, inde in A-
siam minorem & Venetias. Zerumbet verò id esse quod
nos hîc vocamus Crocum indigenum, cuius in Croco
Indico mentionem feci. Postea tamen errare me depre-
hendi ex diuersis quibus prædita sunt facultatibus Cro-
cum Indicum & Zerumbet.

Crocum
indicum.

QVOD

QVOD nos hîc Zedoariam appellamus, Auicenna lib. 2. cap. 752. (tamen si non nouerit) Geiduar ^{Geiduar rarè admodum.} dicitur: aliud nomen ignoro, quoniam nascitur regionibus, Chinenſium prouinciæ vicinis. Magno verò emitur Geiduar, nec facile inuenias niſi apud Circūforaneos quosdam & circulatores quos Indi jogues, ^{jogues, Calandares.} Mauritani Calandares appellant, hominum genus quod peregrinationibus & ſtipem emendicando vitam ſuſtentat. Ab his enim & Reges & Magnates Geiduar emunt.

EST verò Geiduar * magnitudine glandis, eiſdemq₃ fere forma, colore ſublucido. Vnicum huius Geiduar fragmentum, quod circiter dimidiam vnciã pen- ^{Geiduar hiftona.} debat, à Niſamoxa ſemel impetraui, ſed id in Luſitaniã cum inſigni lapide Armenio miſſum, una cum nauī perijt. Oſtenderam id prius Pharmacopolis in Chaul & Goa: ſed nemo illorum nouerat quid eſſet. Aliud pauxillum apud iſtos circulatores vidi, ſed non emi, quòd fraudem metuerem.

V T I L E eſt autem iſtud Geiduar ad plurima, ^{Geiduar facultates.} ſed præſertim aduerſus venena, & virulentorum animalium iſtus, morſusq₃.

P O R R O hoc medicamentum Dioſcoridi incognitum fuit, tum etiam Auicenna, libr. 2. cap. 752. quoniam ſe exiſtimare ait Geiduar eſſe. Zedoaria verò vocabulum corruptum eſt, & Geiduar dicen- ^{Geiduar veteribus ignotum.} dum eſt.

* Incognitum Europæ eſſe puto Geiduar hîc deſcriptum, & diſcilter cognitum iri credendum eſt, ob eas rationes quas noſter Auctoꝝ in medium profert. Nam quã Zedoariam vocamus, nihil minus eſt quàm Geiduar: ſed

M 3 ex

ex Zerumbeforsitan erit generibus, quam sequenti capite
noster Auctor describit. Tamen non desint, veluti in Co
sto diximus, qui eam inter Costi genera Dioscoridi descri
pta referendam censeant.

ZERVMBET SERAPIONIS.



De Zerumbet CAP. XLIII.

Zeruba.
Cachoraa.
çua.

ZERVMBET appellatur Arabibus, Persis &
Turcis Zeruba*: in Guzarate, Deçan, & Canara,
cachoraa: in Malauar çua.

Gingiber
syluestre.

ABVNDE prouenit in Malauar prouincia, vi
delicet in Calecut & Cananor. Sata autem & plan
tata hac planta, plurimis locis prouenit. Sponte autem
nascitur syluosis iam memoratarum regionum locis:
inde à multis Gingiber syluestre appellatur, nec id sine
ratio.

ratione, quoniam eius folia *Gingiberis folijs* similia sunt, maiora tamen & magis aperta: eius item radix *Gingibere maior*.

RADIX eruta conciditur & siccatur, deinde in *Arabiam, Persiamq;* defertur, in *Gida et Alexandria*, vnde postea *Venetias* & alias regiones transfertur. Conditur etiam saccharo, laudatiorq; est *Gingibere condito*.

NUNC eos Auctores qui de hac scripserunt percurramus.

AVICENNA lib. 2. cap. 743. *Zedoariam* ra- Zedoaria.
dicem esse ait *Aristolochia* similem, atq; eam præferri quæ ad radices *Napelli* gignitur præstantissimum autem esse antidotum aduersus venena, serpentum præsertim & *Napelli*. Capite verò 747. ait *Zerumbet* Cy Zerumbet.
pero similem esse, minus tamen odoriferam. Alio loco arborem esse vult similibus præditâ facultatibus, quales *Serapio Zedoaria* tribuit.

SERAPIO lib. simp. cap. 172. *Zerumbet* esse *Zedoariam* scribit: deinde ex auctoritate *Isaac Zerumbet* radices rotundas esse instar *Aristolochia*, colore verò & sapore *Gingiberi* similes, easq; è *Chinarum* regione conuehi.

AVICENNA lib. 2. cap. 743. duntaxat *Zerumba* aut *Zerumbet* nouit. Sed quoniam eam vidit in frusta rotunda, interdum verò in oblonga concisam in sinu *Perficu* vehi, duo genera esse existimauit *Zerumba* et *Zeruber*. Hac etiam de causa folia quæ non viderat prætermisit: & quæadmodum ipsa radix ex *India* in alias regiones transferatur, duntaxat expressit. Et certè

etiam hodierno die diuersum est precium eius quæ in rotunda frustra resecta est, ab eius precio quæ in oblonga concisa est.

Avicenna opinio explorata.

QVOD verò iuxta Napellum nasci optimā scribit, plane fabulosum est, quandoquidem Napellus vix hic reperitur (non sunt enim huius regionis syluæ procreando Napello aptæ) & Zerumba plurima, vt diximus, nascitur syluosis Malauar locis: tum etiam multis locis sata prouenit: nec quenquam (tamei si diligentissimè perquisiuerim) hanc radicem iuxta Napellum vidisse intellexi. Præterea ex reliquis ex Auicenna iam adductis locis manifestum est, quam sibi parum censeat, vt facile hinc iudicari possit, cum Zurumbet historiam plane ignorasse.

Geiduar apud Chinen-
tes.

SERAPIONIS autem legitimi codices non habent additam expositionem Zerumbet, id est, Zedoaria, sed ab interprete insertam verisimile est, qui differentiam inter Zedoaria & Zerumba ignorabat. Id ex sequentibus facile deprehenditur cum ait è Chinarum regione conuehi. Certum enim est Zedoariam non nasci apud Indos, sed è Chinarum regione aduehi, raramq; apud Indos inueniri. Zerumba verò abunde in India nascitur.

Zerumba apud Indos.

Arnabo.

NON defuerunt qui crediderint, Arnabo* de quo Paulus lib. 7. cap. 3. scribit, idem esse cum Zerumbet. Verum ex vtriusq; historia satis manifestum est diuersas esse plantas. Siquidem Arnabo Pauli, arbor est procera, suauis odore spirans. Zerumba verò graminacea est planta, vt modò diximus.

CETERVM minus sunt audiendi, qui aut Ben-
album

album & rubrum, aut Carpesium esse volunt: quoniam ^{Benalbum & rubrum. Carpesium} hoc utrumque medicamentum huc non sine quaestu conuehitur. Zerumba verò hinc in exterarum regiones exportatur. Præterea longè diuersa est vtriusque facies à Zerumba.

* Zeruba siue Zerumba forsitan erit ea radix quam capite de Costo Venetijs adferri dixi, Zingiberi adeo similem ut nihil supra, plerumque tamen maiorem, & intus pallescentem.

* Inuenitur Antuerpiæ apud quosdam aromatarios Zedoariæ quoddam genus illis Bloceval, id est tuberosa Zedoaria nuncupatum, rotundum instar Aristolochiæ rotundæ, foris nigricans, interdum cinerei coloris intus candidans, gustu vidualis Zedoariæ. Eam radicem, quoniam multum cum Serapionis Zerumbet conuenire videtur, hic exprimi curauimus.

* Qui plura de horum opinione requireret, legat doctissimi Matthioli commentarios in Dioscoriden, & aliorum recentiorum de re herbaria lucubrationes.

De ligno Colubrino CAP. XLIIII.

NON modo aduersus animalium virus eiaculanti- <sup>Ligni Colub-
brini facul-
tates.</sup> tum morsus ictusue efficax est hoc lignum, siue potius radix: sed etiam eius puluis lumbricos necare, papulas, exanthemata, & impetigines tollere creditur, & cholericam quam vocant passionem (incolæ Mordexi dicunt) sanare. <sup>Cholera mor-
bus.</sup> Similiter utile esse medicamentum ferunt ^{Mordexi.} aduersus febrium circuitus, vncie pondere propinatum, prius tamen tritum & aqua maceratum, per vomitus expurgata multa bile.

HANC verò radicem Serpentium moribus prodesse, hoc modo deprehensum est.

IN Zeilan insula, Serpentis genus est coronatum,
M 5 Lus-

Regulus ser-
pens.
Cobras de
Capelo.
Quil, Quir-
pele.

Reguli &
Quil pugna.

Chingala.

jogues.

(Lusitani Cobras de capelo, nos Regulum dicere possumus) maximè noxium: Est item animalis genus magnitudine viueræ huic serpenti inimicissimum, Quil, vel quirpele vocant. Quotiescunq; cū Serpente congressurum est hoc animalculum, istam radicem (qua multa istic nascitur) ea parte premordet qua denudata est: etenim eius pars aliqua extra solum prominet. Premorsa radice, pedibus anterioribus salua conspersis caput primum, deinde reliquum corpus sibi demulcet: postea serpentem aggreditur, nec eum dimittit, donec occiderit. Quod si eo congressu serpentem vincere non potest, denuo ad radicem confugit, ad quam se fricat, deinde in prælium redit, atq; ita morfu serpentem necat. Hoc spectaculo edocti Chingalæ (ij sunt Zeilan incola) hanc radicem venenis resistere didicerant.

HVIVSMODI pugnarum spectatores plerique fuerunt Lusitani. Nam solent domi alere similia animalcula tum ad mures extirpandos quos acerrimè persequuntur, tum vt cum serpentibus Regulis præliantur quos circumferre solent Circumforanei quidā, jogues appellant, stipem emendicantes, & cineribus se aspergentes, vt hac ratione venerandos sese sanctimonia titulo vulgo præbeant. Circumeunt isti omnes regiones, & nonnulli ex ijs Circulatorum munere funguntur, gestantq; serpentes regulos quos demulcere solent & collo aptare (prius tamen exemptis dentibus) vulgo persuadentes eos se incantasse ne nocere possint: Interdum verò serpentes quos etiam habent integros, quibusq; non sunt exempti dentes, accepto premio cū
ijs

ijs quas dixi viuerris, siue alio simili animalculo committere solent.

TRIA sunt huius ligni genera in insula Zeilan. Tria ligni Colubri-
nini genera.

PRIMUM & laudatissimū illud est à quo subsidium querit viuerra, vocaturq; incolis Rametul, Lusitanis Pao da cobra, id est, Lignum Colubrinū, quod serpentum morsibus sit salutare. Duorum aut trium palmorum magnitudine assurgit, paucis virgulis, quatuor aut quinque duntaxat tenuibus: radix quæ maximè in vsum venit, veluti tenuiorum nostrarum vitium radices, multis capitibus aut nodis se propagās, ita vt semper radix aliqua extra solum se exerat, & radice vna exempta, alia in eius locum succedant. Radix hæc ex candido cinerea est, solida admodum, amaro gustu: folia Persicæ mali, magis tamen virentia: flos longè à folijs racematim coheret, pulcherrimo colore rubens. Fructus sambuci sed rubens & durus racematim coherens veluti in Periclymeno. Teritur primum hæc radix, & ex vino aut aqua cordiali propinatur à serpente percussis, teritur etiam ad cotem santali modo, & vulneribus inspergitur. Hanc multis alijs regionibus, & in Goæ continenti nasci tradunt.

SECUNDUM genus veluti primum aduersus venena commendatur, eodemq; modo quo superius v-
surpatur. Arbor est, cū sola prouenit nullis vicinis arboribus, Malo punice similis, spinis breuibus et firmis, horrida, cortice candido, denso, rimoso & solido, & amaro, non tamen veluti prioris cortex: folijs est luteis, aspectu pulcherrimis. Hæc autem, si iuxta aliquam aliam arborem proueniat, per summos eius ramos serpere, atq;

Alterius generis descriptio.

atq; eos Cucurbita modo amplecti ferunt. Solent ipsum lignum cum radice & cortice permixtum exhibere. Præfertur tamen radix. Hoc etiam in insula Goa nasci ferunt: sed nunquam id videre mihi contigit.

Tertium genus.

Eius descriptio.

CVM Prorex in Iasanapatan insula, Zeilan contermina esset, dono dati sunt illi aliquot fasciculi ligni cum suis radicibus quæ tenues erant, duræ, nigra & odorata. Eam radicem mirificè prædicabant, & aduersus venena pollere aiebant. Simile in Continenti Goæ nasci ferunt. Ramos habet paucos, tenues, quatuor aut quinque cubitorum longitudine, qui, nisi alligati, sustentare se nequeant, sed per solum sese diffundant: folia rara, Lentiscinorum effigie, oblonga, non viridia, sed maculosa, siue nigricantibus ex candido maculis respersa.

RADICEM quandam in Malaca inueniri rumor est, quæ aduersus vulnera sagittis toxico illitis facta præsentaneum sint remedium.

Primigenis fragmentum, trium digitorum transuersorum longitudine anno salutis 1564. ostendit mihi Salmanticæ, ornatissimus vir Augustinus Vascus dono olim à Lusitania missum D. Ioâni Vascæo viro doctissimo eius parenti, cum vasculo è Cocco de Maldina confecto, Lapide Bezar insigni, & vasculis testudineis: quæ omnia mirificè aduersari venenis creduntur.

De lapide Bezar CAP. XLV.

Bezardica medicamentum.

Lapidis Bezar historia.

A LAPIDE Bezar nomen inuenerunt medicamenta venenis resistentia, quæ per excellentiam Bezardica dicuntur. Est enim hic lapis eximia aduersus venena facultatis: nasciturque hoc modo.

EST in Corasone & Persia Hirci quoddam genus,

nus, quod Pazam lingua Persica vocant, rufi aut alterius coloris (ego rufum & praegrandem Goæ vidi) mediocri altitudine, in cuius ventriculo fit hic lapis Bezar, circum tenuissimam quandam paleam semper au-
gescens, & veluti multis è tunicis contextus; Columel-
la aut glandis, forma plerunq; est, interdum alia & a-
lia forma, leuis magna ex parte, colore veluti ex viridi
nigricante. Inueniuntur exigui, & magni. Magni, qui
variores sunt, ab earum regionum illustribus viris ex-
petuntur: quo enim maiores sunt, eo valentioris esse
facultatis sibi persuadent. Memini vnum habuisse, qui
fere quinque drachmas penderet. Is in Lusitaniam de-
latus, vix sexaginta quatuor Lusitanicis aureis (÷ Hun-
garicis æquipollent) venit, cùm tamen aliquanto plu-
ris hic emptus fuisset.

H VNC verò lapidem ea ratione generari quam
modò retulimus, tum his oculis obseruavi (lapidem e-
nim contritum huiusmodi tenuem paleam in meditul-
lio continere inueni) tum à viris fide dignis accepi, o-
mnes in Persia natos simili modo circum paleolam ef-
formatos inueniri.

C E T E R V M non solum generatur hic lapis in Persia, sed etiam nonnullis Malacæ locis, & in insula
quæ à Vaccis nomen sumpsit, haud procul à promonto-
rio Comorim. Nam cum in exercitus annonam ma-
etarentur istic multi praegrandes hirci, in eorum ven-
triculis magna ex parte hi lapides reperti sunt. Hinc
factum est, vt quotquot ab eo tempore in hanc insulā
appellunt, hircos obtruncant, lapidesq; ex ijs tollant.

V E R V M nulli Persicis bonitate comparari pos-
sunt.

Lapis Bezar
multis locis
inuenitur.

Lapis Bezar
perficus reli-
quos ante-
cellit.

Delectus
ratio.

Bazar, Pazar.

Bazar.

Lapidis Be-
zar faculta-
tes.

sunt. Dextri autē adeo sunt Mauritani, ut facile qua-
in regione nati sint singuli lapides, discernere & diu-
dicare possint. Ut verò adulterinos à legitimis dignos-
cant, manibus comprimunt, deinde spiritu inflant. Nā
si aër aliquis permeat, adulterini indicium est.

VOCATVR autem hic Lapis, Pazar à Pazan,
id est, hirco, cum Arabibus, tum Persis & Corasone
incolis: nos corrupto nomine Bezar, atq; Indi magis
corruptè Bazar appellant, quasi dicas lapidem foren-
sem: nam Bazar eorum lingua forum sonat.

VTVNTVR eo Indi, nos sequuti, aduersus de-
leteriae facultatis medicamenta. Ormuz verò & Co-
rasone incole, non modo aduersus virulentorum ani-
malium morsus vtuntur, sed etiam aduersus omnes
melancholicos morbos. Opulentiores bis se purgant sin-
gulis annis, Martio videlicet & Septembri. A purga-
tione, quinque subsequentibus diebus continuis hau-
riunt in singulas doses, decem huius lapidis grana ma-
cerata in stillatitio rosarum liquore. Hoc remedio in-
uentam & membrorum robur sibi conseruari dicunt.
Solent interdum nonnulli ad triginta vsq; grana su-
mere, nimis sanè magna quantitate. Nā tamen si nul-
las noxias facultates in se contineat hic lapis: tutior
tamen est eius exigua quantitas. Atque etiam parua
quantitate exhibere solent in Ormuz: nec sine pericu-
lo liberalius sumi dicunt.

EO vtor in inueteratis morbis melancholicis, velu-
ti in mala scabie, lepra, pruriginibus, impetiginibusq;
Hac etiam ratione quartanis conuenire posse arbitror.
Viros sanè plane deploratos, atq; à medicis derelictos,
huius

huius lapidis usu pristinae sanitati restitutos fuisse intelligo.

QVOD scribit Matthiolus, lib. 5. cap. 73. Comment. in Diosc. adalligatum, ita ut nudam sinistri lateris carnem contingat, omnia venena superare, experiri nunquam vidi, nec hic simili modo utuntur. Illud autem verum scimus, quod eius pulvis vulnere impositus, à mortiferis animalibus ictos liberet. Iisdem viribus pollet apertis carbūculis in Peste impositus: etenim venenum exugit.

QVONIAM verò exanthemata siue pustulae, & herpes in hac regione admodum noxia sunt, & subinde agros necant, solemus agris per singulos dies pulverem lapidis Bezar ex aqua rosacea propinare ad unum aut alterum granum, magno cum successu.

COEPIIT autem successu temporis hic Lapis maiori in precio haberi. Nam necesse est nunc omnes ad eius regionis, in qua generantur, Regem perferri: nec sine difficultate inde haberi possunt.

* Inuenitur interdum Vlysiopone venalis hic lapis alia atque alia forma; quem tametsi magno admodum aestiment mercatores, ea conditione vendere nolunt ut periculum, an legitimus sit, faciat emptor. Id autem fit in hunc modum, ducitur cum acu filum per toxicum (herba balestera vocant) deinde per canis aut alterius animalculi pedem transmittitur acus, atque filum relinquitur in vulnere. Canis ilico ea symptomata incipit habere quae comitari solent eos qui toxicum biberunt. Cum planè concidit canis atque desperatus videtur, tum pulverem ab hoc lapide abrasum & aqua dilutum cani in os iniiciunt, si auxilium senserit canis, legitimi probatio est: sin minus, adulterinum censent.

De

De lapide Malacensi GAP. XLVI.

Lapis Mala-
censis.

CETERVM Lapis Bezar alium lapidem mihi in memoriam reuocauit, quem vnice venenis resistentem in Malaca inueniri tradunt: saltem in Pam Regni Malacensis prouincia. Inuenitur autem istic in felle Histricis: sed tanta est in estimatione apud ipsos indigenas ob raritatem, vt e duobus qui simul reperti fuerunt, alter pro ingenti munere missus sit ei qui pro Rege Lusitania Indiam gubernat. Et licet istic frequens lapis Bezar inueniatur, hunc tamen longè præferunt incolæ. Vnum duntaxat vidisse memini, cuius color dilutioris videbatur purpureæ, gustu amaro, tangenti lauis & lubricus, quemadmodum Gallicus sapo.

Lapidis Ma-
lacensis descri-
ptio.Lap. Malac.
facultates.

HACTENVS eius facultates experiri mihi nō licuit. Sed Clarissimus vir & insignis medicus Dimas Bosque Valentinus eius facultates experimento comprobasse in duobus viris qui venenum hauserant, mihi affirmavit. Vulgari autem aqua (cū cordialis deesset & periculum esset in mora) hunc lapidem aliquandiu maceravit: eam deinde aquam agris propinauit, qui illam gustu amaram inuenerunt, attamen eorum stomachus roboratus est, & venenum nihil obsuit.

MVLTVM certè huic viro debent omnes Indici medici, quòd huius lapidis facultates nobis aperuerit. Nam necessaria admodum sunt hac in regione medicamenta quæ venenis resistunt, alexipharmaca Græci appellant.

DE GEMMIS.

ABSOLVTA Aromatum historia, non inutile fore duxi si nonnulla de Gemmis subijcerem, præfer-
tim

tim cū in lapidum mentionē iam inciderimus . Initium igitur faciemus ab Adamāte , quoniam reliquas omnes excellere , & quodammodo rex Gemmarū esse , ob substantia duritiem , creditur . Nam si valorem & coloris elegantiam spectemus , primum locum obtinebit Smaragdus , deinde Carbūculus (modò syncera sint gemmæ) tertium Adamas .

SED Gemmarum precium , aut ex earum raritate , aut ex hominum affectibus & voluntate intenditur . Maioribus enim facultatibus , hysq; longo experimento comprobatis præditus est Magnes , tum etiam is lapis qui sanguinem vndecunque fluentem sistit . Venduntur tamen hi per manus , (ponderis genus est in Manus . Cambaya , vnde petuntur , quod viginti sex * libras pendit) Smaragdi verò per ratis (pondus est tria triti- Ratis . ti grana pendens) reliquæ gemmæ , in Europa quidem per Carates (pondus quatuor grana constituens) in Carato . India verò per mangelis , pondus quinque pendens Mangelis . grana .

* Supra capite de Turbit , manus illi est auctior vna libra : siquidem viginti septem libras pendit .

De Adamante CAP. XLVII.

ARABES , quos plerique omnes Mauritanii sequuti sunt , Adamantem appellant Almaz , tamen si Almaz . Serapio lib. simp. cap. 391. alio vocet nomine . Ab indigenis vbi nascitur , iraa : in Malayo , vbi etiam inuenitur , itam . Iraa , Itam .

CETERVM tribus aut quatuor locis inueniuntur Adamantes , videlicet in Bisnager provincia , dua- Adamas in Bisnager ,

N bus

bus vel tribus rupibus. Magnū questum adferunt ha
fodina illius prouincia Regi, magnaq; sunt eius iura.
Nam quemadmodum in Hispanijs Rex in Thymorū
captura sua habet iura, ita vt si vnicus Thymus capia-
tur, Regi cedat oportet. Sic in his fodinis magni sunt
Regis reditus. Nam quotquot Adamantes inueniun-
tur triginta * mangelis excedentes, Regi cedunt. Prae-
terea diligentissimè obseruantur opera: quoniā si quis
vnicum Adamantem sustulisse deprehendatur, ilico
ipse cum omnibus facultatibus Regis sisco addicitur.

• Sunt 150.
grana, vel
drachmas
duas grana
sex.

Adamas in
Decan.

Adamas de
rupe veteri.

Lispor em-
porium.

Naifes.

Adamas in
Tanjam.

ALIA est rupes in Decan, non procul ab ditione
Imadixa, quem nos Madre Maluco nuncupamus. Alia
quedā rupes est in dominio cuiusdam Reguli indige-
na, in qua praestantissimi Adamantes inueniuntur, sed
minores. Isti à vulgo de Rupe veteri cognomen sortiun-
tur: & vanum exportantur in urbem quandam re-
gionis Decan, Lispor nuncupatā, vbi celebris est mer-
catus. Istis emptos Guzaratenses huc nobis adferunt
emendos. Sed etiam in Bisnager deferunt, magnitudi-
ne precij eos inuitante. Nam magno apud eos habentur
in precio Adamātes de Rupe veteri cognominati,
praesertim quos natura ipsa elaborauit, Naifes ab in-
colis appellantur. Nam quemadmodum, inquiunt, vir-
go praeserenda est iam corruptae mulieri: sic etiā Ada-
mas à natura elaboratus, praeserendus est ei, quem ho-
minum industria expoliuit. Contra sentientibus Lusit-
anis, qui industria hominum expolitos longè plurius
aestimare solent.

ALIA est rupes ad fretum Tanjam in Malaca
tractu, quae etiam de rupe veteri cognominatos pro-
fert,

fert. Exigui quidem sunt, sed laudati: vnum tamen habent vitium, quod ponderosi sint, quo nomine gratiores sunt venditoribus quam emptoribus.

Nullo autem ex praedictis loco Cristallus inuenitur, quemadmodum nec per vniuersam Indiam. ^{Nullus Cristallus in India.} A-
mat enim Cristallus loca frigida, qualia sunt Alpes Germaniam ab Italia separantes.

Non negauerim in India Beryllum inueniri, qui ^{Beryllus Cristallo similis.} Cristallo similis est, & quidem magnis fragmentis, ex quibus & vitra & vasa fabricari solent preciosa. Sed is in Bisnager non inuenitur, nisi locis procul ab Adamantum sodinis disitis. Plurimus autem est Beryllus ^{Berylli nam-les.} in Cambaya, Martauan, & Pegu regionibus, vbi nullus Adamas, nisi qui importatus fuerit. Inuenitur & in Zeilan insula vbi nullus Adamas.

Refert Plinius libr. 37. cap. 4. & in Arabia nasci. Verum id nec videre, nec audire mihi licuit: quemadmodum nec in Cypro, nec in Macedonia. Nam si istic nascerentur Adamantes, ij qui hic nascuntur adeo non expeterentur à Turcis, qui potissimam Adamantum partem ad suos euehunt.

Scribit Franciscus de Tamara, in Peru ^{Franciscus de Tamara.} Adamantes reperiri. Sed huic auctori exiguam fidem adhibeo, quod videam in indicorum Adamantum extractione tam ineptas commentum esse fabulas: veluti quod peruigiles sint serpentes quæ Adamantes tuentur, eosque non posse inde auferri nisi prius obiectis carnibus certa quadam ratione preparatis, quas cum serpentes vorant, tuto Adamantes auferri possunt, alio ni mirum occupatis serpentibus.

N 2

NON

Adamas nul-
lus in Hispa-
nia.

NON defunt qui in Hispanijs inueniri putent,
quorum opinioni subscribere non possum, quoniā nul-
lis probatæ auctoritatis scriptoribus fulciatur.

Magnus A-
damas.

REFERT etiam Plinius loco iam citato, haud fa-
cile inueniri Adamantem Auellana nucleo maiorem.
In quo sanè non est reprehendendus: nam sibi comper-
ta scribit. Sed inueniuntur hic interdum maiores qua-
tuor Auellanis. Maximus tamen quem vidi centum
quadragenta mangelis * pendeat. Proximus huic cē-
tum & viginti pendeat. Intellexi apud quendā ne-
gociatorem esse vnum qui ducētos quinquaginta man-
gelis pondere æquet, tametsi is strenuè neget talem a-
pud se esse. Accepi item à viro fide digno, qui affirma-
ret se Adamantem vidisse in Bisnager magnitudine
exigui oui gallinacei.

Adamantum
mira gene-
ratio.

SED miraculi instar id mihi videtur, huiusmodi
gemmas quæ altissimè in terræ visceribus, multisq; an-
nis perfici debebant, in summo ferè solo generari, &
duorum aut trium annorum spacio perfici. Nam si in
ipsa fodina, hoc anno, ad cubiti altitudinem fodias, A-
damantes reperies. Post biennium, rursus illic excava-
to, ibidem inuenies Adamantes. Sed certum est gran-
des non nisi sub infima rupe nasci.

EST verò Adamantis nitor viuax & robustus.
Crystalli verò non nisi elanguidus: qua nota, tum etiā
duritiæ, à Gemmarijs dignoscitur.

Adamas mal-
lei ictu fran-
gitur.

CETERVM tantum abest vt mallei ictum re-
spuat Adamas, vt etiam in scobem malleolo rediga-
tur. Facilimè verò atteritur pistillo ferreo: eo etenim
in mortario confringi & atteri solet, quoniam eius sco-
be

be alij Adamantes expoliri solent.

FALSO igitur creditum est à Veteribus, Adamantem Crystallo innasci, & mallei ictu non frangi: Adamas Crystallo nō innascitur.
 sed hircino duntaxat sanguine rumpi; præsertim si (ex quorundam sententia) hircus prius apium aliasq; diureticas plantas depascatur, vinūq; bibat. Sed nec Magnetem impedit quin ferrum trahat. Adamas Magnetem non impedit. Nam sæpius id experiri volui, sed figmentum esse deprehendi: quemadmodum & illud, quod de Adamante capiti mulieris ipsa inscia supposito ferunt. Etenim in amplexus viri dormiens ruet, si fidelis sit: sin labes eius pudicitie sit illata, maritum auersabitur.

FABVLOSVM etiam est, quod Adamantis aciem plumbo obtundi putant, propter argenti vini cum plumbo commixtionem. Nam quemadmodum & ferrum vincit & reliqua metalla: sic etiam plumbum eadem facilitate penetrat, qua napum penetraret. Plumbū Adamantis aciem non obtundit.

ILLVD verò sæpius expertus sum in Adamantibus exquisitis, ex mutuo attritu sic glutinari, ut facile separari non possint. Sic etiam Adamantem vidi, ubi incaluisse, festucas trahere non secus ac electrum.

NVLIVS autem est in medicina vsus, tametsi Adamas nullius in Medicina vsus.
 inuenerim medicos indigenas, qui eum per syringam in vesicam iniiciebant ad confringendum calculum. Per os verò amplius non exhibent, quoniam erronea quedam persuasio in vulgus peruasit, deleteria facultatis esse, si intro sumatur Adamas, ob suam tenuitatem & penetrandi vim, qua intestina perforaret scilicet: Adamas deleteria facultatis non est.
 cuius opinionis etiam video esse aliquot è recentioribus medicis.

N 3

SED,

SED, vt dixi, erronea est persuasio. Nam Aethiopes Lapidariorum seruos noui, qui Adamantes degluti-
erint, quos quum requirerēt domini, tandem verbe-
ribus egregiè casti serui, se deglutinasse facti sunt: eosq;
deinde cum recrementis eiecerunt, sine aliquo nocu-
mento. Id ego testari possum.

Adamantis
scobes dele-
terae facul-
tatis non est.

AT in scobem tritus, inquires, venenum est, quo-
niam & stomachum & intestina perforat. Imo ne-
quaquam eum scobē attrahet ad se stomachus; at sua
grauitate celeriter ad inferiora descendet. Et mu-
lierem quandam scio, quae marito antiqua dysenteria
laboranti, Adamantis scobem per multos dies propina-
uit sine aliquo detrimento, donec medicamento toties
reiterato lassus abstinuit, praesertim cum eius vxor à
medicis intellexisset frustra se laborare: non posse e-
nim maritum hoc morbo liberari. Is igitur multo post
tempore sublatus est, cum scobe uti multis iam diebus
desisset.

* 140 Mangelis, id est septingentagrana, siue vnciam
cum drachma, scriptulis duobus & granis quatuor. Nam
mangelis; vt ante dixit noster Auctor, quinque grana
pendit.

De Smaragdo CAP. XLVIII.

RARIOR & preciosior est Smaragdus, eiusq;
locus natalis vix agnoscitur; nullis remanentibus fra-
gmentis, sed propter raritatem, etiam ea auferentibus
negociatoribus.

Pachee, Za-
marrut, Za-
barget.

PORRO Smaragdus appellatur Persis & Indis
Pachee, Arabibus verò Zamarrut, non Zabarget,
vt vulgatus Serapionis libr. simp. cap. 384. codex, aut
Tabar-

Tabarget, vt Pandectarius in literis T & Z. vulg. Tabarget.
Nam corruptus est ille locus cap. de Smaragdo: & Zamarut legendum est.

VULGARE autem est in Balagate & Bisnager, vt fictitias Smaragdos ex vitrearum lagenarum ^{Smaragdos adulteratos} crassioribus fragmentis conslent.

SED & Smaragdi quæ ex Peru noui orbis provincia aduehantur, adulterationis suspitione non carent.

CETERVM plurimum hallucinantur, qui in Electuario de Gemmis Smaragdum præscribi putant, existimantes per Feruzegi Smaragdum intelligendam; ignorant enim illi linguæ Arabicæ proprietatem, & ipsius Mesue mentem non intelligunt. Præterea Mesue codex Arabicus legit Peruzegi de Elect. dist. I. Et Peruzegi, quoniam magna est, vt aliquando diximus, apud Arabes inter P. & F. literas cognatio, facilis fuit lapsus Librarij, vt F. pro P. reponeret.

EST verò Peruzaa * Arabibus Turchesa nostra, ^{Peruzaa, est Turchesa.} quæ plurima tota Persia nascitur. Nō fuit igitur Mesue mens vt Smaragdus eam compositionem ingrederetur, tamen si cōtrā sentiat Christophorus de Honestis eius interpres: sed Turchesam voluit, quam omnibus Arabum compositionibus injici oportet, quæ habent Feruzegi. Nam apud Mauritanos eius est in medicina vsus, sed apud Indos minimè.

* Idem suboluisse videtur Bellunenſis in eadem compositione Electuarij de Gemmis.

De Rubino CAP. XLIX.

MULTA sunt Rubinorum genera. Nobilior Græcè ^{κόρυμβος} Carbūculus.

ῥις ἀνθαξ, Latinis Carbunculus vocatur: non quòd in tenebris splendeat (fabulosa est enim ista persuasio) sed quòd eius nitor viuacior sit ceteris. Dicam tamē quod à Gemmario quodam audiui. Emerat ille aliquot nobiliores Rubinos ex Zeilan insula delatos, sed minutiores, quales ij sunt quos vulgo Rubinos de Corja vocamus, id est, qui vigeni simul emuntur. Hos cum è mensa sustulisset, latuit vnus in plicis straguli quo mensa strata erat. Noctu in tenebris animaduertit quasi ignis scintillam quandam in mēsa. Accedit ad mensam, accensa prius candela, inuenit exiguum Rubinum, quo sublato nullam postea in mensa scintillam vidit. Non me latet Negociatores plerunque huiusmodi fabulas suis dictis admiscere solere; sed penes eum fides esto.

Rubini de
Corja.

Carbūculus.

CARBUNCULVM igitur appellabimus, cuius rubor fuerit splendens & elegans, & qui erit viginti quatuor quilatum siue caratum vt vulgo vocāt. Eiusmodi ego vidi apud Magnatem quendam in Decam, qui cum mihi familiaris esset, ostendere tamen non voluit, nisi prius accepta à me fide, Regi eius regionis non indicaturum quod eum haberet. Censebatur vicies mille Lusitanicos aureos valere. Ipse tamen dominus affirmabat à se emptū sex auri manus, quæ quinque Lusitanicas arrobas * efficiunt.

Manus auri.
Arroba.

Balasius.

SECUNDVM genus est quem Balasium vocant, aliquantulum rubens. Viliior hic est.

Spinellus.

TERTIVM genus est Spinellus appellatus: magis hic rubet: sed tamē viliior est, quia non habet splendorem illum legitimi Rubini.

INVENIUNTVR & candicantes. Sunt alij
ex

ex purpura candicantes, vel, ut verius dicam, colore cerasum maturescens referentes. Sunt & qui media parte rubent, altera candicant. Alij media ex parte Sapphiri, altera Rubini.

Huius varietatis causam, fieri puto ab ipsa Rubini origine. Cum enim Rubinus in sua rupe aut fodina recens generatus est, candicat; deinde maturescens ruborem acquirit: qui rubor cum temporis diuturnitate concilietur, fit, ut qui ante maturitatem erati sunt, nunc candicantes, nunc ex rubro languescentes conspiciantur.

Quoniam verò Rubinus & Sapphirus in eadem fodina nasci creduntur, fit interdum ut altera parte Sapphirum representet, altera Rubinum: qui, cum elegans est, & cœruleum colorem cum rubro equaliter permixtum habet, vocatur à quibusdam incolis Nilacandi, quasi dicas Sapphiro-Rubinum.

Rubinus & Sapphirus in eadem fodina generantur.

Nilacandi. Sapphiro-rubinus.

Porro Arabibus & Persis Rubinus nuncupatur Yacut: huius regionis incolæ manica appellant.

Yacut. Manica.

* Lusitanica Arroba constat triginta duabus libris: hoc est fere modijs quinque Italicis, ingens sanè gemmæ precium.

De Sapphiro CAP. I.

Gemma est Sapphirus quæ vili emitur: cum tamen ob eius elegantem cœruleum colorem, cuius aspectu oculi mirum in modum delectantur, magni deberet esse precij. Vocatur ab incolis Nilaa.

Nilaa.

Eius duo sunt genera. Unum enim obscurius est.

N 5 Alie-

Sapphirus
aqueus.

Alterum verò splendens, quod genus vulgo Sapphirum aqueum vocant. Vilius hic est, & interdum coloris cuiusdam admixtione Adamantem ita æmulatur, ut nonnullos plerunque sefellerit.

Sapphirus
ex Pegu.

INVENTVR vtrumq; genus in Calecut, Cananor, & varijs regni Bisnagua locis. Præstantiores ex Zeilan adferuntur: omnium verò laudatissimi ex Pegu.

TAMETSI verò adeo oculis sit grata hæc gemma, nullius tamen quantumvis magna, & viuidi coloris precium, mille Lusitanicos aureos superasse inuenietur.

De Hyacintho & Granato CAP. LI.

Hyacinthus.

Granatus.

VILISSIMI sunt hic præcij cum Hyacinthus, tum Granatus, quos volunt nonnulli ex Rubinorum esse generibus, Hyacinthum flauescentem Rubinum appellantes, Granatum verò, nigricantem Rubinum.

NASCVNTVR autem & in Calecut, & Cananor: Granati etiam toto regno Cambaya & Balaguete: Hyacinthi verò & quibusdam Lusitania locis prouenire feruntur, ut in Belas non procul Olyssipone, & multis Hispania locis.

De Iaspide CAP. LII.

Iaspis viridis.

Porcellanz.

INVENTVR Iaspidis genus viride, ex quo vasa Murrhina conflantur (Porcellanas vocant) adeo virentia, ut ex Smaragdo conflata videantur.

Ex eius fortè genere erit id quod Genua ostenditur,

tur, quodq; ex Smaragdo esse contēdunt, rarius id videndum proponentes, quo maiorem auctoritatem lapidi concilient.

HUIUSMODI vas Murrhinum aliquādo mihi propositum fuit venale ducentis pardaons siue aureis Hispanicis: cuius, si ex Smaragdo conflatum fuisset, millesimam partem eo precio vix nancisci potuissem.

Vasa murrhina ex laspide viridi.

De Alaqueca CAP. LIII.

INVENTUR in Balagate Lapidis quoddam genus, quod Alaqueca, Arabes Quequi vocant, cuius libra minutis fragmentis expositi regali Castellano emi potest, tanta est vilitas. Huius tamen virtus reliquarum facultates exuperat, quippe qui sanguinem vnde quaque fluentem ilico sistat.

Alaqueca. Quequi.

De Oculo Catti * CAP. LIIII.

LAUDATISSIMI inveniuntur in Zeilan. Nonnulli etiam ex Pegu aduehuntur quos eò deferri rumor est ex regione Brama.

MULTO maioris is est apud Indos precij, quam in Lusitania. Memini enim quēdam eò misisse qui hinc sexcentis Lusitanicis aureis aestimabatur. Sed cum in Lusitania duntaxat nonaginta aureos aestimarēt, huc relatus eo, quod nunc dixi, precio venditus est.

Oculus Catti magno aestimatur apud Indos.

PERSVADENT sibi Indi, eius qui hanc gemmam possidet facultates nō posse imminui, sed semper incrementum facere & augeri.

Oculi Catti facultates.

Ego verò quod expertus sum reseram. Lineus pan-

pannus ita compressus, vt ipsius Gemma meditullium
sive oculum tangat, nullo igne vri potest.

Pseudoopa-
lus.

* Hunc Cardanus lib. 7. de Subtilitat. Pseudoopalum
vocat: de quo, tum etiam de alijs gemmis ille ibi multa.

De lapide Armeno CAP. LV.

Hager ar-
mini.
Lapis Arme-
nus.

MIXTVS est hic Lapis ex cœruleo & diluto vi-
ridi. Appellatur Arabibus Hager armini, id est, La-
pis Armenus. Interrogati tamen Armeni, an apud eos
nasceretur hic lapis, affirmare non potuerunt. Sed Tur-
ci & Persæ medici dixerunt exigua quidem quãtitate
apud se vidisse, verum ignorare, num ex Armenia ad-
ferretur, nec ne. Aiunt multos inueniri in Vltabado vr-
be celebri regni Balaguare.

Hoc lapide melancholiam purgant Mauritanii
medici. Sed tamen experimento didici, segniter admo-
dum purgare.

De Magnete CAP. LVI.

Fabulæ de
Magnete.

FABVLOSVM est quod nonnulli de Magnete
scribunt, videlicet eas naues quæ Calecut commeant,
clauis ferreis non compingi, ob scopulorum è Magnete
lapide frequentiam, à quo scilicet attraherentur & ra-
perentur naues si ferreis clauis fabricatæ essent. Nam
& in Calecut, & toto eo tractu plures inueniuntur
naues clauis confixæ ferreis, quàm ligneis. Verum qui-
dem est in Maldiuus insulis naues ligneis clauis esse ex-
tructas; id autem ob ferri penuriam potius, & quod mi-
nori constent, fieri puto, quàm quod à Magnete sibi
metuant.

CE-

CETERVM Magnes ideo ferrum ad se haud- Falsa de Ma-
gnete persua-
siones.
quaquam trahit, quòd in eadem fodina nascantur, aut
eorum fodinae sint contiguae, veluti quidam existimant:
quandoquidem Magnes inuenitur ijs locis vbi nullum
ferrum est.

SUNT qui putent Magnetem ad se ferrum tra-
here, ob eam facultatem quam ferro communicauit,
qua ad Magnetem feratur: eamq; ob causam Ma-
gnetem non maioris esse ponderis etiam si multum fer-
rum illi addatur, quam cum exigua ferri quantitate
in balance positum. At nos contrarium plerunque ex-
perti sumus.

SED nec deleterius est hic lapis, quod nonnulli vo- Magnes non
est deleteriæ
facultatis.
luerunt. Nam tradunt huius regionis incolæ, Magne-
tem pauca quantitate sumptum, adolescentiam con-
seruare. Qua de re fertur senior Rex Zeilan, patinas
ex Magnete iussisse confici, in quibus cibus eius coqua- Patinae d Ma-
gnete.
tur. Hoc, ipse, cui mandatum erat negotium, mihi as-
firmavit.

De Margarita

CAP. LVII.

NUNC superest vt de Margaritis scribamus, quæ
non modo ad decorem; sed etiam ad medicamenta ex-
petuntur.

PRÆGRANDES igitur Margaritæ, Vniones Vaio.
Latinis dicuntur, quoniam vix duæ reperiuntur ma-
gnitudine, figura & nitore similes. Minores appellan-
tur Latinis Margaritæ simpliciter, Arabibus & Per- Margarita.
Lulu, Moti,
Mutu, Aljo-
far, Iulfar
portus.
sis Lulu, Indis Moti, in Malauar Mutu, Lusitanis
Aljofar, quod Arabicè sonat de Iulfar, is est portus
in

in mari Persico, ubi laudatissima generantur. Nam tametsi Barem, Catifa, Camaran, alijq³ huius maris portus eas laudatas mittant; quia tamen nostris notior fuit initio hic portus, ab eo nomen Margaritæ indiderunt lingua Arabica Aljofar.

Margaritæ
Orientales.

HINC etiam fit ut illæ Orientales appellentur, quoniam hic sinus Persicus Orientalis sit, si cum nostra Europa conferatur.

Margaritarū
captura.

GENERANTVR etiam Margaritæ à promontorio Comorim, ad insulam vsq³ Zeilan (quæ captura & piscatio Regis Lusitaniæ est) sed minutiores maxima ex parte, nec cum superioribus conferendæ (quæ magnæ sunt & omni dote absolutissimæ) ideoq³ etiam viliori emuntur.

GENERANTVR & in insula Burneo, quæ tametsi sint grandes, formæ tamen elegantia à superioribus vincuntur. Sic & nonnullas Chinarū regio mittit, sed viles.

CERTVM est etiam in nouo orbe inueniri, verum nulla ratione cum Orientalibus sunt conferendæ. Nam aut obscuræ sunt, & nubili coloris, aut nullo orbe lauioreq³ commendantur.

Margaritarū
origo.

ORIGO atq³ genitura est è conchis, haud multum ab ostrearum conchis dissimilibus. Conchæ autem quæ superiori maris parte natant, grandiores Margaritæ generant: Quæ verò in alto mari degunt, minutiores proferunt.

HÆ conchæ aëri expositæ siccantur, & sese pandunt, in quarum carne inueniuntur Margaritæ, nunc multæ, nunc paucæ pro concharum magnitudine.

IN-

INVENIUNTUR & in nostratibus conchy-
lijs ostracisue, sed minus nobiles.

OMNIVM autem præstantissima ad generan-
das Margaritas censentur ea Conche leues & candi-
dæ, quas eius regionis incolæ Cheripo appellant, ex Cheripo
quibus cochlearia poculaq; conficiuntur.

VERVM, illud Cheripo non id est, quod vulgo
Matrem perlarum vocamus. Nam id Chanquo in- Chanquo
cole vocant, ex quo videlicet mensæ, cistulæ, spherulæ
precarie fabricantur. Licet enim parte externa sca-
brum sit & impositum hoc Cōchylij genus Cheripo
appellatum, interna tamen lævisimum est & aspectu
pulcherrimum.

DEVHITVR id Conchylium Bengala mer-
cimonij gratia, ubi expolitur & poculi vices supplet:
maxima tamen ex parte conficiuntur ex eo armille et
alia opera. Fuit enim olim istic consuetudo ut nulle no
biliores virgines corrumpi possent, nisi huius generis ar
millis brachia exornata haberent. Nunc vero desijt
ista consuetudo: eamq; ob causam viliori emūtur hac
conchyliæ.

HA B E N T mercatores huius regionis cuprea
quædam instrumenta multis foraminibus pertusa, Instrumenta
discernendis
Margaritis
idonea.
quibus precia Margaritis imponere solent. Nam quæ
per instrumentum minoribus foraminibus pertusum
transcunt Margaritæ, vnius sunt precij, vendunturq;
per drachmas. Quæ per instrumentum maiora paulū
foramina habens maioris sunt precij: & ita deinceps
pro foraminum quibus instrumenta prædita sunt, qui-
busq; Margaritæ transmittuntur, magnitudine, pre-
cia

cia intendentes. At quæ adeo sunt minuta, ut perforari non possint (arte enim perforantur, non natura ut fabulantur quidam) cedunt officinis, qua de causa in Europam exportantur. Harum uncia duobus sortè assibus Gallicis venit.

Unionum
magnitudo.

MAXIME quæ ad promontorium Camerim generantur Margaritæ, pendebant centum frumenti grana. Talium precium mille quingentorum aureorum in singulas esse solet. Multo maiores ego vidi, quas in insula Burneo captas asserebant: sed non erant eius elegantie cuius superiores. Vidi aliam hic captam quæ centum sexaginta grana tritici penderet.

Margaritis
nitor resti-
tuitur.

SENECTUTE pondus earum minui, & coloris elegantia immutari creditur. Diu autem oriza leuiter confracta & sale versatas, pristinum vigorem & fulgorem recuperare, expertus sum.

CERTUM est Margaritæ post Plenilunium captas, cum tempore minui & decrescere. Quæ verò ante plenilunium capiuntur, huic vicio haudquaquam sunt obnoxia.

Indis nullus
Margaritarum
in medicina
usus.

CETERUM raro in medicum usum venit Margarita apud Indos. Mauritani verò frequenter, nostro more, Margaritæ cordialibus medicamentis iniungunt.

IN-

INDICARVM
ALIQUOT PLANTARVM
HISTORIÆ,
LIBER SECVNDVS.

De Arbore tristi CAP. I.



N medicamentis & stirpibus Indicis nobis incognitis non abs re fore duxi, initium facere ab arbore quadam, quæ non nisi à solis occasu vsque ad eius ortum floret, interdiu minimè.

ARBOR est Oleæ magnitudine, folijs Pruno similibus, flore noctu (dum scilicet floret) odoratissimo, nullius quod sciam vsus propter teneritatem: nisi quod florum pediculis, qui lutei sunt, huius vrbis incolæ vtuntur cibus tingendis, siquidem Croci modo inficiunt. Et volunt etiam nonnulli aquam stillatitiam florum oculis vrilem esse admoto lineo panno hac intincto.

Arboris tristis descriptio.

Aqua è florib. Arb. trist.

PECVLIARIS est hæc arbor Goæ, quam è Malaca allatam asserunt. Eam sane nusquã alibi per Indiam vidi. Hanc Goæ Parizataco: in Malayo Singadi vocant. Arboris tristis nomen illi inditum quòd duntaxat noctu floreat.

Parizataco. Singadi. Arbor tristis.

FABVLANTVR autem indigenæ, Satrapæ cuidam nomine Parizataco elegantem fuisse filiam, quæ cùm Solem deperiret, eam ille compresserit. Cùm

Fabula de Parizataci filia.

O verò

verò postea illam relinqueret alterius amore irretitus, Parizat aci filia præ amoris impatientia sibi ipsi mortem conscinerit. Ex cuius cremata cineribus (nam adhuc vruntur in hac regione cadauera) hæc nata est arbor, cuius flores aded Solem exhorrent, vt eum videre non sustineant.

CETERVM horum florum fragrans odor, duorum aliorum odoratissimorum florum memoriam reuocauit.

Mogori.

PRIORES sunt dicti Mogori, mali aureæ floribus multò odoratiores, quorum stillatitius liquor eundem apud istos vsum obtinuit, quem apud Hispanos florum mali aureæ aqua.

Champe.

ALII flores (quorum hic magnus est vsus) dicuntur Champe, odore grauiori quàm Liliū album.

Indi odoramenti dedissimi.

PORRO (quandoquidem in odoramentorū mentionem incidimus) odoribus aded dediti sunt huius regionis incolæ, vt plerunque cibo abstineant, vt habeant vnde odores sibi comparare possint, ideoq; non immerito proniores in venerem esse censentur.

MVNERA quæ à tenuioribus offerri solent Regibus, prædicti sunt flores, & rosæ nostrates, quibus solent cubicula Regis insternere, & corijs floribus varijs depictis ornare.

NARRARVNT mihi quidam tantam esse huius gentis in odores amentiam, vt tributa ex odoribus & floribus in singulos annos Regi Bisnaguer soluta, ad quinq; millium Hispanicorum aureorum summam fere accedant.

De

De Nimbo CAP. II.

AB omnibus huius Indiae incolis Nimbo vocatur, arbor quaedam Fraxini magnitudine, folio Oleae, acutiore tamen, per ambitum serrato, utraque parte viridi, non cinereo aut villoso. Multis luxuriat folijs, flos candidus est & fructus exiguis oliuis similis.

Nimbo historia.

UTILIS est haec arbor in usu medico. Nam folia trita & vulneribus cum hominum, tum iumentorum cum succo Limonum (mali assyrii genus est) imposita, miraculose ea sanant. Foliorum succum utilem esse ferunt lumbricis necandis, cum Balaguat incolae, tum Malauarense: quod rationi consonum est, cum nonnihil amaritudinis possideant.

Nimbo facultates.

EXPRIMITUR in Bisnager & Malauar oleum ex eius arboris fructu, quod huc mercimonij gratia deportatur. Vtilissimum id est aduersus neruorum dolores, si eo calido inungantur.

Oleum ex Nimbo.

De Negundo CAP. III.

PROVENIT in Balaguat & Malauar arbuscula quaedam Persicae magnitudine, frequentibus ramis: qui recisi frequentiores latioresque renascuntur, folijs Sambuci, simili modo per ambitum serratis & aliquantulum hispidis: flos ex cinereo candidus: fructus niger, Piperis magnitudine, aut paulo maior. Malauar incola eum suis edulij Caril nuncupatis inspergunt.

Negundo historia.

VVLGARE nomen est Negundo, nonnulli in Balagat Sambali appellant: in Malauar Noche.

Negundo Sambali.

Noche.

MULTIS facultatibus praedita est haec arbor.

Negundo facultates.

Teneriorum ramulorum cum folijs decocto, aut ipsis elixis & contusis vtilissimè contusa fouentur modo nō adsit vulnus. Friguntur interdum ydem rami cum folijs in oleo, & cōtusionibus applicantur, resoluūt enim tumores & curant. Frequens adeo est huius vsus, vt in omnibus doloribus, frictum cum oleo, aut elixum exhibendum censeant. Non desunt qui supra vulnera ad-mouerint, vnaq; nocte dolorem sustulisse, materiamq; digessisse adfirmant: deinde folijs contusis, ipsis vulneribus impositis ita emundasse vulnera, vt breui ad cicatricem perducta sint.

Negundo vi-
tex non est.

VTILEM perhibent esse mulieres ad iuuandum conceptum: eius enim succo aut decocto epoto, vteros ad conceptionem preparari. Ego malim præmandi, valentius enim futurum existimo medicamentum. Masticata folia oris halitum commendant. Acrimonie verò cuiusdam participāt veluti Nasturtium: vnde manifestum est calidam esse hanc plantam. Experti sunt nonnulli veneris stimulos & impetus cohibere, eamq; ob causam Viticem esse contenderunt: sed multum errant. Nam Vitex multum ab hac arbore differt.

De Iaca CAP. IIII.

Iaca historia.

ARBOR est in India prægrandis, fructū in summo caudice, non in ramis, ferens, prægrandem magni Melonis effigie, interdum maiorem, foris virētem, intus verò fuluescentem, multis spinulis instar erinacei, sed mollibus obseptum. Continet autem hic fructus in se magnas quasdam nuces duro putamine tectas. Cortex fructus gustu Melonis, sed difficilima concoctionis, nempe

nempe qui plerunque soleat, ita ut assumitur, excerni.
Nuces verò intus natæ, torrentur aut elixantur, able-
ctoq; putamine (qui nullius est usus) castanearum mo-
do, quibus sunt persimiles, eduntur.

VOCATUR hic fructus in Malauar Iaca: in Iaca.
Canara & Guzarate Panaz. Nascitur autem dun- Panaz.
taxat in maritimis.

EXPERTVS sum cum in me, tum in plerisque
alijs, hæc castaneas siue nuces alui profluvia mirum
in modum sistere.

* Hanc arborem describit Lud. Roman. libr. 5. cap. 15.
suarum nauigationum his verbis. In Calcut reperiuntur
nonnulli fructus, quos cultores laceros appellant. Caudici lacerus.
eius arboris amplitudo Piri est: fructui magnitudo bini
ac medij palmi, crassitudinis verò humanæ coxæ. Gigni-
tur fructus in caudice arboris subtus frondes, alij circiter
medium caudicem. Colos est viridis, cetera nuci Pineæ
haud absimilis, vinaceis tamen minutioribus. Quum ma-
turefcere incipit, obducit nigricantem colorem, marcereq;
videtur. Legitur is fructus mense Decembri: saporis sicut
ferme Peponis moschum redolentis, parumque si sapo-
rem quæras, abest à cotoneo persico, eodemq; mitiore. Va-
riam in cibatu voluptatem parit. Videberis modò edere fa-
uum mellis, modò suaue medicum malum comedere. In-
tra, membranas habet ut Malum punicum, inque eis deli-
tescunt fructus nescio qui, mollibus non dissimiles casta-
neis. Si enim igne torrentur, saporem castaneæ represen-
tant. Propterea fateri licet, non esse excellentiorem dignio-
remue illo fructu quempiam.

De Iamgomas CAP. V.

ARBOR Pruni magnitudine sponte nascitur in Iamgomas
agris & etiam in hortis Baçaim, Chaul, & Batequa- descriptio.
la, multis spinis horrens, folijs itidem Pruni: floribus
candidis, fructu Sorbo simili, gustu Prunorum adstrin-
gente

O 3

Iamgomaz.

gente & acerbo. Cùm primum emergit, Strobilo per-
similis est. Vocatur incolis Iamgomaz.

Iamgomaz
serendi ratio.

ACCEPI à fide dignis viris, optimam serendi ra-
tionem esse, si fructus, postquam eū ederit certa qua-
dam auis, excretus, vnā cum excremento seratur. Fa-
cilis enim hac ratione satus emergit, citiusq; fructi-
fera fit arbor.

De Carandas

CAP. VI.

Carandas hi-
storia.

ARBVSCVLA est arbuti magnitudine, folijs
similibus, copioso flore, odore Periclymeni. fructu exi-
guis malis persimili, nigricante per maturitatem, gra-
tissimoq; vuarum sapore, ex quo à nonnullis vinosus
succus exprimitur. Fructus autem virens magnitudi-
ne est nucis pontica cum suo putamine, interdum ma-
ior; succum nonnunquam exstillans viscidum & la-
cteum. Editur à nonnullis fructus maturus cum sale.
Solet tamen, cùm viridis est, muria aut aceto condiri,
& ita asseruari, ad excitandam elanguescentem ap-
petentiam.

Carandas.

NASCITVR tum in continenti, tū in Balaga-
te, vocaturq; Carandas.

Auruba.

* Huic fere similem describit Ouiedus lib 8. suæ histo-
riæ cap. 12. in hunc modum. In Hispaniola insula, vasta
est arbor pulchraque materie firma & utili Auruba nomi-
ne; fructu quidem longe suauissimo, vt sunt pira apiana,
muscatellina vocāt, sed qui lacteo succo eoq; viscido &
glutinoso abundet, qualis est qui in ficibus immaturis:
idcirco molestus his qui eo vescuntur, nisi prius fructum
in aquam iniiciant & lacteum succum digitis exprimant
qui in aqua fidit.

De

De Coru

CAP. VII.

CORV lingua Canarica dictus, frutex est in Ar- Coru histo-
ria.
buti altitudinem assurgens, aut paulò minor, folijs ma-
li Persica, floribus candidis, Periclymeni odorem amu-
lantibus. Hunc Lusitani Indiam incolentes Herbam Herba Ma-
lauarica.
Malauaricam nominant, quoniam Malauareses eius
vsum primi docuerunt. Hac etenim planta cuiuscunq;
generis dysenterias presentissimè curant, euacuata
primum magna ex parte peccante materia, alioqui fa-
cile in eundem morbum rursus incidunt.

VSVS est corticis radicum primū exsiccati, quo-
niam recens lacteum liquorem exstillat, quem initio
calidum putavi, sed degustatum, insipidum & frigidū
inueni. Quamobrem ob eius effectus, frigidum & sic-
cum constitui, plus tamen siccitatis quàm frigiditatis
obinentem: in quo ordine etiam huius regionis medi-
ci constituunt.

PVLVEREM huius radice contuse in ollulam Coru facul-
tates.
distillatoriam imponimus, ac cum sero lactis macera-
mus: deinde additis Ammeos, apij, coriandri sicci, &
cumini nigri seminibus tritis & correfactis, vnciāq; v-
na butyri non saliti, ignis calore elicimus aquam stil-
lariam, cuius quatuor vncias cum aquæ stillariæ ro-
sarum, aut aquæ è pediculis rosarum, aut plantaginis
duabus vncijs egro propinamus. Quod si opus est, adij-
cimus puluerem pastillorū ex herba Malauarica con-
fectorum. Formantur autem ex iisdem rebus è quibus
fit aqua, dempto butyro. Inijciuntur etiam clysteres
ex hac aqua confecti magno cum successu: sed frigidi,
quoniam regio calida est. Quod si necesse sit, eam aquā

Canje.

bis singulis diebus propinamus, mane videlicet hora sexta, & à meridie hora secunda. Cibus est oriz a sero laetis macerata, & pulli gallinacei in aqua orizæ, quam Canje vocant, macerati, pro virium ægri robore cibū subministrantes. Certè vino omnino abstinemus, nisi urgente admodum necessitate in inueteratis dysenterijs eius necessarius sit vsus.

SED tametsi mihi semper bene successerit huius aquæ vsus: cogor tamen fateri Malauaricam herbam ab ipsis Malauarensibus preparatam magis presentaneam opem adferre. Ea verò paratur ex iisdem, è quibus nostra aqua, rebus tenuissimè tritis, & sero, aut aqua orizæ probè cocta maceratis. Sunt qui succum ex planta virente exprimant, cuius septem vncias mane exhibent, & totidem sub vesperam, si necessitas urgeat. Sed quoniam amarus est succus & ingratus, ab eius potu serum propinare ad os eluendū solent. Quod si Malauarenses fortiori adhuc remedio opus esse vident, opium admiscere solent, tametsi id semper strenuè negent.

SALVTARE est item hoc medicamentum stomachi debilitati: tum etiam vomitus compestcit, cum aqua Menthæ & Mastiches puluere sumptum.

De Auacari CAP. VIII.

Auacari historia.

Auacari.

EST etiam in hac prouincia pusilla arbor, maior tamen superiore, quæ folijs, floribus & fructu Myrto perquam similibus constat. Fructus eiusdem etiam est cum Myrto saporis, multò tamen adstringentior. Hanc plantam Auacari nominant incolæ. Nascitur in montibus.

AIVNT

AIUNT miræ esse efficacie aduersus inueteratas *Auacari fa-*
cultates. dysenterias è causa frigida prouenientes. Eius experi-
 mentum se fecisse asseruit Lusitanus quidam senex
 in filia sua, quæ cū integro anno dysenteria laborasset,
 nec ei quidquam reliqua medicamenta profuissent,
 sumpto huius plantæ cortice trito et in aqua oriæ ma-
 cerato in ptisanæ modum, sanata est. Hanc arbusculā
 trifolium olere ferunt.

De Mangas CAP. IX.

TAMETSI ÿ fructus qui apud Indos nascuntur,
 longè sint excellentiores ÿs qui in Europa proueniunt,
 veluti aurea mala, citria, ficus, vuae, persica, punica, &
 similes: omnibus tamen præstat fructus quidam apud
 eos nascens quem ipsi Mangas vocant. Tanta est e-
 nim eius suauitas, vt cū in foro prostat, Ormuz inco-
 læ, apud quos frequens est cum alijs fructibus iam enu-
 meratis, reliquis neglectis, hunc sibi emant.

COLLIGENDI tempus est in regionibus ca-
 lidioribus, mēse Aprili: alijs regionibus serotinis, Maio
 & Iunio: interdum tamen Octobri (quem ipsi Ro-
 dolho vocant) & Nouembri.

CETERVM pro regionum natura & diuersi-
 tate, variat etiam saporis bonitate hic fructus.

PRIMAS igitur tenet is qui in Ormuz nasci-
 tur. Secundum locum obtinet qui in Guzarate proue-
 nit, præsertim is qui per excellentiā Guzarateus nun-
 cupatur, magnitudine quidem reliquis cedens, saporis
 tamē & odoris gratia ÿs superior, exiguo intus osse si-
 ue nucleo. Tertiū bonitatis gradum obtinet quem Ba-

O S lagate

lagate gignit, maior in vniuersum supradictis. Memini enim duos vidisse, qui quatuor libras cum dimidia penderent. Sed inter eos suauior mihi visus est quem proferunt Chacanna, Quindor, Madanager & Dulrabadu primariae vrbes Regis NiZamoxa. Boni sunt item ij fructus qui in Bengala, Pegu & Malaca proueniunt.

Mangas arbor bifera.

HABEO in meo pradio quod est in Bombaim (cuius in priori huius Historiae parte memini) arborem huiusmodi fructus proferentem, quae bifera est. Nam Maio mense fructum fert saporis quidem & odoris gratia excellentiorem; Autumni vero sub finem, alium superiori magis commendabilem, quoniam praeter tempus solitum nascatur.

Mangas facultates.

COLORE est is fructus ex viridi rubescens & odore gratissimo. Exempto cortice, editur aut sine vino, aut generoso aliquo vino maceratus, veluti persica duracina. Conditur etiam saccharo, interdum vero & aceto, & oleo, & sale, inspersis in eius meditullio gignibere, & alijs. Interdum editur cum sale, & nonnumquam elixus. Frigidus vero est & humidus, quemadmodum persica. Eius ossiculis assatis, alui profluvia sisti aiunt; quod verum esse deprehendi. Nuclei vero recentes lumbricos & ventris tineas necare dicuntur, quod rationi consonum esse puto ob eorum amarorem.

* Hic fructus in memoriam mihi reuocat Iaiama Oniedi, quem septimo suae Historiae libro cap. 13. describit, tametsi plus similitudinis habere videatur cum eius Anon, de quo lib. 8. cap. 18. Vtriusque igitur historiam hic adscribam, ut vtra huic fructui magis quadret, lectori diiudicandum relinquamus.

ANON igitur arbor est cuius fructus magnam cum GUA-

Guanabano similitudinem habet, cum forma, tum carne & semine. Sed & ipsa Anonis arbor Guanabani arbori similitima est cum magnitudine, tum forma & folio. Duabus verò in rebus differunt; primum, quòd huius fructus minor sit Guanabano, corticique color luteus, qui in Guanabano viridis est; deinde, quòd meo quidem iudicio gratior sit palato Anon, quàm Guanabanus, utpote firmiore carne. Vtrumque magno in precio habent Indi Americi, & diligenter in suis prædijs colunt. Hæc Ouedus de Anone: Nunc ad Iaiama historiam accedamus.

NASCITUR in Hispaniola, reliquisque vicinis insulis fructus quidam, quem nostri à Strobili siue Pineæ nunc Iaiama-
cis similitudine Piñas appellant, non quòd eiusmodi lignosæ squamas habeat, sed quòd eius cortex simili modo distinctus videatur, tamen si non squamatim, sed peponis modo cultello integer auferatur. Ut autem succi bonitate & suauitate reliquos fructus hic antecellit; ita color illi pulcherrimus ex luteo virescens, paulatim per maturitatem virore euanescente. Odor iucundissimus qualis ferè in eo Persicorum genere quod à malis & cotoneis nomen apud Italos & Hispanos inuenit, magnitudo illi vulgaris Melonis. Nascuntur verò singuli fructus ex Cardui genere aspero & spinoso, oblongis prædito folijs, è quorum medio proflit caulis rotundus vnicum ferè fructum, qui post 10. aut 12. mensem demum maturescit. Eo sublato, nullus præterea in planta nascitur fructus, ideoque ea velut inutilis abijcitur. In extremo fructu, interdum verò etiam in extremo caule sub fructu nascuntur velut iermina & turiones quidam qui fructui magnum addunt ornamentum. Hi sunt tanquam semen: panguntur enim tribus sub terra digitis, sic ut media turionum pars extra solum extet, atque radices agunt, fructumque suo tempore perficiunt. Varia sunt eius genera, quæ pro linguarum varietate diuersis nominibus nuncupantur: tres verò distinctæ species notantur, prior Iaiama ab incolis appellata, altera Boniama, tertia Iaiagua. Posterior hæc carne est candida, gustu vinoso, sed acido & acerbo. Boniama carne est candida, gustu dulci & quodammodo fatuo. Iaiama reliquis oblongior est, & bonitate illis præstat, carne fulucente, dulci & suauis gustu. Per omnia tamen carnem sparse sunt

sunt veluti fibræ quædam tenuissimæ, quæ tametsi palatum inter edendum non offendant, gingiuas tamen lædunt si crebrius quis eis vescatur. Quibusdam locis nascuntur etiam hæc genera sponte in agris abundanter: at quibus cultura accessit, longè sunt illis suauiores, & cultoris beneficium abundè compensant. Huius fructus abundantia auctoritatem eius minuit: Sed tamen & his insularibus cum bonitate, tum magnitudine præstant qui in continenti nascuntur. Maturus fructus quindecim tantum aut viginti diebus conservari potest. Hactenus Ouiedus.

H V N C Thenerus lib. Singularium Americæ cap. 46. Nana à Brasilianis vocari tradit, eoque plurimum in suis ægritudinibus vesci. Alium item huic simile describit nomine Hoyiri cap. 33. eiusdem libri.

De Musa

CAP. X.

Musæ historia.

HÆC planta non nisi semel seritur. Nam semel sata, ex trunci pede multos stolones producit, qui in Arbusculas euadunt. Truncus ex squamoso foliorum cortice constat: folijs amplissimis binorum cubitorum vel amplius longitudine, cubiti latitudine, excurrente per medium lata crassaq; costa. Nullis constat ramis, sed è germine flores quosdam coniunctim profert, subrutos, oui effigie, & palmi longitudine, è quibus circum eminent pediculi, centum interdum ducentos aut plures ficus sustinentes.

Quelli, Palan, Piçan.

Guinea.
Bananas.
Musa, Amusa.

NASCITVR in Canara, Decan, Guzarate, & Bengala: vocaturq; illis Quelli. Nascitur etiam in Malauar, vbi Palan *; & in Malayo, vbi Piçan dicitur. Prouenit etiam plerisq; alijs locis, & in ea Africa parte quam Guineam appellant, vbi Bananas * nuncupantur. Arabes eum fructum Musa, aut Amusa vocant. Sic & Auicenna, & Serapio, et Rhases, qui de

de hoc fructu peculiari capite scripserunt. Scripserunt fortè & alij quos mihi videre non contigit.

COMMENDANTVR ij fructus qui in Martaban proueniunt : primum enim è Bengala eò delati sunt, deinde sati vt gratiores euaderet: vocantur nunc ij, ficus Martabanis. Alij adhuc inueniuntur meo palato gratiores & odorati Cenorins appellant : sunt ij laues, flauis, & pleni. In Malauar sunt Chincapalones dicti, suaves & palato grati, pleni, colore virescentes. Laudantur etiã in Sofala nati, Aethiopibus Iminga dicti. Inuenitur etiam in Baçaim alijsq; prouincijs genus quoddam amplum, plenum, palmi longitudine. Id assatum et vino deinde maceratum inspersa Canel-la, multò melius sapit quàm malum cydonium assatũ. Idem fructus per medium sectus, & in sartagine cum saccharo probè frictus, insperso postea cinnamomo, gratissimus est cibus.

Ficus martabanis.

Chincapalones.

Iminga.

SCRIBIT Auicenna libr. 2. cap. 491. paucum Musæ facultates. præbere alimentum, bilem generare & pituitam: prodesse tamen aduersus pectoris & pulmonum incendia, stomachum autem offendere. Idcirco biliosis, ab huius esu, oximel cum seminibus propinandum esse: pituitosis verò mel. Vtilis est renibus & vrinam ciet.

SCRIBIT Rhases lib. de re med. 3. ad Almanf. cap. 20. noxium esse stomacho, appetentiam deicere; subducere tamen aluum, & gutturis exasperationes lenire.

SERAPIO autem lib. simp. cap. 84. ex aliorum auctoritate Musam in fine primi calfacientium & humectantium ordinis esse asserit, & utilem esse aduersus

sus pectoris & pulmonum ardores, eisq³ qui liberalius hac vescuntur stomachum prae-gruari: augere tamen foetum in utero, renibus opitulari, urinas ciere, & venerem exstimulare.

PRÆSCRIBUNT medici Indi hunc fructū in febribus alijsq³ morbis.

Ridicinium
Musa xy-
mon.

RIDICVLVM autem est quod scripsit quidā Franciscanus. Appellatur, inquit, hic laudabilis fructus Musa, quod dignus sit Musis, aut quod earum sit cibus. Addit prae-terea eum esse fructum quē degusta-uerit Adam in Paradyso terrestri.

* Iam aliquot annis in ea opinione fui ut exislimarem Musam Arabum eam esse plantam cuius Plinius lib. 12. cap. 6. meminit his verbis. Maior alia pomo, & suauitate præcellentior quo sapientes Indorum viuunt. Folium alas auium imitatur, longitudine trium cubitorum, latitudine duum. Fructum cortice emittit, admirabilem succi dulcedine, ut vno quaternos satiet. Arbori nomen Palg, pomo Arienæ. Plurima est in Sydracis, expeditionum Alexandri termino, &c. Nam ferè omnia pulcherrimè ad Musæ descriptionem quadrant. Huc accedit quod in Prouincia Malauar, quæ supra Indum flumen est, intra verò Gargem, Palan nomen adhuc retineat, à quo Latini suum Pala mutuati videntur.

Figuera ba-
nana.

* Vlyssipone vbi aliquot plantas vidi, minimè tamē fructiferas, nomen hoc retinet. vocant enim etiamnum Figuera Banana, id est, ficum Bananas ferentem: Eius iconē satis affabre pictam inuenies apud Matthiolum commen-tarijs in lib. primum Dioscoridis cap. de Palma.

Poma Pa-
radyfi.

Pacona.
Paquouere.

CETERVM meminit huius fructus Lud. Rom. libr. nauigationum suarum. 5. cap. 15. ac tria eius genera constituit. Meminit item F. Brocardus qui terram sanctam descripsit, sub nomine Pomorum paradyfi, quem per omnia sequutus est Cardan. lib. de subtilitatib. Sed & Theueus lib. Singularium Americæ cap. 33. eundem describit, atque Pacona, arborem verò Paquouere Americis vocari tradit. Ouiedus verò nomine improprio Platanum appellat lib.

lib. Historiæ Indiæ 8. cap. 1. cuius descriptionem tanquā pleniorē omīssis ceteris (ne toties repetita Lectori fastidium pariant) hic subiungemus.

INVENTUR, inquit, hic fructus Platani nomine, ta Platanus.
met si neque arbor dici possit, neque vera sit Platanus: sed planta quædam huic Indiæ haudquaquam peculiaris, & aliunde translata sub Platani nomine. Interdum autem hæc improprie dicta Platanus in arboris celsitudine excrescit, & hominis crassitiem intumescit: alias verò coxæ humanæ crassitie conspicitur, pro soli natura & ubertate augescens. Ab infimo ad summum folia fert amplissima, interdum duodecimum palmos longa, ternos aut quaternos lata, plerunque minora. Hæc ventorum flatibus facile multifariam dissecantur, & ex costa illa per folij longitudinem excurrente pendere spectantur cum in modū dissecta. Tota planta veluti germen est aut surculus, in cuius summo enascitur pediculus aut malleolus brachiali crassitudine, qui vnam producit, viginti, triginta, interdū centenos & plures fructus palmari longitudine brachiali que crassitudine sustinentem, nonnunquam minores, quandoque etiam ampliores pro plantæ ipsius & soli fertilitate. Cortex huic satis crassus, sed qui facile eximatur, continens pulpam siue carnem bubulæ medullæ persimilem. Integra vua ante maturitatem colligenda est, cū videlicet aliquis fructus flavescere incipit, deinde in ædibus suspendenda, illic enim plenam maturitatem cōsequitur. Hic fructus in duas partes per longitudinem apertus & utrinque incisus, deinde insolatus, gratissimī est saporis, et caricas succi bonitate superat. Tegulæ item impositus, & in clibano coctus cor reficit, & suavisissimus est. Sunt qui cum carnibus elixent, cortice exempto ollæ imponentes cū carnes ferè coctæ sunt, diutinam enim coctionem nō fert: sed neque maturus nimium, neque omnino acerbus deligendus est. Sunt qui crudum edant, at maturum, sine pane aliōve aliquo condimento, gratissimī etenim est saporis, nec minus salubris & facilis concoctionis. Caudex qui vnam profert annuus est & semel dūtāxat in vita fructus gignit: verum ad radices consurgunt quinque, sex, aut plures surculi qui parentem renouant, & subsequente anno fructum perficiunt. Exempta vua abijcitur planta ut-
pote

pote inutilis. Adeo verò fecunda est hæc planta, vt nunquam intercidat, sed subinde nouas proles gignat, vt fructus toto anno vberimè legere liceat. Formicæ huic plantæ admodum infestæ sunt, ideoque plurimæ hic initio perierunt, antequàm aduersus eas inuenta essent remedia. Peregrina enim, vt initio diximus, est hæc planta, & hæc ex magna Canaria anno Domini 1516. primum translata. Hæc ex proluxa Ouiedi descriptione desumpta.

De Doriones

CAP. XI.

Doriones
descriptio.

INTER celeberrimos Indiæ fructus, recensentur à plerisque Doriones in Malaca vocati. fructus Melopeponis magnitudine, denso cortice rostratisque tuberculis plurimis obductus, veluti is quem Iaca Goæ vocant, de quo cap. quarto diximus, foris virescens, intus verò concameratus, seminaque exigui oui gallinacei magnitudine in singulis cameris continens, coloris & saporis eius condimenti quod ex amygdalis confusis, lacte, farina, aqua rosacea & saccharo fit, Manger blanc Galli vocant, non tamen ita mollescentia aut glutinosa: in nonnullis verò non candida sunt, sed pallidi coloris. Ossiculum hæc in se continent mali persici ossiculis persimile, sed rotundum. Folia huius plantæ medium palmum oblonga, acuta, salso gustu, colore viridi dilutiore parte auersa, interna verò parte admodum virescentia: flos è candido flauescens. Arborem Iuglandis modo prægrandem esse aiunt, folijs laurinis.

Alia Dorio-
nes descri-
ptio.

SUNT alij qui hunc in modum describunt. Fructus est Strobili siue nucis pineæ magnitudine, interdum multo maior; & eiusdem fere formæ, nisi tubercula illa siue aculeos multò tenuiores acutioresque haberet, Erinacei spinis ferè similes. Intus quatuor con-
came-

camerationibus siue cavitatibus cōstat, medullamq³ siue pulpam continet pinguedini illi lactis similem quā Hispani Nata, Galli Crème, Itali Capo di latte vocant. Folio est virente, cuspидis lancea effigie, ducto per longitudinem duplici neruo, è quo deinde alia venula per folij latitudinem euagantur. Arborem ipsam ingentem ferunt, nec nisi post quadragesimum annum fructum edere; alij verò post quartum annum fructiferam esse. Fructus maturus viridis est quidem coloris, sed diluti & elanguescentis.

* Cum hoc fructu plane conuenit Guanabanus Ouiedi, quem libr. 8. suae Historiae cap. 17. describit, quemque per vniuersam fere Americam siue nouum orbem nasci tradunt.

GVANABANVS igitur procera arbor est, & forma- Guanabanus.
sa, folio eius Medicæ mali quam Limoneram appellant, virente: fructu pulcherrimo, mediani Melonis magnitudine, qui tamen interdum in capitis pueri crassitudinem excrescat. Cortex huic fructui viridis, & qui certis quibusdam squamis distinctus videatur, vt Strobilus, lenioribus tamen neque ita tumentibus, quandoquidem totus cortex tenuis sit neque crassior quam in piris. Caro candidissima saporisque delicatissimi, quæ facile, pinguedinis lactis instar, in ore resoluitur. Per eius carnem sparsa sunt semina magna, Cucurbitarum seminibus aliquanto maiora & nigricantia. Frigidus est hic fructus, & per æstus utilis. Nam tametsi quis integrum Guanabanum deuoret, nullum inde sentiet nocumentum. Infirma est ligni materies. Hæc Ouiedus.

CETERVM hic Guanabanus diuersus est ab eo cuius Cæsar Scaliger lib. de Subtilitat. aduersus Cardanum exercitatione 281. partic. 6. meminit in hunc modum.

GVANABANVS arbor est Pini stipite, procera, folio Guanabanus.
magno oblongoque, fructus Melonis magnitudine: cortici, color viridis, splendor Cydonij, digitalis crassitudo. Caro intus candida, dulcedine lactis coacti, semina continet phasiolacea. Hunc enim esse puto qui superioribus
P annis

annis ex Aethiopiae Mozambique Antuerpiā allatus est fructus crassius, sesquipedali longitudine, cui densus durusque cortex tenui mollique ut in cydonijs, sed viridi lanugine obductus, aliquot per longitudinē excurrentibus venis, siue potius sulcis ut in Melonibus. Extrema parte in mucronem definit: Superiori verò, qua videlicet è ramis depēdet, pediculo inhaeret firmo duro & fibroso. Continet hic fructus pulpam candicantem qua Aethiopes in febrium ardoribus vtuntur sitis sedandæ gratia, iucunda etenim aciditate prædita est. Hæc siccata friabilis est, sic ut digitis trita in pollinem resoluitur, remanēte tamen perpetuo aciditate. Per hanc sparsa sunt semina renibus, aut Anagyridis legitimæ fructui similima, nigro tamē colore nitentia, ac ex vmbilico fibris quibusdam suspensa ut in eius icone conspiciere est. Hæc terræ commissa, plantulas folio Laurinis simili protulerunt, sed quæ subsequente hyeme perierint.


H v i c etiam similitum folijs tamē ab hoc diuersis describit Theuetus cap. 10. lib. Singularium Americæ his verbis. Tres sunt Hesperidū insule ad Aethiopū promontoriū, Caput viride vulgo appellant. In harum vna arbor inuenitur, folio nostratis fici, fructu duorum fere pedum longitudine, crasso, magnis oblongisque Cyprijs cucurbitis haud absimili. Nonnulli eo fructu vescuntur ut nos Melonibus: continet verò semina fabæ magnitudine leporinis renibus similia. His quidam simias alunt. Alij monilia ex his collo aptanda faciunt: siccata enim & bene matura, aspectu pulcherrima sunt.

S e d & alium fructum apud Canibales Theuetus & alij tradunt, cuius historia non malè nostro fructui quadrare videtur, præsertim si interiora, quæ à nemine describuntur, demas: idcirco num semina contineat phasiolacea incertum. Talis autem est descriptio. Inter reliquas arbores quas apud Canibales inuenire est, fructus quidā conspicitur, Cucurbitæ minori, aut Peponi quem Citrullum vocant haud absimilis, oblonga siue ouali forma, quali scilicet Struthionum oua sunt. In cibos haudquaquam admittitur: sed eius aspectus oculis gratissimus, præsertim onusta arbore. Canibales ex eo vascula faciunt: sed tamen & eum ad superstitionis quoddā genus seruant. Si-
quidem



quidem hunc pulpa exempta, granis milij, lapillisque, aut
 re simili implent, varijsque plumarum generibus supernè
 exornant: deinde inferiori parte pertusum bacillo adaptant
 quem terræ infigunt. Huiusmodi fructus binos aut ternos
 in singulis tugurijs seruare magna cum reuerentia apud
 eos moris est. Existimant enim, cum hunc fructum (quem
Maraka, & *Tamaraka* nuncupant) manibus pertractant, cre-
 pitantemque ob milij grana iniecta audiunt, cum suo se
 Toupan, id est, Deo sermones conferre, atque ab eo quæ-
 dam responsa accipere, sic à suis *Paygi* (Diuinorum ge-
 nus est, qui suffitu herbarum Petun, de qua nos aliàs, & qui-
 busdam obmurmurationibus illorum *Tamaraka* diui-
 nam facultatem tribuere perhibent) persuasi.

OVIEDVS lib. Indicarum historie 8. cap. 4. suum *Higuero* ar-
 bor est prægrandis, veluti *Morus nigra*: Fructum fert *Cu-*
curbite rotundæ, interdum verò oblongæ similem. Sed
 qui rotundus est, summa rotunditate spectatur. Ex eo pa-
 teras, et alterius generis vasa conficiunt. Materie est robu-
 sta, atque apta sedibus, subsellijs, ephippijs, alijsque ope-
 ribus fabricandis: mali etenim medicæ aut punicæ mate-
 riam esse dices. Cortice facile delibratur. Folio est oblō-
 go, angusto, per extremum latiore, à quo ad pediculum
 vique paulatim angustius fit. Indi nonnunquam præ a-
 liorum fructuum penuria hoc vescuntur, hoc est eius car-
 ne, quæ cucurbite carni cum adhuc viret similis est. Cor-
 tici color & forma *Cucurbite*. Maximus eius fructus li-
 bram aquæ continere potest: minimus verò pugnum ma-
 gnitudine non excedit. Vulgaris est hæc arbor in Hispa-
 niola, reliquisque insulis, & huius Indiarum continente.

GVANABANVS SCALIGERI FORTE.




CETERVM hunc fructum, quocunque tandem nomine appelletur, quodd rarus esset & peregrinus, non negligendum, sed huic nostræ Epitomæ adijciendum putavi in gratiam studiosorum rei herbariæ, qui eum Coldebergo, à quo mihi communicatus est, acceptum ferent.



Porro apud me seruo ex huius fructus aut huic si-
milis seminibus, quibus exempta est medulla, lora duo fi-
lo xylineo contexta: alia item bina è fructu quodam angu-
loso. Constant verò singula lora duplici aut triplici filorū
xylinorum ordine reticuli modo contextorum, è quibus
P 3 depen-

dependēt vacui fructus eo quem exprimi iussimus modo,
His Canibales ad crura alligatis in suis saltationibus uti
solent, quemadmodum apud Mauritanos atque etiā Hi-
spanos nolarum et tintinnabulorum vsus est: mirū etenim
quantum hi fructus ex mutua collisione sonitum edant.
Posterioris meminit Theuetus cap. 36. Singular. Ameri-
cæ in hunc modum.

AHOVAY THEVETI.



ANOVAY nomen est arboris fructu venenoso & lethali, magnitudine vulgaris castanæ, candido, forma literam Græcam Δ. representante. Huius nucleus præsentissimum est venenum, quod alter alteri in mutuis odijs & dissidijs, præsertim vero viri vxoribus infensi, aut contra vxores viris indignatæ propinare solent. Peregrinis sanè nullo modo eum fructum recens collectum communicant, atque ab eius etiam contactu liberos suos arcent, nisi cui exemptus sit nucleus. Eo etenim exempto, fructu pro nolis vtuntur, quas è cruribus suspendunt, tantumq; sonitum edunt, quàm tintinnabula aut nolæ nostrates. Arbor ipsa Piri magnitudine, folio ternos aut quaternos digitos longo, duos lato, semper virente: cortex ligno candidans. Recili rami succum emittunt lacteum. Arbor præcisa teterrimum spirat odorem: quam ob causam nullius est vsus, imo ne igni quidem struendo idonea.

De Mangostans CAP. XII.

SED & inter celeberrimos huius Indię fructus Mangostans. recensent quendam Mangostans incolis nuncupatū, gustus suauitate commendabilem. Eum exigui mali Mangostans aurei magnitudine esse ferūt cortice cinereo (alij è viridi nigricante) pulpa quæ malorum aurcorum pulpæ descriptio. similis sit, sed quæ cortici non adhareat.

NASCITVR hic fructus in pusilla arbore, Malo vulgari simili. Folijs est laurinis; floribus luteis. Hūc fructum dulcissimum esse perhibent, non tamen adeo, vt sua dulcedine nauseam moueat.

De Iambos CAP. XIII.

MAGNA apud Indos in æstimatione est is fructus cuius nunc mentionem facturi sumus, primum è Malaca (vbi plurimus nascitur) paucos ante annos huc tralatus.

P 4

EST

Iambos hi-
beria.

EST autem is fructus oui anserini magnitudine, aut paulò maior, colore ex candido purpurascens, pulcherrimo, odore rosaceo. Vel, ut verius dicam, similis est hic fructus magnis Gallis * recentibus (quas poma de Cuquo nuncupamus) cum in odore, tum in colore: gustu suauissimo, sed humido. Vocatur in Malaca & hac regione Iambos.

Iambos.

Iambos post
4. annum
fructifera.

ARBVSCVLA ipsa in Pruni magnitudinem assurgit, folia ferens magnam similitudinem habentia cum cuspidate ferrea maioris alicuius lanceae, viridia, aspectu pulcherrima: flos ruber odoratissimus, gustu acido. Firmis nititur radicibus hac arbor, quoniam admodum fructifera est. Post quartum enim annum fructifera est, nec semel duntaxat fert in anno ut pleraque omnes ferè arbores, sed pluries singulis annis novos edit fructus.

CONDIVNTVR tum fructus, tum flores, atque ita asseruantur.

* Nisi noster Auctor Gallasillas maiores, quæ in Robore passim per Hispaniam & Lusitaniam nascuntur, intelligat per Bugualhas grandes, quid sibi velit, ignorare me fateor. Ceterum eas exigua pila palmaria maiores nunquam vidi, colore pulcherrimo rubicantes dum recentes sunt, & odoratas.

De Cydonijs Bengalensibus

CAP. XIII.

Marmelos
de Bengala.

APPELEAVIMVS hunc fructum Lusitanica lingua Marmelos de Bēgala, id est, Mala cydonia è Bengala, quoniam saccharo condita primū ad me perlati sunt è Bengala, cum hac inscriptione, vtilia sunt aduer-

aduersus alui profluvia. Intellexi autem ab amico, qui frequenter in proximas sylvas venationis causa excurrit, hunc fructum non modò in Bengala nasci, sed eius multas arbores in continenti huius prouinciæ inueniri.

CETERVM legitimum huius fructus nomen tum in Bengala, tum in reliquis ubi prouenit regionibus, est Sirifoles, & Beli: Sirifoles quidem nomine ^{Sirifoleo, Beli.} vulgo cognitus est, Beli verò nomine medicus duntaxat, qui in suis scriptis hoc vocabulum sese inuenire aiunt.

EST verò ipsa arbor Oleæ magnitudine, aut ^{Beli histo-} amplior, folijs Persicæ mali, eiusdemq; odoris, floribus ^{ria.} paucis & statim deciduis: fructu per initia tenero, colore ex viridi nigricante, cortice tenui, magnitudine exigui mali aurei: sensim verò maturescēs fructus auctior fit, donec, iam plenā maturitatem consequutus, in Cydonij mali magnitudinem euadat; cortex autem densatur, exsiccatur, & indurescit veluti putamē nucis Indicæ quam Coccum vocant.

FRUCTV maturo pulpa siue medulla eximitur, quam in laminas sectam saccharo condiunt. Aut tener adhuc & immaturus muria asseruatur in vsum.

SOLENT Guzaratenses medici vti hoc fructu ^{Beli facultaten.} tenero adhuc & immaturo, aceto vel saccharo condito, in inueteratis alui profluijs sistendis: adstrictionē enim illam semper conseruant tametsi matura cydonia.

RETULIT mihi Clarissimus vir Dimas Bosque ^{Dimas Bosque Medicus.} Valentinus medicus rei herbariæ peritus, & nunc hīc

P 5 medi-

medicinam faciens, se, cum castra Illustrissimi Principis Domini Constantini in India pro Rege sequeretur in Iafanapatan, magno & admirabili successu vsum esse in profliganda dysenteria quæ vniuersum eius exercitum affligebat, cum ad manum non essent vsitata remedia. Etenim nunc ex huius fructus succo & saccharo miuam parabat quam agris daret: nunc pulpam eius emplastri modo ventriculo & aluo applicabat; modo pulpam saccharo exceptam vt in cydonijs solet, agris exhibebat: interdum fructum assum insperso saccharo: nonnunquam cortices exempta pulpa decoquebat, atq; id decoctum per clysteres inijciebat, similem verò effectum præbebant, qualem balaustiorum aliorumq; adstringentium medicamentorum, quibus vti solemus, decocta præstare solent.

AT silentio prætereundum non est quod eadē castra sequenti contigisse refert. Dederat seruo Aethiopi bina huiusmodi mala assanda, vt ea cuidam militi dysenteria laboranti edenda præberet: verum, dum assantur, ea crepuerunt, ipsaq; pulpa Aethiopis faciem, pectus et brachia sic adussit, vt puluere tormētario vstulatus videretur: quod contigisse puto ob pulpæ lētorem & visciditatem simul & adstrictionē, quæ semel accensa vehementius vrit, quàm sicca aliqua materia, quemadmodum ferrum incensum magis quàm lignū aut stupam vrere videmus.

De Carambolas CAP. XV.

FRUCTVS est in Goa magnitudine minoris oui gallinacei, in quatuor, vt videtur, partes distinctus, flauescens,

uescens, qui in Malauar Carambolas vocatur, in Carambolay.
Camariz, Ba
limba.
Canara & Decan Camariz, in Malayo Baliimba.

NVLVS eius in medicina vsus, praterquam Carambolas
facultates.
quod in febris quotidianis exhibetur; & ex eius suc
co, cum alijs idoneus, fiunt collyria ad oculorum lippitu
dines vtilia.

PLERISQVE bene sapit hic fructus, praefer
tim qui vinosus est. Saccharo conditur, gratissimusq;
est palato. Eo verò vtor syrupi acetosi loco.

De Ber CAP. XVI.

VOCATVR hic fructus in Canara Bor, in De- Bor, Ber,
Vidasas.
can Ber, in Malayo Vidasas, praestantior quidem no
strate, sed ei qui in Balaguare nascitur bonitate ce
dens.

ALIVS alio suavior est, sed tamen aliquid ad
strictoriae facultatis retinet, quoniam nunquā ita ma
turefcit, vt commodè exsiccare possit, quemadmodum
is qui in Anasegua prouenit. Hanc ob causam, expe
ctorantem facultatem obtinere nō potest vt ZiZipha,
è quibus syrupum conficimus. Sed cum alijs esui aptis
malis careamus vt sunt camuesæ Hispanis dictæ, com
mendantur hi apud nos.

DIFFERT arbor à ZiZiphis, magnitudine Ma
li, eiusdemq; folijs, minus tamen rotundis: verum nō
nihil spinosa est.

De Ambare CAP. XVII.

FRVCTVS est hic in India, Ambare vocant, Ambare.
nucis magnitudine, nullius in medicina vsus. Sed eo so
lent

lent cibos condire, vt palato gratiores reddantur: maturus enim, odoratus est, gratamq, aciditatem retinet. Cartilagineo quodam integitur cortice, virescente dum immaturus est, at in maturo fuluus est color.

Amba.
Magna.

* Lud. Roman. lib. nauigat. 5. cap. 15. hunc fructu Amba nominat. Est item, inquit, alius fructus Amba nomine. Eius caudex Magna dicitur, similima est arbori, frequentesque, vt Piro fructus. Is iuglandem nucem e nostris effingit, cum iam sunt absoluti. Quum maturescit, fului, eiusdemque splendentis coloris est. Intra corticem occultatur fructus, vt a: ygdae aridae. Damasceno, gustu suauior est fructus: conduntur in cadis vt apud nos oliuae, sed sunt longè meliores.

De Iambolones CAP. XVIII.

NASCITVR sponte frutex quida in agris Myrti effigie, sed folijs Arbuti. Fert is fructum maioribus oliuis persimilem, sed gustu admodum adstringentem, incola Iambolones vocant. Muria conditur oliuari modo.

CETERVM neque hic fructus, neq, Iaca admodum salubres ab huius regionis incolis aestimantur.

De Brindones CAP. XIX.

Brindones.

IN hac regione est fructus quidam Brindones vocatus. Is foris aliquantulum rubicat, intus verò sanguinis modo rubet: gustu admodum acido.

INVENITVR interdum foris nigricans (qui color maturitate conciliatur) nec adeo acidus vti superior, qui tamen non minus quàm ille intus rubeat.

MULTORVM palato sapidus est hic fructus, meo verò minimè, ob nimiam aciditatem. Eo tincto-

res

vesuntur. Cortex verò asseruatur atque mari aliò
transuehitur aceti conficiendi gratia: quod à Lusita- ^{Acetum è}
nis quibusdam etiam in Lusitania factum est. ^{Brindones.}

De Indico Melone CAP. XX.

EST apud Indos Melonis genus prae grande & ro- ^{Melo indi-}
undum, oblongius tamen aliquantulū, formaq; quo- ^{cus.}
dammodo ouali, quod Lusitanis Indiam incolentibus
Pateca (corrupto ab Indorum Batic vocabulo) dici- ^{Pateca, Ba-}
tur. Hunc Melonem per longitudinem non aperiunt, ^{tic.}
ut melopepones nostrates comesturi aperimus: sed per
transuersum secant. Et licet dulcedine à nostris supe-
retur hic Melo: attamen suavis est, refrigeratq; mirū
in modum & humectat, tota carne sese in quendam
liquorem resolvente.

UTILIS est in biliosis febribus, & ardentibus, ^{Melonis In-}
aduersus iecoris & renum ardores, ut experientia di- ^{dici faculta-}
dicimus. Urinas ciet: solentq; sani eum fructum edere, ^{tes.}
quatuor horis à ientaculo, quoniam tum maximè sit
infestus calor. Melius tamen mihi facere videntur, si
ab eis suas mensas auspicarentur.

HUIUS semina (quae ante maturitatem candi-
da sunt, per maturitatem verò nigra) somnum prouo-
cant, eaq; reliquis seminibus frigidis, tametsi eis non
careamus, praestantiora aestimamus.

REFERVNT Arabes & Persae primum ex In-
dia hunc fructum ad se delatum, eamq; ob causam Ba ^{Batic indi.}
tieg indi appellant, id est Melonem indicum; quo no-
mine etiam Auicennae appellatur multis locis. Batic
enim eorum lingua Melonem sonat. In India verò ab
ipsis

Calangari. *ipsis incolis Calangari dicitur.*

MEMINIT huius Auicenna libr. 4. fen. 7. cap. 39. cap. de Tertianā pura, ac eum multis laudibus commendat.

Budiecas. **PVTARVNT** nonnulli id Melonis genus quod in Hispanie Castella nascitur, quodq; Budiecas vocant, esse hunc Melonem indicum, & deprauato a Battiecc nomine Budiecas appellatum. Sed plurimū falluntur. Nam plurimum ab hoc differt tum folijs, tum tota planta, quæ Melonum indicorum modo per solum non extenditur & serpit, sed sese in alium attollit.

AIVNT etiam in Africa Indicis similem nasci: sed cum non viderim, affirmare non ausim.

IGNORABANT eruditi huius regionis medici, istius Melonis in medicina vsum (non solent enim ad huiusmodi minutias sese abycere, & in suis curationibus experientia & consuetudine duntaxat nituntur) sed à me edocti, eis uti cœperunt.

Comolange. * Cum hoc fructu similitudinem quandam habere videtur, quam Lud. Roman. lib. 5. nauigat. cap. 15. describit in hunc modum. Habent in Calecut fructus quosdā Cucurbitis similes, sed conditura aptiores. Res est non indigna memoratu, huic nomen est Comolange. Oritur inculta tellure Peponum modo.

De Mungo CAP. XXI.

Mungo. **EST** verò Mungo semen viride, quod per maturitatem fit nigrum, Coriandri sicci magnitudine. Pabulum est equorum; interdum tamen etiam ab hominibus editur. Guzarate & Decan incolæ in febribus hoc modo vtuntur.

FEBRI-

FEBRICITANS cibo abstinet per decem, ^{Mungo}
 nonnunquam per quindecim dies: post quos illis huius ^{usus.}
 fructus decoctum propinatur, in quo nonnihil pulpæ
 remanserit: deinde cortice delibratum Mungo &
 instar Oriſæ coctum febricitanti exhibent, Panẽ ve-
 rò triticeum non nisi post multos dies præbent. Non
 enim carent frumento hæc prouincia, tamen si non ster-
 corentur & colantur agri quemadmodum apud nos:
 sed superficialiter duntaxat aratũ solum, propria pin-
 guedine & vbertate etiam interdum sine pluuiâ, fru-
 mentum sibi mense Nouembri commissum, medio Ia-
 nuario colligendum & maturum exhibet.

N A S C I etiam ferunt in Palæstina hoc Mungo.
 Eius meminit Auicenna, libr. 2. cap. 488. vocatque
 Messe *, Bellunensis eius interpretes Mens (Mex
 autem debere dici ab eruditis medicis Arabibus edo-
 ctus sum) item alio loco lib. 1. Fen. 3. cap. 7. vbi prohi-
 bet auiculas cum mex edi, quoniam cum facilius sint
 concoctionis quàm mex, periculum sit ne crudum ad-
 buc mex tum earum chylo ad hepar rapiatur.

* Meisee ha-
 bent nostra
 exemplaria.
 Mex.

De Curcas CAP. XXII.

N A S C I T U R in Malauar fructus quidam ma-
 gnitudine Auellanae cū suo putamine, non tamen adeo
 rotundus est, candidus, gustu quali sunt tubera cocta:
 hunc Chiuiquilenga vocant, id est, exiguum Inha-
 me *: in Cairo, vbi frequens est, Curcas (sic etiam
 in quibusdam Malauar locis) in Cambaya Carpata.
 Dependet ex ramis cuiusdam plantæ, quæ seritur: nul-
 lius, quod sciam, in medicina usus.

Curcas de-
 scriptio.

Chiuiqui-
 lenga.
 Curcas.
 Carpata.

Q V A N -

Habelculcul. QVANTVM coniectura consequi possum, videtur Serapio lib. simp. cap. 225. huius meminisse, vocasseq. Habelculcul * corrupto vocabulo, cū Habalculcul dixisse deberet, quod Curcas significat (nisi nos ipsi fortè Curcas corruptè vocemus) Hab enim magnū semen sonat, al articulus est genitiui quē admodum aliquando diximus. Scribit autem Serapio eius frequentem vsum seminis quidem copiam facere, sed colericam quam vocant passionem excitare: quæ omnia Malauares huic fructui tribuunt.

Kilkil. EIVS meminit Rhases, de re med. lib. 3. cap. 20. vocatq. Kilkil, sed forsitan corruptè.

**Cholera
morbus.**

Hachaiza.

SED quoniam in Colericæ passionis (quam veteres medici Choleram dixerunt) mentionem incidimus: Vocatur hic affectus Morxi Indis, id est, affectus ob nimiam cibi ingurgitationem causatus, (nos corruptè Mordexi) Arabibus Hachaiza, tamen si corruptè legatur in RhaZe Saïda. Multò autē acutior apud Indos est hic morbus, quàm apud nos, presentibusq. eget remedijs. Nam plerunque intra vigintiquatuor horarum, interdum verò decem horarum spaciū hominem necat: sed nōnunquam etiam intra quatuor dies solummodo.

SOLET autem eos magna ex parte inuadere qui voraces sunt, & lasciuiā nimium dediti, præsertim verò mensibus Iunio & Iulio.

Inhame.

* Inhame Lusitanis vocatur planta quædā amplissimis folijs iuxta aquas & in ipsi aquis nascens. Verū non sponte prouenit, sed feri debet. Eam tamen si nonnulli Arū Aegyptium esse censeant, Colocaliam potius nobis videri Deo annuente aliquando demonstrabimus. Ab hoc Inhame non idest quod alio nomine Tura vocatur, ex qua Ameri-

Americi farinam conficiunt.

* Videretur Serapio eo loco (quod tamen pace nostri Autoris dictum volo) non Curcas intelligere, sed suum potius Secacul.

De Caceras CAP. XXIII.

INVENTUR hic radix Trasium modo in ipsa terra visceribus nascens, quae deinde per siccitates cauliculum emittit dodrantalem, folia simul implicata, virentia Iridi lutea aquatica siue Gladiolo similia. Dehiscente per siccitates terra exilit tuberum modo, deinde siccata castanearum saporem refert: non siccata autem, ingrati saporis est. Caceras hic vocant.

Caceras descriptio.

De Datura CAP. XXIII.

PLANTA quam huius regionis incolae Datura appellant, caule est crasso, folijs amplis, Acanthi similibus, minoribus tamen, per extrema & in ambitu aculeatis, multos secundum longitudinem nervos habentibus, insipidis fere, nisi quod admodum sint humida, & gustu nonnihil amara, odoremque foliorum Raphani aliquantulum emulentur. Flos in extremis ramis provenit colore Rorismarini, magna ex parte rotundus. Nascitur in Malabar.

Datura descriptio.

INIICITUR à furibus hic flos, aut eius semē in cibos eorum quos depradari volunt: mente enim quodammodo alienantur quotquot id medicamentum sumunt, & in risum solvantur, magna cum libertate finentes quod lubitum est depradari. Durat verò hac mentis alienatio viginti quatuor horarum spacio.

Datura mentem offendit.

PRIMA cura esto vomitum clementia exhibere, ut quidquid in stomacho remansit, una cum cibo ejiciatur: deinde euacuare & diuertere oportet validis clysteri-

Curatio.

Q

steri-

steribus, & forti crurum paulò supra pedem confri-
ctione, fortibusq; ligaturis: interdum etiã venam seca-
re in maiore pedis articulo.

HORVM remediorum vsu, nemo ex meis vnquã
periclitatus est: sed omnes Dei beneficio intra viginti
quatuor horarum spacium curauit.

PROPINATVR à plerisque hoc medicamen-
tum ridendi & relaxandi animi gratia, cum vident
eos qui id sumpserunt velut amentes & ebrios ferri.
Attamen non placet hic ludus, & ne in seruis quidem
experiri velim.

De Banguè CAP. XXV.

Banguè.
Ofium.

QVIA nonnulli in ea opinione fuerunt, vt pu-
tarent Banguè Indus dictum ab Opio, quod illis corru-
ptè Ofium vocari dixi, non differre, non abs re fore
duxi, pauca de Banguè differere.

Banguè de-
scriptio.

EST igitur Banguè planta Cannabi haud absi-
milis, nisi quod huius semen Cannabino minus est, nec
ita candidas vt illud: deinde huius stolones lignosi nul-
lo fere cortice vestiuntur contra quã in Cannabi. Po-
stremo Indi huius semen & folia edunt vt fiant in ve-
nerem procliuiiores, cum Auctores contrarias faculta-
tes Cannabino semini tribuant, videlicet, quod genita-
le semen exsiccet.

Banguè suc-
cus.

COGITVR autem hic succus è folijs contusis,
interdum ex semine, cui nonnulli admiscunt faufel vi-
rentem (nam inebriant & quodammodo sensus cere-
bri ledunt) aut nucem moschatam, & macim, inter-
dum garyophyllos, interdum caphuram de Burneo co-
gnominatam, aliq; ambarum & moschum, plerique o-
pium,

pium, ut potentiores Mauritani. Nullam verò ex eo aliam utilitatem capiunt, nisi quod in extasim quodammodo rapiantur, atque omni sollicitudine liberentur, tennue quiddam ridentes.

CETERVM eius usus primum excogitatus esse dicitur ut Imperatores exercituum & militares homines qui perpetuis vigilijs torquerentur, hoc Bague, aut vino, aut opio epoto, veluti ebrj ferrentur, & omni velut sollicitudine & labore soluti, altius dormirent.

SOLEBAT enim dicere magnus Sultanus Ba-
dur Martino Alfonso de Sousa regio consiliario, quem plurimum diligebat, & cui secretiora consilia credebat, quod cum in somnis adire vellet Lusitaniam, Brasiliam, Asiam minorem, Arabiam, & Persiam: pauxillum Banguae duntaxat sumebat, quod saccharo conditum, & supra recitatis simplicibus permistum, Ma-
ju vocant. Sultanus Ba-
dur.

De Anil CAP. XXVI.

ANIL Arabibus, Turcis omnibusque ijs nationibus dictum, vocatur in Guzerate, ubi fit, Gali, nunc verò à plerisque Nil. Anil.
Gali.
Nil.

HERBA est quae seritur singulis annis, Ocymo * similis: eodem enim modo colligitur, & siccata maceratur. Hanc deinde probe contusam & in panes coactam, per aliquot dies siccandam exponunt, & siccata, viridi colore praedita videtur: quoque magis exsiccatur, eò magis ad caeruleum colorem tendit, donec tandem in caeruleum exsaturatum siue venetum colorem euadat.

Anil dele-
ctus.

Id Anil probatur quod maximè purum est, quòd-
que vstum arena modo non remanet, sed in tenuissi-
mam farinam diffunditur. Alij id præferunt quod in
aquam coniectum fluitat. Leue igitur esse debet, &
bene coloratum.

Mangiriqua.

* Mangiriquam habet Auctor quod vocabulum, quot-
quot Lulitanos consului, Basilicum seu Ocymum inter-
pretati sunt. At mihi eorū interpretatio haudquaquā pla-
cet. Siquidem non solemus ex Ocymo pastillos conficere,
sed potius ex Isatide, quæ cum huius plantæ descriptione
multò elegantius quadrat.

De Anonymo

CAP. XXVII.

Planta pere-
grina.

NASCITVR in Malauar planta mira natura,
nam si quis manum admoueat, illico contrahitur. Fo-
lia Polypodij, flores verò luteos habet. Nullus veterum
huius, quod sciam, mentionem fecit. Eam verò intelli-
gere videtur qui Americam descripsit, quoniam in Pe-
ru prouincia plantam nasci asserit, cuius folia solo con-
tactu siccantur.

Planta in Pe-
ru nascens.

De quibusdam Indiæ regibus.

CAP. XXVIII.

CETERVM, quoniam plerunque NiZamoxa
& quorundam Indiæ Regum in his nostris commen-
tarijs mentionem fecimus: non alienum à nostro insti-
tuto fore iudicavi, si quid de his alijsq; nōnullis Orien-
tis Regibus commemorarem.

ELAPSI sunt igitur circiter trecenti anni, quod
potens quidam Rex in regno Dely, magnam illius In-
diæ, quæ intra Gangem est, partem occupauit, & re-
gnum Balaguare siue Balagate quibusdam Regulis
Gentilibus ademit.

E o-

EODEM tempore tyrannidem in Cambaya occuparunt quidam Mauritanii, expulsis legitimis dominis Gentilibus quos Reisbutos vocant,

Reisbutoz.

A REGVLIS Balaguete originem ducere creduntur, quos nunc Venezaras appellant, tum alij Venezaras. hanc regionem incolentes Colles nuncupati. Sed tū Colles. hi, tum quos Reisbutos vocant, praeda & latrocinij vitam in hunc vsque diem sustentant. Illis totum Regnum Decan. His, Reisbutis scilicet, Cambaya regnū tributum pendent, vt ab eorum incursionibus se redimant. Nec hactenus à vicinis Regibus domari potuerunt: nam strenui sunt & militares viri. Sed etiam ipsi Reges pecuniarum auidi, illos impune grassari sinunt, modo praeda partem auferant.

EST verò hoc regnum Dely procul in continenti Regnū Dely. situm Septentrionem versus, & Corasone vsq; extenditur. Frigida admodum est regio, niuibz & gelu per hyemem non minus diuexata, quàm nostra Europa.

HOC regnum occuparunt, elapsi sunt triginta Mogores. Tartari. amplius anni, Mogores quos Tartaros nuncupamus. Sed aliquanto post tempore Tartaris ademptum est idem Regnū ab vno Equite, qui insensus Regi Bengala quoddam eius fratrem occidisset, seditionem aduersus Regem mouit, eoq; trucidato regnū Dely, aliq; multa regna occupauit, ita vt omnium sui temporis potētissimus Rex fuerit existimatus. Nam à viris fide dignis accepi eius ditionem octingentas leucas ambitu occupasse.

ERAT hic Eques initio dominus montium quorundam vicinorum regno Bēgala, vocatusq; fuit Xaholam,

Xaholam.

holam, id est, Rex mundi.

Tamirhan.

Tamberlanes.

Tamir-languae.

DE huius gestis maior historia conscribi posset; quàm de magno Tamirhan, quem nos corrupto nomine Tamberlanem vocamus, nonnulli Tamir-languae, idq; melius, quod Tamir proprium eius nomen fuerit, & languae * claudum significet, quemadmodum ipse erat.

Xaholam.

CETERVM cum hic Rex Xaholam occupasset Decam & Cuncam, nec posset tantum imperium continere, redijt ad sua: & his postremo occupatis regnis suum Consobrinum praefecit.

DELECTATVS est semper eius Consobrinus peregrinis nationibus vt sunt Turci, qui propriè sunt Asiae minoris incolae quam nunc Natoliam appellant: Rumes, qui Thraces sunt; Corasones, quos nonnulli Arios putant, & Arabes.

Adelham.

Idalcam.

DIVISIT autem regnum in prouincias, quibus praefectos dedit. Maritimam eam regionem quae ab Angediuâ vsque ad Cisarâ per sexaginta leucas extenditur, deinde interiori regione cum alijs terminatur Prouincijs, gubernandam dedit Adelham, quæ nos Idalcam appellamus. Ei prouinciae quae à Cisarâ vsque ad Negatona extenditur per viginti leucas, interiori verò regione alijs prouincijs, & Cambaya iungitur, praefecit Nizamaluco.

Nizamaluco.

Guatemo.

HI solum duo praefecturam obtinuerunt in Cuncam, qui tractus est maritimus vsque ad montem Guatemo appellatum. Latè patet hic mons, & multis locis praecaltus est, illud autem mirum, eius fastigium in pulcherrimam planiciem desinere. Et quoniam lingua Persi-

Perfida Bala fastigium significat, Guate verò mon- Bala, fasti-
tem, vasta illa vltra eum montem prouincia, nomen gium.
Balaguete inuenit; quasi dicas supramontanam vel
ultramontanam.

BALAGVATE igitur prouincia praefecti sunt
Imademaluco, quem nos Madremaluco appella- Idemaluco,
Madrema-
luco, Coral-
maluco, Ve-
rido.
mus; & Cotalmaluco, & Verido.

ERANT verò omnes isti Praefecti, peregrini na- Rex Da-
quem.
tione, prater Nizamaluco quem ex Decan oriundū
pradicāt, & filium esse vnius Tocha Regis Daquem
cum cuius vxore stupri consuetudinem habuerit Rex
Daquem. Hinc fit vt Nizamaluco ex regia stirpe
se progenitum predicet: reliquos verò Praefectos Regis
esse seruos & regia pecunia emptos.

SUCCESSV verò tēporis factum est, vt hos om-
nes Praefectos taderet obsequij regij. Cōiuratione ita-
que inter se facta, prouincias quibus praefecti erant sin-
guli sibi occuparunt, & captum Regem Daquem, in
Beder primaria regni Decan vrbe, Verido vni ex
Praefectis custodiendum dederunt.

HVIVS coniurationis etiam participes fuerunt
Gentiles quidam, veluti Mohadum coja, & Veri- Mohadum
coja.
Veriche.
che, quibus cesserunt regiones ampla cum aliquot o-
pulentis vrbibus: videlicet Mohadum, vrbs Visapor,
quae nunc est regia Idalcam, & Solapor & Param-
da, quas postea illi ademit Nizamaluco. Veriche
suam prouinciam retinuit.

PROAVVS eius Adelham qui nunc viuit, v- Adelham.
nus è coniuratoribus fuit, natione Turcus: mortuus est
anno quingētesimo trigesimo quinto supra millesimū.

Valde potens is semper fuit: at ei bis ademurunt Lusitani ciuitatem Goa qua ducentis leucis ab ostijs fluminis Indi, quem incola Diul vocant, abest.

Nizamalu-
co.

A V V S eius Nizamaluco qui nunc rerum potitur, pater illius mei amici quem aliquoties curavi, à quo plus duodecies mille pardaons accepi, & si aliquot mensibus singulis annus apud eum herere vellem, in stipendium annuum offerebat quadraginta millia, quod accipere nolui: obiit anno nono supra millesimum & quingentesimum. Hic erat, vt supra dixi, ex Decam.

Imadmaluco.

I M A D M A L V C O, vel Madremaluco, natione Circassius fuit, initio Christianus: mortuus is est anno millesimo quingentesimo quadragesimo sexto.

Cotalmaluco.

C O T A L M A L V C O, natione Corasone: mortuus est anno quadragesimo octauo supra millesimum & quingentesimum.

Verido.

V E R I D O, natione Hungarus & initio Christianus, anno millesimo quingentesimo & decimo mortuus est.

C E T E R V M ante quàm ad horum nominum interpretationem accedamus, quadam præmittere lubet huic nostro proposito deseruientia.

Rao.
Naique.

R A O lingua indigena Regem significat: Nài-que verò Tribunum militum, aut Capitaneum vulgo vocatum. Admittentibus ergo his Regibus aliquem Gentilem indigenam in suum famulicium & ministerium, si exiguo honore illum censent, proprio eius nomini vocabulum Naique adnectere solent, vt Saluanaique, Acem naique: Si verò multo honore dignum censent, Rao vocabulum adiiciunt, vt Chitarao.

rao . Sed Rao simpliciter & sine additione prolatum Regem Bisnager per excellentiam significat, qui olim ^{Rex Bisna-} certe ab Adelham multum diuexatus est : nunc re- ^{ger-} rò, reliquis totius Decam regulis potentior est, & ab eis fidelitatem accipit.

SED ut ad rem redeamus. Adel lingua Persica Iustitium significat : Ham verò apud Tartaros Regem sonat : & quoniam eos quibus fauent Ham vocant : hinc factum est ut Adelham, quasi Rex iustus dictus Adel-Ham. sit, cum ipse & eius similes iustitiam haudquaquam coluerint. Hunc Hispani Sabayo appellant, quoniam ^{Sabayo-} ut intelligo Arabica & Persica lingua Saibo ^{Saibo-} Domi- num sonat, quo nomine per excellentiam vocatur.

MALVCO regnum sonat, & Neza laceam ^{lin} Maluco. ^{Neza-} gua Persica: hinc dictus est Nizamaluco quasi lancea regni.

SIC Cota idem est Arabibus quod arx Latinis: Cota. hinc Cotalmaluco, id est, arx regni.

IMAD eadem lingua Solium sonat: hinc Imad-Imad. maluco, id est, Solium regni.

VERIDO conseruationem significat: hinc Me- ^{Verido-} lique verido, quasi dicas Regem conseruationis. Si- quidem à nonnullis vocati sunt hi Praefecti, non Maluci, sed Meliques, quasi dicas Regulos. Sed nec Ma ^{Meliqua-} luco propriè regnum significat, sed regionem aut prouinciam.

PORRO quoniam Nizamaluco interdum à me Nizamoxa appellatur, huius vocabuli significati- ^{Nizamoxa-} onem pratermittendam esse non duco.

XA ISMAEL pater eius Xatamas qui nunc ^{Xa Ismael.} ^{Xatamas.}

Q S

rerum

rerum in Persia potitur ex humili genere euectus est in summum Imperatorem: & controuersiam cū Turcorum Imperatore habuit super sua religione. Is omnibus vicinis regionibus quæ eius religionem excipere non vellent, cruentum intulit bellum. Huic succedens filius Xatamas, idem mandatum dedit Regulis regionis Decam: & eos titulo xa quod regem Persica lingua sonat, decorauit. Hinc factum est, ut nunc Adelta, Nizamoxa, Cotumixa appellentur, nomēq; regium saltem retineant: tamen si monetam cudendi facultatem non habeant, nisi aream. Huius religionem amplexus est Nizamoxa: at reliqui Reguli post Legati eius abutuntur, eam reiecerunt.

Xa.

Adelta.
Cotumixa.

Sofy.

Sufy.

Xequæ.

H V N C xailmael appellantur etiam Turci Sofy: quoniam sui exercitus Imperatorem virum strenuum habuit nomine Sufi.

S V N T qui Xequæ non xa dicendum putent: sed errant. Nam tamen si xequæ dignitatis sit nomen, quippe Xequæ senem significat (vnde dicuntur xequæ Arabes) tamen Xa Ismael dicendum est.

Temir
cutlu.

Acfac cutlu.

* Mathias à Michou lib. 1. de Sarmatia Asiana cap. 10. pauld aliter, ubi de Tartarorum Imperatoribus agit: Quartus, inquit, Imperator ex Bathi genitus fuit. Temir cutlu, & interpretatur ex Tartarico felix ferrum, temir felix, & cutlu ferrum: erat siquidem felix & bellicosus. Ille est Tamerlanes in historijs celebratus, qui totam Asiam vastauit, & vsque ad Aegyptum pertransiit, &c. Et pauld post. Fuit & alius princeps Tartarorum eo tempore Acfac cutlu, quod in Latino sonat claudus, vel claudum ferrum: quoniam claudus erat sed ferox. Is multa bella feliciter gessit, &c.

F I N I S.

INDEX
EORVM QVÆ HOC LIBRO
CONTINENTVR.

A Bexim regio.	39	aloë fossilis.	21
Acem-naique.	248	aloë Socotorina.	14
açete.	64	altith.	21
açibar.	14	alypum.	164
acorum.	144. & 147	Amba.	236
Acfac cutlu.	251	ambar.	9
adamantis generatio.	45	ambare.	235
adamantis scobes.	ibid.	ambari delectus.	12
adamas.	193. & seq.	ambarum.	9
adamas de rupe veteri.	194	ambili.	134
adcher.	ibid.	amfiam.	29
Adel.	249	amomum.	142
Adelham.	246. & 248	amusa.	220
Adelxa.	250	anacardium.	139
adhar.	152	ancusal.	39
adhecarum.	194	Andanager Decamempori-	
adher.	ibid.	um.	89
adrac.	178	anc.	64
aëc.	39	Angediua insula.	10
agallochi historia.	85	angeidan.	22
agallochum.	81	angelica.	27
agalugen.	84	anil.	243
ahouay.	230	anime.	45
alad.	174	anjuden.	22
alaf.	152	anon.	118
alaqueca.	203	anonymos.	244
Albohali.	13	anthrax.	199
aldirira.	145	antispoda.	62
aled.	174	antit.	22
algalia.	26	anuale.	132
aliaa.	178	arare.	132
aljofar.	205	arata.	145
almaz.	193	arboris tristis aqua.	209
almharut.	22	arbor tristis.	209
aloë.	14. & seq.	areaa.	14
alox.	14	areca.	120
		aretca.	

INDEX.

aretea.	132	beli.	233
aritiqui.	132	beli historia.	233
armenus lapis.	204	ben album & rubrum.	185
armufel.	103	Bengala virgines.	207
arnabo.	184	benjaoy.	32
arroba.	200	ben judæum.	27
asa.	22. & seq.	Benjui amygdaloides.	34
assabel diriri.	145	benjui de boninas.	34
asuat.	131	benjuifera a rbor.	35
ati.	64	benjuinum.	27. 32. 10
auacari.	216	Benzacaria.	3
auacari historia.	216	ber.	235
auzuba.	214	berifera arbor.	42. 53
azel piscis.	10	beryllus.	195
azeure.	14	betre.	90. & seq.
azfar.	131	betre historia.	93
B Ache.	145	bezardica medicamenta.	
bade frangi.	166	188	
Bahoo.	137	bezar lapidis historia.	188
Bala.	246	bezar lapis.	188
Balador.	139	Bodoins.	39
Balaguate.	247	bola.	38
balafius.	200	bor.	235
Balymba.	235	Bramenes.	28
bananas.	220	brasilium lignum.	83
Baneanes.	28. 83	brasma.	110
Bangue.	242	brechmasin.	110
bangue historia.	242	brindones.	236. 237
Barbaria.	176	budiec.	238
barcaman.	160	bunapalla.	101
baro.	64	bybo.	139
batiec.	237	C Aceras.	241
batiec indi.	ibid.	Cachoraa.	182
bauafinga.	137	Cadegi indi.	93. & 94
bauafingua.	ibid.	cafur.	49
bazar.	190	cahzçara.	148
Bdellium.	47	cajous.	141
bestase.	101	cairo.	127
belenizan.	32	Caïrum vrbs.	21
beleregi.	131	cais manis.	75
		cala fu	

INDEX.

calafur.	103	cafsia fol. historia.	137
calambac.	85	caft.	156
calambuco.	97	cate comer.	14
calamus.	144. & seq.	cate, Lycium.	55. & seq.
calandares.	181	cate, ponderis genus.	13
calangari.	238	cato.	56
caluegiam.	176	carcax.	30
calungiam.	ibid.	cebar.	14
çamac.	37	çembul.	148
çamac araby.	ibid.	cenafil.	64
camariz.	235	cenorins.	51
cameaa.	75	chacani.	120
cancamum.	43	chaledfium.	174
candil.	138	chalidunium.	ibid.
canella.	71. & seq.	chamelæa.	84
canellæ folium.	72	chamderros.	51
canellæ historia.	77	champe.	210
canellæ aqua.	79	chandama.	86
canellæ oleum.	ibid.	chanque.	103
canje.	216	chanquo.	207
caphura.	48	cheichem.	43
caphura afchap.	11	chelidonium.	175
caphuræ historia.	50	cheripo.	207
capficum.	112	chermes.	44
capur.	49	China Scithæ Afatici.	173
carabe.	43	Chinarum regio.	169
carambolas.	235	chincapalones.	221
carandas.	214	Chingalæ.	80. 186
carate.	193	Chitarao.	57
carbunculus.	199. & 200	chiuinquilenga.	239
çarça parilla.	174	chofolus.	27
cardamomum.	115	cholera morbus.	185. 240
caril.	125	cholericapafsio.	ibid.
carpara.	239	chryfobalanus.	100
carpefium.	113. 185	chulem.	156
carrumfel.	103	cinnamomum.	74. & seq.
caffab.	145	côbra de capelo.	186
caferhendar.	177	cocci historia.	120
cafsia.	73. & seq.	cocci oleum.	128
cafsia fol.	136. & seq.	coccus.	124
		coccus	

INDEX.

ooccus de Maldiva.	128	datura description.	ibid.
Colles.	245	darzad.	174
comdaca.	137	daulalfil.	143
cominham.	35	delegi.	131
comolange.	238	Dely regnum.	245
conder.	37	Dimas bosque medic.	233
copra.	125	dirimguo.	145
ex Copra oleum.	126	dirire.	145
coquo.	123	Diu insula.	153
cordumeni.	117	dore.	115
coru.	215	doriones.	224
cost.	156	doriones descriptio.	ibid.
costi.	156	E Bur.	63. & seq.
costi historia.	157	Ebur fossile.	ibid.
costus.	156	elachi.	115
cota.	249	elæomeli.	127
Cotalmaluco.	247. & 248	eleni.	123
Couchin Indiae empor.	88	elephanti dens.	65
cristallus.	195	elephantorum carne vescun	
croci indici historia.	175	tur Aethiopes.	ibid.
crocus indicus.	175. 180	elephantus.	65. & seq.
qua.	182	embelgi.	131
cubab chini.	112	ençal.	115
cubebe.	112	etremelli.	115
cubebe historia.	ibid.	E Agara.	114
culungem.	176	E Fana de Malaqua.	139
cuminum rusticum.	145	faufel.	58. 119. 120
cumuc.	112	faufel historia.	121
cunhet.	174	faufel aqua stillatitia.	122
çupari.	120	feruzegi.	199
cura.	124	figus martabanis.	221
curcas.	239	figuera banana.	222
curcuma.	175	fil.	64
curcumani.	ibid.	filfel.	120
cuurdo.	75	filfil.	108
cydonia de Bengala.	232	foca.	152
D Archini.	75	folij historia.	96
darfulful.	108	folium indum.	94. & seq.
darfihahan.	75	formicæ Laccâ elaborât.	42
datura.	241	fufel.	120
		fula.	

INDEX.

fula.	124	hachaiza.	240
fulful.	108	hadhadh.	58
futi.	104	hager armini.	204
G Alanga.	176	halilig.	131
galangæ historia.	176	Ham.	249
gali.	243	han ama.	143
galungen.	176	haud.	84
gandas.	66	haxis cachule.	152
Gandis.	96	heger.	145
Ganga fl.	31	herba Malauarica.	215
Ganges fl.	31.86.149	herba Mezcatensis.	152
garro.	85	hiarxamber.	137
garyophylli.	101.& seq.	higuero.	227
garyophylli historia.	103	hil.	115
garyophyllos redolens fru-		hilbane.	115
ctus.	74.106	hirculus.	151
garyophyllorum gūmi.	104	hoiriri.	218
geiduar.	181	hyacinthus lapis.	202
geiduar historia.	ibid.	I Aca.	212.& seq.
gemma.	192	jaca historia.	212
gengibil.	177	Iacerus.	213
gingiber.	177.& seq.	jagra.	125
gingiberis historia.	ibid.	jaiama.	219
gingiber sylvestre.	182	jaifol.	101
Goa Indiae emporium.	88.	jambolones.	236
goan arbor.	63 (248)	jambos.	231
golam.	99	jambos historia.	232
gotim.	132	jamgommas.	213
gramalha.	137	japatri.	101
granatus lapis.	202	jaralnare.	123
guaiacum lignum	166	jaspis.	202
guanabanus.	225	jaufialindi.	123
guate.	246	jaufiband.	101
gubera.	43	Idalcam.	246
Guinea.	73.220	ihumani.	29
guti.	132	Imad.	249
H Abalculcul.	240	Imadmaluco.	247.& 248
habelculcul.	240	imgara.	22
haber.	174	imgi.	178
hacchic.	57	ingu.	22
		imiga.	

INDEX.

imiga.	221	lycium.	55. & seq.
imperatoria.	27	M Acer.	19
Indi odoramentis deditissi-		Macis.	99
mi.	210	machazari.	89
inhame.	240	Madremaluco.	247
jogues.	181. & 186	Magna.	236
iraa.	193	magnes.	204. 205
itam.	ibid.	è Magnete patinæ.	205
Iulfar portus.	205	maju.	243
iunci historia.	155	malabattrum.	94. & seq.
iuncus odoratus.	152	Malacensis lapidis descri-	
iuncus rotundus.	154	ptio.	192
		Malacensis lapis.	ibid.
K Ilkil.	240	insulæ de Maldia.	10
Konder.	8	Maluccæ insulæ.	103
		Maluco.	249
L Ac.	39	mambu.	66
Lacca.	39. & seq.	mangas.	217
laccæ historia.	41	mangas arbor.	ibid.
lampatam.	172	mangiriquam.	244
lancuaz.	176	mangostans.	231
lanha.	123	mangelis.	193
laser.	25. & seq. & 31	manjale.	174
laseris descriptio.	25	manica.	201
laserpicium Gallicum.	27	manna.	58
lauandon.	176	Manfarunge.	127
insula D. Laurentij.	74	manus.	162. 193
lengibeb.	176	manus auri.	200
ligni Colubrini descriptio.		Maraka.	227
	42	marazalquelbe.	143
lignum aloës.	82	margarita.	205. & seq.
lignum colubrinum.	185	margaritarum origo.	206
liquidambar.	13	marmelos de Bengala.	232
Lispor emporium.	194	maro.	123
loc sumueri.	39	mazafrani.	89
louan.	35. & 37	meçeri.	29
louan jaoy.	35	meisce.	239
luc.	42	melato.	38
lulu.	205	melegueta.	117
lycij historia.	56	melique.	249
		melo	

INDEX.

melo Indicus.	237	nardus.	148
Ménxus.	16	narel.	123
meriche.	108	negundo.	211
Mesera.	21	neregil.	130
mespilus.	44	Neza.	249
mex.	239	nigella.	117
mexir.	43	nihor.	123
mexquetera.	143	nil.	243
Moalis.	92.121	nilaa.	201
moçebar medicam.	17	nilacandi.	201
Mogaraby.	23	nimbo.	211
Mogores.	245	nimbo historia.	ibid.
mogori.	210	Nizamaluco.	246.& 248
Mohadum-coja.	247	Nizamoxæ horti.	89
molanga.	108	Nizamoxa rex.	143.250
Mombaim insula.	120	noche.	211
monoceros.	66	nux Indica.	123
mordexi.	185.240	nucis myristicæ historia.	
morois.	108	99	
moti.	205	O Cila portus.	80
morxi.	238	Ocosotl.	13
mungo.	238	oculus catti gemma.	203
murrhina vasa.	203	ofium.	29.242
musa.	220	olla.	124
musæ historia.	ibid.	οπιόφαγος.	30.
mutu.	205	opium.	29
myrobalana.	130	orraqua.	124
myrobalanorum aqua.	133	oxyphœnix.	136
myrobalanor. historia.	132	P Ac.	120
myrobalanus Græc.	130	pacona.	222
myrrha.	46.38	pachee.	198
		palan.	220
N Abathæa.	154	palea de Mecha.	152
Nachani.	57	palla.	101
Naifes.	194	palma Indica.	123
Naique.	248	palma sylvestris.	136
Naires.	65	palmitos.	128
Nalediuæ insulæ.	9	pam.	92
Nana.	220	panaz.	213
nardi historia.	149	pao da cobra.	42
		R	Paquo-

INDEX.

paquouere.	222	quelli.	220
pardaon.	138	quequi.	203
Parizataci filia.	209	querfaa.	75
Parizataco.	209	querfe.	ibid.
paltus camelorum.	152	quil.	186
pateca.	237	quirpele.	ibid.
pazan.	190	R Adicis Chinæ aqua.	39
pazar.	ibid.	R radicis Chinæ confer-	
perdan.	55	ua.	171
peruzaa.	199	radicis Chinæ descriptio.	
peruzegi.	ibid.	172	
pes columbinus.	143	radix Chinæ.	166. & seq.
petrozan.	32	rametul.	187
piçan.	220	Rao.	248
piluanæ.	67	ratis.	193
pimpilim.	108	rauam.	166
pinan.	120	rauam Chini.	ibid.
piper.	106. & seq.	regulus serpens.	186
piper canarinum.	111	reimones.	36
piperis historia.	108	Reisbutos.	245
pisum, toxicum.	150	Rex Bisnager.	249
platanus.	223	Rex Daquem.	247
plumbum adamantem non		Rex Pegu.	68
obtundit.	201	Rex Sian.	ibid.
poaz.	120	rezanuale.	132
porcellanæ.	202	rhabarbarum.	165
poma paradyfi.	223	Rhasis catapotia.	19
promontorium Bonæ spei.		rhinoceros.	66
67		robalçus.	23
promōtorium Comorim.		roçamalha.	34
12.80		rodolho.	217
promontorium Cori.	28	ronder.	37
promontorium de Curren-		rosa Hierichuntina.	142
tes.	67	rubinus.	200.201
pseudoopalus.	204	rubinus de Corja.	200
pucho.	56. & 156	Rufi potio.	19
puli.	134	Rumes.	33
Q Vabeb.	112	S Abaio.	249
quabebe Chini.	ibid.	Sac.	39
quebulgi.	131	Sacar mambu.	61
		Sacco-	

INDEX.

faccolaa.	115. & seq.	Sufy.	250
faccolaa historia.	116	Sultanus Badur.	243
fachbar.	152	fumbel.	149
fahefefrani.	97	fura.	27
Saibo.	249		
faida.	54	T Abargët.	199
faisifram.	22	tabaxir.	60. & seq.
falihaca.	74	tabaxir historia.	61
Saluanaique.	251	talisifar.	98
Sa matra insula.	52	tamalapatra.	95
fambali.	211	tamarindi.	123
fambarane.	90	tamarindorum aqua.	135
fandal.	86	tamarindorum historia.	134
fandali historia.	88		
è Sandalo idola.	89	Tamberlanes.	246
Sandalo simile lignum.	87	tambul.	93
fandalum.	86. & seq.	Tambuldal.	91
sanguis draconis.	44	Tamirham.	246
fapphiro rubinus.	201	Tamir-langue.	246
fapphirus.	ibid. & seq.	tanga.	162. 164
fataiscir.	62	Taprobana insula.	52. 66.
fatiach.	150		80
fatiech.	ibid.	Tartari.	245
feni.	131	tarum.	82
fercanda.	86	Temir cutlu.	250
fingadi.	209	tenga.	123
firacost.	59	tengamaran.	123
firi.	92	terbet.	163
firiholes.	233	thalisafar.	98
fmaragdus.	199	thapsia.	165
Socotora insula.	14	thuris planta.	38
Sofy.	250	thus.	36
forbus.	43. & 44	thymelea.	29
sperma balenæ.	9	Tigris.	36
spinellus gemma.	200	tiguar.	160
spodium.	60	Timor insula.	87
σποδός.	62	tincar.	102
styrax.	33	tiriambiabim.	59
styrax liquida.	26. & 34	trec.	39
fuete.	178	trican.	123

R 2

tri-

INDEX

eripolium.	163	vplot.	56. & 156
Troglodytae.	178	Vzbeque prouincia.	23
trungibim.	59	XA.	250
turbit.	160. & seq.	Xaholam.	246
turbit historia.	160	Xa-ismael.	250
turchesa gemma.	169	xarabdar.	91
turpetum.	165	Xatamas.	250
tutia.	62	Xequ.	ibid.
typographica apud Chi-		xilaloës syluestre.	83
nas.	173	xir.	59
		xircaft.	59
VAticam.	145	xirqueft.	ibid.
Vaz.	145		
Vazabu.	145	YAcut.	201
Vd.	84	ytembo.	64
vdo.	35		
Venercalues.	166	ZAbarget.	198
Venezaras.	245	zamarrut.	ibid.
Veriche.	247	zedoaria.	180
Verido.	247. & seq.	Zeilan infula.	66. 80
vidaras.	235	zeruba.	180
vitex.	113	zerumbet.	ibid. & 182
vniq.	205. & seq.	zigir.	80



ERRATA.

Pag. 8. in prioris libri capitib. Fausel. Pag. 15. lin. 18. Baga
 16, 24. Abobali 31, 5. Sextarium. 39, 20. Malanar 41, 13.
 alate. 45, 4. descriptioni magis con. &c. 46, 37. Fausel. 41.
 exhibendi occasionem, legendum 50, 6. sumunt. 60, 27. la-
 theus. 63, 22. cadmia. 82, 26. lib. 2. cap. 84, 20. Ruellius ve-
 ro libro &c. 87, 26. indicat 90, 1. Sambarane. 122, 19. Col-
 dembergus, 26. exsucca. 141. postrema lin. Theuerus. 143, 21.
 hydrophonia 144, 15. Mexir. 146, 17. Manard. 160, 2. intus
 candicans. 166, 23. Badefrangi. 167, 21. Soufa. 179, 7. au-
 tem libr. 2. cap. 151. in Tro. 17. adstringunt. 180, 19. Zedon
 182, 1. Zerumba 208, 6. MAXIMAE. Coniorum 240,
 lin. penult. At hoc.

EXCVDEBAT CHRISTOPHORVS
PLANTINVS ANTVERPIÆ, ANNO
M. D. LXVII. MENSE APRILI.

